

**S P E A K E R**

: Chhanna nemin thinur a tikiang thin a, tawng huatthlala erawh chuan thinur a chawk tho thin.

Thufingte : 15:1

**QUESTIONS HOUR**

Zawhna leh chhanna hun kan hmang ang a. zawhna Starred Question No. 141 zawt turin member zahawmtak Pu Andrew Lalherliana ilo sawm ang.

**ANDREW LALHERLIANA**

: Pu Speaker, ka lawm e. Starred Question No. 141 kan Minister zahawmtak, Health & Family Welfare Department changtu chhan atan heti hian ka zawt e. Referral Hospital hmun leh Building saw sorkarin hralh a tum em ni? ka lawm e.

**S P E A K E R**

: Chhang turin Minister zahawmtak, Health & Family Welfare Department changtu. Pu R. Tlanghmingthanga ilo sawm ang.

**PU R. TLANGHMINGTHANGA :  
MINISTER**

Pu Speaker, member zahawmtak Pu Andrew Lalherliana zawhna chhanna chu - Tumna a awm lo tih a ni.

**PU ANDREW LALHERLIANA :**

Pu Speaker, ka lawm e. Chanchinbute leh thuthanga kan lo hriat danah khan kan Catholic kohhran hruaitute leh kan Chief Minister tepawh hemi chungchang thuah

hian an indawr tih te kan lo hria a. Tin, sawlam pang, chhimphei lampanga NGO tepawhin hemi chungchang thuah hralh tumna an hriat avang khan engemaw hunlai khan lungawi lohna tepawh an lantir tih kha kan lo hriatdan a ni a. Engpawhnise, ka'n zawh tumna zawk chu hetiang hi a ni a. Hei, Refferal Hospital hi tun dinhmunah hian abandon a ni lek lek leh anih tur ang ni tawh lo turin, chutiang khawp chuan tunah hian a dinhmun hi awmzia a nei ta lovin hriatthiam harsa khawpin a awm ta niin a lang a. Chutah chuan, hetiang hian ka'n zawt ang a, a tawi zawngin - Saw Refferal Hospital saw a scheme pumpui kha yaibelchhe 40 leh nuai 50 a ni a. Chu chu Non-lapsable Pool of Central Resources Fund atangin he pawisa, a sakna tur hi hmuh a ni a. Chutah chuan Non-lapsable Pool of Central Resources Fund reng reng hi hman dawn hian guidelines feltak a awm a ni. Hemi guidelines in a tihdanah chuan a project hi feltakin state sorkarin a rawn siam ang a, chutah chuan aspect zawng zawngte leh a theih ang zawng zawng rawn tilangin, DPR a buatsaih ang a, a economic sustainability te leh a rationale, a scheme thatna leh a hlawkna tur zawng zawng a statement te nen a rawn ti vek ang a. Chutiang chuan scheme chu a rawn thehltur tur a ni tih a ni.

Tahchuan, a economic ability zawng zawng tepawh tihdanglam theihloh khan, a pawl lai ta ber ka zawhna lo chhuahna chu helai hi a ni a. He, Non-lapsable Pool of Resources Fund a hmandan tur guidelines section 6-na khanin cost of escalation a rawn sawi a. Chu cost escalation-ah chuan engti kawng zawng mahin a pawisa hman tur cover estimate leh hman chuan exceed hi a theih loh ang a, dil pawhin hei hi chu theihloh tura ngaihsa tur a ni a, tih a ni.

Amaherawhchu, pawisa hi hman exceed tur anih erawh chuan a sak hma initial state ah a scope of works hi a lian zawk dawn tiin proposal hranpa siam tur a ni. Chutiang anih chauh chuan cost escalation hi angaihtuah theih ang a, chupawh chu 20% ai tamin a exceed thei lo ang tih a ni. Chutah chuan, kan sorkar ina hma a laknaah khan ka zawh tumna lai takah chuan a tirah khan a initial state-ah khan scope of work tihlenna tur proposal pakhatmah awm lovin pawisa an han hman chhoh danah khan thil fello guidelines violation a tam ta lutuk a. Vaibelchhe 35 leh nuai 39 an han hman ah khan a building na tur zawng total building kha vaibelchhe 31 kha a cross ta daih mai a ni. 17% deuh thaw in. Chutah chuan, 80% chauh an la zo si a, 100% zo tur anih chuan a exceed na tur hi chiantaka langsa chu 35.40% velin a exceed dawn tih a chiang ta a ni. Chutianga guidelines an violation avang chuan harsatna chi tinreng alo chhuak ta a. Corruption avangin he sum leh pai over expenditure avangin Central atangin harsatna a tawh avangin waviinni thleng hian pawisa hi an rawn pe full ta lo a ni, a tawi zawngin sawi ta ila.

Chumi anih si chuan he kan hnam ro tur Refferal Hospital, thangtharte pawhin kan chhawr em em tur, hnam ro tur hi guidelines violation a vanga sum leh paiah harsatna kan tawh a, kan ti thei dawn silo anih chuan Central sorkarah hian engtin emaw a scheme hranpa emaw thelutin a puitlinna tur Refferal Hospital a nihna ang taka a puitlin theihna tur hi hmalak leh dan a awm lo maw tih ka zawt duh a ni e, ka lawm e.

**S P E A K E R** : Zawhbelhna hi a thui kawi tam lutuk chuan chhan thiam a har awm mang e aw ka lo ti deuh thin a. Pu Lalrinliana Sailo.

**PU LALRINLIANA SAILO** : Pu Speaker, ka lawm e. Zawhbelhna. Kan Minister zahawmtak khan hralh tumna awm lovin a rawn sawi a, mahse hriatthiam har thin deuh mai hi a awm a. Refferal Hospital hian he House-ah hian hun pawh a luah nasa tawh hle a, hun hnunng lamah ni 15.3.2008 -a Presbyterian Standing Committee, Hualngohmun-a neiah khan kohhran in chhiar na-ah Muallungthu atangin mi 42, Falkawn atangin member 4, Centenary kohhran atangin member 3, mi 49 te hian Presbyterian kohhran chhuahsanin Roman Catholic ah an inpe a. An inpek chhan kan zawh chuan Referral Hospital hi Roman Catholic in a enkawl dawn avangin IV Grade ah te, Sweeper-ah te, Chowkidar-ah te kan pe ang che u an tih avangin kan lut a ni an ti e tiin thu ka dawng a. Roman Catholic hi ka fak hle a, School te an din a, a tha, mahni kohhran atana thahnem ngai taka an thawk hi tha ka ti a, ka fak a. Amaherawhchu, hei hian Roman Catholic leh kan sorkar hi Refferal

Hospital-ah awmze nei taka inbiakna an nei niin a tilang chiang hle a. Presbyterian member 49 lai chan ta hian a tichiang hle a ni. Chuvangin, hralh tumna a awm lo ti s l hian hralh chiah silova zawm tumna a awm em ni? A lehlamah thu inphum ru reng hi a awm si a. Hei hi kan Minister zahawmtak hian min hrihfhiah sela ka duh a.

Tin, Centenary kohhran hi Falkawn bula kohhran ding thar a ni a. Kohhran tepawh member-an laksak hle tawh tih ka sawi duh a. A chhanna kha adiklo deuh hlek em ni? Nimin leh nizan te a ka dawn na-ah chuan hma an rawn la mai d awn a, Roman Catholic in an enkawl dawn avangin tih min rawn hrih a. Hei hi enge a awmzia tih ka zawt e.

**S P E A K E R** : Chhang turin Minister ilo sawm ang.

**P U R. T L A N G H M I N G T H A N G A :  
M I N I S T E R** : Pu Speaker, zawtbelhtu Pu Rinliana khan a zawhna tak zawk kha a rawn focus mah mah a. Mahse Pu Andrew zawhna pawh kha in relevant tho ah ngai ila.

Roman Catholic hnenah hralh tumna a awm lova. Tin, khalai Pu Rina han sawi Presbyterian atanga Roman Catholic a inpe te kha an inpek chhan kha a ho angreng a, kha kha anih tak tak phei chuan an khawngaihthlak awm mang e ka ti a. A chhan chu Roman Catholic- ah khan kan pe dawn emaw an ti a. Roman kohhranah an lo inpe anih phei chuan kha kha Roman Catholic hnenah kan hralh dawn loh zia hriattir a tha mang e aw ka ti rilru deuh a.

Tin, fund hmandan dikloh avanga pek loh em ni? tizawng khan a rawn zawt a. Khalam kha ani lemlo in ka hria a. Hei, PWD khan an ti a, Fund Requirement a han assess kha 35 crore an rawn released a. 40 crore turah khan. Kha kha a daihloh avangin 40 crore kha lo sanction phawt mai teh u an ti a. Chu chu Central lam khan hemi damlo 50 seats talin bul lo tan teh u an ti a. Chuvang chuan Central duhdan angin Department hotute khan infrastructure te kan lo neihsa avangin seat 50 ang tur chuan an ti chho a, staff te awm chho in khalai kha an chhawr chho viau a ni tihte kan hria a. Mahse kha kha temporary a khulamin min rawn avangin an ruahman a ni a. Tin, kuminah hian khami 40 crore kha tunhnai mai khan an rawn sanction kim tawh a. Hmanni lawkah khan kan hmu a, tichuan a vaiin 462.65 lakh kha an rawn sanction tawh, hman deuh lawk khan. Chumiah chuan 10% total component atangin, 10% kha Mizoram sorkarin a tum ve tur a ni a, 514.06 lakh a lo ni ta a.

Pu Speaker, hemi tur hian sanction kan beisei chu tihzawh a ni ta a, kan beisei ang leh atira year mark ang chu. Mahse 2002 vel lai atang khan anih anga zo tur chuan escalation te leh thildang dang han tih 70/80 crore velin PWD khan re-assesment a rawn siam a. Chumi ang chuan Central sorkarah zuk dil a ni a. Engpawhnise, hemi hian lo tan phawt rawh u an ti a, kan neihsang anga kan tan kha, khami baka crore 5 in rawn tih loh chuan kan kal chhonzawm thei lo kan ti a, mahse anmahni in an tih anga Hospital bed 50 kan han run chhoh

takah chuan tunhnaiah khan min rawn sanction ta a. Sanction kan hmuh veleh a bawhzui dan tur leh anih ang anga luah chhoh a, finishing ti turin liability lo awmte chungte chu pe clear a, chuta a la bang atanga PWD expert ten an chhut danin tun ami saw luah theih tura ruahman tur chuan kan kal chho mek a ni.

**PU ANDREW LALHERLIANA :** Pu Speaker, a la chiang lo tlai. Khawngaih takin ka zawhbelh duh a. Chiang taka thil lang chu sawi ngai lovin a pawisa hmanna-ah pawh hian han chhut ta ila. A building cost atan ringawt khan crore 31 awm tawhah hian crore 35.39 pawisa lokal zawng zawng hman zawh tawh anih bakah, a pumpui thu atanga a original estimate atanga la hmanloh awm crore 5.14 kha pWD khan hei hi committed liability a ni tawh e ti khan a tirah an tang a. Chumi awmzia chu a pawisa zawng zawng kha rawn kal mahse PWD khan 80% an zawh tawhna-ah khan an lo hmang zo vek tawh tihna a ni. 5.14 crore hi committed liability anih chuan. Chuvang chuan, khulam pang khuan tawngkam nem takin an rawn sawi duh lo mai a ni lo maw? A chhan chu thil lang chiang em em chu hemi hi violate anih chuan engti kawng zawng mahin consider theih anih lovang tih kha ziah sa a, a tirah khan pek a ni si a, kan hmu vek si a.

Wawin - ah hian delay na hrang hrang engang pawhin siam thin mah sela, a nihna takah chuan Aizawl Water Supply Scheme Phase-II ang deuh hian a zawhna tur ni khata tui litre maktaduai 30 chuang pe chhuak tur siamna hi an rawn pek belh tawh dawn lo a ni tih hi a chian em em ang tho hian keini pawh tunah hian pawisa hi an rawn pek tur ang zawng zawng a rawn pe zo tawh e kan ti leh nghal a. Tahchuanin, equipment tur tepawh kan lo hmang zo vek tawh tihna a ni a. Tahchuanin, a run na tur leh engkim mai zuk dil belh tur lam hi an rawn consider tawh dawn si loh chuan. He guidelines violation avang hian he scheme chungchang thuah hian Central sorkar hi a kut a sil a ni mai lo maw? Tawngkam danga an rawn sawina ang mai maiah ngain thildang chu engmah an sawi belh lo ani.

**PU LALRINLIANA SAILO :** Pu Speaker, point khat chauh, a chhanna turin ka zawhna kha a chianglo a. Hei, a ram neitu sawlaia mite khan Pi Pu atanga kan ram, kan thei hmun leh kan huan hmun te sorkarin sorkar tan, mipui tan ti a kan pek hi mimal leh kohhran tan kan phal lo tia action committee te an din a. Chumi ina kawngdan an tum khan Health Department Commissioner in a koh khawmah khan an rawn sawi dan in ka hnenah, hei hi pek hlawp leh hralh hlawp ni lovin, hei Roman Catholic hian hmun hrang hrangah damdawi in te an lo run tawh a, tha takin. Anni nen hian ti dun in tih kan tum a ni tih angin an rawn sawi a. Inbiak tawhna Roman Catholic nen hian inbiakna hi a awm reng reng em ? tih lai kha ka'n zawt a ni e. Tichuan, ka zawhna zawng zawng kha a chiang mai ang.

**S P E A K E R** : Kha kha chu zawhna tharlam a ni. Original ah hi chuan hralh tumna a awm em tih a ni a, tumna a awm lo a ti a. Kha chu thildang daih a ni a, a chhan theih leh chhang sela.

**PU R. TLANGHMINGTHANGA : MINISTER** Pu Speaker, nia, helai hmun hi kan sorkarin keimahni pawisa chuan anih ang tur hian kan run zo dawn lo tih hi a Chiang a. Tuna Central sorkar ina min rawn pek hi a works,

khami infrastructure ti mai ila building sakna tur leh a tul tihna tur a ni a. Chumi civil works ah hian nuai 317.77 a ni a. Water Distribution System ah nuai 18.2, External Electrification-ah nuai 36.33, Hospital Equipment-ah nuai 90.53 a ni a. A vaiin nuai 462 a ni a, chu chu hemi hisap-ah hi chuan khami building leh atul sak zawhna tur a ni a. Chuvang chuan a run na tur lam hi an rawn ti tel lo reng reng a, chuvang chuan hemi hi kan sak zawhah hian engtinngae a run na tur lam question kha chu a kal tur a niin a lang a.

Tin, chulovah chuan hemi chungchangah kan plan zawng zawng a majority ti mai ila, thildang tih thulha Hospital hi run zawk ang tiin lo kal ta ila, kan plan sum leh kan sum neih hi a majority a kal dawn a ni. Chu chu sorkarin advantage a ti em? kan sa zo ta a, luah turin. Super Specialist pariat te, Specialist pangngai sawm leh paruk te, chutiang ang chuan a tul han la dawn ila kan sum zawng zawng kan seng chho dawn tihna a ni a. Helai ah hian kan beiseina chu Prime Minister ina min rawn pek tuma hemi Referral Hospital sakna tur a rawn tihah hian a sakna tur min pek chuan kan beiseina-ah chuan a run na tura pawh lal thuneitu ina a tih takah chuan lokal turah kan beisei a ni. Chu chu a lo kal dawn leh dawnloh chu tunah kan sawi thei lo na in.

Tin, chutih rualin midang dang anni chauh lo pawh hemi Rama Krishna Hospital Association te pawhin mi rawn dilin a hmun te enin kan run thei ang a tiin an va kal tawh a. Chulovah midang dang pawhin an rawn en tawh a ni. Hospital mai nilova Medical College run te pawh an duh a, chutiang chuan rawn en hi an tam mai. Chutihrual chuan he thil hi an hria a, kan Chief Minister hnenah Roman Catholic hotu pakhatin khutah Delhi a cham chhungin kan Chief Minister a va hmu a, chutah chuan hei kan run nual tawh a, a runna-ah hian kan huphurh lo khawp a sin, faculty kan harsat lova, India ramah paruk lai kan run tawh a, khilai pawh khi in remtih chuan kan run theih maite pawh kan beisei a tiin an inbia a ni tih kan hria a. Amaherawhchu, Official Department-ah hei hi a taka kalpui chi a ni em? Ni lo em? tia khalai kal tur kha chu kan Chief Minister in min la hrilh chuang lova. Official in thil engmah a la kal lova. Amaherawhchu, anmahni an inzuamna-te an sawi a, chu chu a hmunte pawh an va kal a ni tih Department ang chuan kan hria a. Chulai bak chu anni hnenah chutiang khatiang chuan hei hi kan run dawn a ni awm tite an sawi niin kan hria a, chumi avanga sawlai khawtlang hovina an reaction pawh kan hria a, chumi avang chuan kan Director te, an Secretary te nen lo inbe teh u, thil awmdan lo sawi rawh u, lo hrilh rawh u, kan ti a.

Roman Catholic hnenah pek kan tum reng reng lova, a hmun leh hma te, mahse hei sorkarin a hlawk thei ang bera kalpui dan leh Refferal Hospital ang tak taka kan kalpui theih siloh leh Medical College din te pawh kan rilruah zoram pumah hian kan duh em em anih lai hian helaiah kan din thei em?, A din theih em? tia rawn en thlithlai an ni mai a. Anni hnenah hian chutiang anga pek kan tum lova, mahse hemi hi lo run thei ta se sorkarin question enggeni examine tur chu a nei chauh dawn a ni tih te an han hrilhfiah khan anni pawhin chulai chu hrethiamin engmah boruak an siam zui ta lo niin kan hria a. Engpawhnise, helai detail leh engemaw sawitur keimahina ka hriat bak PWD lam leh GAD lampangte, kan hotupa berin sawitur a neih chuan chu chu rawn belhchhah tur a nih ka beisei.

**PU LALDUHOMA** : Pu Speaker, ka'n zawh duh chu kan state sorkarin kan tum ve tur 10% kha an release ve tawh em tih a ni a. A sanction hi a vaiin kan hmu kim tawh bawk a, kan state tum tur kan pe kim tawh bawk anih chuan a run theih naw naw tihna ah kan ngai a. Kan lo run tawh chuan a run zelna tur hi dil thei dinhmunah kan ding tawh a ni lawm ni? Dil ta phawt ila, a lo harsa anih chuan NRHM hnuailamah tepawh hian a kalpui dan kawngte dap theih a ni ang em? A uihawm em mai a tih hi ka'n zawh belh duh a ni.

**S P E A K E R** : Minister ilo sawm leh ang. E, House Leader maw ?

**PU ZORAMTHANGA MINISTER** : Pu Speaker, i remtih chuan khalai kha kan Minister in a sawi han sawifiah lehzualna kha tlemin ka hre bul deuh hlekin ka ring a. i remtih chuan. Awle, ka lawm e.

Kan hma-a sorkar Congress unaute sorkar Khan hemi a bul intanna tak hi chu keini aiin min hriatchian sak zawk mah mah in kan ring a. A chhan chu hemi bul intanna hi keini ina kan hun hma atanga 40 crore kha lo pek anih avangin. Hei hi DoNER ina an tih, DoNER pawh ala awm lo reng reng a, khatih lai khan. DoNER pawh a la awm lova, President a ni maw min rawn petu kha? Kan hun hma kha a ni a, aw Prime Minister in. 40 crore kha hemi special ah khan min rawn pe tawp a, chumi chuan Refferal Hospital tur atan khan bul lo tan a ni a. Tichuan, a tira scheme mumal tak a awm a, project mumala kala zuk dil chhuah a 40 crore hian a daih e tia tih pawh niin ka hre lova, kan hun hma kha ani a kha kha 40 crore min pek atang khanin adjust tumin PWD te leh kan Health Department te khan in khung an tum ringawt mai a ni. Planning Commission atanga pawisa kha lokal tur niin ka hria a, DoNER ala awm lova, chumi hnu chuan DoNER alo piang ta a, DoNER in heihi ti mai rawh se an ti ta a. DoNER funding tur khan alo kal ta a, LCPR atangin. Chuvangin, atirah khan DoNER in in estimate in khum tih kha sawi theihna pawh hi an neilo reng reng a, estimate leh plan leh project mumal awm a thildang anga

lo piang ani lova, hemi lo pian dan hi. Chuvangin, a hnuah pawh khan 40 crore chhunga ak theih tur ang chinah khan kan kal ta ringawt mai a ni.

Tin, min pek belh leh zel tepawh kan beisei bawk a. A chhan chu anmahni hnenah pawh DoNER Minister te hnenah pawh Refferal Hospital ani emaw, Medical College lam atana hman tur ani emw, 40 crore hian engti kawng pawhin a theih loh reng reng a. Hengte chu a nilo berah 100 crore emaw, 200 crore ngai a ni a, chuvangin 40 crore hi chuan kal ngaihna a awmla tih kan hrilh a. Amaherawhchu, 40 crore sanction lo awm tawhsa a kan tih theih chin erawh hi chu kan lo ti ang a, chumi chhonzawmna chu kan neih theihna turin hei tal hi min rawn release kim rawh u kan ti a. 35 crore min release chinah khan a tawp ta vang vang mai a, 5 crore kha a kumin min withell ta a, demand chi tinreng tlem tala theih chin kan run inti tur ani tih zawng zawng kan han ti a, atawpah phei chuan thinrimin kan in ti a. Tichuan, an Secretary in lo release rawh u a tih hnu khan thla 2/3 kha Joint Secretary level-ah min delay a, tichuan DoNER Secretary khuan file ka awmlain a ko a, engatinge ka hma ami 6 crore hi release rawh u tih a ziak si, Joint Secretary in engatinge a release loh a ti a, Joint Secretary Mayawati hnenah a kal hman tawh a, a term a tawp avangin. Chuvangin, Joint Secretary khan heih release nghal rawh u tiin a order a, tichuan an rawn release a, tunah hian a lokal ta a ni.

Tin, kha khan kan liability pawh pek a ngai a, a chiangchiah vek phei chuanin a ni lova, mahse tlema liability bak han tih theih phei kha chu a awmin ka ring a. Kha kha tuna a pawisa lokal dan chu a ni a. Tun ami ringawt kha chuan engmah a thleng lo tih an mahni pawhin an accept a. Chumi a lokal lelah chuan Health Ministry - Health Minister te nen khan kan sawiho ta a. He 40 crore chuan infrastructure tuna kan sak chin hi a thlen a ni mai a, a piah lampang sak zuina hi state in sum kan nei lova, hemi atan hian chuanin lo sa puitling mah ila in ringawt chu engtikawng mahin Refferal Hospital emaw, Medical College emaw hi kan run thei dawn lova. Chuvangin, nangnin min puih dan a awm em tiin DoNER ami leh Health Ministry ami leh keini Mizoram sorkar pathum kha kan committee ta a. Tuna Ramdos-a ho khuan kan committee ta a, 'khai le, kan duh chu pawisa, hemi tih puitlinna tur hi Health Ministry hian problem kan nei lo, crore sang tel kan nei, amaherawhchu lo sak zawh sak ta che u' a dawta kan duh dan tak chu Medical College a ni, Refferal Hospital nen chuan a thuhmunah pawh ngai ta ila hman kawp theih dawn avangin. 'A run theitu tur, a enkawl thei tu tur in hmu ang em? In hmuh theih chuan kan sak sak ang che u' an ti a. Tichuan, kan zawng ta a, khami nena kan tihtur kha hemi kohhran lampang India rama kohhran hovina enkawl an tum, khami lokal kha Medical College kha nasa takin kan Synod hotu te nen lo dawr a, helai hi chance a awm e kan ti a, kan inchuh a, mahse Nagaland in an chang ta niin ka hria. North East khan kan inchuh nasa a, kan chang ta lova.

Chumi zawh chuan anmahni pawhin Health Ministry a an expert ten min zawnpui a, khutah St. John Hospital tiin ka hria a, Madras lamah, ka hre ve vak lova. Khanghote leh Hospital tamtak 4/5 lai run tu, hemi Roman Catholic Association hian an run thei ang, Medical College te an run a, hei hi a tha lawm ni tiin min sihmuh a, anmahni nen khan kan titi khawm a, chuan Health Minister ho khan DoNER nen kan ti ta a. Awle, anni khan kan run thei, hetah pali panga lai kan nei a, khata kan staff tenen khan heti hian kan rawn run thei ang, a building in siam theih chuan an ti a. Chumiah chuan hma ila teh ang u, tiin kan han chhawp chhin a, kan inbe ta a. Chutihlai chuan helaiah boruak thenkhat kha Falkawn

lamah khan alo awm a. Amaherawhchu, kha phei kha chu kan inhrilhfiah a, kan ta ani dawn lova, in hi Mizoram sorkarin a sa ang a, an luah hawh dawn a, keini hriatthiam zawngin ti ta ila, an luah hawh ang a, an run dawn tihna a ni zawk e. Medical College hi tunah hian pawisa hi engzat pawh nei mah ila a Doctor chhawr tur kan neih dawn loh avang hian chu pawh chu Health Minister pawh ina inti thei chuang lovang min tih kha ani a. Chuvangin, a run thei tu tur hemite hi lo run sa an awm chuan hemite hian run sela, an luah hawh ang a, chumi chuan kalpui rawh se tiin chu project chu tuna..... mek a ni e.

**PU ANDREW LALHERLIANA :** Pu Speaker, kha a lawmawm hle mai. Chance ka'n la leh lawk teh ang. Tunah khan kan House Leader zahawmtakin a rawn hrilhfiah na kha ka hriat piah lampang anih rualin keini chuan Refferal Hospital hi a scheme detail project report hi ti hian a awm tawp mai a. Chiangtakin chutah chuan a cause engkim a lang vek a. Chumi dawtah chuan chiang em em mai chuan NLCPR guidelines a awm a, tuna a kalpui dan leh hemi plan leh he guidelines en hi chuan guidelines a violate nasa em em a ni. Tahchuanin, ka'n zawh leh duh chu a tawpkhawkah chuan pawisa kha hmanni lawkah khan 5.14 crore kha Mizoram share ve cut in an rawn pe a, 4.62 crore an rawn pe tih kan lo hre leh ta a ni. Engtizia nge khati khawpa an pawisa rawn sanction an chhunzawm duh lohna chhan kha. Chu chu engtinngge an rawn hrilhfiah? Tlaikhawhnu, engmah anih tawh loh hnuah engatinge an rawn release tih ka zawt leh duh a ni.

**PU ZODINTLUANGA :** Pu Speaker, pakhat chiah Kan Minister zahawmtak in a chhanna leh kan House Leader in a rawn sawi kha a inpersan angreng viau mai a. Chuvangin, kan Minister khan a chhanna kha a siam tha thei lawm ni? Kohhran lama tih a tum thu kha a rawn sawi ta si a, khalaite kha record atan a siam that theih lawm ni?

**S P E A K E R :** A inpersan vak em ni? Hralh chu an tum lo a ni. Mahse, a run tu tur kha chu an zawng deuh chu a nih kha.

**PU ZORAMTHANGA CHIEF MINISTER :** Pu Speaker, Pu Andrew sawi kha ka hrilhfiah leh thei ang em? Tuna ka sawi ang khan a tirah DoNER hi a picture-ah pawh a awm lo law law a. A hnuah bel anni chauh a. Anni guideline leh project nen khan rawn ti mahse 40 crore in entikawng mahin a tih theih lova. Fiamthu-a kan tih angin 40 crore a Refferal Hospital sak tir tum, Airgun ka pe ang che a, sai kap rawh tih ang a ni a. Chuvangin, a nihin a ni lo reng reng kan ti a,



anni pawhin a dik chiah an ti a ni. Chuvangin, hei hi chu anmahni pawhin an guideline nena inmil tur zawng kha chuan Referral Hospital 40 crore a dinna tur kha chuan engang pawhin hemi 40 crore chhunga mi te ang kha chu siam ve rawh u an tih avangin kan siam a ni ringawt mai a ni. Tin, hemi engvangin nge an rawn release harna chhan tih kha House-ah hian sawi vek tlak pawh a ni law. Kan DoNER office khu North East pumpui hian kan buaipui a ni. Secretary ten release rawh tia file a an ziak chung pawh kha, Joint Secretary te khan comment pe lovin a thla tel an kawla. Chuvangin, Secretary te pawhin ka awm lain an kamkhat a, a chhuah veleh a titu, a incharge chhuah veleh kan nawr a, alo chhuak ta reng a, chu chu ka sawi chin ni mai rawh se.

Tin, hetah hian State Matching Share tlem kha engtinng e an tih? An rawn tih loh chuan kha kha chu kan pe mai ang. Tin, a tlem tham em em mai a, hei hian eng han tihna tham a ni law. Tunami chu kan liability tlem tihna leh sawlala engemaw a lo zawh loh laklawh han tih mamna tur tlem a daih chauh a ni, crore 5 tih bawr kha chuan.

Tin, chulovah chuan hetah kan Minister zahawmtakin a chhanna leh ka chhanna kha a inmil lo lai a awm lova. Hralh kan tum hauh lova. Hralhtheih pawh a ni lova. Khami Building kha siam a, an rawn luahhawh tizawngin sawi ta ila, an rawn run ang a, khami run-naah khan keini pawh Board Member ah pawh sorkar leh nangmahni pawh in tel vek ang a, Mizoram kohhran dangte pawh tel vekin 'Hemi hi kan run dawn anih chuanin keimahni ringawtin a adminiter pawh kan tum hauh lo a nia' an ti a. Chutianga anmahni ina an rawn offer chumi kallai mek chu Health Ministry, Central- a Pu Ramados-a ten min suggest anga hei hi chu kal zawk kan ni e.

**PULAL THANHAWLA** : Pu Speaker, tawite chauh. National Referral Hospital saw 40.53 crore a nia, a original kha. Chu chu damdawiin Referral Hospital sakna tur a ni. Prime Minister ina min pek danin. Nuai sing 4 chu tamtak a ni. Hospital sakna a daih a, kan hunlai khan tender te pawh kan chhuah hman a. Amaherawhchu, Falkawn-ah sawn tui a awm lova. Balu a awm lova, rawra a awm lova, iron rod a awm lova, cement a awm lova. Chuvangin, contractor thlan uluk a ngai a, Engineer ten thlang tura min tih pawhin 'Ngawi rawh u, hei hi chu uluk takin tih tur, Contractor pawh a tha berte zing ami sum ngah inthlan angai ang' tiin kan hmanhmawh loh chhung khan, keini kha kan chhuak ta a, kan awmlah hnu khan Block President te, Unit te, a Contractor pawh sipel thiam manglo te khan an thawh tak avangin a chingpen zo ta a ni. Chu chu a dinhmun diktak a ni mai.

**SPEAKER** : Starred Question No. 142 zawt turin Pu R. Lalzirliana, Member zahawmtak ilo sawm ang.

**PU R. LALZIRLIANA** : Pu Speaker, ka lawm e. Starred Question No. 142 Land Revenue & Settlement changtu Minister zahawmtak chhan atan - a) Mizoram Land Revenue & Settlement Department in cadastral survey a neih hi engtika zawh theih tura buatsaih nge? b) Cadastral survey bik atan hian kum 2005-2006, 2006-2007, 2007-2008 financial year te hian sorkarin sum engzat theuhte nge a sen? c) Cadastral survey zawh tawhna hmun leh ramah hian LSC patta/pass thar neite tan an LSC patta/pass pek chhuah theih a ni tawh em?

**S P E A K E R** : Chhang turin Land Revenue & Settlement changtu Minister zahawmtak Dr. R. Lalthangliana ilo sawm ang.

**DR. R. LALTHANGLIANA MINISTER** : Pu Speaker, kan member zahawmtak Pu R. Lalzirliana zawhna chhanna chu a) Cadastral Survey hi kumtin sum neih theih dan azira programme hi chawpa kalpui zel a ni a. Chumi rualin kan mamawh ang chiaha staff leh equipment kan nei thei anih chuan kum 2012 bawrah hi chuan a tlangpui zawh hman beisei a ni. b) Cadastral survey bik atana sorkar sum sen zat chu hetiang hi a ni e - 2005 - 2006 chhungin 16 lakh, 2006-2007 chhungin 16 lakh, 2007-2008 chhungin 22 lakh a vaiin 54 lakh a ni. c) LSC patta/pass peihfel hmasak apiang pek chhuah nghal zel an ni e.

**PU LALHMINGTHANGA** : Pu Speaker, a relevant tho in ka ringa. Session hmasa khan ka sawi tawh a, mahse mumala chhanna sorkar lam atang hian a larawn kal mang si lova, tun tumah pawh hian ka zawt a, ka zawhna ala rawn chhuak si lova, a chhuak hmanlo mai ang tih ka hlau a. Hei, miin loan an lola dawn ta a, Bank atangin emaw. Tichuan, an LSC kha an mortgage ta a. Khulai Revenue Office-ah khuan khami kha mortgage a ni tih va chhinchhiah tir a ngai a, LSC kha a loan lakna Bank emaw ten an lo kawl dawn khan. Tahchuan, Revenue Department khuan an loan lak atang khan 1% an lo la ringawt mai a, lo chhinchhiah man kha. Hei hi eng dan tlawhchhana ti nge an nih? Engatinge a percent zawng hian an tih tlat? Tin, loan hi miin an lak hian a amount hi secret a ni a, amah leh a petu Bank chauhin an hriat tur kha ani a. Mahse, khumi office khuan hriat kha an duh ta a. Tichuan miin nuai 10 a lak kha chuan 1% tih zawnga an lo ti ve ringawt mai khu enge a awmzia? Dan tlawhchhan a awm em? Tin, a tlem hle mai a, a hna chu. Mortgage tih lo chhinchhiah ringawt kha a ni a. Khata chawi teuh mai kha a dik dawn em ni? Amount te zawt lo khan. Entirman - Khatianglo tih nan kha chuan Rs. 100 emaw, Rs. 150 emaw lo lak kha chu a awm viau. Amaherawhchu, a percentage zawnga mi loan amount a secret lai ber hriat tuma lo zawh kha a dik lova, kha kha kan sorkar hian a siamtha thei ang em?

**PU LALDUHOMA**

: Pu Speaker, survey chungchang anih avangin a relevant turah ka ngai a. Luangmuala Industry ram khu chutih laia ram pe theitu an V.C ten an pek a ni a. Chumi hnuah chuan 1987-ah kum 21 kal tawhahkhan anih chu, Revenue Department atanga surveyor depute in Industry Department hian Demarcation leh sketch map zawng zawng an siam a, Revenue Department-ah pass siamsak turin an dil a. Hei, a cospawh ka nei a. Engatinge Revenue Department hian Industry Department dilna hi a pending tak char char? Tin, chumi hnuah chuan 1996 ah Industry Director hian lehkha a ziak leh a. "Keimahni sketch map siamleh surveyor in rawn depute te ngei in an survey na kha in pawmlo anih pawhin a hnuah nangmahni surveyor ten intensive survey in rawn nei leh vek tawh si a, khami base tal khan LSC hi min siamsak ula, LSC a theih loh pawhin lease system in min tihsak rawh u" tiin a ngen nawn leh a. Chu chu tihfel sak lohin reitak a awm zui leh ta a. Chu ram chu sathla in mimal ramah mi tamtak hnenah pek a lo ni ta a. Sorkar ram chu hum a lo ni ta lova. Inhmun neilo te an lo pe kha chu kan lawmpui rualin a then chu lo pe pawh nise, a tha lai ber, building pawh la dinna lai, training nan pawha tun thlenga an la hman lai, a building chawpa inhmun neilo pawh nilo, MNF party hotu, diktakin awmthei tawh thawkhat tak mai pek ringawt mai leh Industries Department in a n dilna aia mimal dilna an ngaipawimawh zawk thei tlat mai hi enge a chhan tih ka zawt nawn duh a ni.

**PU H. LIANSILOVA**

: Pu Speaker, ka zawhbelh ve duh chu hei cadastral survey tihna atana pawisa an hman tura dah hi a tlem thin hle mai a. 15 lakh leh 22 lakh tih ang vel a ni a. Cadastral survey hi a pawimawh hle mai a, kan Revenue Administration a fel theihna tura hei hi kan tlakchham ber a ni a. Hei aia tam deuh zawk dah theihna tur hian Central-ah pawh tunhma pawh khan Land Reform lam, Cadastral survey atan hi chuan an inhawng hle a, project emaw siama Central lam dawrna hi a awm tawh reng em? A lo awmlo anih chuan Department hian chutianga tih chu tha a ti lo em ni? tih ka zawt duh a.

Tin, dan lam han sawilai a ni bawh a, kan Land Revenue Assesment Act leh Rules kha a chipchiar lutuk a, a department leh mipui pawh hian kan zo lo ani ber mai a. Hei hi mawl deuh zawkin in rawn ennawn tha leh thei lawm ni? kan phak tawh, chhiah khawna nuam tawh deuh tur siin? Ni 45

tarchhuah, mahni assessment tih tawh hnuah complain theih chhung ni engemaw zat tih kha, a engamah hi kan zawm tak tak thei lo si a, a har pawh a har bawh a, mawl zawk, tha zawk deuhin rawn din chhuah leh dan a awm lawm ni? tih ka zawt e.

**PU R. LALZIRLIANA** : Pu Speaker, ka zawh ve duh mai chu sorkar ram hi keini hunlai pawh khan khulai ram khu Village Council ten nasa takin an rawn nawr a, an nawrna avangin survey pawh neih a ni a. Mahse, sorkar a lo thlen tak tak khan kan hotuten sorkar Industry ram Geology and Mining ram anih avangin pek an phal miah lova. Chutiang deuh chuan Electric veng a Power Department quarter vel saw YMA ten an it em em a, tahkhan pek an duh em em a, mahse kan hotuten sorkar Minister a thlen khan sorkar ram ani an ti a, an pe leh phal miah lova. Chutiang deuh chuan vawiinah hian a awm kan beisei lain sorkar ram building awmsa te hetiang a han tih leh mai hi nichina Ratu bialtu zahawmtakin a rawn zawh kha ka sawi tum a ni a. Ka sawi nawn lo ang a, hun a reiloh nan, khang kha a cancel leh theih lawm ni tih kha ka zawt duh a ni mai a.

Tin, a pahnihna-ah chuan cadastral survey ah hian pawisa a tlem a, hei aia tam hi dahin inhmun lo ram kan plan reng rengah hian mahni zawn laihtur te kan han ti ngawt a, mahse motor kawng leng tak takin a laih theihloh a, miin an lo sak hnuah town plan te a lo ngai leh a, village plan te a lo ngai leh a, khatah khan leivung pahnhate kha a lo harsa tawhin engkim a lo harsa tawh thin a, min in an sak hma hian inhmun lo ram kan plan anih chuan sorkarinkawngpui lian tawh kan laih sak vek thei lawm ni? chutiang tur chuan hma hi a lak theih lawm ni? tih ka'n zawt duh a ni.

**PU LALRINLIANA SAILO** : Pu Speaker, zawhbelhna. Nikum lama ka zawhna kan Minister zahawmtakin a chhan tawh Forest Minister a nihna ang pawhin kan lo en vat ang e tih kha Bethlehem veng a Sahuan a sorkar ram Forest Officer te an fate hming leh Revenue Department a Secretariat ten an chhungte hminga ram an lo in pek hi engtizia nge? ka tih 'kan lo en ang e' tih kha tunah hian engnge a dinhmun le? tih ka'n zawt teh ang.

**PU LALCHHANDAMA RALTE** : Pu Speaker, sorkar ram mimal hnena pek a uihawm kan ti a, kan sawi bawka. House-ah a ti ngailo ang deuh vekin kan insawi lehngal si a, hemi anih chuan Minister

hmasa ber 1972 atanga sorkar ram kan inhleh thlak tawh zawng zawng hi Session chhungin kan Minister hianin memberte min pe thei ang em? Sorkar ram pawimawh tak tak High School Field leh a sir vel Mizo High School hmun ral ta vek te, Circuit House leh a hnaivaiah tepawh tamtak a awm a, khatih hunlain mitam takin an lo inpe thin tawh niin a lang a. Tun huna ti ngailo anga insawi te kha a dikloa ka hriat avangin mipui hriat turin hei hi kan Minister hian a pho chhuak thei law law em? tih ka zawt a ni.

**PU ANDREW LALHERLIANA :** Pu Speaker, Revenue Department in khulai Industry ram a sem dawn chuan khuta an criteria chu inhmun lo ram la neilo te tih a ni, an koh khawm danah pawh khan. Kan complain na kha a hrim hrima pek na ni lovin, an pek a te han ain thatak an neih bakah Motor tha zawng zawng nei te an ni a. Bulldozer lam tepawhin a nei niawm tak a ni, JCB te pawh. Chutiang te kan pek leh si hian a awmzia takah chuanin keimahni in kan dan siam kan bawhchhia mai nilovin, hei hi corruption ah hian kawngkhar kan hawng a ni mai lawm ni tih hi alang chiang viau lawm ni? Hetiang thil tih dikloh hi repair theih anih chuan kan lo enfel ang a, hei hi chu a tha anih chuan, a diklo anih chuan kan cancel leh ang e a tih mai theih loh maw? tih ka zawt duh a ni.

**PU ZODINTLUANGA :** Pu Speaker, nichina an zawhna kha ka rawn tuihnih duh a, Thenzawl ram sorkar ram an inpek tepawh kha an rawn ziak tel thei lawm ni? tih ka zawt belh leh e.

**S P E A K E R :** Zawhna lak tam hi tha thin in ka hria a, mahse kan han thutkhawm hian kan ti meuh si lova. A dang a la awm em? Awm tawhlo maw? Chhang turin Minister sawm dawn ila, member zahawmtak Pu Lalhmingthanga zawhna kha chu vawiina lo chuak zingah hian a supplementary kha 156- ah khan a awm a.

**Dr. R. LALTHANGLIANA MINISTER :** Pu Speaker, cadastral survey chungchang kan zawt a. Inhmun pek lam kha kan rawn sawi baw a, kawng lehlamah chuan ka lakna hi a la reilo angreng si a, ka chhang

diklo ang tih tepawh ka hlau a, chhan dik sak che u pawh ka chak viaua. Pu Duha leh Pu Andrew-a han sawi, a biktakin Pu Zira te adangte kha chu a chhan theih deuhin ka hria a. Luangmual ram bik kha khati zawng khan ka inring vak lova, thla 2/1 lek ka la khawih a. Chuvang chuan, a nihdan phung mumal takin zia kin ka la rawn pe mai ang che u, min pawm sak turin ka'n dil duh che u a ni. Thil tihsual palh hi a awm ve thei a.

Chumi rual chuan Pu Chhantea rawn zawhna kan hriattlan theihna tur atana sorkar ram min pek tawhte list tih kha chu thil harsa turah ka ngai lova. Transparency awm sela, a tha in ka ring a. Khang kha chu thil tih theihloh turah a awmin ka ring lova. Mahse, heng ti tur hian chuan kan hman lovang tih ka sawi duh a. A chhan chu record hi District lama awmte a ni a, in hre vek a, District hrang hranga information collect tur khan authenticate ti mai ang, khatiang figure te leh engemaw kan hriat duh kha Session zawh lamah kan la inhriat tir turah ngai ila. In han sawi neuh neuh pawh kha a theih ang angin lakkhawm kan tum dawn nia. Tin, Bethlehem thleng pawh khan a that ka ring a, khati zawng khan kalpui kan tum dawn nia.

Tin, kan member zahawmtak Pu Hminga zawhna kha amah a awm leh ta lova. Mahse, a chhanna helaiah hian kan siam tawh a. Revenue Department in Bank Loan la tute inhmun dahkham tur lo chhinchhiah nan hian fee an lak hi percent khat a ni a. Chumi an lak dan pawh chu kan House hian kan hriattlan a tha in ka hria a. An loan lak tur kha entirnan - Rs. 3000/- chinah Rs. 10/- zel lak a ni a. Hei hi dan tlawhchhan mumal taka awm a ni a. A dan tlawhchhan hi kan hriat pawh a tha in ka hria a. Section 7 (2) follow a The Mizo District transfer of Land Act, 1963 hmanga lak a ni ve tlat a ni. Phuahchawp a ni lova, chubakah chuan dan anga lak anih bakah hian challan hi mumal takin record check theihin a awm a ni tih kha ka chhanna a ni a, hei a zawttu a awm lo na in kan hriat tlan atan a tha in ka hria a.

Tin, cadastral survey atana sum tlem lutuk tih Pu Sailova han zawhnate leh a zawhna neitu Pu Zira pawh khan thahnem ngaitakin a rawn zawt a. A tha in a dik khawp mai. Tuna kan sum neih cadastral survey a tana kan pek ang 10 lakh vel bawr ang kumkhat hian chuan kan huphurh khawp mai. Tun atanga kum 10 -ah pawh hian Mizoram hi kan survey zo lo in kan ring a. Tunah hian Pu Speaker, helai hi kan harsatna lai tak a ni tih ka'n sawi duh bawka. A chhan chu plain area ti mai ila nen a inang lova, kan hriat angin Mizoram chu chhuk chho, bir, ngaw, inaccessible ti mai ang kaltlang theihloh thil a tam si a. UP-ah te leh State dangah te chuanin ram a zawl deuh vek a, thil a awlsam a, keinih erawh hi chuanin a ram leilung hian a zir silova, sum pawh sen tam a ngai a, khangah khanin hun pawh a awh rei a, reitak hnathawh te a lo ngai a, chuvang chuan instrument pawh hi tun anga kan dinhmunah hi chuanin kan zo lo hrim hrim niin a lang a. Chuvang chuanin, kan member zahawmtak tak tena thahnemngaihna neia heng hnathawh kal chak nana sum dah tih kha a pawimawh ka ti khawp mai a. Department hotute nen pawh kan sawitlang tawh a, sorkar kumtharah hian engemaw ti kawng zawng taka hmalak pawh tulin kan ring a.

Tuna kan neihdan-ah chuan heti zawng hian han hre ta ula, Head Surveyor - 7, Surveyor I - 25, Surveyor pangngai- 139 an vaiin 171 chauh Mizoram han ti tura kan neih a ni. Tin, heng bakah hian thildang tamtak cadastral ringawt nilo, on going works thildang tamtak alo awm bawka, chuvang chuan a tih ngaihna a awm lova, hetia.....an han chhut hian in 600 tal hi chu Surveyor hi chu Pu Speaker, nei thei ta ila chuanin AD 2012/13 bawr vel hi chuan a zualpui hi chu kan zawh kan beisei a ni tih kha ka'n tarlang duh a.

Tin, chumi bakah chuan a instrument ti mai ila kan hmanrua te hi a man a to hlawm khawp mai a, control survey atana instrument pakhat man hi nuai 10 te alo ni a, chuang chuan thawktu tam ringawt pialamah khan kha instrument leina tur atana sum ruahman hi kan neih chak pawh ngai hle in ka hria a, chulai chu House pawhin min lo hriatsak kha a that ka ring a. Tichuan, Mizoram sorkar state fund bik atang hi chuan ti thei dinhmunah kan ding hrih lo riau in ka hria a. Amaherawhchu, Govt. of India an inhawna te kan han hria a, hun reilote-ah project tepawh hi han siam a, sum ruahmanna tepawh siam a khulam panga thawn tepawh a tulin ka ring a. Tiang chuan hmalak chu kan tum turah ka ngai a.

Tin, chumi rual chuanin Ministry of Land Resources hnuaih khuan project, tunhma atanga kan siam kan hmuh thin a awm a, computerisation of land records kan ti a. Tahchuan, sum engemaw chen kan hmu a, chu chuan nasa takin kan land records leh kan computerised nan min chhan khawp mai a, hmanrua pawh kan nei tha viau a, amaherawhchu survey atan bik hi chuanin vawiinah hian kan la indaih lo hle a. Engpawhnise in thahnem ngaihna kha a lawmawm ka ti a, Mizoram hi Land Record-a un-survey state kan nihna laite pawh a awm a, a chhan chu mumal taka survey loh a ni. Kerala te, Tamil Nadu te han sawi zau hlek ila, survey fel tak an nei a, land ceiling acts feltakin an nei a, khatiang zawng zangte kha Mizoram-ah chuan kan la nei lo Pu Speaker, chuvangin kan officer te pawhin thahnem ngaitakin West Bengal tephei chu an zuk zir chhuak ta a, hlawkna pawh kan hmu. Mahse, State dangte nena in anlohna kan nei a. Chuvangin, North Eastern State-a tlema han nei tha tepawh chak zawka hma kan lak theihna tur atan an zir a, hma kan la a ni tihte pawh kha min lo hriat sak ka duh a. Chu chu ka chhanna-ah helai tak hi I va chhang lo ve in tih deuh pawh in min lo hriatthiam kha ka duh deuh va, a fel vaklo mai thei. Pu Zira a zawhna neitu zawhna kha question dangah pawh chhanna nakinah in la hmu tho dawn in ka hria a. Inhmun lo ram engemaw a bikin a hlawma tute emaw kan han dah khawmna tur ang chi a zawhna niin ka hria a.

Entirnan, inhmun 100 dawn laite han pek khawmna tur ang chi ah hian Public ina kan mamawh ngei ngei school te, Biak in te, public inkalpawhna tur kawng tha te, tui han dahna tur ang chi te, tamtak public facilities kan accommodate theihna tur ang chia plan hi siam a tha lawm ni kan ti a, mahse Mizoram a kan ram inpek hi helai hi ngaihtuahna kan lo neilo thin khawp mai a. Ram hi a harsat tawh avangin a bik takin Aizawl khawpui leh a chhehvel angah hi chuan henghi tih tel ngei ngei tur ang chi a Department leh sorkar ang pawhin kan ngai a, chuvangin ruahmanna mumal taka kalpui hi vawiin atang chuan kan tum a ni tih kha ka sawi duh a ni.

Tin, building assessment acts & rules simplified deuh ni thei sela tih kha keipawh ka ngaimawh khawp mai. Kha kha chu kan lo ennawn leh dawn nia tih kha ka chhanna nisela a tha awm e, ka lawm e.

**S P E A K E R**

: Pakhat la leh hram zawk ang hmiang.

pathum tak lak loh chu. Starred question 143 zawt turin member zahawmtak Pu Sailothanga Sailo ilo sawm ang.

**SAILOTHANGA SAILO** : Pu Speaker, ka lawm e. Ka Starred Question No. 143 Industries Minister zahawmtak chhan atan Sakawrtuichhun rama Industrial Growth Centre-ah khuan eng ang hmasawna nge awm ta zel ? tih ka zawt e.

**S P E A K E R** : Chhang turin Industries Department changtu Minister zahawmtak Pu B. Lalthlengliana ilo sawm ang.

**PU B. LALTHLENGLIANA MINISTER** : Kawnpui bialtu zahawmtak zawhna chhanna chu hei hi a ni. Industrial Growth Centre-ah khuan a panna kawng leh a chhunga inkalpawhna kawng thlur khat laih tawh a niin black topped a ni a, a tulna hmunah culvert 47 siam a ni a. A chhunga inkalpawhna tur ke kawng km 3.20 laih a ni bawk a. Rest House pakhat leh Industrial Workshed 6 sak zawh a ni a, staff quarters tur 7 sak zawh tawh niin laboratory building tur sak zawh a ni bawk a. Electric transformer bun fel a ni a, tui lak thlen tawh a ni bawk a. Industrial unit a mamawh hmasa zualte hnena pek mai theih turin plot 50 ruahman fel a niin mi 2 hnenah a luah lawk phalna pek a ni tawh tih kha ka chhanna ani e.

**PU SAILOTHANGA SAILO** : Ka lawm e. Pu Speaker, supplementary tur kha a rawn chhang nual a, pakhat chauh khawngaihin ka'n ti leh hram teh ang. Industrial Growth Centre atan hian tunhnaiah pawisa sanction a awm em? Awm nise engzatnge? Engatana hman tur nge tih ka'n zawt leh lawk ang e.

**S P E A K E R** : Hun a tawp na a, a zawt hman si a, chhan tir law law dawn em ni ang ? Minister ilo sawm ang, chhang turin.



- PU B. LALTHLENGLIANA MINISTER** : Pu Speaker, kan member zahawmtak khan kha lo pawh kha hriat duh a nei nual mai thei a, helaia ka rawn inbuatsaihna hi ka'n sawi deuh duah ang e.
- PU LALTHLENGLIANA** : Pu Speaker, a din laia chhan tel nghal lawk atan - Industrial Growth Center-ah khuan engzatin nge ram nei ? Tunhma in ? Tute nge ram neitu ?
- PU B. LALTHLENGLIANA MINISTER** : Luangmual Industrial Growth Centre khu Central Sponsored Scheme atanga siam a ni a, 1988-89 ah khan mimal 239 hnen atangin ram 311 acre lak a ni a, cheng nuai 99.15 in he ram hi lak a ni a. He Scheme hi tihhlawhtlin anih theih nan India sorkarah rawtna thlen a ni a. Tichuan, 15 crore hmanga siam turin ni 21.3.1997 khan tihfel a ni a. Chumi enkawl tur chuan Empower Committee din niin Chief Secretary te, Finance Commissioner te, Secretary Industry te, Industry Director te, Chief Engineer PWD, PHE, P & E te, Telecom District Manager te, Representative of Ministry of Industry, Govt. of India, Department of Industrial Policy and Promotion te member an ni a. Chung ho chuan pawisa lo thleng atanga hmalakna tur Industry in a duan chu an pawmpui zel a, chumi pawmpuina atanga khu hna khu tan thin a ni a. Industrial Growth Centre Luangmual tih hlawhtlinna atan hian Govt. of India chuan ni 26.3.1997 khan nuai 50 a rawn pe a, chuan wawiin thleng hian cheng nuai 880 hmanral a ni tawh a. Tunah hian cheng nuai 400 dang Empower Committee in hnathawh turte a thlanfel huna hman turin kawl mek a ni. Tin, pawisa final sanction crore 2 leh nuai 2 NEPFI office, Guwahati hnen atanga dil mek a ni a, chu chu sanction kan la hmuhloh a ni. Chuta tang chuanin kan member zahawmtakina a zawh duh kha chu a chiang thei maiin ka ring.

- S P E A K E R** : Awle, wawiin kan rorelna-ah hian Minister zahawmtak Pu Aichhinga, tukin zing lam atanga pum lam diklo in a tlakbuak avangin a lo tel thei lova. Leave ziakin a rawn dil a,

kan remtih sak thei mai em ? Le, List of Business-ah kan luh hma in Home Minister zahawmtak hnen atangin Statement siam dilna lehkha ka dawng a, kan chhiar ang a, Subject - March 25, 2008 zana Hnam Run ban leh shuttering insikna kila bomb tihpuah chungchanga MLA Session a Statement siam thu tih a ni a.

'Ka pu, Nizan 7:55 PM khan mi tuten emaw Hnam Run ban leh Shuttering insikna kilah bomb chaktak an tipuak a, hemi chungchangah hian vawiin Assembly Session-ah statement siam a tulin ka hria a, ka han dil a ni. A hnuaiah hian ka statement ka thil tel a, Bomb puakin thil a tihchhiatte endiktu Police ten an siam pawh ka han thil tel nghal e. Provision of Rules 60 of Rules of Procedure and Conduct of Business in Mizoram Legislative Assembly in a sawi ang hian Advance Notice ngaih chung pawh hi min tih tawi sak turin ka ngen bawh che ani. Irintlak, TAWNLUIA' tih a ni a.

Minister in Statement a siam thei a, mahse a hmalam ni l-ah statement chu thehluh tur ani a, List of Business-ah pawh chuang tur ani. Mahse, he dan vek hian tul bik thilah chuan Speaker in he hun hi a titawi thei ang a ti a, hei hi nizan lam Session kan neih laia thil thleng kha ani a. A hma nikhat a tihna hun kha a, bomb puak thil, emergency-ah ngaiin statement a siam hi rem tihsak tha in ka hria a ni. Chu chu min remtih pui thei mai lawm ni? (Members : Remti ) Awle, a lawmawm e. Tunah Home Minister zahawmtak Pu Tawnluia Statement siam turin ka sawm e.

**PU TAWNLUIA  
MINISTER**

: Pu Speaker, kan dan hmanlai Rules 60 of the Rules of Procedure and Conduct of Business in Mizoram Legislative Assembly in a phal anga House zahawmtaka statement siam ka dilna min phalsak avangin ka lawm e.

Pu Speaker, ka statement chu hei hi a ni - Nizan March 25<sup>th</sup>, 2008 dan 7:55 PM - ah khan mituten emaw Hnam Run ban leh shuttering insikna kilah bomb an tipuak a. Vanneithlak takin mithi leh hliam an awm lo. Amaherawhchu bomb puak hi a nat em avangin a bulhnaia building thenkhat tihchhiat a nei nual a. Chungte chu - Hnam Run, Vanapa Hall, Pu Sangthuama building, Central YMA Public Laboratory te an ni a. chutianga a tihchhiatte chu hetiang hi an ni - 1) Hnam Run ground floor, main road level a) Rolling Shutter left side, hingis, broken, kawpza a tichhia b) Rolling Shutter, right side kawpza a tichhia a, a rolling shutter kha tichhia a, a rolling shutter kha a nghawr chhia ti ila a dik awm e. Tin, Hawker shed 3 a bul ami kha a vawrh chhe bawh a.

Tin, a dang chhiate chu - hei hi Hnam Run kha a ni. Wooden Bench, YMA thuthleng kan tih mai chi bench 5, cupboard door 2, plastic chair 5, wall clock 1, sound box 2, black board 2, switch board 1, window pain glass 41, kha kha gound floor a ni. First Floor - Window pain 33, portrait frame, frame work 1. Second Floor - window pain 19, window frame 2.

Tin, Rajdoot Hotel-ah Room No. 1 - window pain 2, hemi puak hi a chak em avangin a hnuaia khami a puahna zawn hnuaia Hotel Rajdoot Bathroom-ah khan feet 2 bial vel hi khami nghawng khan a tikhuarin a tikhawh hlawk bawh a ni. Tin, Room No. 2 - window pain 6. Room No.5 - window pain 1, Reception Counter window pain 2.

Vanapa Hall, hemi thil puak avang hian a bula Rajdoot Hotel epa Vanapa Hall window pain 9 a tichhe tel bawk a ni.

Tin, R.D Enterprise Proprietor PuV. L. Chhawna S/o Saihranga (L) B.26/A Electric Veng, Aizawl, PCO Phone No. 9862277116 kha kha bomb puak khan a vawrh chhe vek bawk a ni. Tin, GCI sheet 3 a vawrh thal der bawk. Tin, ..... Office tile 4 a tichhia a, window pain 40 a tichhe bawk a ni. Tin, Restaurant, Proprietor Pi Aichhungi W/o R. Zolawma, GCI sheet 1 a bang ami a tichhiat sak a ni. Tin, Central YMA Laboratory hetah hian ventilator glass pariat a tichhe bawk a ni.

Tin, Sumo Registration No. MZ-05/3143 Kolasib-Aizawl service Pu V. Laltanpuia S/o Ngurchhawna of Kolasib khami khalh khan a place of occurrence a puah lai takin a kawtah khian a tlan tlang a, a tlan tlang laitaka puak chu a ni a, motor a tichhiat dan chu hetiang hi ani. Left side glass broken a tichhia a, rubber ceiling and rain guards of left side doors kha kha a tichhe bawk a. Tin, left front wheel cap including mad cap zawng zawng pawh a tichhia a ni. Tin, back side lighting system a tichhe bawk a ni.

Pu Speaker, bomb puak thawm an hriat veleh DGP leh Police hotu lian dangte leh Forensic expert te a hmunah an tlan vat a. Aizawl Pollice Station case no. 101/08 dated 25.3.2008 under section 436 IPC with section 3 of explosive substances Act, 1908 ziak lutin chhui tan nghal a ni a. Tin, MNF Party tepawhin FIR Aizawl Police Station-ah an thelut ve nghal a ni. Bomb puah lai hian Assembly Session a kal mek a, bomb puak hi a rin em avangin Session Hall atang pawhin a hriat theih a, Session banah Chief Minister zahawmtak leh Minister dangte, MLA engemaw zat pawhin a hmun hi an tlawh nghal a ni.

He bomb puak avanga chhiatna tuartu te kan tuar pui a, he thil thleng hi vanduai thlak kan ti in kan dem takzet a ni. Hetianga remna leh muanna boruak tichhe thei zawng leh mipui ti thlabar zawnga chetna reng reng tuna chinah a awm tawh loh nan sorkar in theihtawp chhuahin tan a la zel dawn a ni, Pu Speaker, ka lawm e.

### LAYING OF PAPERS

**PU H. VANLALAUVA  
MINISTER**

: Pu Speaker, I phalna leh he House remtihna in 'The Mizoram Rural Employment Guarantee Rules, 2007' hi he House table-ah hian ka lay e.

**S P E A K E R**

: A copy han sem nisela. Tunah chuan Legislative Business kan khawih ang a, Dr. R. Lalthangliana "The Mizoram Board of School Education ( Second Amendment ) Bill,

2008" House-ah introduce dil turin ilo sawm ang.

**LEGISLATIVE BUSINESS**

- Dr. R. LALTHANGLIANA  
MINISTER** : Pu Speaker, i remtihna leh he House remtihna in 'The Mizoram Board of School Education (Second Amendment) Bill, 2008' hi introduce ka rawn dil e.
- S P E A K E R** : Minister dilna kha kan rem ti em? Kan rem ti a, tunah introduce turin ka sawm e.
- Dr. R. LALTHANGLIANA  
MINISTER** : Pu Speaker, i phalna leh he House remtihna in 'The Mizoram Board of School Education (Second Amendment) Bill, 2008' hi he House-ah hian ka introduce e.
- S P E A K E R** : A copy kha he House-ah sem nisela a tha ang e. Tunah kan Minister zahawmtak Dr. R. Lalthangliana bawk 'The Mizoram Land Survey and Settlement Operation (Amendment) Bill, 2008' House-a introduce turin ilo sawm ang.
- Dr. R. LALTHANGLIANA  
MINISTER** : Pu Speaker, i phalna leh he House remtihna in 'The Mizoram Land Survey and Settlement Operation (Amendment) Bill, 2008' hi introduce ka rawn dil e.
- S P E A K E R** : Minister dilna kha kan rem ti em? Kan rem ti a, introduce turin ka sawm e.
- Dr. R. LALTHANGLIANA  
MINISTER** : Pu Speaker, he House remtihna in 'The Mizoram Land Survey and Settlement Operation (Amendment) Bill, 2008' hi he House-ah hian ka introduce e.

**FINANCIAL BUSINESS ( Demand for Grants)**

**S P E A K E R** : A copy sem niselangin a tha ang. Demand for Grants sawihoin kan vote leh dawn a. Vawiin hi Demand for Grants kan sawihona ni hnuhnung ber a ni dawn a. Kan House Leader zahawmtak leh Minister dang pakhat demand kan sawiho dawn a ni. Nidanga kan tih ang khan a pahnih hian kan la rual leh mai dawn lawm ni? Kan remti maw? Tunah Minister zahawmtak Pu Z. H Ropuia, a Demand No. 22,28 leh 43 te House-ah pulut turin ka sawm e.

**PU Z. H. ROPUIA  
MINISTER** : Mr. Speaker Sir, on the recommendation of the Governor of Mizoram and with your permission. Sir, I moved the Demand No. 22, 28 and 43 for Rs. 20,82,44,000/- only for expenses during 2008-2009 in respect of the following Departments – 1) Demand No. 22 - Sports & Youth Services – Rs. 12,58,55,000/- 2) Demand No. 28 – Labour & Employment - Rs. 3,89,24,000/- 3) Demand No. 43 – Tourism - Rs. 4,34,65,000/- Total - Rs. 20,82,44,000/- Thank you.

**S P E A K E R** : Chief Minister zahawmtak Pu Zoramthanga a Demand No. 1,2,3,5,9,14,15,39 leh 45 te House-ah pulut turin ka sawm e.

**PU ZORAMTHANGA  
CHIEF MINISTER** : Pu Speaker, i phalna leh he House remtihna in Mizoram Governor recommendation angin ka Demand No. 1,2,3,5,9,14,15,39 leh 45 te a vaiin 643,37,91,000/- chung chu ka rawn pulut a, heng hi a detail chu a ni e. Legislative Assembly – cheng vaibelchhe sarh leh nuai sawmriat leh singnga. Governor-ah nuai sawm leh singruk. Council of Ministers – vaibelchhe thum, nuai sawmthum pali leh singkua. Vigillance - vaibelchhe khat nuai sawmthum panga leh singnga leh sangruk. Finance – vaibelchhe za sawmhni pathum nuai sawmhni pathum leh singkua leh s angnga. Planning & Programme Implementaion – vaibelchhe za sawmthum, nuai sawmli leh pakua leh singkhat. General Administration Department – vaibelchhe sawmthum paruk nuai sawmriat pasarih leh singhni leh sangnga. Power & Electricity Department – vaibelchhe za sawmriat pariat leh nuai sawmkua leh singkua. Public works department – vaibelchhe za sawmnga pakhat nuai sawmhni pathum panga leh singkhat leh sangnga. A vaiin vaibelchhe zaruk sawmli pathum, nuai sawmthum pasarih singkua leh sangkhat, ka lawm e.

**S P E A K E R** : Le, tikhan Minister pahnihin an demand an rawn pulut ta a. Kan sawiho leh ang a, nidanga kan tihthin ang khan kan hun inpek dan pangngai kha a tha mai lawm ni? Nimin ang deuh khan rawt duh ka nei leh a, dar li a chawlh ai khan li leh a chanve kha tha kan ti zawk deuh em? Anih, tiang tur chuan ti ila. Le, sawihona kan nei tan ang a, tunge sawi ang? Pu P.P Thawla.

**PU P.P THAWLA** : Pu Speaker, sawi hmasa ber hi chu tlemin duhsak ve tepawh awmin ka hria a. Pathian leh kan party leh bial mipuite duhsakna in he Mizoram state sorkar term ngana-ah helai House zahawmtak ah hian Pu Speaker, ti ve thei dinhmuna ka ding hi lawmawm ka ti a, lawmthu ka sawi hmasa a. Tin, chumai bakah inthlan result puan hnu-ah he state sorkar term ngana kalpui tura kan party Pathianin mal a sawm a, sorkarna nghet leh chaktak kalpui theihna tura tangkaia Pathianin min siam avangte, kan party hruaituten he sorkar hi rinawm taka siampui tura agreement an sign anga rinawm taka vawiin thlenga thu ve thei leh ding ve thei a ka awm avang pawhin ka lawm em em a ni.

Demand No. 22 na atangin han sawi tan ka duh a. Kan Minister zahawmtak Tawipui bialtu Pu Z.H. Ropuia department, Sports & Youth Services hi department pawimawh tak niin ka hria a, a bik takin keini thingtlang bialtute phei chuan kan bialfan nikhuaah kan bial mipuite min beisei ang leh kan tana an thawhrimna ang hu hi tihsak theihthe kan nei lem lova. Mahse, han thlena kan thalaite an in tihhlum ve na tur atana sports materials football te, volley ball te, net te min ken tir ziah kha midang pawh a ken tir thovin ka ring a, lawmawm ka ti hle a, lawmthu ka sawi duh a.

Tin, Sports hmasawmna tur atana hmalakna tamtak kan sawi seng lovang a, hengte hi kan thalaite tan chuan hmasawmna ropui tak a niin ka hria a. Chuvangin lawmthu ka sawi a. Keini Saiha District bikah hian kan state sorkar kallai atang chuanin sports complex emaw, Indoor puitling emaw, Field puitling emaw siamsak ala awm chiah lovin ka hria a. Hei erawh hi chu tlemin ngaih pawimawh hlawh ve ila tih ka duh hle a. Tuipang bial bikah District Sports Complex a awm theihna tur atan DoNER Minister kan han dawr ve telah kha state sorkarin priority a pek phawt loh chuan a ti thei mai love tih chhanna ka hmuh tawk lek a ni si a. Chuvangin, state sorkar hian keini District kilber amite kan thangtharte sports lamah zoram level-ah an lo lan chhoh ve zel theih nan field tha te, Indoor tha te siamsak ni thei hram se tih ka beisei thu ka han sawiduh a ni.

Tin, a dawt lehah chuan Demand No. 43 Tourism Department - Hei hi Mizoram hmun hrang hranga kan zinkualna-ah Tourism Department ina chawlhna buk tha tak tak te min siamsak leh Lodge tha tak tak min siamsak te kan hmu nual a, hei hi a lawmawm ka ti a, ram hmasawmna leh ram zahawmna a tilangin ka hria a. Tin, a enkawltute han chawlh nikhua-ah tepawh an chetphung te nen, Uniform te nen an han chet vel te han hmuh hian a hlimawm ve reng reng a, a hahdam thlak hle in ka hria. Tin, abiktakin Saiha District lampang

tepawh tunah hian Tuipangah te, Saiha-ah te, Bualpui, Lawngtlai lam tepawh chutiingin building thar sak sak kan hlawh zel te ka hmuh hian lawmawm ka ti em em a. Chuvang chuan he Tourism Department hi kan state sorkar tan chuan ngaih pawimawh hle tur ani tih hi House-ah hian ka han tarlang duh a.

Chumi rual chuan Saiha District lamah Serkawn khua, kan missionary headquarters hmunah ian hmanah chuan I.B a awm thin a, tunah chuan mi pawimawh missionary hmun tlawh tura kal te missionary headquarters anih hrim hrim avanga zin veivak mi te hahchawlhna tur hmun tha pawh kan nei tawh lova. Heng hmunah te hian Tourist Lodge mawi tak leh lian tak mai te hi min sak sak thei sela tih hi ka duh hle a. Chutiang programme te an nei mial em? tih tepawh wind-up hunah hian min sawi chhuah sak thei nghe nghe se tih ka duh thu ka han hrilh baw a.

Chutiang bawkin British in Mizorama Lal an hneh hnuhnun ber, Zawngling Lal awmna kum 1924 a an hneh Lal awmna khuaah te hianin, a khua hi kil hle mahse a lar ve viau a, chuvang chuan hengah tepawh hian Tourism Department hian Lodge tha deuh mai hi min sak sak thei sela tih ka duh thu wawinah hian ka han sawi lang duh baw a ni.

A dawt lehah chuan Pu Speaker, Labour & Employment Saiha-ah I.T.I kan nei ve ta a, a lawmawm hle a. Hei kan thangthar te zirna -a kal zawm thei lo, family background, economic dinhmun a that tawh loh avanga hmasawn vak theilo tana an eizawn ve natur atana Electric lam a ni emaw, Motor Mechanic lam a ni emaw, hmeichhe ho tan thil hrang hrang training natur hmun a lo awm ta hi a lawmawm ka ti hle a. Chuvangin, Aizawl a kan ITI te awt lova hengah hian kan thalai tena lawm tak leh phur taka an train theihna turin changlung zawka enkawl sak a tul hle in ka hria a. Tin, tuna ITI awmna hi a kil angreng hle mai a. Town Bus te a awm ve si lova, hengah te hianin ITI hianin Department Bus te deuh tak te hi training ho chhuah chhoh vena turin Department hian nei thei nghe nghe sela a tha hle dawn in ka hria a. Chuti anih chuan kan thangtharte hian ITI ngaih hlutna hria in an eizawna tur atan hian train na tha tak an chan tir ngei ka beisei a, changlung zawka enkawl sak ka phut em em a ni tih ka'n tarlang duh a ni.

A dawt lehah chuan kan House Leader zahawmtak, kan Chief Minister zahawmtak Demand atanga ka han sawi duh pakhat chu PWD hmalakna a ni a. Kum 2004 November thla -a ka resolution Kawlchaw leh Tongkolong November thla -a ka resolution Kawlchaw leh Tongkolong inkar kawng tha kan neih theihna tura Central sorkar nawrsak Resolution kan passed kha kan House Leader zahawmtakin theihtawpin hma min laksak zelin ka hria a, lawmawm ka ti a. Nikum Budget Session-a ka zawhna-ah khan BRTF lam an chet a muan deuh avangin, PMGSY Scheme in hma kan la mai ang, kan tender tep tawh a ni tih chhanna kha a takin a hlawhtlinna kan hmu a. Tender te ani tawh a, hna pek a ni tawh a, hna tepawh an tan tawh a. Chutiingin hmun dang dang tepawh khilamah khian nasa takin PWD in PMGSY Scheme atang hian hma a lakna hnuhma kan hmu zel a. Hei hi lawmawm kan ti em em ani.

Chutih rual chuan Kawlchaw atanga Serkawr, Serkawr atanga Tuipang inkar kawng erawh hi chu sawisel a kai hle a. A kawngte duhthu a sam lo a. A zim deuh baw a. A bik takin Tuipang leh Serkawr

inkar bikah hian tu contract hmuh ber nge ka hre lova. Nidangahchuan motor te a kan chhuk chhoh theih thinna maiah khan a block rei ta hle a ni. Engemaw laklawh thil thuah Tuipang leh Serkawr inhnaihte kal theihna mai tur kha hetah Zero lam atanga hla deuh taka kal kual a, Serkawr luh a ngai thin hi engnge ni a chhan leh yang ni ta awm? Tih hi Department lam hian hei hi uluk zawka min lo ensak a, a solve dan kawng min lo dappui kan duh em em a. Chu chu ka han tarlang duh a.

Chutiang bawkin hei, Zawngling atanga Chapui panna PMGSY atanga tender leh hna pek lo ni tawhte leh Kawlchaw atanga Tongkolong panna turah hian BRTF lam BRO lam hianin priority pakhatan an lo dah ta a. Chu chu PWD hnen atangin min hand over rawh u tiin dilna tepawh an siam hial ni te in kan lo hria a. Heng hi engtia tih tur nge ni? BRO lam hianin hma an la nghal thei anih chuanin thil lawmawm tak tur niin ka hria a.

State sorkarin kan ram chhungah tih tur dang kan ngah bawk nen, Central sorkar lam atanga hmalak theihna tur anih phawt chuan a rang lama hand over theih mai ni sela. Tichuan, survey leh a tuldang te ti zung zung sela tih hi a bial mipuite duhtusam a ni a. Chutiang zawng chun thil tih theih mai a ni em? tih kan House Leader zahawmtakin min wind up sak hunah min sawifiah sak atanah kan duh bawk a ni.

Demand No. 39-na Poer & Electricity Department-ah hian keini Saiha District a awmte leh khawkil te kan harsatna ber chu Lawngtlai, Saiha, Tuipang inkara tower line kan nei lova. Hemi KV line pangngai anih hianin leimin hlek te, thing tlu hlek te hian a tichhe zung zung zel a. Chuvang chuan hmundang lama electric worker ho ai pawh hian khinglama worker ho hi an hah zawk ni tih mai tur hi a ni a. JE hote leh lineman hote an hah bik hle in ka hria. Chuvang chuan helamah hian engpawh nise, tower line hi a rang lama siamsak theih ni hram sela nasa takin khilam panga cheng hoten hma kan lo sawn ang tih ka beisei a, chu chu karawn zep duh zawk bawk a ni.

Tin, Chakhang ka thlen apiang hianin keini Chakhang hi Niawh Tlang - Siata lam atanga line lokal hi kan tawm ve a. Tuipang-Zawngling atanga line kal hi Chheihlu leh Chapui lamah a kal a, anni hi chu eng an hmu chhonzawm nasa hle a. Keini hi kan harsa bik lutuk a, chuvang chuan Chheihlu atanga zawmsak mai dan hi min dappui teh an ti thin a. Mahse kan tih thei mai chi alo ni bik lova, a harsa viau a ni awm e. Chutiang chuan khilampang hovin eng chungchangah harsatna an nei a, chungte pawh chu min ngaihpawimawh sak hram turin Department te ka ngen duh bawk a ni e, Pu Speaker, ka lawm e.

**S P E A K E R** : Pu H. Liansailova.

**P U H. LIANSILOVA** : Pu Speaker, ka lawm e. Hei, wawiina kan demand sawiho turah hianin Minister pahnih chanvo a ni nain Department a tam viau mai a, mahse a pawimawh leh mahni bial tana



pawimawh ang chi tepawh han sawi ka duh avangin a pakah deuh tepawhin ka'n sawi ang a. A hmasa bera ka sawi duh chu - Demand No. 22 ah hianin Sports & Youth Services ah hian Youth Commission dinna tura bill putluh a ni ta hi a lawmawm hle in ka hria a. Tin, a tak taka chhawrnaawm taka thalai ho te tana hmantlaka hnathavk thei ngei turin kan lo beisei dawn a ni a, lawmthu ka sawi duh a.

Tin, pahnihna-ah chuan Ramhlun Indoor Stadium saw tunlai hla ang deuhin 'Ka ding dawn nge ka thu dawn?' tih ang deuh a ni a. Kan sa dawn nge, kan thiat dawn? tihah hianin kan la ding reng niin ka hria a. Saw saw kan Minister pawhin attention min pek sak tak tak sela ka duh a. Kan Indoor Stadium min thiah sak a, a thar tha deuh kan nei dawn emaw kan ti a, kum 10 chhung zet heti hian min dah ta a, tuna kan ngaihthlak ang khan nuai 46 lai kan sen tawhna hnu saw kan chhuchhe dawn nge? Kan chhunzawm dawn? Chhutchhiat tur niawm tak tepawhin sawi a ni a. Hei hi a bikin mipui leh thalai ten kan nghakhlel takzet a, sorkar in rawn chet tak tak ngaiin ka hria. In puhchhiat leh inpuhmawhna thil ang pawhin ngai lo ilangin, kan mamawh tawh a ni. Tin, sorkar hian kut a thlak si a, a rei tawh lutuk deuh.

Tin, Labour & Employment chungchang hi ka thlir a, kan sorkar hnuaiia Department zawng zawngah hian mihring deal tu leh a mihring deal te pawimawh ber si hi budget kan pek hi a te ber mai a ni. 3 crore leh tlem chauh a ni a, a hnuaiia hian hnazawng mi chi hrang hrang te buaipui tu a ni a. Employment problem nasat thu kan sawi a, thalaite hi hna zawnglai an ni. Tin, Labour kan tih hna hnuaihning leh hna harsa thawktu / enkawltu te an ni a. Tin, chutih rual chuan hna zawngte eizawna khawp an thiam chhuahna tur ITI enkawltu an ni a. Heng bakah pawh chanvo pawimawh tak anmahni hi tichakin thuam tha ila chu mipui chhawr tlak leh mamawhtu te tana tangkai tham tur an ni a. Amaherawhchu, tuna kan enkawl dan hi chu hmasawna tur awm lo, a ngaia thut ngawr ngawr a ni a. A ngaia thut hi chu hnungtawlh tihna a ni a, kan hnungtawlh niin ka hria a. Hei hi ka ngai pawimawh khawp mai a. Directorate hian Officer 2/3 an awm bak chu District-ah a hmingin an awm lek leh a, tunah hian Employment Officer Post pawh hi kan hriatsual loh chuan engemaw zat hnawhkhah tur a awm tih a ni thin. Vawiin thlenga an nihna pangngai aia hnungtawlh lam maha kan enkawl hi chu kan sorkar hian rawn en ngun tha leh se tha in ka hria. Kan ITI lam tepawh hi tunlai khawvel thang zel leh IT hmasawna hre reengin hmasawna tha zawk nei thei tura thuam that awm tak a ni a. A ngai che che-a a kal anih chuan hnungtawlh rawh se kan tihna a ni ringawt mai a, Aizawl ITI chu a kal ngaiin a kal bauh bauh anih pawhin Lunglei leh Saiha te chu hmasawn ngaihna awm lovin kan dah ni berin ka hria a, kha kha ka'n sawi duh a.

Tin, kan Chief Minister zahawmtak Demand lamah hian mahni bial thil deuh ni mahse Aizawl khawpui leh Mizoram interest pawh tlingin ka hria a, ka han sawi duh chu - Bawngkawn sawmi SBI bul Traffic Point, Sairang Road te, Chaltrang lam te, Ramhlun lam te, Lunglei Road lam te, Bawngkawn College road te sawmi junction, a thuam lai saw a mangan thlak lutuk deuh a, nakin zelah phei chuan problem tak tak a ni dawn e tih avangin sawlai veng chhung mi thahnemngai ten kan Chief Minister hi an lo dawr fo thin tawh a.

Chumi avang chuan sawilaia inpawhna (junction) saw kan Chief Minister rem hriatna zarah mimal ram saw compensation pe in nge ni an kian tir tawh tih kan lo hria a, hnathawh mai tura kan ngaih lain a LSC hi Party Office Headquarters lamah an kawl daihin an sawi a. A rent pawh saw an la niin an sawi a. Chumi avanga hna pawh chu thawk hlei thei talo niin an sawi a. Hei hi nikuma kan Chief Minister hnena ka sawi pawhin Financial Year tharah chuan hma la thei turah in ngai ang tih kha kan hawn dan deuh niin ka hria a. Vawiin thlenga thawh a la nilo hi a pawl in a buaithlak a. Tin, chubakah LSC te kha chutianga Party Office-ah te lo kawl mai anih phei chuan a zuzi ang tih kan hlau khawp a, a ram neitute lakah hian sorkarin a sen tur ang hi chu an seng tawh niin kan hre bawksi a. Hei hi ka'n sawilang duh kher kher a. Tin, Bawngkawn Brigade pawh saw tunah sawn an in senghawi mek a. LSC lonei ho kha High Court-ah PIL a khin a ni a, Revenue Department hian lo chingfel thuai rawh se tih a ni a. Tunlaia Stadium tur kan buaipui lai hian sawngte saw chu lo clear tawh sela chuan ihe lova duhtusama nawr theihna tur hmun rem chang tha a ni a. Chumi atan pawh chuan kan Chief Minister hian min lo hriat sak se tih ka'n sawi duh a.

Tin, chulovah chuan chu aia tenawi deuh hlek si, mahse pawimawh tak chu sawmi kan State Guest House hnuai chiah kawr lam Ramhlun Road lam zawkah sawn Bawngkawn College Road atang sawn lei a min a. Nikum ah pek khan vanduaia tawkan awm a, Urban Development lam atangin lung an rem a, a chim hlauh mai a. A bula in ami Pu Chhingtawna tupa kha kan chan ta a ni. Saw leimin saw remthat thuai anih loh chuan a thlanglam tan a hlauhawm bakah Aizawl-Bawngkawn-Ramhlun road motor lian kalna saw a rawn poh huam tawh mai a. Tun ami pawh saw thal lai pawh hian a hlauhawm tawh a ni. Chuvangin, saw saw ngaihsak thuai anih loh chuan kumin fur alo thlenin kan mualpho leh ngei ang a. Kawng a block hlauh chuan motor lian Chaltlang chhovah kal chi a ni si lova, tunlai kan motor hi metric ton 20 aia rit kalna ani tawh a, hlauhawm tak a ni, kan Chief Minister hian min lo chhinchhiah sak se. Ramhlun Vengthar kawng te, Bawngkawn kawngte erawh chu kan Chief Minister pawh mimal takin ka sawipui a, tawngkam tha tak min hmuh bakah amah ngei pawhin hnattlang ho thawhlawmte pawh thawhin hma an la mup mup a, an phur hle a. Bawngkawn Hmar veng phei chu Helipad thleng saw chuan metal in tlang thei se chu Zemabawk kawng Traffic a jam pawhin a pumpelth theih mai dawn a. Hei hi pawimawh tak ani a. A veng chhung tana a pawimawh rualin Traffic Jam divert nan thil pawimawh a ni a, vengchhung thil ang deuh pawh nise, Ramhlun Vengthar te, Edenthart te hian metal road han neih ve an chak tawh a, min lo hriatsak hram se.

Tin, Finance chungchangah hian Pay kan sorkarin harsatna awmte chinfelna atan Expert Committee te leh Sub-Cabinet Committee te siamin an chingfel ta a. Hetih rual hian MCS te post pawh an tihdan hi a tha hle in ka hria. MCS te dinhmun thaah kan dah a, a lawmawm in ka hria a. Chutih rual chuan Department Officer te, Group A, Engineering Service te, Medical a awmte, Vety a awmte, entry grade 8000 a awm hote hi an dinhmun han hriat chian tak tak chuan an khawngaihthlak hle mai a. 8000 scale entry grade-ah hianin kum 20/15/10 chuang awm an ni deuh fur tawh mai a, promotion hmu thei lovin. Tuna enthatna-ah khanin an pay han up ve tur khanin Central ah 8000 hi chu IAS tan pawh entry grade a ni si a, tih ngaihna a awm love tih lam deuhin min chhang a ni. A recommendna-ah pawh khan kum 7 tihte kha a ni a. Hei hi chu enthat leh tha in ka

hria a. Central-a a entry grade zawmna en kan ni lova, helaia a problem en leh an harsatna en a ti kan nih avangin kan Chief Minister hian min lo chhinchhiah sak sela. Kum 12/15/20 chhunga mahni scale ngaia awm ngar ngar Officer Group A awm hi chu ngaihtuah an ngai tak tak a, engemaw tia dan chiah ka ngai lo. Hei hi chu enthat leh tha in ka hria.

Sixth Pay Commission alo chhuak ang a, chung in a rawn delh hlauh phei chuan an vanduai chho reng dawn a, chuvangin heng Engineer service a awmte, Departmental Officer ho te, Medical te, Vety Officer ho te heng dinhmun khirh tak taka awmte hi ngaihtuah an phu hle in ka hria. Tawk mai rawn se, kan sawi vek seng lo a, point khat chauh erawh chu kan Legislative Assembly a kan Committee Officer ho hi an indaih lo khawp mai tih tun tumah kan Committee hrang hrang hna kan han thawh hian a hriat a. Hei hi chu tih belh a, strengthen deuh chu a tha khawpin ka hria. Efficient deuha Assembly lamin hma kan lak zel dawn chuan tih a tawpna atanah ka'n sawi duh a ni e, ka lawm e.

**PU F. LAL THANZUALA**

: Pu Chairman, wawiina Demand kan han sawiho hi a tawp ber a ni bawk a. Han sawi deuh ngial tha in ka hria a.

Amaherawhchu, hun a tlem a, ka tum ang pawhin ka sawi thei lo ang tih ka hlau deuh a. A hmasa berin PWD lam ina ka biala hna an thawhnate fakawm ka ti em em a. North Vanlaiphai atanga Thingsai thleng kawng lianpui kan neih te, Hnahthial atanga Chawngtui pan ve na tur programme min buatsaih sak mek te nen lawmthu sawi tur a tam hle a. Hnahthial saw tunhma in kan hotute an lo fel a, thil tha kan lo nei ve thin a. Kan rilru pawh mite chu tluk lo mah ila thil sang pui pui te sw a ngaihtuah ve thin a ni. Power & Electricity leh PWD ah te E.E te min dah sak ve the u tiin kan han ngen a, chung tepawh. chu kan Chief Minister hian active takin min ngaihtuah sak a ni, lawmawm kan ti hle.

Tin, General Administration hian a huamin ka hria. District chungchang thu han sawi ka duh a, tunah chuan Hnahthial leh a chhehvel ten District kan Demand thu hi he House-ah hian han tih rik a kan Chief Minister ngeiin a chhan na min neih sak theih hi ka ngenin ka phut a. Ngen chauh ni lova phut a phut hi a hun tawhin ka hria. A chhan chu he thu hi kum 10 emaw a lokal ta a ni. Hmanah 1998 vela District siam anih lai khan Khawzawl ah pawh duhna awmin an neih ve tak loh avanga buaina lo thleng tepawh kan hria a. Mahse khami hnuah an tharthawh leh awm kha kan hre ta lova. Hnahthial pawhin khanglai hun vel khan kan ti ve a, kan Opposition Leader zahawmtak Pu Hawla hunlai khan a ni a, khatih lai Ruling Party Block President hoten an kal thin a, kan Block President phei chuan Congree te a chhuahsan phah hial te an ti a. Keiin hetiang lampang ka la ngaihsak hma kha a ni a. Detail ka hre vak lova. Ka sawi lan duhna chhan chu hman atanga lo tih tawh a ni a, tunah chuan kum sawm alo ni ve ta mai a, khatianga rei tak lo in chiah tawh, mi rilru a awm inzirtir, rel reng anih avang sawn a thi thei tawh lo a ni ber in alang. Khatih lai khan hun kal chho zelah kan Sorkar hotuten chutah chuan beidawmna tur thu an dawng bawk lo a ni. Chutiang anih avang chuan tun thlengin an kal a, District hi kan duhna chhan tha tawk min tihpui emaw, tihpui lo emaw, keimahni lamah chuan pawimawh ema kan hriat avangin.

Tin, Lunglei District saw alo lian em em mai a, Hnahthial lam District siam ve pawh kha hmasawna kawng pawimawh tak niin ka hria a. Tunah pawh hian a lang reng mai a, tunhma khaw lian leh ropui pawh nilo, District Headquarter nih tak avanga hmasawna awm ta zawt zawt mai hmuh leh hriat tur a nasa em em ani. Chumi anih avangin leh rei tak kan lo kal chhoh tawh avang hian rilruah a bet a, a thi thei tawh lo a ni berin ka hria a ni. Keimah ngei pawh hian a harsatna te sorkar lampang ngaihdan leh hmuhdan niawma ka hriat tepawh ka sawipui fo thin a. District nawrna daltu-ah pawh min puh lek leh mai a. Anilo zawng lam, a harsa a ni tih kha khati zawng khan duh lutukna lamah khan ulh takin an ngai thin a. Harsatna tamtak kan tawh thin a, kan hotuten an sawi chuan Political Leader, Lunglei Sub-Headquarter a hotute tawngkan pawh sawilan an nei thin a. Hmana hun hmasa tun MNF ministry-ah pawh khan chumi hotu chuan Lungleia hotu ka nih chhung chuan hetiang Lunglei District tih tet ka phallo a ni, chuvang chuan ka awih dawn reng reng lo a ti tih ang vel te kha a leng kual reng a ni.

Chutiang anga zamna leh harsatna thu awm reng mah sela hlawhtling mai rihlo mah ila hmanlai kan naupan laia kan sap poem pakhat kan zir try try again an tih ang deuh khan an beidawng thei lo reng reng a. A mitin reng sawn han sawi hian a harsa viau a ni, kan ti lo tawh mai dawn emaw ni le han tih deuhin rilru pawh pu dawn sela i thar thawh leh ang tih a awm phawt chuan tlangkang engtik hun pawha chhuak thei reng ang hian rilru thokang thei sawn kan awm thuap reng a ni. Chutiang dinhmunah chuan kan ding a, a changin Road Block zawngten kan han ti ringawt a, Police nen kan inhmachhawn a, khatih lai khan Politics hi a lo tel ve ziah baw si a, a khirh khan hle a. Chutiang chuan Police nena confrontation kan han neih pawh hliam te kan awm pheng phung a, eng chu kan hmuh phah hauh lo. Mahse, hetia kan bei chung pawhin 'kan hlawhtling lova, I ti tawhlo mai teh ang u' tihna rilru kha chu a awm chuang reng reng lo a ni. Kan bei zel ang, kan hmuh hma loh chu an ti tlat si a.

Tin, vawikhat pawh VC Election hi kan boycott ang tiin an rel a, kan Minister tepawh an lo kal phei a, zankhua in an inbia a, a tawpah chuan an han inrem hram a. VC te chu kan han inthlang a, amaherawhchu khami hnuah khan til anih tur ang kan beisei ang kha a awm chuang lova. Tihian tun hun hi kan lo thleng ta ani. Niminah tepawh khan kawng an la zawh luih luih mai a, a District lo zawnga sawi chu ngam chi pawh a ni lova. A harsa a ni han tih hlek pawh hi ngam chi lohvin a awm thum a ni.

Chuvang chuanin vawinah hian kan State Administration hianin he Hnahthial leh a chhehvel mipuite a separation lian tak thi thei lova hi min theihngihl sak lova, a tak tak a thil min tihsak ngei hi kan ngen in kan phut a. Chuti anih loh chuan thil pawimawh tak awm chu engemaw thil hmuh theih thil min pe emaw, anih loh chuan engemaw thil thatak solution feltak hi hmuh anih loh chuan tumloh thleng saw laiah sawn thil a thleng thei a ni. Chuvangin, kan Chief Minister pawh hi ka ngen a, Election tepawh kan lo hnaih a, khawsak theihloh hun/chet theihloh hun tepawh a thleng mahna.

Nimina an resolution - ah pawh chumi hma ngei chuanin min pe rawh se tih a ni. Chuvang chuan Hnahthial leh a chhehvel sawlai MLA nihna dinhmun atang pawhin hei hi ka sawi tur leh ka nawr tur a ni a.

Chuvangin, ka ngen tak meuh a, buaina nasa zawk emaw kan thlen loh nan solution min zawn sak sela, hemi District min pe tur hian ke hi pen ngei sela tih hi ka duhin ka ngen a ni. Chumi anih loh vek chuan kan rilru saw min rawn hmin a, min rawn hneh a, kan tawp mai ang e kan tihtheih khawpa kan rilru min hmin bawk siloh a min pek bawk siloh chuan kan hmabak tur hi hriatthiam theih pawh a ni lo. Chuvangin, thil kha a thleng a, a tak tak a ni a, insawi hlauhna leh intih thaihna pawh a ni lova, hemi hi kan Chief Minister hi min ngaih pawimawh sak ngei turin vawiin hian ka ngen a ni, ka lawm e.

**PU ZODINTLUANGA**

: Pu Chairman, ka lawm e. Nimin lama kan sawi tawh angin Department a tam a, a vawin kan sawi hman dawn lova, ngaih pawimawh zawng ka'n sawi ang a. A hmasa berin Legislative Assembly hi sawi tulih ka hria a, keini MLA Term khatna kan ni a, kan nih chungin kan Speaker te, Secretary te, Staff zawng zawngin min enkawl tha a, min kaihruai a, kan thiamlohna te leh kan mualphona tur zawngte Staff tena min enkawl na-ah hian lawmthu sawi tul in ka hria a. Hei, Budget Session hnunung ber kan lo thleng der a, kum nga chung min enkawl na-ah hian an zavai chungah hian lawmthu ka sawi hmasa duh a ni.

Tin, Demand No. 22 – Sports & Youth Services-ah kan Minister zahawmtak khan min lo chhinchhiah sak sela. Kum 2005 a Mizoram Tennis Tournament an buatsaih tum khan Chief Guest anih khan Rubberised Court kha min tiam a, hemi Assembly House-ah ngei pawh min assure leh tawh a ni a. Tunah kum 2008 kan zo dawn a, tun financial year thar ah hi chuan min tihsak ngei turin ka rawn phut duh a. Nikum lam pawhin pawisa an dah tawh a, mahse kan Planning lam hian Hnahthial lamah an divert niin kan hria a, kha kha hemi House-ah ngei pawh min assure tawh anih avangin min rawn ngaih pawimawh sak hram turin ka rawn ngen hmasa duh a ni.

Pu Chairman, Sports chungchangah kan sorkar hian policy hi a nei mumal lo hle in ka hria a, kan ram, kan tu leh kan fa, kan thalaite infiamna lama an kalna tur atan hian infrastructure tha leh a hmasawna tur ang an siam reng reng hi a backward thei tur ang chi, a bul tanna ang awm miahlo ringawt hi chu a tha dawn em ni aw tih ka ngaihtuah deuh hlek a. Khalam hawi khan ngaihtuahna a awm thei em? Infrastructure tha leh hmasawna tur an siam reng reng hi a backward zawng, a chhe zawng hian an ti emaw tih mai tur a ni a. He House chungah ngei pawh kan sawi tawh, khu, Zotlanga Volleyball Court te, Football Ground, Tennis Court tuihawkin a len bo tih ang chi te kan han hria a. A pawh a, vawinah pawh hian Lunglei LDSC Ground No.2 kan tih mai, te saw hmantheih loh in a awm a. A chhunga building an sak leh saw sak chhunzawm loh, a laih sawn building, Contact Sports Centre tur emawni, a hming pawh kan chiang thei tawh lo a, saw a ding reng mai a. Sawtiang ang sawn infrastructure tamtak hi tihchhiat a ni a, hmun tamtakah a chanve laih, infiam mite tana hman tlak loh, khatianga hnutchhiah hi kan sorkar hmalakna hi a ni a.

Hei, Aizawl khawpui chhungah ngei pawh Ramhlun Indoor Stadium te kan hmu a, kan Chief Minister zahawmtakin a veng makpa anihna angin nge, khatia a sawilaite kha ka lung a tileng thin. Chhawng sang tak, a hnuai parking tur an tih lai te, vawiinnia sawtianga tawih mai mai, a building sak zawh chu sawiloh, a tak, a chhungah pawh luh ngam mang loh khawpa chhia-a an han sa te saw a pawl ka ti a. Hei hianin kan ram tana he sorkarin thalaite tana hna a thawh lohzia, a ngaihpaawimawh lohzia hi a tilang chiang hle in ka hria a.

Hei, tunhnai lawkah inthlan dawn apianga an sawi thin, inthlan dawn apianga lo lang Lammual AR Ground a Rajiv Gandhi Sports Complex kan tih tak hi heng ang te hi Pu Chairman, a pawl ka ti. Engatinge kan ram mipui thalaite an bum? Hetiang mai maia tender koha a tih tak tak tum lova tianga hma an lak hi pawl ka ti a. Hei, zawhna Sports Department min chhanna hi Pu Chairman, senso tura ruahman zat leh a senso tur hi khawi atanga lo kal nge? Tiin ka zawt a. Senso tura ruahman chu vaibelchhe 136 a ni a, 12<sup>th</sup> Finance Commission atangin crore 25 approved tawh a ni. Hemi hmang hian Phase-I tender tihchhuah a ni a ti a ni. A dawt lehah chuan sanctioning letter min hmuh thei em? tiin ka zawt leh a, 12<sup>th</sup> Finance Commission 2005-2010 Report November, 2004 a tarlan bak chu sanctioning letter no. leh date hriat a ni lo. Pu Chairman, sanctioning letter pawh awm lo khan tender chhuaha mipui engatinge min bum le? A tak takin an ti thei dawn lo tih hria a nimin lamah Sport hruaitute kova, Assam Rifle hnawhchhuah tira kawng zawh te a ni lawm ni tunah hian an nawr mai mai? Kawngzawh tir tum ten a nia an infuihpawrh ni.

Chuvang chuan Pu Chairman, hengte hi atak tak an tum lo tih a chianzia chu tuna an tender hi a drawing nimirah ka han la chhuak a, hei hi kan Stadium tur drawing a ni. Tuna kan tender hi helai area chauh hi zuk nia mawle! Block khat leh a chanve hi hahip a chanchinbu tea kan chhuah, hei heng chanchinbu-ah te thalai te hmakhawngai inti te lawma kut ben mai a tha tih MNF Headquarters in an chhuah te, thalai te nghahfak AR Lammual-ah Stadium puitling a ding tur hi helai block 1 leh block 2 chauh hi a ni an tender hi Pu Chairman, a zahthlak a ni. A tak hi a awmlo lutuk tah hian. Chung avang chuan hei kan zawhna min chhanna ah hian ka'n sawilang leh ang a. Engtik hunah nge sak zawh beisei anih tihah hian 12<sup>th</sup> Finance Commission atanga 25 crore dah atangin Phase-I thawh phawt a ni ang a, a chhunzawmna tur sum awm veleh abak chhunzawm a ni ang tih a ni. Hei hi sorkar official he House zahawmtaka kan sorkar in min chhanna a ni.

Hetiang ang ni si a Public-ah sakzawh tur te Stadium puitling kan nei turte kan inzirtir hi a pawl ka ti a. Nimin lamah tepawh Sports Association hruaitute an han ko a, a harsatna te Assam Rifle sawn chhuah hi I nawr mai ang u ti zawng tea an han kalpui khan kan ram kan thalai te tan hian he Sports Complex hi a tak ram a awmluh zia leh inthlan dawn hnaih anih avanga Election Campaign nan chauh an hmang a ni tih hi ka'n sawi tel duh a.

Tin, chumi rual chuan Sports chungchangah baw - khu kan vengah khuan Khatla Sports Complex siam an tum a. hman kum khan zawhna kan han zawh hian cheng nuai 73 senral a ni tawh a. Hmanni chu kan zuk en a, luikawr kawr kamah hian retaining wall te hi a awm a, Pu Chairman,

bawhlhlawh hian a hnawh vek mai a, infiam na lam chu a langlo khawp mai. Chutiang ang te chu kan sum serna a ni a, tahchuan nuai 73.33 an hmangral tawh a ni. Heng angte hi a tak takin hmang sela, nachina Ramhlun Indoor Stadium a daihlohna-ah te khan hmang zawk sela thalaiten an hmang tangkai zawk tur a ni tih hi ka'n rawn sawi tel duh a.

Tin, Demand No. 9 na-ah hian han lut leh lawk ila. Finance chungchang hian tawite in Pu Chairman, nimin maiah kan Finance Minister zahawmtak, kan Chief Minister ni bawkin state hrang hrang ina kan leiba kan outstanding list min rawn pe a. Heta tang hian han sawi ka duh chu - helai Congree sorkar laia kan leiba kha 574 1997 ah khan. Khatih laia kan Finance Minister mangangin kan ram tana hetiang zat sum kan bat sorkar in harsatna kan tawh avanga an mangan zia a sawi, helaiah MLA zahawmtak tak ten fiamthu thawh nante an hmang a ni. Mahse khatih laia sorkar kha chu a mangang takzet a, engtingge kan leibat kan tih tlem ang tih ngaihtuahna a nei a. Vawiini -ah chuan vaibelchhe 3611, 2008 a kan outstanding hi vawiina kan House Leader zahawmtak min lo pek a ni a. Vaibelchhe 3611 ah hian an la hlim thei viau tlat a ni. A zahthlak kan ti dawn nge. engtingge a ngaihna an hrelo zawk nge, 3611-ah hian an la nui hau thei mai a. Hengte hi a Financial lamah hian an ngaihtuah lo nge a kaldan hi tih hi ka han ngaihtuah duh a ni. Nge nia nakum maiah hian kan sorkar dawn tawh si lova, a buaipuitu hi chu Congres hovin lo buaipui zui rawh se an ti ve ni turah ka han ngai ngawt mai a.

Tin, PWD Demand NO. 45 ah hian VAT chungchang niminah kan Taxation Minister khan 2% a tih lai kha Pu Chairman, kan Minister khan min lo ngaihtuah that sak sela. Vawiinnia contractor te hnena VAT an lak dan hi an bill atangin Taxation Office-ah an va kal a, 2% an va pe a, chu chu cement leh Rod VAT itemah chuan a ni. Amaherawhchu, kha kha a leitute khan dawra an lei tawh chuan VAT kha pek sa vek tawh niawm tak kha hralh chhawn tur pawh ni lovah khan sorkarah 2% hi contractor hnen atanga Taxation a an va dah leh kher ngai hi kan Chief Minister zahawmtak PWD changtu hian min enthat sak sela. Hei aia tha/awlsam zawka kan kuthnathawktuten an tih theihna tur atan tih kha ka rawn sawi duh a.

Tin, Demand No. 30 Power & Electricity chungchang hi Congress sorkar lai khan Pu Chairman, Power Mizoram a project reng reng hi Congress sorkar laia tih vek mai hi alo ni a. MNF sorkar kum 10 chhung hian Serlui 'B' tih bak chu sawitur hi a awmlo reng reng. Mini Hydrel Project kan tih, Khawiva, Ramri lui, Kau Tlabung te, hemi list zawng zawng hi Congress sorkar laia kan hmalak a ni a. Bairabi chungchang te, Tuirial Hydrel Project chungchanga sum indaihloh vang chungchanga an tih kha Pu Chairman, vawiina kan sawi duh chu helaia kan Ministry, MIFCO ina he lehkha a ziahah hianin Tuirial Hydrel Project a tawpna chhan hi kan quote lawk duh a. Onward camp 2 complete stop w.e.f 9.6.2004 on account of agitation nounce by Tuirial crops compensation payment association demand in payment against crops compensation in the reverend foresterial which is not payable as per the Govt. of India norms. Khami titute khan kan Chief Minister naute an ni, Pu Speaker, churang chuan kha Tuirial Hydrel Project tawpna kha compensation vang a ni tih hi a chiang em em a ni, ka lawm e.

**PU LALCHHANDAMA RALTE :** Pu Chairman, vawiin-ah Demand 12, Department hrang hrang kan han sawiho dawn a ni a. A hmasa berin Demand No. 22 na Sports & Youth Services Department-ah

Hian ka'n lut hmasa duh a. A chantu Minster leh Department a thawktu te thawhna avangin Mizote India ramah Sports lamah kan han langsar ve tan mek leh hmasawna lam rahbi kan han rap chho hi lawmawm ka ti a. Chutih rual chuan kan Sports & Youth Services Department hi DP & AR Demand kan sawi tuma ka sawi tawh ang khan a set up hi a pumpuiin kan ennawn a tha in ka hria a. Youth Services te, Sports lam te enkawltu an ni a, anmahni Departmental ringawta inchawm chho an ni a, hnathar an la si lova, tun atanga reiloteah a sang lam aiin a hniam lam zela kal annih avang hian he Department hmalam hi a thim flat in ka hria a. Helaiah hian kan Sports Minister pawhin uluk zawka a lo ngaihtuah a, helamah hian kawngthar, tui thar leh qualification tha zawk Sports & Youth Services lam tuizawkte an luh theihna tur min ngaihtuah sak theih a tha in ka hria a.

Tin, kan Finance Minister Budget Speech kan han thlir khan Sports & Youth Services hi priority a pek a ni a, nikum lam aiin nuai engemawzata pungin nikumah nuai 1540 plan leh TFC Earmark ah a awm a. Kuminah 2625, 70% dawnin a sang a. Hmannia Sports Association te nena sawi hnva a pekbelh leh te nen chuan 2695 lakh lo thleng chho te hi a lawmawm a.

Tin, helai huangah hian hundanga kan la neih loh India ramdangah pawh an la neih loh Youth Commission kan Sports Department budget ena lo lang, a head a lo lang hmuh khan party tin tena kan au hla kan sorkar chuan kan ti ang tih kha a tak ram a lo chang ta a. Mi thenkhat ten an ti a, a tlai hnuah an han ti thin na in India ram lairil zawkah pawh khawi hmunah mah an la neih loh kan Officers, Minister changtu ten an han duang thei ta a, tuna a tak ram lo changtur kan han hmuh hian lawmawm ka ti a.

A.R Lammual chungchang tepawh han sawi ve ka duh a. A hmingah Rajiv Gandhi Sports Stadium tur angin Pu Zodintluanga nen kan zawhna intawmah khan chhanna kan hmu a. Diktak chuan Architecture Design pawh peih a ni. M/S Mathur & Kabre Associate Pvt. Ltd., New Delhi tih tura nihte, a senso leh tulte chu an rawn sawi tawh a. Ka ngaihtuah na-a awmah chuan zoram thalai ten hmalam thlima kalmekah Stadium discipline hrang hrang tana tha kan duh kan thlai hian helai Legislator te chuan aw khat neia tang ho tura party tinte hi ram tan infrastructure tha siam kan tum lai hian kan ke inpheh sak tumna lam a awm em aw tih hi ka hmuh dan a hi. Diktak chuan Pu Chairman, i veilam a mite. i chair lai a ni bawka, a pawilo ang chu maw, tunhma lama i lo awm tawhna te, an kaldan te i hriat avanga awm zelna tlak loha i ngaihte, i awm ve lai 2005 ah khan Home Minister lokal tura Memorandum an submit turah khan enge an ngaihtuah kha? House-ah sawi rik a awm tawh a, chu chu record an sawi ka hriat dan leh tunhnu-a titi-a a landanah hian Lammual-ah hian Stadium kan sakte, A.R kan sawnchhuahte hi dal pawl an awm ani lo maw? kha Committee-ah khan Pu Chairman, nangpawh i awmin ka hria, I tel ve in ka ring. I tel ve ngei pawhin ka hria. Khatih lai khan tunge Chairman? Engtinngan rel? Conclusion tak nei hlei thei lovin in awm a, a duhlo pawlah nang pawh i tang anih kha. Amaherawhchu, memorandum kha an submit ta em? khatiang ang khan development kal tur a ke min pheh saktu pawl,



khulamah hotute an neih avanga tang te an awm lo maw? Hei hian zoram tan thahnem a ngai ang a an sawi hi a dik dawn em ni Pu Chairman?

A dawt leha ka sawi duh chu tunah ngei pawh kan Chief Minister te, kan Sports Minister te hmalakna avangin Assam Riffle te nen a hmunah engkim an en ho va, an teh a, drawing te engkim an ti a. DG, Assam Riffle lal ber pawhin lo tan mawlh mawlh tawh rawh u a tih lain a pension alo hun ta hlauh mai a, mithar in an rawn thlak a. Tute emaw hnathawh lang ta -ah khan khulama Home Ministry a an hotute hnenah engemaw lo tih tirin helaih December-ah lehkha mak tak kha a hma-a an phal, phal leh mang tak loh kha alo thleng a ni zawk lo maw? Vawinah hian hei hi ka sawi duh a ni. Hei hi nuih chi pawh a nilo. Zoram pawh hi tute nge khawih tih hi kan hriat a tha. A dik tak chuan thahnem kan ngai anih chuan hawh u, I bei ho ang u hmiang. Khulamah kan pute an lal a lawm mawle in ti a ni lawm ni. Chutiang zawng chuan kal tur ani dawn lawm ni? A hming Rajiv Gandhi kan han phuah, kan han hmang te hi in lawmna turah ka ngai a, Laldeng Stadium tih te hi ka chak a. Amaherawhchu kan puten Rajiv Gandhi hming an lo chhal tir tawh avangin remna leh muanna siamtu hming an han ruat hi a ropui ka ti a, chu chu ka sawi leh duh a ni.

A dawt leha chuan hun kal tawhah khan Assam Riffle Lammualah a chhuat lung phah emaw, a sir gallery kan ti emaw, lungrem zawng zawng kan tih lai sawn permit hranpa phalna awm ngai lo, manual understanding (inhriatthiamna) in kan ti a. Hma kan la a, kan ti vek thin. Tun hunah pawh tih ho vek a niin Committee-ah pawh Assam Riffle aiawh te tel vekin kan Officers tenen an ti hova, kan Chief Minister te an phur em em a ni. Engatinge an phur loh tak thut? Inthlan dawnah bul kan tan tur min enghelhtu Zoram thalaite kawng daltu hi kan awm zawk a ni lawm ni? Pu Chairman, chu chu ka sawi duh a ni.

A dawt leha ka sawi leh duh chu Demand No. 28 Labour & Employment Departmentah hian thalaite ngenchhan Department a ni a, kan chhawr tlan em em a ni. Sorkar kal tawh, tunhma atanga vawini thleng hian a bilhah hian a tho lo laklawh niin ka hria. Labour & Employment Department hi a diktak chuan Department hmasawn lam aiin an te chho tial in ka hria a. Director leh Deputy Director chauh Directorate Officer an awm a. Officer dang tepawh awm hleitheh lovin an awm a. Tunah hian an enkawl hnuaiah ITI 3 te an lo awm chho ve tawh a. Chutah pawh chuan a thawktu labour 30 vel contract basis in an awm mek a. Thalaite ngen chhan lai bawr vel ah hian tun hunah pawh hian keini pawh kan tan deuh hlek tulna lai a awmin ka hria.

Tin, ITI hnuaia an hmalakna-ah hian World Bank Assistant hnuaiah Central of Excellent, chutiang chuan thil siam in India ramah pawh ITI training chhuakte khawi hmunah pawh qualified anga hman theih turin a standard an han maintain tha pawh a tha hle in ka hria a. All India Trade Certificate an nei thei hi a ropui ka ti takzet a. Chutih rual chuan Labour Wing kan neih te pawh tih changtlun a ngai. Hmanni-ah Labour Officer pakhat kan la ve a, mahse pakhat tana handle chi niin ka hre tawh lo. Labour Inspector pawh kan nei mumal lova, heng tepawh hi department in a propose mek niin ka hria a, Chief Minister demand sawi ni a ni bawk a, a ni pawhin Finance lam atangte, thildang atang pawhin min lo hriatpui a tha in ka hria a ni.

Employment officer post 8 awmah 2 chauh tunah hnawh khah a awm a. Helai tepawh ni 6 vel kan neih loh tepawh. Tin. Minimum Wages Act te, Rules te, heng ang chi zawng zawng pawh kan en that a ngai. Hlawhfa kan chhawr dan, lekhathiam zirtirtu ah BA/MA te 1500/2000 vela kan chhawr te hi heng qualification nei chu heti zat tal a ni tur a ni tih a tul a. Tin, Workman Compensation tepawh hi hei aia kan ngaihtuah chian a tha. Kan unaute pawhin an la sawi tho in ka ring. Hmannia lungrem chim a ni emaw, thildang a ni emaw, mi vanduai an awm a, an chhungten compensation an lak theihna tur dan tepawh hi kan siam a tha in ka hria a. Helai hi kan sawi duh bawka ni.

A dawt lehah chuan Demand No. 1 - Pu Chairman, kan Legislative Assembly hi ka sawi duh, kan Speaker kaihhruaina-ah kan zavain kan hlim tlang a, nuam pawh kan ti a. Kan thawktu te an fel tlang hle ani. Amaherawhchu, kan au aw te han en hian tun hunah hi chuan hemi bik hi chu priority kan pek lehzuat a tul in a hriat theih a. Hei, Session kan neih lai bakah hian Committee peng hrang hrang tamtak 21 zet he House-ah hian kan nei a, kan thu reng a, Mini-Session ang mainn kan nei a, hna kan thawk reng a. Chutih hunah chuan a enkawl zuitu kan officer hote an indaih lo em em mai a. Hemiah hian tunah pawh hian kan Speaker kaltlangin kan Chief Minister ah dilna post siam belh turin an tiin ka hria a. Hei kher kher hi chu ram rorelna hmun enkawltu, thil pawimawh tak titu annih avangin kan duhsak a, priority kan pek pawh, a bik takin mamawh an han sawi hi chu kan pek a tul hle in ka hria a ni.

Tin, Demand No. 45 Public Works Department-ah hian thil pakhat ka vei lai deuh mai chu National Highway 150, Tuirini Lei, khilam kan bial lam Khawruhlian tlangdung, Ratu tlangdung leihlawn hi Pu Chairman, tawite in ka sawi leh mai ang a, ka sawi laklawh a. Khimi leihlawn khi tunah khian zawh hleihtheih lohvin motor lian kal hleih theih lovin a awm a. Chu chuan buhfai phur turte, khawnvartui phur tur, trip full a kal thei lova, harsatna kan nei mek a ni. Hei hi khawngaihtakin PWD changtu kan Chief Minister te leh a Officers tepawhin min lo hriatsak a tul hle in ka hria a. Chumi anih loh chuan kan bial te, Ratu bial Pu Duhoma bialte tam mai hmabak kan nih theih avangin helai kawngah hianin nasa zawka kan Chief Minister pawhin priority min lo pek a, uluk zawka a chei thatna tur chungchangah a ni emaw, lei thar kan dawhna turah pawh chak zawka hma min lak sak ka duhin chu chu ka ngen a ni e, ka lawm e.

**PU LIANSUAMA  
CHAIRMAN**

: A lawmawm e, tunge han sawi leh ang. Aw Pu Hiato ilo ko ang.

**PUS. HIATO**

: Pu Chairman, ka lawm e. A hmasa bera ka sawi duh chu tukina ka zawhna Chief Minister in sorkar hnathawklote tan Medical re-imburement a theih tur thu a sawi hi

engtik atanga hman tur nge tih ka zawt a, a chhuak hman lo hlauh mai a. Hei hi GAD hnuai a ni bawka, ka'n sawi hmasa duh a. Pu Chairman, hemi scheme hi mitinin kan nghakhlel a, thusawitute hnen atanga kan hriat dan khan 1<sup>st</sup> April, 2008 atanga hman mai tur awm khan kan hria a. Mahse a nilo palh ang tih ka hlauh avangin sawi duh belh ka nei a. Hei hi mihring nuai 1,50,000 min khuh tur a ni a. 1,50,000 ah chuan premium hi mimalin 330300.30/- kan pek a ngai a. Mirethei tan chuan hemi pek hi cheng za pawh neilo tan chuan a va har awm ve aw tiin ka ngaihtuah a. Hei hi engtinnge solution awm thei ang tih ka zawt duh hmasa a.

Tin, hemi pawisa hi Asian Development Bank atanga loan a hmuh tur niin kan hria a. Chumi loan chu engtikah nge kan lak theih ang? April ni 1 anih kha chuan tunah pawh hian kan lak fel vek chuan theih awm tak a ni a. Mahse hei, nimin a website atanga kan han tlawh ve danin March ni 25 nimin Dar 2:00 thleng kha chuan hei hi sanction a la ni lo tlat a ni. Chuti anih chuan hemi loan pek hi a tlai si chuan nikhatah chuan kan va hmang hman awm lo ve tih hi ka hlau a, chulai chu min lo hrilhfiah se ka duh khawp mai. Tin, hemi ti tur hian Public Resource Management and Programme hi a hming a ni a. Tunah hian proposer stage-ah chauh a awm a. Khami kha proposer stage a nih si chuan nimin thleng pawha sanction a nih siloh chuan engtikah nge kan hman theih ang tih kha min hrilhfiah turin a hmasa berin ka sawi duh a ni.

Tin, Pu Chairman, kan sorkar hian Sub-Division Civil engemaw zatah min hawnsak a, kumina budget kan han en hian pawisa a budget a House building va sakna tur te, staff recruit na tur te, Sub Division level-ah hian khawiah mah a dah lova. A dah chu khawilai emaw a an hlauh tur lek emaw hi a lo lang hlawm hi pawika ti a. Tun term tawp dawn thleng pawha implement nei thei lo tura kan awm hi pawika ti a. Nikum election lai khan Saiha-ah chuan kan hotuten SDO Tuipang-ah rang zetin Election dawnah min zuk dah sak a. Tunah hian Saiha-ah an dah chho leh daih a, Office pawh awm lova, Staff pawh awm lova chutiang chu Mizoram hmun tinah a awm a ni. Hei hi pawika ti a, Circuit House kan neih te hi enkawl that a nilo em em a. A bik takin Saiha tepawh a hmun thatak kan nei a, kan Chief Minister khan kan sa thuai ang a ti a. Kuminah hian nuai sawmhnih pakhat vel hi chu a lang a. Circuit House tha sa tur chuan nuai sawm hnih pakhat hi chu a sakna tur a ni dawn nge tih ka hre lova. Hei pawh hi min rawn hrilhfiah se tih ka duh a ni.

Tin, Demand No1 Legislative Assembly hi sawi loh theih loh a ni a, ka hma-a sawitu ten an rawn sawi tawh ang khan tun term ah hian kan Speaker chungah hian kan lawm em em a. House min conduct chhoh dan te, kan zalen dan te hi lawmawm ka ti a, lawmthu sawi kan ba hliah hliah a. Chumi rual chuan an staff te hi an taima em em a, chhungkua angin an awm a, keini MLA Opposition te tan phei chuan chhungkaw bikah kan neih hlawm a. Tin, tuna kan Speaker hnuai hian Subject Committee engemawzat a awm a, Financial Committee tih lohah pawh Committee hi a in zawn reng a, Information hi Department atangin lak reng a ngai bawka, officers hi an indaih lo em em mai bawka, chuvangin post an dil hi kan Chief Minister khan min ngaihtuah sak se tih hi ka rawn sawi tel leh duh a.

Tin, PWD -ah ka lut duh a. Kumiah lawmthu sawina kan nei a, PMGSY atangin Kawlchaw-Latawh thleng kawng min

siam sak a, Zawngling-Chapui thleng min siam sak a, Theiri-Tuisi min han siamsak a. Tin, Phairuang-Lungpher min han siamsak te hi lawmthu kan sawi a, kan lawm em em a ni. Kan lawm em em rual chuan vanneihna hi a double in a kal emaw ni kumin hi tih tur in kan dil reng thin Pioneer Border Road Task Force in kawng hi la se kan ti a, kan dil kan dil a, a lo kal thei si lova, kuminah kan state sorkarin min lak sak hlah a, chumi rual chiah chuan sanction hi a lo kal si a, Kawlchaw-Tawngkolong thleng a lo kal a, Chapui thleng a lo kal a, khatiang kha anih avangin keini chuan dik chiah chuan kan state sorkar min ringlo tilo ula, PWD lak ai chuan pioner lak hi tha kan ti. A chhan chu Tlangpui-Niawhtlang kawngte kan han en a, tuna an blacktop sa tepawh kum khatah a khawk leh vek tawh a ni a. A zim em em a, hetiang kawng kan neih ai hi chuan BRTF hian kawng min lahsak se tih kan duh a, helaiah hian kan PWD changtu kan Chief Minister pawh hian tlawmngaih min chhuahpui zawk se hemi state hi min withdraw sak se, pioner kutah min hlansak se tih hi Tuipang bialtu in a rawn ngen ang khan ka rawn ngen duh a ni.

Hei, kum sawm kan kal tawh a, dik chiah chuan a ngai reng hian kan nei a, nizan thleng khan kan thim rup rup a, Session lai pawh hian kan thim reng a, a sawi hleih theih lovin kan awm a ni a. Improvement reng reng awm ta lova kan awm hi kan scheme leh project a te lutuk hi a ni mai a. Scheme lian kha nikum lamah khan Chief Minister in min chhandan chuan kan Chhimtuipui Project mega watt 400 atanga 600 tichhuak thei tur kha a thawktu te lamin tih len an duh a. Chuvangin hun pawhsei min dil a, kan pawhsei sak a ni e a ti a. Kumin hian enge a an tak? Khatiang project lian law law min lak sak chuan emaw, Mat - ah pawh Phase-I mega watt 80 tichhuak thei mai tur sorkar hmasa a a tih te, helam Tuirial te, Bairabi te chu ka sawi rih tawh lo mai ang a. A chhanna kan hmuh tawh hlawm avangin. Hetiang anih avangin Power a intodelh na tur hian te tak te te Serlui B 12 megawatt ti chhuak tur lek te, khawi emaw Thermal Power Project kan neih hman theih loh a man sang lutuk tih te a nih reng hi chuan engtinng hma kan sawn ang le. Arunachal te khutiang khu anni tawh a, keini anga a te zawnga kal a, a hnungtawlh zawnga kan kal hi chuan a tha dawn lova, amaherawhchu kuminah hian kan en a alian lo thei tur dinhmuna kan dinglo te hi paw ka ti tak tak a ni.

Tin, Sports & Youth ah hian ka'n kal leh duh a. Dik chiah chun kan Sports & Youth hi kan District chhungah chuan hnathawh anei lo a ni. Hnathawh anei tur hi an withdraw vek tawh a, a contract lak chin chiah chiah hi an thawk a, playground te, Indoor Stadium tepawh min han sak sak bawk a, an MTP lamin an remti lo a ni an ti a, an remti e kan tih pawhin an chhonzawm lova. Tin, Badminton Court tur tepawh Saiha-ah te an han propose a, lak loh rengin a awm a, kan vui viau a ni, Sports Department-ah hian. Sawlamah Boxing-ah te tha tak tak kan tichhuak ve tawh a, khalam pang hawi reng reng hma min laksak lo hi hrehawm kan ti a.

A tawp berah chuan Pu Chairman, Tourism ah hian kuminah Tuipang -ah min dahsak dawnin kan hria a, kan lawm a, mahse zawhna ka zawh duh chu hman deuhah Pu Thawla khan hei hi tunge contract kha an pek tak tih kha a rawn zawt a, keini kan hriat dan chuan Pu Thawla hi Contract amah an pek avangin sawlam MNF ho an vui a, Pu Khawpuithanga'n MNF, Saiha Division Office a va hawn lai khanin Tuipang block leh unit 21 in an seal an kir tih kha chanchinbu-ah kan hmu a. Hetiang khawpa sorkar siam puina lamah pawh tangkai

contract in pe te, seal te in kir mai te hi a va mak ve mawle! Tih hi thu dik a ni em? sawrkar siampui tur chauh duh, contract pek phal lo hi engnge a chhan? Tih min hrilhfiak ka duh a ni, ka lawm e.

**PU LIANSUAMA CHAIRMAN** : Dar 1:00PM a la ri lo deuh na a, kan chawlh a lo hun dawn ta a, i chawl mai ang u aw. Dar 2:00 PM ah kan lut khawm leh dawn nia.

**2:00 PM**

**DEPUTY SPEAKER** : Kan chhonzawm leh ang a, Pu Saikapthianga ilo sawm ang.

**PU SAIKAPTHIANGA** : Pu Deputy Speaker, ka lawm e. Hei, vawiin kan demand sawihona hnukung ber Chief Minister leh thalaite min hnimhnai ber Minister portfolio kan sawi dawn a ni a. sawi tur a tam hle a, mahse hun a tlem si a. Demand No. 22 Sports & Youth Services-ah hian han lut phawt mai ila. Kan thalaite infiamna khawvelah hma an sawn hle a ni tih hi phat rual lohin kan hriain ka hria a. Tin, a ram pumpui India ram ang pawhin hma hi a sawn nasa em em mai a. India ram in hma a sawn rual hian keini hian kan sawn ve em tih erawh hi chu kan inbih fo tulin ka ring a. Thil tamtak kan sawi hman lovang a, tunlai inhnia na ti mai ila, inchuh lian ber mai in ti mai ang, Assam Rifle Ground-a Indoor & Stadium siam tih thenkhatin siam theih nia sawi, thenkhatin siam theih loh nia sawi chungchangah hian sawi ve duh riau ka nei a.

Nia, Assam Rifle chungchang hrim hrim hi niawm ka ti tawh a, politics ball-ah hian hun engemaw tichen atangin kan hmang a. Assam Rifle sawn chhuak thei leh thei lo tih atangin hmasawn hi a har em em mai a. An kalna tur, an insawna tur ram Zokhawsang-ah sorkarin pawisa tamtak senga an pek pawhin hma a sawn hlei thei lova. Chuvang chuan, sawlai Stadium siam tih fo mai pawh hi kan insawn san daih mai hi a hun tawhin ka hria a. Tin, Assam Rifle te nena Mizoram sorkar leh mipui anga kan thawhhona hi k an chiangin ka hria a. Vawiinah pawh sorkarin Assam Rifle Gound-ah Stadium puitham tak siam a tum a, tender te a ko a tih a ni a. Hriatthiam duh chuan hriatthiam tur awmin ka hria. Hun hmasa lamah khan Assam Rifle Ground-ah sawn pawisa tamtak Mizoram sorkarin a seng a. Chutah chuan Assam Rifle ina an phalna ziaak leh engemaw kha a awm ka hre chuang lova. Chutiang chiah bawh chuan tun pawh hi a kal niin ka hre mai a.

Tin, sanction chungchangte kan han sawi a, pawisa awm leh awmluh kan han dap a. Chuvangin sorkar sanction hi a awm ve tlat mai a, sanction hi chu a chiang khawp mai a. Chi hnihin sanction a awm a, pakhat consultancy firm ina a hman tur atana pek tur pawisa pawh Rs. 98.315 lakhs a ni a. A tam elawl hle mai a. Entiang takin a plan leh estimate hi siam ni ang maw.

Chutiang bawkin Rajiv Gandhi Sports Complex siamna atan chuan Rs. 3,96,68,500/- a ni tih hi ka'n sawi duh a, sanction a awm leh awmlah laiah hi chuan buaina tur hi awmin ka hre lo a. Sanction hi a awm a. Tin, Assam Rifle hotute tih kan Sports lam hotute, kan Chief Minister thleng pawhin an sawiho loh chuan hetiang ang hi chu State khat Chief Minister ve lai chuan a ti lo ang tih ka ring mai a. Amaherawhchu, thu tharte a lo awm anih chuan helai chu ka zu sawi thiam vak lova. Chu ai chuan Mualpui ramah khuan Sports Complex pawisa tamtaka neih hi sawn mai hi tha in ka hria.

Zokhawsang-ah hian Assam Rifle hi a n chhuak tak tak dawn anih chuan an chhuah hun chuan kan la nei tho tho dawn a, Assam Rifle hian an rawn hauh reng dawn lova. Chuvang chuan sawlaia harsa-a politics game angreng deuha inpuh inpuhna kalsan hian kan thalaiten an mamawh mek puhru tur hian Mualpui ram zau tak sorkarin a neih, a vengtu tur-ah pawh Police Battalion awm nghalna chulaiah chuan kan sorkar hian sawn vat mai sela, hna hi rang takin tan nghal mai sela tih hi ka rawt a ni.

Tichuan, khulaiiah Stadium thatak kan nei ang a, Assam Rifle an insawn hunah sawlaiah chuan kan tu leh fate pawh an ni mai thei a. Hei, Assam Rifle sawn kan tumna a rei tawh dan leh an insawn har dan hi. Chungah chuan sawlai saw an la rawn chei ve leh mai ang. Chuvang chuan hmana Assam Rifle Ground tiat Mizoramah kan la neih miah hma-a saw Ground kan sawi ang kha chu a tam tawh a ni, Mizoram chhungah hian. Chuvang chuan, sawlaia kan rilru dah reng hi insawn vat a hunin ka hria a, chu chu thuhma-ah ka sawi duh a.

Hmanni Agriculture leh Horticulture Demand ni khan ka sawi ngei ngei tur sawi hmaih ka nei a, vawin hian sawi ka duh a. Chief Minister kaltlaga Agriculture Minister in MIP Fund atanga ka biala serthlum tam hmuna phun tur kuhva tiak leina tur kan Chief Minister remtihna leh kan Horticulture Minister, MIP changtu kaltlaga nuai hnih chuang zet kuhva kan phun kha kan bialte an lawm hle a ni tih kha ka sawi duh a. Kan Chief Minister leh kan Agriculture leh Horticulture changtu Minister hnenah ka'n sawi duh a ni.

Tichuan, Demand No.1 Legislative Assembly hi kan hotu engemaw zatin an rawn sawi tawh a, tawite han sawi ve ka duh a. Hei, Committee hi kan ti ngawrh ta hle mai a, kan staff te hi an indaihlo nasa in ka hria a. Committee in kan duh ang huna thil peih chhuah hleihtheih loh an indaihloh vang tein thil a awm thin a. Effective Legislature neih kan tum chuan Assembly Committee tih chak nan he an indaih lohna hi puhruk tulin ka hria a, chu chu ka sawi tel duh a ni.

Demand No. 39 Power & Electricity chungchang hi ka sawi thin a. General Discussion ah pawh khan ka sawi tawh a. Tin, hmanah khan Budget Session-ah bawka sawi tawh in ka hria a. Kan Power Department inruahmanna kha ka sawisel deuh a, a line kalna tur lam leh khami inbuatsaihna atan khan pawisa kan hmanang nasa hle mai a. Power generation-ah hian a chak hleithei silo lai kha, hmanah he House zahawmtakah hian kan member zahawmtak pakhatin remna leh muanna kan sawi chungchangah sakawr tawlwailir sakawr hma-a dah ang deuh tih thu thufing deuh mai a rawn sawi a, chu ang deuh chu niin

ka hria a. Vawiinah pawh hian ka la hre tho mai a, churang chuan a sem darhna tur lo in ruahmanna tawh tur hi chu awm tur a ni a. Amaherawhchu power siamchhuah lamah hian tun aia sorkar hian tan a lak nasat a ngai hle in ka hria a. Chutih rual chuan vawiinnia kan neih neih ang pawh hi Industries lamah leh kuthnathawktute lamah hian power hian a hawi mawh lutukin ka hria a. Ka bial te, khung Zawnuam bial te, tuikhuah nei te, leilet nei te, khung ho lam hawia ka'n sawi thin pawh hian rin ai hian hma hi kan la chaklo tlat mai a. Churang chuan kan hnathawktute tamtak in leh lo nena na va khawsakna kha khua a lo thim chuan rukru te chetna hmun a ni tlat mai a, churang chuan chulai chungchang chu Pu Deputy Speaker, ka'n sawi leh duh a ni.

Tichuan, Demand No. 45 Public Works

Departmenet-ah hian tlem han sawi tulin ka hria a. Hmathar lakna lamah hian PWD hi a chak viau a ka hriat lain thil awm tawh han chei lehlamah hian kan kalpel nasa lutuk em ni awm ka ti a. Kawng, tunhma-a bus te service tawhna, kal hleihtheih loh hi a awm deuh nual tawh mai a. Ka bialah tepawh kuan Tuilut atanga Kawrtethawveng panna kawngte khu tunah chuan tih luih fe in hmun thenkhatah chuan Gypsy a kal thei chauh a ni tawh a. Churang chuan he kawng hi ka sawi zing tawh hle mai a, a sawt hleihthei lova, chutiang bawkin Tuipuibari-Tripura nena kan inri na, state dangte nena kan inkalpawhna kawng ber mai te khu kan hlamchhiah rei lutuk tawh a, tihngaihna awmlo khawpin a chhia a ni. Helai hi a bik takin bial chung anih bakah pawimawh ka ti a, ka'n sawi nawn leh duh a.

Tin, Pu Deputy Speaker, point pakhat chauh a vawm luh ve hi a rem em tih ka hre lova. GAD-ah te hian a lut rem thei mai em ka hre lova. Hmanni-ah khan ka sawi tawh a, kan Department thar pawimawh tak mai, Chief Information Commission, helai hi tawite in han sawi leh ka duh a. Thawkho hleihthei lo reng mai, department zahawmtak tura ngaih ni si, chanchinbu-ah te leh document hrang hrang public hmuh theiha a chhuak a chhuak mai hi diklo ka ti nasa em em mai a. Hei, keipawh hian ka dawnna chiah pawh ka hre mang lova, lehkha pahnih ka dawng a. Heng lehkha te hi han en chuan a zahthlak lutuk a ni. An hna laktur mipakhat ina computer-a a chhut, a tak taka a chhut chhe si hotupa ber hova a lem an siam, officer tu emaw an authenticate tir ang te hi tlangzarh ti tihin a awm a ni. Chutiang bawkin a department DPC ina an recommend te thaichhiat a, a hotupa ber mai ina chungkhat laina hnai niawm tak an han ziah belh ringawt ang te, a vak a vak mai ang chi te hi chu diklo ka ti takzet zet a, churang chuan kan hnam leh kan state sorkar ang pawha zahawmna hi an tibo hian ka hria a. Churang chuan an post te, an lo luh dante harsa tak, amaherawhchu sorkarin a duh a, a tum chuan siamthat theih niin ka hria a. Hmanni-ah khan ka sawi tawh a, thiah vek a, a bul atanga tan that hi a tha lawm ni tih bawh kha ka rawn sawi leh duh a ni. Pu Deputy Speaker, sawitur a tam si a, hun tepawh min pek belhin ka hria a, ka lawm e.

**DEPUTY SPEAKER**

: Pu Rohluna hi i sawm ve leh phawt ang aw, Pu H. Rohluna

**PU H. ROHLUNA**

: Pu Deputy Speaker, ka lawm e. Demand No. 1 a hmasa ber atangin tan ta ila, tawite han sawilan ka duh a. Keini Opposition han ti ila, M.L.A fang ho tan hi chuan min

enkawltu ber, kan inpui a ni a. Min enkawl tawhna-ah Legislative Assembly hian a officer leh staff te, Speaker hovin a lawmawm hle in ka hria a. Tin, chutih rual rual chuan hei, Committee peng hrang hrangte kan Session kar lakah a tam a, hengah te hian kan officer te hi an indaihlo hle a, Committee thenkhat te hmun hranah te lo zin ngai te, field visit hmun hrana zin chhuah ngai anih te hi chuan an buai thin hle a. Hengah hian tun aia indaih zawk deuh hleka kan sorkarin a buatsaih hi a tulin ka hria a. Tin, khawvelin hma a sawn zel a, tihtur a lo tam zel a, heng dan siam kawngah a ni emaw, kawng dangah pawh chungah chuan hei hi tun aia duat zawk deuha kan enkawl hi a pawimawh hle in ka hria a, ka'n sawilang duh a. Tin, Pu Deputy Speaker, in mi enkawlina-ah hian kan lawm hle a ni.

Demand No. 14 Planning & Programme Implemenatation-ah hian kan sorkarin nikum 2007 May ni 17 atang khan Planning Board, District tinah divided Aizawl-a District thar kan siamah hian District Planning Board a hmingin an siam a, order an chhuah vek a. Mahse, vawikhatmah Meeting kan nei lova, keini Champhai District kan ni a, District dangah an nei em ka hre lova. Meeting pawh awm lovin vawiin kan thleng a. Hei, kum khat a ni dawn tawh a, hei hi engatana kan din nge ni ta, a hming maiin kan ti a ni em tih hi ka sawilang duh a. A tangkai tur ang leh sorkarin a dinchhan ang hian hmalak a awm lo niin ka hria a. Hei hi a pawimawh dan Session hmasa lamah pawh kan sawi thin a. Mahse, hetianga a tangkai tur ang hian hmalak a awm ta lo hi a pawika ti a. Hemi tel lo hian kan sorkarin kan kal thei tho e an ti anih chuan keini chuan sawitur kan nei lo-ah ngai ta ila. Mahse, Planning kan tih hi a lem atang ringawt ni lovin, District Level-ah te, Block Level-ah te hian tha takin kal se, tun ai hian kan ram hmasawna hi a kal rual ang tih ka sawilang duh a.

Demand No. 39 Power & Electricity-ah hian thingtlang khaw tamtak eng la neilo kan awm a. Nikuma ka zawhna chhanna-ah chuan khaw 149 bawr vel Mizoram chhungah eng la neilo an awm a. Hei, RGGVY atanga crore 102 chuang pawisa awm hi nikum chhung zawnga Department hian hman loh in an dah niin a lang a, Governor Speech atang khan. Chumi anih chuan sorkar kumthar lo awm turah hian chuan chaktaka hma an lak a, hmasawna atan kan kalpui loh chuan he pawisa hi anih tur angin hna a thawk lo ni tlatin ka hria a. Nikum Budget Session-a kan Governor Speech leh kumin ami kha a thu a inang reng tlat a. Chuvangin hman loh in a awm niin ka hria a. Hei hi hmang thei tura department pawhin hma an lak a pawimawhin ka hria a. Tin, House-ah kan sawi thin a, kan bialah te eng mamawh tak tak Vaikhawtlang, Selam tihte pawh ka sawi thin a. Session helaia kan thut ve tirh atangin helaia kan sawi hian awmzia a nei lova, Session zawh hian min theihngihl sak leh mai thin a. Helai kan sawi zawh hian kan sawi ri hi a tawp a, theihngihl in a awm leh mai thin hi a pawika ti a. Vawiinah chuan kan Chief Minister demand sawite kan ni bawka, kan Minister te pawhin zoram tan leh kan bial tana pawimawh nia kan hriat han sawilan ve te hi chu umzui na chang tunai hian hre deuh hlek se ka duh khawp mai Pu Deputy Speaker.



Tuivai Hydel Project hi kan sawi thin a, PPP a hmalak tur angin kan Minister pawhin a sawi ri thin a. Heng tepawh hi megha watt 210 pe chhuak thei tur a ni a, Mizorama tuna clearance kan han neih tawhah hi chuan a tha ber a ni tih kan sawi ri ziah a. Mahse, vawiin thlenga hmalak tak tak a awm thei lo hi pawika ti a. Power kan mamawh dan chu sawi ngailovin kan hre vek a, Hydel Project lian kan mamawh dan tepawh kan hre vek a. Mahse, vawiin thlenga chaktaka hma kan la thei lo te hi a pawika ti takzet a. Nikum viability gap grant atangin he hna hi tih theih mai beisei a nih thu pawh budget session ah sawilan a ni tawh a. Mahse vawiinni thlenga hmalak tak tak ala awm rih lo hi a pawika tikhawp mai. Tin, Tuirial pawh hi vawiini thlenga chhonzawm hleihtheih lohin hetia a zuih ral ta hi hmalak tum a ni ti ringawta zoram mipui kan in nghat ta hi a pawika ti a, hei hi chak lehzuala hmalak tha ka ti a.

Tin, Demand No. 45 Road Protection Squad PWD-ah hian Aizawl khawpui chungah tunai hian la active zawk se ka duh khawp mai a. Kawngpui kam hnawk tak tak a tam a, a biktaka han sawilan ka duh chu Ramthar veng leh Ramhlun South inrina a kawng chep deuh maia cubic lung rem an thiahna an dah reng mai te saw kawng a ti chep lutuk a, hengte hi clear hma dan awm se ka duh khawp mai a, chu chu ka rawn sawi lang duh a. Tun aia active zawk deuh hlekin Road Protection Squad hian hnathawk se ka duh a ni.

Tin, Demand No. 22 na member thenkhatin an sawilan tawh ang khan Stadium kan mamawh dan te hi kan sawilang thin a, kan thalai tepawh helamah hian an tuihal a ni tih kan hria a, chutih rualin vawiinnia Assam Rifle Lammual a Rajiv Gandhi Sports Stadium sak tumna tender lo awmta leh helaia thil kal kual vel dan hi a vanduai thlak hle in ka hria a. Engahnge A. R. Lammualah kher hian Kawrthah bialtu zahawmtakin a sawi ang khan hmundang neilo ni silo, sawlai kher kherah sawn tih kan tum? Engeni a chhan tihte pawh hi vawinah hian inzawh loh theih loh niin ka hria a. Bawngkawn Brigade Ground-ah te, Mualpui lamah te leh hmunawl tha tak tak pawh hi a awmin ka hria a. A theih lohna laia sak kan tum lui talh mai tepawh hi kan rilru hi a dik biklo em aw tih ka ngaihtuahna-ah pawh a awm a ni. Assam Rifle hotute nena survey tepawh tihfel vek tawh ani tih anga sawirik tepawh a awm a, chuti nisi nikum 18<sup>th</sup> December-ah khan engvangin nge Assam Rifle Director General hian kan sorkarah lehkha a rawn ziah a, a n remtih loh thu leh 2012 thlenga Zokhawsanga an insawnchhuahna turah hian a modelitist an lo neih sa anih avang khan chumi hma an insawnchhuah hma chuan helaiah hian Stadium sak a rem rih lo a ni tih kha k an sorkarah a rawn thlen a. Chutianga a rawn thlen tawh hnuah hei hi hre ran in tender kha chhuah alo ni ta a, Phase-I a ni a, zimte mai a ni a. Pu Deputy Speaker, 25% pawh ni lovin a lang. Tichuan, tender koh a ni a, Assam Rifle hovin tender koh hnuah March ni 5 ah khan rem an tih loh thu an rawn sawi nawn leh a. Chung chu hre sa vekin sorkar hian engahnge kan thalaite bum nana hetiang zawnga hma lak a, tender chhuah luih talh hi a dik biklo hian ka hria a. Inthlan kum te a ni a, hetiang zawnga hma an la hi an tum a hriat, kalpui dan tur a ni lo.

Tunhma ang hian mi an mawl viau emaw kan tih hi a ni tawh lo a ni. Khawvel a changkang tawh a, mizo tepawh kan changkang tawh, thil hi kan hre chak viau a ni tih tepawh hi kan hriat a tha in ka hria a, hetiang zawnga tih loh hi a tha in ka hria. Tichuan, kan House Leader, kan Chief Minister zahawmtak pawh hian Sports Association hrang hrang, USAM

hruatute pawh kha Delhi lamah sawipui turin a lo sawm ani tih tepawh chanchinbu lamah te kan hmu a. Tin, kan Sports Minister pawhin niminah tepawh chutiang tho chuan USAM hruaitute emaw, Sports Association hrang hrang hruaitute pawh kha tan lakpui tur leh Delhi lamah a ni emaw, Shillong lamah a ni emaw sawipui turin a sawm thu leh an kal man tepawh kha tumsak a inhuam thu tepawh kha kan ngaithla a. Chanchinbuah te kan hmu a ni. Chutiang te chu anih avangin thil a theih loh tur hrechiang sa ram tho si a leh Assam Rifle pawhin rem an ti lo ani tih hrechiang sa-a hetiang zawnga hma sorkar in a la hi a dik hian ka hre lova. Thudikah hian ding ngam ila chuan a tha in ka hria. Chutiang chu Zoram kan kalpui dan tur pawh niin ka ring. Hmar lamah an kal chuan chhim lamah an kal ti rawh u, tih ang deuh hleka vawiinah kan ram kalpui kan tum chuan kan thalaite an beidawng lutuk ang tih kha hlau a ni. Chu chu ka sawi tel duh a ni e, ka lawm e.

**DEPUTY SPEAKER** : Phar in tam riau mai a, a inchhawkin i ti ang aw, Pu Rintea, Pu K. Lalrinliana ilo sawm ve leh phawt ang.

**PU K. LALRINLIANA** : Pu Deputy Speaker, ka lawm e. Hei, vawiin-ah kan Chief Minister leh Minister zahawmtak te demand kan sawiho a ni a. Tun kum kallai mek, tun financial year chung leh financial year hmasa te han ngaihtuah a kan sum dinhmun ena hma lakna te han ngaihtuah hian Demand kan sawiho mek te hi pass nghal mai chakawm hle in ka hria a. Sorkar hmalakna a fakawm hle in sawi tur tamtak a awmin ka hria a.

A bik takin han sawi hmasak ka duh chu Demand No. 22 - Sports & Youth Services hi han sawi hmasak ka duh a. Pu Deputy Speaker, i veilama thu ten nichinah khan thalai te bum tu, ngaihsak lo, Sports lampang ngaihsak lo tih zawnga sawina hi a awm zeuh zeuh a, hei hi a pawh hle in ka hria. UT kan nih atanga State kan nih chhoh-a sorkar tawh te han chhut khan tuna kum 9 leh tlem kan sorkar chhunga kan Chief Minister zahawmtakin min kaihhruaina-ah hian thalaite hamthatna tur infiamna lama hma kan lakna hi sawi dawn ila vawiinah hian kan sawi zo seng lovang. Tin, tun Budget kan han sawi mekah pawh hian nikum ai khan nuai 1085 laiin Sports Department ah hian Budget hi a punna a awm a ni. Hei hi ropui deuh mai a ni. Nikum lamah chutiang chu a ni tawh bawk a, chumi bakah chuan Sports Department atanga thalaite hamthatna tur ngawt discipline hrang hrang an lo dawmkanna tur ang chi ngaihtuah a nih bakah hian infiamna hmun hma ngaihtuahna hmachawp a tam a ni.

Urban Development & Poverty Alleviation Department-ah pawh hian Chite-ah khutiang khuan Stadium a buatsaih a, kan hre vek a. Tin, Social Welfare Department pawhin Tanhril-ah Stadium a buatsaih a ni. Sports Department chauh a nilo, Department dang tepawh in thalaite infiamna tur hmun hi buatsaih in nasa takin hma ala a ni. Tin, tunah hian kan mamawh ber leh nise kan

duh ber Lammual - ah hian kei chu A. R. Ground pawh hi ka ti duh lo a, Lammual tih hi ka duh dan a ni a. Kan Lammual ngeia Stadium siam kan tum a, chumi hmunah chuan hma kan la a, sum pawh kan nei a, TFC atangin pawisa min pe a, sak kan tum a, kan tender lai mekin thalaite bum tum a ni tia min puh thin hi Pu Deputy Speaker, a na ka ti a. Hetiang hi Mizoram pumpuiakan mipuite leh kan thalai zawng zawng hian chiang se a tha in ka hria a ni. Hetiang anga hmalakna dal thei tura ruahmanna siamtu tepawh hi an awm emawni chu aw tih hi ka ngaihdan a ni.

Nichinah kan Tlungvel bialtu zahawmtakin a sawi ang khan tute emaw hi chuan engemaw ruahmanna hi chu an siam a ni tih hi chu a chiangin ka hria a ni. Siamtu an awm a ni, a inpuh chu inpuh ula, siamtu chu an awm a rinawm tlat a ni. Tin, Assam Rifle hotupa hmasa lo awm Upindra Singh-a khanin tuna kan ruahmanna kallai mek hi kan Chief Minister te nena an enho leh an Committee ho pawhin helai hmunah hian sak a rem ti a, in hmalakna tur hi a tha a, Canteen awmna lamah hian hmalak hmasak nise a ti a, helam block insak chhungin helamah kan lo hmang tangkai thei ang tiin inremna te pawh an siam niin ka hria a ni. Chutiang anga phal taka an awm lai chuan Assam Rifle Director General tunah a thar a lo awm a, a rawn phallo thut mai hi chu thil mak tak chu tlingin ka hria. Amaherawhchu, hei hi chu kan ram tan hian kan Chief Minister in theitawpa hmala in vawiinah hian tender huaisen takin an ko a, paltlang theihna tur atana Sports Association hrang hrang tepawhin an tha thawh ve an tum niin a lang a, a lawmawm ka ti a ni. Tahhian kan kaltlang ngei pawh hi kei chu a tul ka ti a ni. Chuvang chuan Party hrang hrang tepawh hian theitawp chhuah tur zawk a ni, Central-a kan pu intawmah tepawh hian sawiho tlang ila, engatinge in ngawih reng tih tepawh hi kei ngaihdan dang ka nei tlat a ni. Chuvang chuan, a nilo zawnga inpuh mawha thalaite bum tumna ang chi zawng hian kan kalpui tur niin ka hrelo a ni. Awle, sawi dawn ila sawitur a tam in ka hria a.

Sawiduh leh ka la neih chu District Sports Complex, District tinah hma kan la a, Central in hma lo la rawh u tiin hei kan Sports Minister te hnenah hma la turin a hriattir a, chutiang chuan State Matching Share tur pawisa kan dah a, kan tum tur zat 25% district tin atan pawisa kan dah a, hma kan la a, Kolasib District ah ngei pawh hma kan la a ni. Tunah hian 75% Central sorkarin min pek tur pawh min la pe theilo a ni. Hei hi engvangnge? District tinah kan hmingthatna tur hi daltu kan awm leh a nilo maw? ka ti tlat a ni. Ngaihtuah chian a ngai khawp mai. Chuvang chuan vawiin kan thalaite hian hrechiang rawh se. A pawimawh a ni. MNF Sorkar, tuna kan Chief Minister kaihhruaina hnuaiyah hian thalaite hi an hlamchhiah lo a ni tih hi vawiinah hian kan House hian hre nawn leh se ka duh a. Sports -ah hian kan hmasawmna kawng hrang hrang sawitur a tam ang. Vawiinah kan infiam mite pawh hi han en ila, National Level-ah tepawh Award engzatnge an dawn tawh? Chawimawi tlat tamtak kan nei tawh a ni. International Level-ah pawh chawimawi tur dang an awm nual tawh a ni. Chutiang tak chuan thalaite hi vawinni-ah pawh ngaihsak an nih avang chuan Zoram hi kan hminghat phah a nih hi. Football-ah pawh club tha tha a khel kan nei teuh mai. Sawitur a tam ang, chu chu Pu Deputy Speaker, Sports & Youth Services ah sawi ka duh a.

Tin, Demand No. 28 Labour & Employment Department hi a pawimawh hle a. Thalaite hamthatna tura hmalakna-ah hian lehkhathiam hna hmulo ten hna an hmuh theihna tur atana lo finchhuahtu Department an nihna te leh kawng hrang hranga zirtima ITI Aizawl, Lunglei leh Saiha-ah te kan nei a.

Heng kawnga an hmalakna ah hian an Department hi Staff ngaihtuhsak belh an ngai khawp in ka hria a. E.O Post sanction 8 an nei a, tunah hian 2 pek an ni a, 6 la pek lohte pawh hi la tihsak a, ngaihtuhsak an ngaiin ka hria a. Chu chu kan Chief Minister zahawmtak pawhin ngaihtuahna alo hman a, kan Sports Minister pawhin theihtawpa hmalak a tulin ka hria a. He Department hi tih changtlun a ngai takzet a ni tih hi ka sawi duh a.

Tin, Demand No. 43 Tourism-ah hian hmalakna tamtak an nei a. Khaw hrang hrangahkan rinphak bakin khualzinte thlenna tur in tamtak an sa a ni. Tunhnaiah ringawt pawh Tlabung te, Sakawrdai te, Kanhmun ah te, Zokhawthar-ah te, Haulawng-ahte chutiang chuan Tourist Lodge hi hawn a ni. Pu Deputy Speaker, pakhat phei chu i hawn niin ka hria a. A lawmawm hle in ka hria a. Tunhnaiah khan Haulawng zawh a nih chu aw ka tihsual palh. Chutiang chuan hmalakna hi tamtak hmuh tur kan nei a ni.

Tin, chumi bakah chuan tunah hian ruahmanna tamtak kal mek a awm a, chung ang chi tihpuitlin anih hunah chuan khualzin mi, hmun tamtak atanga lo kalte pawhin helaiah nuam taka an lo khawsak theihna tur atan kan ram a inbuatsaih mek a nia, khualzin ten sum leh pai an hmante hi kan hausakna atan kan lo chhawr ve theihna tura ruahmanna an siam hi a lawmawm in ka hria a.

Tin, Demand No. 1 Legislative Assembly-ah hian nichinah kan ngaihtlak tawh ang khan Staff indaihlohna hi a nasa a, abik takin Committee Officer te hi an indaih lo em em a. Committee hrang hrang kan nei a, zin a lo ngai a, kan ngaihtlak tawh ang khan an ni hi ngaihpawimawh a tul hle in ka hria a, chu chu ka'n sawi tel hram duh a.

Tin, Demand No. 39 Power & Electricity Department bik hi han sawi ka duh a. Pu Deputy Speaker, anihna takah chuan nichina Sports kan sawi ang bawh khan Power kan neih theihna tura hmalatu hi sorkar lo kal tawh han en hian MNF Ministry hi a thawk nasa ber kan ni tlat a ni. Thawh hnem ber kan ni tak tak, P.C hunlain kum 7 an sorkar chhung khan enge an thawh chhuah? Tlawng khuah an tum a, survey an investigation an ti chauh a ni. Ruahmanna chu an nei teuh ang. Congress an sorkar a, Serlui B khuah an tum a, 5 crores chuang an hmang a, an pamtul a, Tuirial an ti leh a, enge an khawih? A tak tak an thleng hman miah lo. MNF chuan tunah hian Thermal Power Plant megga watt 20 chuang pe chhuak thei tunah khuan kan siam a, kan hmang tangkai hle a ni.

Serlui B an hlamchhiah tawh vawiinah hian kan kalpui leh a, reilote-ah hawn kan tum mek a ni. Tihtak takah chuan tunah pawh hian Tuivai khuah leh kan tumna kan Budget Speech-ah khan a awm a ni. Chuvang chuan Power chungchangah chuan kan ram mipui hian an hriat a ngai a ni. Tawngka ringawt a kal ai chuan a taka thawh a, hmalakna hi vawiinah hian kan ram mipuite hian kan hriat a tha, kan chhawr zawk a ni tih hi Pu Deputy Speaker, ka'n sawilang duh a ni.

Tin, PWD han sawi leh lawk ka duh a. Demand No. 45 PWD-ah khan han kir leh lawk ila. Transmission line tih changtlun tawh tamtak a awmin ka hria a, ropui tak a ni. Pu Deputy Speaker, PWD-a an

hmalakna hi tawite nichin khan kan kai hman hram bawk a, min lo hrethiam la. Hei, PWD hian tunhma 1993 khan an workload hi 92 crores vel a ni. Tunah hi chuan an workload hi 370 crores vel ani daih tawh mai. An hmasawn dan chu han khaikhin ila kum 1993 atanga kum 2007 inkar chhunga kumtina an workload tam chhoh dan hi lawmawm tak a ni. NEC atang te, NLCPR atangte leh NABARD leh thil hrang hrang atangin hmalakna an nei. Kum 9 chhungin km 2400 chuang kawng an lai hman a mawle. Tunah hian leihlawn 11 lai dawh zawh a ni a, dawh leh tur an ruahman leh mek a ni. Tlawng lui, Bairabi leh Zawlnuam inkar kawng ami pawh hi leihlawn dawh a ngai em em a ni. Tuivai leihlawn tepawh khi dawh a ngai khawp mai. Chutiang chuan dawh chhoh tum a ni. Teirei tepawh dawh leh tum a ni. Natioanal Highway kawnga an hmalakna te sawitur a tam mai. Tin, tunah hian BRO kan tih hote hmalak mek Silchar tlangdung National Highway No. 54 hi PWD in an thawh that vang nge ka hre lova, tunah hian PWD in lak a tum a, survey an nei mek a ni. Silchar tlangdung kawng NH 54 la tlak tura Central sorkar mawhphur tu ten PWD an pawh hi a lawmawm ka ti a, chhuanawm tak niin ka hria. Pu Deputy Speaker, hun ka nei tawh silo a, vawiinnia kan Demand hi lungrual takin pass ila tih kha ka rawn sawi duh a ni e, ka lawm e.

**PU SAILOTHANGA SAILO** : Pu Deputy Speaker, Demand No. 1 na Legislative Assembly -ah hian kan Speaker zahawmtak leh kan Deputy Speaker zahawmtak leh Staff te chungah lawmthu ka sawi a. Pu Deputy Speaker, vawiinah hian bial leh zoram tan dil puitu leh sawi sak puitu nih hi ka theih tawk a la ni rih a. A hmasa berah chuan Demand No. 39 Power & Electricity hi ka sawi hmasa ang a. Pu Deputy Speaker, 1<sup>st</sup> IR Battalion Mualvum khuan Electric Bill cheng nuaikhat zet chuang lai mai kan la ba a. Sorkarah kan thlen tawh thin a, mahse awmzia a nei thei lova. Pu Deputy Speaker, kan House Leader zahawmtak hian kan harsatna te a sutkian dan min lo zawn pui turin ka han ngenin ka'n hriattir nawn leh nise.

Demand No. 15 General Administration Department-ah Pu Deputy Speaker, Lungdai khua hi Aizawl District -ah bet thei turin kan House Leader zahawmtak hriatah ka'n sawilang duh a. Lungdai khua hi Aizawl atanga hnaite darkar khat chhung leka thlen theihna mai a ni. Kolasib District-ah beh tir kan ni hi kawng tinrengah a in convinient em em a. Chuvangin, heng kan in convinient na zawng zawng te hi min hrethiam a, Aizawl District-a min beh tir turin kan ngen a. Kolasib-ah office kal turin kan dawr a, harsatna chi hrang hrang inconvinient hrang hrang kan neih thin te min hriatpui a, he kan khua Lungdai hi Aizawl District a min telh ngei turin kan House Leader hi kan dil leh bawk a.

Tichuan, Pu Deputy Speaker, Demand No. 22 Sports & Youth Services ah hian Pu Deputy Speaker, he ram hian Stadium tha a mamawh a ni tih hi a hria. Tin, Stadium tha tak nei tur hian he House member hi kan tanrual tha in ka hria a. Tumah in mawhpuh tur kan awm lo, rual awhna hi a na em em a ni. Chuvangin, kan thalaite harsatna leh rual an awhna phuhruk tur hian he House-a lungrual taka kan tan tlan hi a tha in ka hria. Assam Rifle hmun lo pawh hmundang a tam a lawm, a tam lutuk. Chuvangin, sawlai chauh saw kan tin zawn tur a niin ka ring lo.

Tichuan, Pu Deputy Speaker, SSA in Bualpui hmunah Sports Centre an dinna turah hian Football atan chauh nilo sela ka duh khawp mai a. Track and Field tepawh dah theih vekin Hockey training nan tepawh hman theih niin kan hria a. Tin, helai hmun hi Silchar tlangdung tan hmun remchang tak anih avangin Sorkar pawh hian theihtawp min chhuah pui turin ka han ngen duh leh bawk a.

Tichuan, Demand No. 45 Public Works Department-ah Kawnpui-Hortoki kawng hi kan ngai pawimawh hle a. Pu Deputy Speaker, kan House Leader zahawmtak hriat atana ring taka ka sawi duh chu he Kawnpui-Hortoki hi kan hriat angin Hortoki ah ONGC in hma an la mek a. Chulaiah chuan 4500 mts verh turin an in buatsaih leh mek a. Chumi atan chuan bungrua rit tak tak 60 tones- 40 tones te phurh a ngaih avangin kalkawng khuan a zo lova. Chu chu PWD in ONGC ah hand over tur a ni e an ti a. Pu Deputy Speaker, khawngaihtakin kan House Leader zahawmtak hnena ka'n ngen ngawih ngawih duh chu khuti lai kalkawng khu khawngaih takin a rang thei anga min siam sak turin leh Kawnpui - Hortoki ni lovin, Bairabi lam atangte khuan remchang zawk ni te in kan hria a, hei hi min hriatsak turin ka ngen duh bawk a.

Tin, Serkhan-Bhaga kawng hi Session apiangin kan sawi thin a, tam tak min siamsak tawh a, ka lawm khawp mai. Tunah hian sorkarin hna a tan leh mek tih ka lo hria a, khawngaih takin chaktaka hma min laksak turin ka ngen duh a.

Tin, 1<sup>st</sup> IR Battalion Headquarter, Mualvum khu Internal Road khu a chhe em em mai a. Approach Road hmanah repair kan dil a, min phalsak tawh a. Tichuan, he 1<sup>st</sup> IR Battalion Headquarter Internal Road pawh hi min hriatsak reng turin ka han ngen duh bawk a.

Tin, Pu Deputy Speaker, Kawnpui khawchhung leh Hortoki khawchhung Internal road hi a chhe em em a, min hriat sak bawk turin ka ngen duh bawk a.

Tin, ka'n request leh duh chu Thingdawl khawchhungah khuan Internal Road kan nei a. Chu kalkawng chu Jeep Road tiin kan vuah mai thin a, BDO Office a thleng a, km 2 vel a ni. Boulder kum 10 kal tawhah khan kan phah a, kal khu a hrehawm em em a, vawi tamtak he House-ah hian min black top sak rawh u, km 2 chauh a ni, teh chiah phei chuan a ai pawhin a tlem ang tih kan sawi thin a. Vawiin thlenga kut min thlaksak duh lo hi he sorkar hi kum khua in a sorkar lo ang tih hi han sawi tel hram hi ka duh thin khawp mai.

Tichuan, Pu Deputy Speaker, ka sawi leh duh chu Demand No. 43 Tourism-ah hian kan Minister zahawmtak changtu hi ka fak khawp mai. Hmuntinah infrastructure a siam hi ka lawmpui a, nasa takin thawk zel rawh se tih hi ka chah duh a ni.

Tichuan, Demand No. 28 hi a tawp berah sawi kan tum the ang. Pu Speaker, Demand No. 9 Finance ah hian tun Session-ah hian Mizoram sorkarin House rent atan thlatin engzatnge a sen thin tih ka zawt a, Mizoram chhung leh pawnah. Chutah chuanin nuai 17,49,440 tiin min chhang a.

Tichuan, kumkhata inluah mana Mizoram pawn leh chhunga a senso zawng zawng hi cheng vaibelchhe zahnih pakua, singkua sangthum zahnih leh sawmriat lai a ni. Engatinge sawtah Capital Complex ah sawn in tam tak an sa a. Vawiin thlenga public money renna reng reng nei lova saw in ruak tamtak saw kan la luah loh tih kha kan House Leader zahawmtak hian min hrilhfiyah thei se ka lawm ngawt ang.

Tichuan, Pu Deputy Speaker, Demand No.

39 P & E ah ka'n kal leh lawk the ang. Ka zawhna bawh kan mamawh zat hi peak hour-ah megawatt sawmruk atanga sawmruk panga an ti a. Tichuan, kan siam chhuah hi megawatt 12.45 chauh zu nia. Chutah chuan Bairabi Thermal Plant megawatt 22.92 belh hian megawatt 35.47 ani. Tichuan, thlatina kan leina zat hi cheng vaibelchhe zaruk pahnih, singthum sangsarih sawm leh pathum leh point sawmli leh pariat a ni. Tichua, kum khata electric bill kan leina atana kan pawisa hman hi cheng vaibelchhe sang sarih zahnih sawmhni pariat, singli sangli za leh sawmruk leh pakhat a ni. Chutichuanin, vawiinah hian in P.C Sorkar laia lo hmachhawp Tuirial megawatt 60, Tuivai megawatt 210, Bairabi megawatt 80, Serlui B megawatt 12 leh Investigation kal mek Kolodyne te, Tuipui te, Tuichang te, Tuirial te heng zawng zawng hi vawiinah engmah hi tih hlawhtlin a la awm lova. A pawihle a.

Tichuan, Pu Deputy Speaker,

khawngaihtakin a tawp berna a tan hun hi a tlem thin a. Labour & Employment hi tawngkam hnih khat chauh heti zawng hian sawi tur ka nei a. Ka sawi zo hman lovang a. Tichuan, he Labour & Employment atana ka sawi duh chu shortage of officer at Directorate Office tih hi a problem solve dan min ngaihtuah sak sela. A pahnih lehna-ah chuan Shortage of Officer at the field level tih pawh hi min ngaihtuah sak turin ka duh a. Tin, a tawp ber tak tak nan Chhatisgarh-a kan sipai huaisen boral ta te luman vawiinni thlenga an la hmu lo hi an harsat thu min rawn hrilh a, an harsa em em a. Hei, mi pawisa puk tur pawh an hmu zo tawh lo a ni, vawiinah hian riltam in fairel bel pawh nei lovin, an fairel bel zawng zawng ruakin vawiin hian an awm tawh a ni. Chuvangin, he Chhatisgarh a kan sipai huaisen 10 te luman hi khawngaihtakin he sorkar hian pe thuai turin ka ngen a.

Tin, ka bial chhungah nimina sawi ka duh

em em, rualbanlo mi 370 ka kawh a, an hming nen vek, an pa hming nen vek, an in leh lo zawng zawng ka hre vek. Chuvangin, kumhni chhung tanpuina tlem tlem engemaw ti ti in Kolasib DC feltak hnuaiah kan pe thin a ni. Chuvangin, a beitham em avangin kan Social Welfare Minister hi awm se ka duh a. Tam zawk, min tanpui a, min pekchhuah pui tur hian han dil ka duh tehlu nen. Chuvangin rual banlo te tuman khawvel piantirh ata MLA in an tih ngai reng reng loh ka rilruah a lut tlat a, chuvangin ka bial chhunga rualbanlo zawng zawng ka khawm hlawm a, an nu leh pa hming nen, an awmna ka hre vek a. Tichuan kumhni chhung cheng 200 te, cheng 300 ten kumkhatah kan tanpui thin, a beitham ka ti. Chuvangin, he sorkar hnenah hian ka rawn dil leh a, tam zawk min pe chhuak turin ka rawn dil a. Chuan, khawngaihtaka min tih hlawhtlin sak turin ka ngen e, Pu Deputy Speaker, ka lawm e.

**DEPUTY SPEAKER** : I duhtawh ang, a tawh e. Le, tunge han chhunzawm ve leh ang? Ka dinglam leh veilam hi tih chhawh mai ula a tha ang a, tiraw? Pu Liansuam ilo sawm ang.

**PU LIANSUAMA** : Pu Deputy Speaker, kan Chief Minister, Finance Minister nibawkin nikum aia Department pawimawh em em pahnih PWD leh Power-a plan pawisa a tlem ta vak mai hi han sawifiah selangin nakina a khaikhawm hunah ka duh a. Road & Bridge bikah nuai 9524 in nikum aian a tlem a. Tin, Power bikah nuai 1203 laiin a tlem a, helai hi ka zir fiah thiamlo a, nakinah min han hrilhfiah selang a tha in ka ring a.

Tourism Department hi kan sawi hmasak duh chu a ni a. Hei, hmun hrang hrangah way side Restaurant tih te leh Tourist Cottage te leh hming dang dang pawh a koh hi a tam khawp mai a, an din mai hi a awlsam a, mahse a thawktu indaihloh chu thu hran, mahni hlawh pawh thawh chhuak zo meuh lo Department leh chutianga establishment an nih hlawm avang hian tunlai khawvel kal hmangah public private partnership a kalpui hi a tha tawh mai lawm ni? A management chungchang thua hian sorkar hna thawh vekin, duh ang deuh pawhin dah ni ta ilangin, rinaiin ITDC atangin kan hria a. Ashoka Hotel te, Delhi-ah leh hmun hrang hrangah an ropui viau na a private an tluk tak tak thei lo. Chuvang chuan, kan sorkar in hmun hrang hranga hetiang hmun hma a din tawh te hi helam hawi zawnga train chhuak tawh te tam tak an awm a. Sorkar in equity participation kan tan ve na ni mai selangin. Private nen tang ho ta ila, a management tha zawk si, sorkar tan pawha hlawk zawk si, khualzin tan pawha chhenfak awm zawk siin kan din thei mai awm mang e. Heti zawnga ngaihtuah hi a hun tan tawh lo maw? Hmun pawimawh thenkhat hi chu hetiang kan kal tan hi a hunin ka hria.

Power chungchang thu hi IT nen hianin sawikawp ka duh a. Hmanni-ah Meghalaya State-ah an inthlang a. Politics a hmarchhakah chuan lar ve tak P.A Sangma fapa interview na kha ka ngaihtla a, 'Kei ringawt pawh hian Meghalaya-ah hian thalai sang tel dawn ka chhawh a ni' a ti tlat mai a ni. Tahchuan, ka rilru tunhma pawha ka lo ngaihven thin Call Centre leh Business Process Outsources an tih hi kan thalaite zei em em hna tur a ni tih hi kan pawm tlang vek a ni. Tichuan, tunah hian IT te Department hrangah lo awmin, kan thalaite hi a ruai vek seng dawn chuanglo reng reng a. Chuvang chuan, helam hawi zawnga kan thalaite employment hawng zau thei tur chuan kan sorkarin helama tan a lak nasat hi a ngai hle in ka hria a. Tichuan, India ramah Company lian tak tak TATA Consultancy Service a ni emaw, INFOSYS a ni emaw, kan ramah hian kan Chief Minister hian han sawm ve selangin, investment nei sela mi ram aia that bikna kan nei a, kan boruak a tha em em a. A ram pumpui hian Air Conditioned vek kan ni ti ta ila kan sawi uar a ni hauh lovang. Hetiang boruak nuam lehlamah chuan London te nen darkar nga leh a chanve in kan inthlau a, America khu a zau em a, darkar sawm te, a aia tlem hret leh a aia tam hretin kan inthlau a. Chuvang chuan Mizoram, a location hi a zau em em a ni. Tunlai khawvelah chuan hmanna-a Khawzawl



bialtu zahawmtakin a rawn sawi ang khan information superhighway a awm tawh a, thalaite hian chumi lam hawia eizawn hi an chak zek zek a, a thiam pawh hi an thiam viau a nia.

Hei, Internet-a Mizo website pakhat Misual hi ka thlir zeuh zeuh a, hmuhnawm tak ani. Heng te hi kan thalaiten an din a ni a, a lun hle an ti. Hemi piah lamah hian kan thalaite tana kawng kan hawnsakna tur IT hi tihlen a tha hle a. Hei, kan Chief Minister hianin rawn sawifiah selangin. Secretariat Economics Service hnuaiah hian ni ta in ka hria, E-Governance (capacity building) tih lenna tur a awm a, helam hi han hawi selang chuan a va tihzia dawn em!

Tunhma in Mizo nula leh tlangvalte talent ropui tak kan neihna chu zai lam a ni, a chiang khawp mai. Tuna thil chiang tak chu IT lamah hian talent kan nei sang lutuk tlat. Chumi harness-a, a tak taka kan thalaite hmang tangkai tur chuan Sports te hi ka sawi elna ni hauh lovin ei hmuhna khawp chu har tak a ni. Amaherawhchu, tuna kan sawi lai mekah hi chuan kan thalaite hi an zeil lutuk. Sitting Room-ah hian tingtang chhe deuh pawh awm selangin mahni lunglen rem khawp hi chu nula leh tlangval te hian an thiam vat. Computer a awm phawt chuan zirtir an ngai reng reng lo. Driving-ah hianin Mizo hi kan zeil vek. Englainge kan naute, kan fate hian motor khalh an thiam pawh kan hre lo. An thiam lutuk tlat mai a ni. Chuvangin, he kan Scheme hi develop a, chumi developed tur chuan IT-ah hian kan kal chak a ngai a, chumi ina a ken tel tlat chu Power hi a ni.

Hemi pahnihah hianin kan budget hi han vur deuh ngam ila chuanin kan ram hi reilote-ah hmasawna thla kan zar ngei ngei ang. Tih tak takah education nen a kalkawp vek a, a dang hi chu lo chawl rih ta deuh mai ila, kan Department dang hian lo ngai ho lo se, Soil Conservation tih ang chi te leh Department thenkhat hi chu kuminah hi chuanin nikum ngai an awh chuan tawkah ngai rih mai ila. Heti zawng hian 'Trust Area' kan neih hi a hun tawh in ka hria.

Hmanni deuh khan Bhutan-ah India sorkarin power a han siamsak a. Kan Prime Minister in a han hawng a ni. Chanchinthara kan hmuh chu - chu an power generation atang chuan Bhutan ho chuan kum khata an budget hun reilote chhungah hian 50% chu an hmu nghal dawn a ni an ti. Chuti anih si chuan kan ram chhunga tuikhuah turte hi loan lak ngamna var var a ni. A chhan chu nichina kan ngaihthlak Kawnpui bialtu zahawmtak ina a sawi kha a zatve kan leina hi crore engemaw zat lo ni ta se, mipuiin kan hmang leh mai a ni a. Chuvang chuan loan hi vaibelchhe tam tak la ta ila, power generation hmang ila, state sorkarin a lei ang a, state sorkar leisa chu mitinin man chawiin kan lo hmang leh mai dawn a lo ni reng mai a. Chuvang chuan World Bank Loan a ni emaw, Asian Development Bank Loan a ni emaw, Power Generation atan hi chuan dah ngam var var a ni.

Chuvang chuan tuikhuah powera kan hnianghnar mai nilovin, chumi a zara IT develop tur te, Industry lo lian tur te, k an ram chhung E-Governance lo phuisui tur te, tunah hi chuan Computer ka dah e pawh ti ila power an neih loh chuan a hman theih tak tak chuang loh. Inverter leh UPS an hman hi chu business atan a hmantlak si lova, chumi hawi zawng chuan tan lak ngaiin ka hria. Sorkarin kan pawisaneih chhun a thente hi chu kan tihawp mai, kan hman tul tawh lo awmin ka hria a. Tunhma deuh khan India sorkar hian Indian

International Centre Foreign rama an dah thin tam tak hi an khar a, a senso kha hlu lo an ti a. Entirna atan chuan Silchar L.O Office-a Establishment cost zawng zawng leh chutiang deuh chuan tangkailo hi vaikhawm ila, ti tawp mai ila.

Labour & Employment ah Staff kan mamawh an ti a. Mizoram hi kan overstaff kan ti a ni lawm ni? Post creation ngai kher lo pawhin deployed mai theih a ni a, kan Chief Minister hian heti lam hawi hian hma min han laksak selangin, sorkar hnathawksa, mahse wawiinah chuan nitina thawh khawp neilo an tam mai. Office han leh nikhua pawh hian Computer khel thiam tak tak, mahse tangkaia hman si loh hi an tam mai. Chungho kan hman tangkai theihna tur atan chuan khawilai emaw hi nek chep deuh a, kan uar tur lai uar ngam hi kan ram hian a mamawh tawh ani.

Pakhat chauh, Youth Commission Bill kan hmu ta hi a lawmawm ka ti a. Wawiin hi Demand kan sawiho tawpna ni tur a ni a, a hmalam zawng zawng khan thu mai a ni ang a tihte kan ngaithla a. Kan Chief Minister hian hman deuh khan Youth Commission din hi Cabinet in, a principle in rem an ti tawh a, a bill han buatsaih hi kan hnathawktu kan Minister te an tul bawk si a, draft turin Committee ruat nise tiin keini tepawh min han hming hmerh ve a. Hei, Pu Thaliana, Lawngtlai bialtu leh kan Officer te nen reilote-ah chu Bill chu peih niin wawiinah hian kan hma-ah a lo awm thei ta hi lawmawm ka ti a. Thalaite hmakhua tak tak a ni a. Hei hi naktipah danah a chang dawn a, Rules tlem tlem han siam belha a tak taka hman theih mai tur a ni. Kan dan siam tawh sa, engtik ni-a effective tur nge? Sorkarin Gazette -a a chhuah atangin tih hi tlai lo selangin. Information Technology nichina kan sawi Call Centre leh BPO chi hrang hrang Medical Transcription, kan Nurse leh B.Sc. Nursing leh Doctor ilo pawh kan ngah tawh khawp mai. Chungho in hna an hmuh theihna a tan nu leh pa in an lehkha zirna atan tamtak an lo seng tawh a, thawhchhuah ve an chak tawh a ni. Chungho tan chuan opening i siam ang u, chuta tan chuan kan budget hi a tam thawkhat a, wawiinah B.E hi tam lo mahse R.E ah siamremin, thui tak kan kal thei ang tih ka ring. Sawitur a tam khawp mai a, chuti chin chu ni mai teh se, ka lawm e.

**PU LALRINLIANA SAILO**

: Pu Deputy Speaker, ka lawm e. Kan Demand sawi tur hi 9,14,39,45 ka'n ti duat duat ang a. A hmasa berin Public Works Department te chungah ka biala an hmalakna a

lawmawm ka ti a. Tualte, PMGSY hmangin an lai tlang a, mahse tunah khian black top a la hmabak a, khi khi tih ran nise ka duh khawp mai a. Tin, Vangtlang kawng PMGSY in min laksak a, kan lawm khawp mai. Tlangpuite tunah hian tender leh thawh mek tur a ni a, Rianglei khi hmabak a ni a. Tin, pawimawh ka tih em em chu Lungtan, hemi Chhingchhip atanga rawn thleng chho tur Lungtan leh Khawhai khi a pawimawh em em mai a. Khilai tlangdung ah mai nilo, Khawbung thlengin min lak sak leh kan duh a. Ka bialh an tihthat em avangin tunlaia kan hriatte hi ka sawisak lo mai ang tih ka sawi duh a. Building-ah hian 12<sup>th</sup> Finance Commission Award ngeni nuai 50 chuang sak miah loh in bill an siam mek tihte chu kan sawi zui thui lo ang a.

GAD ngeni PWD Capital Complex ah sawn Type - IV Block I a awm a, Type IV Block II a awm a, III chi a bo leh nge ni enge a awmzia? OPD bo ang khan? 142 a awm a, 103 a awm lova 4 a awm leh a, enge a awmzia? Kan zawng thin a, ka va zawt a, a luahtu tepawh an awm a, sawlaih sawn Type IV Block III saw a awmlo a nia.

Finance & Planning-ah hian sum hi enganga tam pek nise, a hmandan a dik emaw, kan fimkhur loh chuan a pawl a ni. Hmanni lawkah kan sawi a, OPTIOS? in Farmers Information Center atan vaibelchhe 59 tender loha an pek ah tepawh khan Finance lamin a tihtur a tilo em ni aw ka ti a. Khami-ah khan nuai 10 kha pek an ni ngawt mai bawk a. Kan sawi duh chu Programme Implementation hian han la nghal ta ila, engatinge India sorkar khuan SWAN (State Wide Area Network) a awm a, National Level tih nan chuan State-ah a lo lut ang a, governance Chief Minister-ah te, sorkar hmun dang dangah a lut ang a, block-ah alut ang a, chu chu approved project a ni a. ZENICS in an hma dawn mek in ka hria. Chumai nilovin tunhma in CIC kha a awm chiang bal mai a, Community Information Centre block tin thlenga ruahman loh, chumai nilovin Approve tawh, approximate in 5 crores vel a ni a. Hei pawh hi District angin block ah te, farmers training tur te an thlai chi hralh na turte, khang hrang hrang te engkim tihfel vek tawh a ni a. Sorkarina hma alo lak tawh si, engatinge khatiang kha en miah lovin cheng vaibelchhe 59 tender miah lohin state Purchase Advisory Board pawh thleng lovin hetiang hian an pek leh rikngawt mai tih te kha a ni a. Anih hian a nilo reng reng a. Financial Control hi a awm lo reng reng.

Pu Deputy Speaker, zahthlak deuh mai Parliamentary language pawh hman lo ta ila, hei, an hnathawh dan tur an tih hian mi ram in an hmu ang tih hlauhawm em em chu schedule of charger activity head-ah hian service charge for fund generation cheng vaibelchhe khat an han dah chu mawle. Hengte hi le, awmzia chu Central-ah zuk kal a, percentage a zu pe dawn nge, a zahthlak lutuk. Hetiangte kan dah ngam hi. Fund generation atana cheng vaibelchhe khat tute emaw tlawn an tum le! Chutiang chu a ni a, kan sorkar kaldan hi. Plan feltak awm silova finance in control awm bawk si lova. A dik tak chuan hetiang sign tute hi kan sorkar hian kan officer tha tak takte hi a suih te dawn niin ka hre ilat a. Principal Secretary Agriculture changtu IAS feltak kan neih Pi L. Tochhawng tepawh LDC ang maiin an tih tawh le! Anih hian a nilo reng reng hetiang sign ngama hetiang tih hi thil dik a nilo reng reng. Chuvangin, hetiang plan lo awmsa tawh pawh bawhzui loh hi a diklo hrim hrim a ni tih ka han sawiduh a ni.

Tin, Power & Electricity -ah hian luh leh lawk ka duh a. Pathian zarah project te a hmunah kalin chiangtakin ti teh ang u kan ti a. Pathian zarah project hi ka kal chhuak deuh vek ang KauTlabung thlengin. Heng Serlui B tihte, Tuirial te, Teirei Hydel Project te, Maicham te a chhe lai zawng ringawt lovin Pu Deputy Speaker, constructive and effective approach kan nei tur a ni a, Opposition MLA te chuan. Chutah lawm em em pakhat ka neih chu Serlui B Hydel Project ah clearance ah zero hour ka hman a, buh tin thum pawh tuhna tur nilo hmunah jungle clearance atan nuai 382 sang 7500 an dah a ni kan ti a, mahse kan sawi avangin tunah hian nuai 2/1 chauh an hman ta a, nuai 380 chuang kha kan save in ka hria a. Chutiang chu kan approach tur niin ka hria a, lawmawm ka ti khawp mai.

Chutiang chuan a hmunah te kal zelin Kau Tlabungah hmanni ni 5 khan kan zuk thleng thla a. P&E hian hna an thawk nasa hle a, an fakawm pawh ka ti a. A hmunah kan zuk kal a, ka sawilan duh chu Lalhmingchuanga MR hian zingah Thenhlum atangin kan zuk chhuk thla a, Sam No. 120 na hi alo lukham ran mai a, Bible, a lawmawm ka ti a. P&E enkawlina pawh a tha hle a nih ka ring nghal a. Tiang chuan Kau Tlabung ah hian engemaw thu leh hla tamtak a awm thin a. Kan hotutekal hmasa tepawh inchirh thehna a awm thin a. Amaherawhchu, tunah hian pawh ka tih em em, kan zu hmuh chu Kau Tlabung an thawh tawh hnuah Bru an lak vek tawh hnuah khan an office pawh Kau Tlabung atanga sawlai atanga an rawn sawn vek tawh hnuah Sikulpuikawn-a an awm tawh vek hnuah khan 735 crore an lo exceed ringawt mai a ni.

Helaiah hian a dik tak chuan hmuhchhuah tepawh kan va nei a, an han tihna-ah chuan Dimension wind-ah chuan nuai 25 a ni a, channel-ah nuai 82, stock-ah chuan nuai 24, khatieng khan tamtak a awm a, nuai 735 a ni a, a thawk tu hian chhe te pawh pawisa kan hmulo an ti. Pu Lalsangliana Sailo, Brig. T. Sailo, kan former Chief Minister zahawmtak fapa pawh tukin zingah Calcutta-ami ka zu phone a, ama thawh ngei mai nuai 24 pawh hi a la lo reng reng. Chutiang chuan Pu Rinawma, VCP tuna Thenhluma awmta saw hemi thawktu hi a ni a, Siki pawh ka la la lo a ti.

Tiang khan office an sawn vek tawh hnuah civil work an zawh vek tawh hnuah a thawktuten final bru an lak vek tawh hnuah pawh nuai 700 chuang an lo exceed ringawt mai a nih chu. Chumi ah chuan kan Chief Minister zahawmtak nuphal Pu Ramchhana tepawh hi hemi 4 bay thawktute kha an ni a, tahchuan nuai 17 awmhmun atangin helaiah an lo exceed ringawt mai nia mawle. He House zahawmtak hi dawt sawina hmun a ni lova, thudik sawina hmun a ni a. Chuvang chuan hetiang sum leh pai renchem lohva hman leh tir, mahni sorkar hnuah mahni duh dan dana tih hi a dik lo reng reng. Hemiah hian kan Chief Minister zahawmtak hlui Pu Hawla te kha tu tute emaw in an ziak a, hemiah hian Pu Deputy Speaker, kan Chief Minister zahawmtak hi thildangah pakhatmah chona ka nei lova, Serlui B leh Tuirial Hydrel Project leh Kau Tlabung leh Tuipang luih hi chuan darkar hnih hun min pe ve se, kohhran mi leh thalai leh thangthar lo kal zelte leh heng hian judge-ah min dah sela. A dawt sawi leh diklo zawk zawk hi politics khel tawh miahlo turin ka cho a ni. Chona thianglim in ka cho a ni.

Hetianga mahni power sum leh pai in hai vur vak vak mai chi hi a dik tawh lo hrim hrim, sawi tur dang ala tam lutuk. Chuvangin, heng hi document kan nei vek a, RTI kan dilna-ah phei chuan LOC an pekna kha Sunday te anih chu mawle! Min pek theih tawhloh tam tak, a rapthlak lutuk ringawt a ni. Chutiang khawp chuan mipui sum leh pai hi an ti a. Chief Minister hian Finance a chang a, Department lian a chang leh a, heta tangin a department-ah a han dah lut a, a ei leh thin a ni tih hi ka chiang lutuk a ni. God must be Crazy Television-ah ka en thin a, zawngte in thei ruihtheih thil a ei a, duham tak main, a ruihtheih tih a hre si lova, a hai vel a. Chutah a han rui leh tak tak mai chu a kun bar mai a. Khatieng chiah mai khan a hai vak mai a. Hei, tunah pawh kan Demand 64% hi Mizoram budget pumpui hi a kutah a awm a ni a. Hetiang hi kan awmdan anih avangin ram hian that tak tak ngaihna a awm lo reng reng a ni. Mahse, tun hnuah chuan i fimkhur tawh ang u tih ka sawi duh a ni e, ka lawm e.

**PU LALDUHOMA**

: Pu Deputy Speaker, current a thim leh tak hlahin ka ti a, ka chuhhelh ve deuh a ni. Tunlai kan thu inchuh lian tak mai Sports Department-ah hian ka'n tan ve ang a. Hei.

kan member zahawmtak Pu Sailothanga unstarred question hmanni-a mi chhanna kan hmuhah khan Mizoram sorkar hian Sports policy a la nei lo tih kan hmu a, min barakhaih em em a "Ani tak maw, a ngaihna a awmlo a nih chu" tih ka rilru-ah alo lut nghal a. Tun thleng thlenga Sports policy pawh nei lova kan lo la awm anih chuan, chuti chung chung a kan infiam miten hei hi an thleng thui anih chuan kan lo va vannei ve mawle tih kha ka rilruah a lo lut a.

Tin, Stadium sak tur chungchangah hian hriat ka nei ve lo em em mai a, sorkar lam thupuang tu te, Ruling Party atanga thu lo chhuakte ka ngaihthlakin ka lo lawm ve hle a. Stadium puitling kan nei ve mai dawn turah ka lo inggai thla ve ngawt mai a ni. Mahse, kan ngaihthla tam tual tual a, rin alo ang ta lo viau a. A tira Sports Complex tura duan nisi kha a lo rei tial tial a, Stadium-ah alo chang ta tih te sawi a awm a, ka hre ve phak lova. Tin, tender te chhuah a lo ni a, Contractor pakhat chauhin ala rawn chhang a, a chhan theih hun chu thla leh ni 8 thlengin extend te a la ni chho ta a, kan la kal zel chu ni hian alang a. Mahse, Assam Rifle DG in kan sorkar hnenah 'survey in neih hi kan phal sak che u a, survey chu kan remti a ni, mahse a tak taka kut thlak hi chu kan chhuah hunah in ti turah kan lo ngai' ti a chiang tawka a rawn thlen hnu hi chuan kal zel theihna kawng kan hria anih chuan a lawmawm ah ka ngai a. Chuti anih chuan min ti luhai hle a ni. Tin, ruling lam thupuangtu ten 'Kan Chief Minister zahawmtak hian Delhi-ah a thlen in-ah Assam Rifle hotupa ber hi a ko a, a sawifel vek tawh' tih te an chhuah a. Chutiang anih si chuan engatinge kan la buai cheu, khawilai tak hi nge kan buaina tih tepawh kei ka hre miah tawh lo a ni. Vawinah hian hrilhfiyah kan ngai em em a, hmanni lawkah kan Chief Minister zahawmtak chuan Sports lam hotute ko in 'Min nawr pui rawh u' a ti leh lawi bawk si a. Chuvangin, ngaihndan siam thiam harsa ka ti em em a ni. Assam Rifle DG lehkha ah hian 'Approved time table fel tak a awm a, Zokhawsanga an insawn chhuah hun tur chu kum 2012 a niu' tihte a rawn tarlang a. He House-ah hian Assam Rifle chhuah hun tur kan in zawt thin a, tha takin chutiang time table te a awm anih chuan in hrilh ta ila a lawmawm hle tur a nia. An chhuah hun tur hi kum 2012 a ni tihte hi ka hriat vawikhatna a ni a, engatinge heti em ema a muan? Chutiang chuan Approved tlan time table te chu alo awm reng em ni? Tin, tuna Stadium neih kan tum hi kan Town Planning lampang te hian an hre hauh lo nia sawi te a awm a, chung mite ber in an hriat loha lo tih te chu a dik thei dawn em tih te hian rilru a tibuai a. Tin, kan sum lam dinhmun hi 12<sup>th</sup> Finance Commission in vaibelchhe 25 min pe tih kan hria a, chu term chu a tawp tep tawh si a, hmang hman lo hian a liam mai ang tih hi hetiang buaina karah chuan ka hlau a, kan thalai te pawh in hei hi an hlau em em a ni. Engatinge he 25 crores hi 2010 a ral mai tur a ni tih hre si a tender te hi kan chhuah tlai viau chu le? Tin, he 25 crore atang hian Architect design leh eng eng emaw-ah crore engemaw zat hmanral tawh nia sawi te alo awm bawk a. Ban pakhat pawh phun a hma-a a crore tel a lo liam leh an nih si chuan engzah chiah hi nge tunah hian sum la awm tih tepawh min hrilh thei se ka duh a.

Tin, tuna sak kan han tum hi kei Stadium puitling kan nei mai dawn emaw ka lo ti a. Chu chu public pawhin impression aneih

dan niin ka hria. Amaherawhchu, kan han hmu chiang a, sector 16 a awm a, chumi atanga sector 1 na leh 2 na te chauh chu tender portion hi a lo ni a. Lo complete pawh ni tehreng se, Stadium kha a ding dawn chuang hauh lo mai a lo ni a. Chutiang ang chu anih avangin mipui hi a nih dan ang ang inhrilh chian a tha hle in ka hria a. Hetiang harsatna karah hian kan la kal zel dawn tho em? Kawng a la awm em tih hi vawiinah hian in hrilhchian a tha ka ti a. Kawng awm lo tawp a inbumna ang ziazanga min hruai tur chuan ram khat Chief Minister ve lem hi chu rin hi a tha ka ti lova. Amaherawhchu Hnahthial District Headquarter a tiam lai ngei, video a a sawi lai ngei te kan lo thlir a, a nih leh loh dan te kan han hriatchian leh bawk si hi chuan chutiang Chief Minister chu kan lo nei mai tak em maw ni chu aw han tih mai tepawh hi a awl viau a ni.

Engpawhnise, a sum hi a liam hma in hmanhmawh a ngai a. Chuvang chuan sawilaiah sawn harsatna a awm a nih chuan, a awmlo anih pawhin, Traffic Problem avang ringawt pawhin hmun tha tak chu a ni lemlo phawt a. Insawn vat a, he Finance Commission sum hi a ral hma hian khawimaw laiah alternative site zawn vat vat hi ka rawt duh a. Chawlhmun lamah tepawh khuam kawm zau kan nei a, Pu Deputy Speaker, remchang deuh mai a nia, hmundang an hre lo anih chuan, khungah tepawh khuan ti vat mai ila a tha in ka hria.

A dawt leha chuan Planning-ah hian ka'n kal ang a, Department tinin planning an rawn siam a, chu an plan chu a that loh deuh chuan kan Vice-Chairman te, kan Chairman ten an lo enpui tur a ni. Heng kan planning major bridge kan han tih, kan rama lei pawimawh zual siamthatna tur scheme hi ka la hmu ngai reng reng lo a, kum sawm chung hian. Hmanni lawkah Tuivawl a chhia a, Tuichang te a chhia a, Tut lei pawh a chhia a, hmanna kan kal pawhin a hnarah kan kan a ni. Chutiingin Tuirial te ngei pawh khu a laiah khuan pakhat ringawt pawhin kan su ila, a su dulh dulh mai a ni a. Tuirini, Tlungvel bialtu zahawmtakin a rawn sawi thin a, ka lawm khawp mai a. Tunah khian full load in a zawh thei lova, Sakawrdai-ah te chuan buhfai kan nei tlem em em a. Fur thlen hma hian buhfai an chhek hman dawn lo in a lang a. Motor te lo chu a kal ngam lo. Khilai bial zawng zawng khian tam harsatna kan tawk dawn niin a lang a. Tin, Khawruhlian khawchhunga lei pawh khi min chhe leh thei reng a ni. Hei pawh hi ka sawi zing tawh khawp mai. ONGC lama exploration kan han tih takah hian equipment rit pui pui te an phurh a lo ngai a. A khawi lei mah hi zawh tlak pakhatmah kan neilo a ni a. Chuti anih chuan major scheme a siam a, kan planning ah hian rawn telh awm tak ni te hian ka hria a. Heng kan ram mamawh ngawih ngawih te a awmlo thin hi a paw ka ti a.

Tin, Power-ah hian UT kan nih atangin kum 36 kan lo ni ta a. Tuna kan tharchhuah chu 12 megawatt vel lek a la ni a. Chu chu kum thum dana 1 megawatt siamchhuak ang kan lo ni a, chutah chuan Bairabi Thermal hi ka telh duh lova, a chhan chu chhit ngam chuanloh ropui taka hawn vak rikngawt khu sawitlakah ka ngai lo. Planning a diklo a ni, sum senso na mai mai a ni. Khumi chhiartel pawhin kum khatah 1 megawatt produced ang lek kan ni tho. Kan muang lutuk kan ram hi, on-going project kan neih lai chu Serlui B tih hi a ni mai bawk si a. Power lei nan thlatin vaibelchhe 6 chawhrualin kan seng bawk nen. Hengte avang hian planning fuh kan ngai a, tunah hian componsate avangin Tuirial-ah kan buai tawh a, Tuivai tepawh 50 KM a chim dawn a, Tipaimukh ka bialah tepawh an ti dawn a, 'Hei hi rawn survey thuai rawh u, nakinah milian leh thil

tithei te an rawn luh a, compsate tamtak tak an claim a, kan buai tih lohna turin tun a tang hian ti rawh u' tiin Chief Minister room-a kan Meeting-ah ngei pawh ka sawi a, mahse engmah hmalakna a la awm chuang lo. A tir atanga planning a awmluh chuan a tawpawh kan buai leh dawn a ni.

Chutiang zel chuan cargo-facility tepawh kan mamawh, kan thlai thar thawnchhuah nan tepawh kan mamawh. Chungang te chu kum sawm chung te hi chuanin kan ti dawn ti chauha inhrilh hi a tawh tawh lovin ka hria a, kan planning hian kan ram mamawh hi a huap em? Engatinge ekin kal thei hman tangkai reng reng loh tur te kan lei teuh teuh? Planning hi a awmluh a ni. Chuvangin, Planning Minister hi a fail thui hle in ka hria a. Kan thlai thar zuartute thlasik laiah leh fur laiah tlaivarin an thu a, kan Sangha kan ram chungang kan thar ngei hralhna tur market pawh la awmluh te hian planning kan neihloh zia hi a tichiang a ni lawm ni? Kan sawifo a ni.

Tin, a dawt lehah chuan Implementation hi ka sawi duh. A enganga pawh chu a planning chu lo ni se, a implementation a thatloh chuan engmah a ni lo. Quality Control Division kan nei a, PAC atangin an tih tawh zawng zawng kan ko a, pawm awk tham an ti tawh. Pakhatmah hi implement a a awmluh, an hnathawh leh report zozai te chu Pu Speaker, wastepaper bucket-ah a lut ringawt a ni. Hnathawh quality that phah nan an hmang chuang lo. Tin, party inrawlh nasat lutuk hian implementation a tichhia. Ratu-ah IWDP ah a Committee diktakin beneficiaries mi 80 an thlang chhuak a, MNF Group in an paih vek a, an mahniin thun an tum a, ka inrawlh a ngai a. Khatiang ringawt mai khan development hi kan tichhia a, Pu Deputy Speaker, tuna ka ken hi witness chanchinbu Serchhip bi-weekly dt. 28.2.2008 ami a ni a, hetah hian bill la tawh tih heading hnuaiah hian DLO Office atangin LAD tender, MNF Unit ten MNF Unit sum tuakna atana an thawh chu bill an la fel ta tih hi hetah hian a inziak a. Hetiang mai maia development sum party in village level-a an kalpui dawn anih chuan a tha lovang. Polarisation a siam nasa lutuk tawh.

Kan society ah party a inthliama avangin inthenawm khawven na thlenga tichhiat mek hi a tireh thei tu kan ni lawm ni? Road Protection Squad te pawh implementation a awmluh a niang a, an hmang bak hi hriat a va awmluh ve. Vawkvulh scheme zawng zawng pawh a hlawhchham vek, implementation a tha lo. Tumah kan pha lovang, Aizawl Water Supply Phase II kan tih tepawh chu tho chu. Weight Bridge tak ngial pawh maintain theilo sorkar kan nei a, retailer atangin engkim buk diklo sa in a lo kal a, kan ramah bukna engmah a dik thei tawh lova. Moral corruption a hring chhuak a, heng zawng zawng te hi implementation chhiat vang a ni.

A tawp bera ka sawi duh chu Pu Deputy Speaker, Finance Department hi a ni. A tawp nan ka hmang ang a, hman kumah khan keini Legislature Party atang hian Khawzawl bialtu MLA zahawmtakin Fiscal Responsibility and Budget Management bill a rawn pulut a. Parliament a an neih ang dungzuia kan rawn putluh a ni. He House hian min paihsak a, ruling party in min phar thla a, chumi hnuaiah kan leiba te leh a pung te tihhiam nan a tangkai dawn avang leh tihluhna ang deuh a nih tak avangin State tin in kan pass alo ngaih tak avangin kan lo pass ve ta tawh a. Mahse a tha chuang lo a nih hi, engmah sawi theih kan nei lo. Kan ram budgeting hi a ngai rengin a la kal. He Act kan siam avanga

danglam hi a awm chuang lo. Hei hi Parliament a an hman anga kan hman hma chuan, Medium Term Fiscal Policy tih te, Fiscal Policy Strategic Statement tih te, Macro-Economic Frame work tih ang zawng zawng tepawh hi a hranpa in rawn buatsaih thin nise, helaiah debating chance kan neih chuan loh avangin kum tawpah an duh duhin an sawisa leh ang a, RE Supplementary Bill an ti ang a, loh theihlohin hman zawh tawh hnuah ban kan phar leh ringawt ang. Kan ram budgeting hi a tha ngai dawn chuanglo reng reng. Chuvangin, Parliament-ah thatak an nei a, chu ang chu kan thehluh a, an duh lova, awmze nei chuanglo an la duh cheu zawk hi paw ka ti a. A hnuk atangin kan ram hi kan chinfel loh chuan a system tha kan neih hma chuan kan ram hi a fel dawn chuanglo. Hengte hi kei chu amend leh hi ka duh a. A thara heng ang Fiscal Responsibility and Budget Management Act hi Parliament neih ang kan neih ve hunah chuan a roreltu te hi tupawh ni se langin a chhe thei tawh lovang, a tha hrim hrim ang tih hi a chiang a. Chuvangin hengte hi ka rawt tel duh bawka ni, ka lawm e.

**PU H. LALSANGZUALA**

: Pu Speaker, ka sawi hmasak duh chu Demand No. 1 Assembly hi a ni. Hei hi kan Speaker leh kan Deputy Speaker leh kan Secretary te, Staff te chungah lawmawm ka

ti a. Helaiah min dawn sawna leh engkimah keini helaiah Opposition MLA tepawh engkimah dawr te an nuamin helaiah min enkawlna-ah a hmasa in lawmthu ka sawi duh a. Tin, an mahni phuisuina tur kawngah hian kan sorkar hian tan la se ka duh a. Mizoram Legislative Assembly te an phuisui dan ngaihtuahin tunah pawh an phuisui lohna tamtak an nei a. Chungah chuan kan sorkar hian kan Assembly hi ngaihtuah se, ngaichang se, thuam tha se tih hi ka sawi hmasa duh a ni.

Awle, Demand tamtak a awm a, a hmasa berah chuan Demand No. 22 Sports & Youth Services ah hian sawi ka duh a. Hei, kan thalaite infiamna lamah hma an sawn em em a, tunah thalaite hun kan tih angin kan thalaiten infiamna hi an atchilh a, kan ram pawh an ti hmingtha hle a, kan hre theuh a. Tunah Boxing khawvelah tepawh World Champion tepawh kan lo nei ve a ni a. Chutiang zelin infiamna kawng hrang hrang ah tepawh hma kan sawn a, kan ram an chawimawi a, mahse hetih kawng zawngah hian kan Sports Department tepawh budget hi kan la dah tlem lutuk em, tihbelh theih hial nise ka va ti em ka ti a. A chhan chu hmarni lawkah Malaysia-ah niin ka hria, India National aiawh kal turin Chhinga veng tlangval thlan a ni a, mahse sum leh pai neih loh avangin Central lam atanga India aiawh tepawh an ti pamtul hialin an chance flopped a ni a, a paw ka ti hle a. Cheng nuai khat tih bawr vel niawm tak niin ka hria a, chanchinbu ten an chhuah khan. Hei hi kan Minister zahawmtak tepawhin tih ngaihna thlawt an hre lo niawm tak a ni a. Keimahni ram min chawimawi bakah India ram pawh chawimawi thei tur khawpa mi talent tha tepawh kha an lo ni thei a. Kan Mizo tlangval hetiangah chance tha kan bawh bo hi pawisa kalna tur neilo ringawt vanga sorkar kan awm hi a paw ka ti a, hengte hi k an tan lak nan hriat atan tha ka ti a.

Tin, Stadium chungchang kan sawi tam hle mai a. Inpuh mawhna pawh a lian hle a ni. Engpawhnise, kan ram in a mamawh zia chu kan hre vek a, keipawhin helai House zahawmtakah ka sawi tawh a, Delhi-ah India ram lal ber kan President zahawmtak Pratibha Patil ka hmuh tumin



memorandum-ah pawh ka thlen ve a ni. Chutah chuan helai Sports Stadium pawimawh hi kan mamawhzia, 'ram tereuh te nimah ila he India ram ropui tak hnam puanzar pawt dingtu kan ni ve ani ka pi, hei hi Stadium pakhat hi chu kan ramin kan mamawh ve' tiin min ngai chang em em a, 'rawn tih ngei kan tum ang' tiin a sawi a. Tunah pawh kan sorkarin hmalakna tur tepawh kawng hrang hrangah tan la in Rajiv Gandhi Stadium tih tepawh AR ah tih tumin kan sawi tam hle tawh a. Amaherawhchu, a tak ram pawh hriat a harsa ta. Tunah TV-ah te zantin cable-ah inkawmna kan Sports lover te leh Sports lama mitui ten hun an hman kan lo thlir a. An thu sawi a tang chuan rinna leh rin lohna tam tak an nei a. Engpawhnise, Complex hna tan theih an ring lo a ni emaw, a harsatna a awm anih chuan tunah engatinge Brigade Field Bawngkawn ah te sawn siam a rem em em a, kan AR Lammual ah chuan Aizawl khawpui chungah Traffic chungchangah Traffic problem a awm a, chutah tepawh chuan va pan harsa lo a ni a. Chungah te, Mualpui ah tepawh kan tih mai loh ni. Heng laia inpuh mawh a Assam Rifle harsatna engemaw sawi kual si a thil tih theih siloh ai chuan sum leh pai a hi lo laps theih a ni si a. Chuvang chuan tunah kan sum leh pai tamtak kan chan in kan chance hi a ral dawn a, kan thalai ten an ui a ni. Tunah infiamna khawvelah kan tuihal tawh si a, kan thalaite hi tunah YMM te kan ti a, kan sorkar thleng pawh in tunah an ring zo tawh lo a ni a. Youth Movement tepawh tunah a lo piang hial a ni tawh si a, chuvang chuan helai Stadium pakhat hi chu kan neih ngei ngei na turin kan Sports Minister zahawmtak leh kan Chief Minister te hian an ngaihtuah chian a ngaiin ka hria.

Tunah pawh hian dinglama mite, veilam amite kan inpuh mawh kual ai chuan helaiah kan member zahawmtak tak ten an sawikual tam tawh mai. Lengpui ah tepawh, Pu Thlenga bialah tepawh, Pu Thlenga'n a rawn sawi in ka hria. A lenna tur hi kan sawi tam tawh a, engatinge pawisa tunah pawh a tender koh chungchang ah te inpuhmawhna hrang hrang a awm a, a engpawh hi nise, tunah hian a siam theihna hmun diktak-ah siam mai kha thil thatak niin ka hria a, kha kha ka sawi ve duh pakhat a ni.

Tin, Demand No. 21 Public Works Department ah ka sawi duh chu lawmthu sawi ka duh a. Ka bialah keini ang bial harsa tan phei chuan thil lawmawm a ni. Khilai kan bialah Phase I leh Phase II ah Rung Bill Suangpuilawn road a kal a, Phullen-Phuaibuang, Khawlian road tunah min laihsak leh a, a lawmawm a. Mahse, chutih rual chuan engatinge tender an koh khan contractor te ah khanin an tender koh khan agreement a awm niin ka hria a, PWD Minister kan Chief Minister zahawmtak pawh ka zawt duh a. Tunah kawng an han lai a, a zau a, a lawmawm a. Amaherawhchu reilote-ah a rawn tla min leh vek tawh a, tunah minpui ram ang maiin kawng khi a hnawhphui a. Tahchuanin buhfai te kan tam harsat avangin Mahindra Pick Up motor leng tawk tawkin an lai chhuak a, an nawr a, chutiang chuan tunah hian kan kal tawk tawk a ni.

A agreement-ah khanin kum chutizat chu khawl a awm tur a ni tih te, a contractor tu in kum chuti zat chhung chu a mawhphurhna a ni ang tihte, chi hrang hrang kha a agreement-ah ka hre ta mai lova a awm a ni. Mahselangin, khitiang anih chuan ruah a tla hlek ang a, tahchuanin kal theih loh in bial mipuite tam harsa in, kan mautam kum nen, kawng hrang hrang ah Aizawl khawpui kal thei lovin an awm dawn a ni. Chung dinhmuna ding kan nih avang chuan tunah khinglai ka bial chhunga PMGSY leh PWD Road hi min lo hriatsak sela kan Chief Minister in ka duh a. Tin, tender an koh chungchang atanga

agreement an sign angin an awm em? Contractor te hi tihte, party worker ten an lai a, party worker ten an duh an maka sum leh pai, a nuai za tel an eiral ringawt mai hi tha ka ti lova. Kan ram ina development ah kan kalpui ang. Chumi chuanin ram ina hma a sawnna tur atan kawng tha tak kan neih theih hi kan duh a, kan lawm tehlu nen tunah chuanin beidawng takin bial mipuite an awm a ni. Khi khi min hriat sak se ka han sawi duh a ni.

Tin, ka'n sawi leh duh pakhat chu hei kan hre theuh ang a, Suangpuilawn 2003 kidnapped a awm a ni. Kan hre vek a, tunah hianin mipuiten a sawi pawh kan sawi peih tawh lo a ni. A hunlai khan chuanin kan NGO zawng zawng, YMA kan ti, Upa Pawl pawh a ni, thil thleng khan mipui zawng zawng min barakhai a ni. Venghlui tlangval Vass-a a boral a, tahchuan hmai tuamin an that a, Police in an man thei ta si lova, chumi lai tak chuan Suangpuilawn inthlan a lo ni si a, tahchuan kidnapped a lo awm ta a, kidnapped in mi 3 an rubo an ti a, a raphlak hle a, kan bial khilala a bialtu ka nihna ang pawh hianin hrehawm ka ti. Amaherawhchu sorkar hi ka zawt duh a, kan Assembly House pawhin min hriatsak se ka duh a ni. He House zahawmtakah hianin kum nga chhung alo ral ta, Suangpuilawn kidnapped kan tih kha tunah hianin RTI hmang ten tunah alo lang ta a, misual chu kan man ta em? TRI Report hi sorkarin a bawhzui em? Tunah inthlan in min nang chilh leh mai dawn a ni si a. Tunah hian kan sorkar hian ngaihtuah a va ngai em. He kan sorkar roreltu lu ber, kan Chief Minister zahawmtak pawh hian min hriat sak se ka duh a. Tin, engang in nge hmalak a tum tih hi ka zawt duh a ni.

Thlakhat chhung tal hian Suangpuilawn kidnapped helai chungchang tunah hianin misual hi an man thei tawh em? Nge a la khirh em em ringawt mai em ni? tih hi ka zawt duh a ni. Chuti chuan, tuanh hianin engkim mai in thlan alo hnai a, thil riva chi dang dang a lo tam chho a. Kan ram tunah hianin kan mipuite hian hlauthawng takin inthlan tepawh kan awm. Enginng min rawn delh dawn tih hi an ngaihtuah mek ani. Tunah ngat pawh kan MUP kan tih te, kan YMA kan tih tepawh hian thil kalphung zawng zawng hi an hre vek in a lang a, mipui pawhin. Chuvangin chuan he kan sorkar hianin dikna chu tungdingin diklo thil sual chu mausam ngam sela. He ram hi ram nuam a ni zawkin ka ring a ni. Chuvang chuan tunah hianin kan sorkar hian nguntakin a ngaihtuah chian a ngaiin ka hria.

Nizanah pawh bomb a ri dup mai a, Remna leiah peace kan ti, ram zalen, ram ralmuang kan in tih si chuan nakin lawkah inthlan a lo ni chho ang a. Boruak chhia hi kan tawng leh ang tih hi a hlauhawm a. Chuvang chuan kan Chief Minister zahawmtak hian helai kan House Leader a nihna atang pawhin leh Pathian leh kan ram ti a politics a hotupa anihna ang pawhin Pathian malsawmna dawng turin misualte hi mausam a, dikna hi tungding ngam turin ka chan duh a ni. Awle, engpawh nisela helai mahni constituency anih avangin sawi tam a nuam lova. Duh tawk mai ila Pu Deputy Speaker, ka lawm e.

**PU H. VANLALTHALIANA** : Pu Speaker, ka lawm e. A hmasa bera ka sawi duh chu Demand NO. 22 Sports & Youth Services Department hi a ni a. Thalaite hmakhaw ngaiin he Department hian

hma ala nasa hle in ka hria a. Ka sawi tam lovang ka ti a. Amaherawhchu Aizawl khelmual, Aizawl Stadium hian sawi a hlawh em avang hian han sawilan tha in ka hria a. A hmasa in Sport Council kaltlang te in District tinah Playground tha tak tak kan nei hlawm a. A lawmawm ka ti hle a, thalaite tanah Aizawlah chauh nilo khelmual tha tak tak a awm ta hi alawmawm ka ti a, ka'n tarlang tel duh a.

Youth Commission Bill a lo tel ta a, duhthu kan sam a, vawi tamtak kan sawi a, mipui tihlawm tumna thin chauha ngaih kan hmalakna thin a tak tak alo chang thei tur hi lawmawm ka ti a, tha taka pass a, thalaite tan a tangkai tura hma kan lak chhoh ka ring a, chutiang tur chuan ka beisei a, lawmawm ka ti a.

Tin, Sports Department ah hian tunhma khan Chhimtuipui District-ah Sports Organiser kan nei ve thin a, District Sports Promotion Officer-ah a kaisang a, a ruak ta chauh a, an rawn hnawhkhat leh lo niin ka hria a, hengte hi a hmalama dah theih dan kan Minister zahawmtak hian ngaihtuah thei sela. Chhimtuipui min ngaihtuah deuh a ni maw Sport Department-ah hian tih te ka rilruah a awm a, chumi atanah chuan ngenna ka siam duh a.

A dawta ka sawi duh chu Aizawl Stadium hi a ni a. Assam Rifle Lammualah chauh lo pawh hmundangah pawh a tih theih a lawm tih te Pu Speaker, I dinglam amite atang tepawhin sawi a awm a, a dikin ka hria a ni. Amaherawhchu, Aizawl Assam Rifle Lammual hi Israel fatena Jerusalem lo khawpuia a pawmlo ang chiah hian Mizoram thalai Aizawl chauh nilo keini Chhimtuipui amite thlang pawhin Mizoram Stadium ang tura Aizawl Stadium a kan pawm chu Assam Rifle Lammual hi a ni tlat a ni. Israel ten mi ram awp beha an awm a, independent an hmuh hnu khan an khawpui chu Tel Aviv ah an hmang tih kan hre theuh in ka ring. Jerusalem neih tumin an bei ngar ngar a ni, ka hriatsual loh chuan 1976 niin ka hria, an vawihnihna-ah khan an awp hlen a, UNO te leh anmahni thiante ngei pawhin an phallo chung chung kha khawpui-ah an declare a ni.

Vawiinah hian AR ten min awmchilh a, an phallo a, harsatna tamtak an siam a, a dik thoin ka hria a AR ho dinhmun atang hian. Amaherawhchu kan thalaite leh thalai lo Aizawl leh Mizoram mipui zawng zawng rilruah chuan Aizawl khelmual kan tih chuan he AR Lammual hi rilruah alang vek in ka hria. 2004 kuma MLA Constituency Football Tournament an buatsaih pawh khan kan naute ka zawh khan Ramhlun-ah sawn khelmual tha tak mai kan nei a, a thar zawka inkhelh pawh a nawm zawk ka rinlai khan heta khelh hi an chak tlat mai a ni. Harsatna awm mahse ka rilru-ah hetilai ngeia stadium sak hi Mizoram mipui zawng zawng duh dan a ni. Chu duh dan hria a kan Chief Minister zahawmtak leh kan Sports Minister ina hma an la tang tang hi Mizo mipuite duh dan ani tih hi kei ka rilru a ka pawm dan ani. Theih nise hetia harsatna a awmluh chuan ka bialah lo dah ta che u kan duh lutuk a lawm, hmundangah pawh dah se an duh theuh in ka ring. Amaherawhchu, kan rilru dik tak, kan thalaite leh kan mipui te zawng zawng hi kan nih ka ring. Kan rilru diktak chuan he Lammual tho hi kan en in ka hria, kan rilru chuan. Tih puitlin hram hram kan duh ka ring. Kan duh anga hmalak alo chakloh deuh leh kan muang deuh anih pawhin kan hriatthiam a, kan thalaite leh Mizo mipuite duh dan en a, hetiang a kan sorkar chaktak, kan Chief Minister chaktak

leh kan Sports Minister chaktak ina an ti hram hram hi Mizo mipuite duh dan a ni tih hi kan hriat tha in ka hria a.

Chuvangin, tuna harsatna lo awm chho pawh hi kan zavai hian i tang ang u, i su ang u, i bei ang u, tichuan Mizoram mipui duhdan angin hlawhtling takin hma kan la thei ang, kan hlawhchham ka ring miah lo. Harsatna tepawh kan tawk ang chu, kan tih apiang a tlang pur pur te chuan sorkar kan inchhawk thei nang, chuvang chuan kan tan hova, kan duhna te, kan ram mipui rilru hria-a kan tihho chuan kan mualpho lovang a, kan hlawhtling ang. Chuvang chuan helaiah hian ngaihtuahna kan sen ngun a tul in ka hria. Kan duhna leh kan mamawhna ringawt ni lovin, kan ram pumpui ngaihtuah a, kan thalai te leh kan mipui te duhna ngaihtuah a he ngaihtuahna hi kan sen a, kan lungrual a tul in ka hria a ni. Debating tak anih lain chu chu ka rilru tak anih tlat avangin he Session zawh atang hian ngaihtuahna thar seng a Aizawl Stadium atana tan la theuh turin ka sawm duh che u a ni.

A dawt leha ka sawi duh chu Demand No.28 ka sawi teuh ang ka ti a, mahse ka sawi tam ta em a, ka sawi tam tawh lovang a. Labour & Employment Mizoram hian Department ngaihsak hlawh lo ber te zingah a tangin ka hria a, a paw ka ti a. Employment Exchange through lova hna pakhat pawh lak anih chuan, a dik adik chuan Pu Speaker, I veilam amite chauh anmi lo, I dinglam a mi tepawh hi kan thinrim, kan Minister te chungah pawh kan thinrim thin a ni. Chutiang ka ngaihtuah lai chuan department thuam reng reng lova hei chen a kal hi paw ka ti a, 2004 kum kha niin ka hria a, consultative meeting kan neiah pawh kei chu ka tang nasa a ni, hetah hian. He Departmenthi anih tur ang thlapa district tina dah a, hna lak zawng zawngah pawh hian anmahni kaltlang veka tih ni sela, staff indaihlohna deuh a awm anih pawhin thuam chak ni rawh se tiin, chuta kan rorel tam zawk hi vawiinni thleng tihpuitlin loh te an ni, paw ka ti khawp mai. Kan Minister pawh a tang, department lam an inthlahdah emawni ka ti hial a ni.

Chuvang chuan Labour & Employment Department hi tih len nisela, thalai tena hna remchang, job oriented a training na kan neih theihna tur ITI te, kan neih phak lohna tura kan ngaih Saiha hiala min han dah sak te hi ropui ka ti a, lawmawm ka ti a. Keimahni lam mi ngei kan Minister zahawmatak in a thawktu tur min han dah sak a, lawmawm ka ti tak tak a. Chuvang chuan, he department hi department lian lutuk nih a tul lova, amaherawhchu district a anihna ang tura thuam hram hram hi chu a tulin ka hria. Staff indaihlohna te, sanction post fill up lohna zawng zawng pawh ngaihtuahin kan mamawhna ang taka Civil SDO awmna chinah chuan a awm vek a, staff tam lutuk a ngai chuang lo. Tih hram hram hi a tulin ka hria a. Chu chu ka'n sawi duh a ni.

A dawt leha ka sawi leh duh chu Demand No. 43 Tourism hi ani a. Tourism Department hi a naupang viau emaw ka ti a, Mizoramah kut a thlak tha em em in ka hria a, Chhimlam, Chhimtuipui kan tih thin, tuna Lawngtlai leh Saiha District tih lovah chuan, hemi a khawthlang lam hi ka hre lova, Mamit Dist. Lam hi Tourist Lodge engengeni Wayside Restaurant kan tih ang chi hi a awm tha khawp mai Mizoramah hian. Hma kan sawn zel a, kan zin ngen tawlh tawlh a, thurual tha leh chhungte ina inngah ngawt ai chuan zalen deuh leh hahdam deuh a hahchawlh kan lo duh, zan mut hunte hman kan lo duh tlangpui a,

chutiang atanah chuan kan hmang tangkai a. Kan hmang tangkai, telh telh pawhin ka ring ani. Hetih lai takah hian Mizoram Economic dinhmun thlir a, a room rent a hi tlema tihhniam theih dan a awm ang em? Mipui vantlang in a kan chhawrtlan theih tura tihhniam deuh a awm em aw? tih hi ka rilru ah a lut a. Chumi anih chuan, tun aia nasa leh zual hian mikhual pawh an thleng ang a, income kha tha tak zawk a siam theih ka beisei ani. Hei, hmanni tawkah Hmuifang lamahte, Haulwngahte hawn an ni a. A lawmawmin ka hria a. Hmasawna atana pawimawh tak kan inthlen chilh dul dul thin ti bo tu pakhat leh kan vaia min pui tlangtu tha tak niin ka hria a. Chuvang chuanm he Deptt. he uluk taka enzui tulin ka hria a, ka han tarlang tel duh a.

A dawt kha kan sawi leh duh chu Legislative Assembly hi a ni a. Hemi Assembly Secretariat hi Mizoramah hian posting & transfer ten a tih buai loh vang nge ka hre lova. Sorkar hnathawk zawng zawngah an fel berin ka hria a kei chuan. Chutih lai chuan, Committee hrang hrang Pu Speaker, ruahmanna kan neih thin kan han thlir ho hian, Committee tena Department hnathawhna chak zawka a kal theihna turin Staff an indaihlo hle in ka hria. Helaiah hian staff tuna an mamawh Committee Officer engemaw zat hi chu dah belh tulin ka hria a, chutiang anih loh chuan Committee naa hna kan enzui tam tak a nihna tur angin a hlawhtling theilo in ka hria. Chuvang chuan hei hi tihlen theih hram nise a tul ngawtin ka hria.

A dawta kan sawi leh duh chu Planning & Programme Implementation hi a ni a. Hei tunhma a kan hmuh phak ngai lo MLALAD te kan han nei ta a, bul tan nan nuai 5 kumkhatah, a dawtah nuai 10, nuai 15 - tun kum tharah nuai 20 a rawn ni chho ta a. Hei hi Mizoram development atanah chuan a rualkhai ber lo mo? ka ti a ni. Ropui ka ti a, hetiang ngaihtuatu kan Chief Minister hi fakawm ka ti thlawt a ni.

Tin, kumin inthlan dawn kum a ni a dik chuah chuan, a politics zawngin tarlang ta ila, opposition Bialah phei chuan a tangkai ngawt in ka ring. Chutiang khawp hma la duhtu Chief Minister kan nei hi, fak a phu thlawtin ka hria. Chuvang chuan hetiang ram hmangaihtu mipui dinhmun hria a, hmalatu hi demand hi tha takin kan pass dawn lawm ni tih kha kan sawi duh a.

A dawt leh a kan sawi duh leh chu. Demand 33na Power & Electricity hi a ni a. Kan bial leh Chawngte bial hi electric en lohn tamna khua pawl tak kan nih ka ring. Chutiang atanah chuan RGGVY kha enge a dinhmun ta aw ...tih hriat ka chak deuh a. Wind-up naah kan Chief Minister zahawm takin min hriih thei sela. Kan bialah eng kan nei la, in nawr chak lo min ti a. Hei tender te an peih dawn tawh tiin kan inchhang ve reng a, engnge tuna dinhmun hriat a chakawm khawpin ka hria.

PWD sawi ka chak vuai a, amaherawhchu. naktuk tuk leh hian Kolodyne Multi-Modal Transport kan sawi dawn a, tahchuan tam tak kan sawi theih ka ring a, warning bell I hmet tawh si a, khami chin kha nise. Pu Speaker, heng ka sawi tlemte atang hian waviini a kan demand hote hi lungruat taka kan vote ka duh, kan sawi ani a, ka lawm e.

**S P E A K E R**

Sawitu dang kan sawm leh hmian nia kan Assembly Officer te leh thawktu dang te chhungkua thu hi zawhnaah pawh kan admit ngai lova, a danga kha chu sawi vak lo thei kan nih chuan a lawmawm ang a, kan indaihlonah kha tunah sorkarah kan thlen mek a, min rawn tihsak ngei pawh kan beisei tih kha hretlang ila a tha awm e. Pu R. Lalzirlaiana...

**R.LALZIRLIANA**

Pu Speaker, ka lawm e. Power lam sawi hmasa ila, nikim khan Saituala mi Pu Hmingdailova Dulte ram lam 27 Km chungah lo a vat a, sunhlu kung hniante a kit a. Chumi chuanin 132 KV line in a lo man ta a, a kut ding lam a ban puamah tan a ni a. Ding lam ke zungpui zuah a ni a, dang zawng zawng tan a ni a, a vei lam pawh a kawm chhe vek a. Hei hi Pu Speaker, khawngaih takin compensation a enkawl na pe thei se ka duh khawp mai a. Chulo pawh chu ka bial tho Tualbung khua a mi Laldawngkima 5 yrs a tling tawh a, a man lai hi kum li a ni a, a pa Thangzuala Christmas hnu ni 27 Dec. 2007 khan a thiante nena an infiam kha Transformer hungna a awm a, a kawngkhar a awm lo a, tah chuan a vak lut a, Transformer in a lo man a, a kut tan hmawl a ni a, a dulte nasa taka kang a ni a, hei hi khawngaih takin court lam thleng kher lo hian mirethei an ni a, mi khawngaihthlak ka hriat chiente anni a, tanpuina pe se, ka dilpui a. Heng mite ber chungah in ti hi ka chungah ti in ni e, tiin Lal Isuan a tih kha kan CM hian min hriatpui sela, ka duh khawp mai.

Tin, hetah 2002 tawhah khan Thingsul, Seling, Keifang tih vel ani 132 KV line an zam hma a Teak an lo chin kha a kungin an zam takah chuan a han hawlh dawn a, kih tur a ni a. Dan angin P & E Deptt. hian an kit a, amaerawhchu a neitute kha an hrilh maih lova, heng hi seng hawi dan lo ngaihtuah ta che u, tal lo ti sela, awm ka ti a. An duh duhin an kit ringawt mai a. Cheng tam tak an paihsak a ni. Chuvangin hengte hi compensation an dil a, Department ah an dil a, an pe lem lova, khawngaih takin heng hi min lo ngaihtuah sak sela, a lawmawm ngawtin ka ring ani.

P.W.D ah hian kan kai leh hlek ang a, hei kumin hi Mautam tam kum tur ani a. Chumi a nih avang chuan kan kawngte hi a pawp reng tur ani, tih tawp mai turah ka ngai a. Chutah chuan Keifang quarry khi khawchhak lam zawng zawng kalna block thintu, furah chauh ani lova, tun February thla pawh khan a chim rup mai a, rei tak, ni hnih ni thum lai kha chhaklam kal tur a dang a. Khi khi diversion siam theih mai ani a, chu chu Keifang - Rulchawmah hian a chho ang a, kawng laihsa ani a. Chhipte kawnah Laisawr bulah khulaiah khan a chhuk thla leh mai ang a, a grade pawh a chhe lutuk lova. Hei hi BAFFACOS hmangin VC ten tlema zawng phei chu an lo lai tawh a, KM-4 a tam berah ani ang a, KM 3 vel chauh a ngaih a ni nghe nghe a. Hei hi kan PWD lam hian tunah hian hma min lo lak sak nghal sela a thain ka ring a, chu chu kan ngenin kan sawi duh a ni.

Tin, chulo lelah chuan Work Charge regularisation chungchangah hian kan CM zahawm tak hi anni ho hian vawi tam tak an hmu tawh a, ani pawhin a lo tawng thlamuan hle a, an lawm hle ani. Amaherawhchu, vawiin niah hian anni te nena ngaihtuah ho tura sorkarin a lo tih deuh school Deficit te, College deficit te, provincialise tam tak an awm tawh lai hian anni ngaihtuah lova an awm hi an khawngaih thlak hle a, kum 30 dawn laite an lo thawk tawh a, khatiang emaw, an lo thih palh pawha arte thiha an thi mai thin hi ngaihtuah chuan a ngai hle in ka hria a, chuvangin Work Charge te hi regularisation an tan tih theih loh bikna tur a awm chuang lova, chutang zawng chuan ngaihtuah sak nisela a thain ka hria a. Anni hi dik tak chuan Department hrang hrang, P & E emaw, khawiah pawh hian hna thawktu tak tak anni a, hnathawk tam ber anni hialin ka hria a. Heng hi min ngaihtuah sak sela a thain ka ring a. Tin, Statistic Department ah hian, Statistic Department hi Department te tak te kan hriat mang loh amaherawhchu, Zoram hmel tilang tak tak tu anni a. He an lehkhabu siam atang hian mithiam te chuan engkim an chhut zawk thin ani. Mizoram kal ve miah loh pawhin engkim an hriat vena ani. Chutah chuan an hlawh ah hian hei sub-inspector hi a kha graduate entry post a awm anni a. Department dang reng reng hi pakhatmah tluk annei tawh lo a. Chuvangin hei hi an tha a na a phuisui zawka kan thuan that a an pay te pawh hi ennawn a thain ka hria. Chutiang anih lai chuan anmahni Department ami tho machineman tihte pheih hi chu HSLC an qualifaication requirement a chu ani a. Chungte pawh chu an phaklo tak tak ani a. Hengte hi chu tihsual lian lian anih ka ring a vawiinni ah hian ti tha leh nghal turin kan ngenpui bawk ani. Tin, tuna kan sawi tam ber Sports stadiim lampang hi thil dik tak kan hriat hi thain ka hria a. Ka lo hriat ve dan hi chuan Liuutenant General Paramjit Singh hian Director General Assam Rifle ani a chu chuan ni 18.12.2007 khan Chief Secy. Pu Haukhum Hauzel hnenah lammual hi tunah mai chuan a awmna hmundang a la awm si loh chuan an chhuahsan thei loh tur thu hi a hrih tawh a. Hei hi Sorkar a rawn hrih ani. Tichuan 8.2.2008 khanin CE (building) in tender a ko lui ta a, hei hi thil fello tak ani. A hmun leh hma a fello hi PWD dan ah pawh khawiahmah an tih ngai loh ani. Chuvangin, dan kan bawh chhia in ka hria. Tichuan, MNF Hnam Run in 28.2.2008 khan Chief Minister Delhi a AR hotupa a ko va a tifel vek tawh ani tih uangthuuang takin an rawn puang ani. Tak tak ni turah kan ngai a. Tichuan 5.3.2008 ah khan AR Commandant in thuchhuah a siam ve leh ta a. Hnam Run PR kha thu belhchian dawlo ani e ti in a tawi zawngin sawi zel ila, a rawn sawi ve leh ta a. Tichuan, nimina Sports Minister in thalai hruaitute hmaa a thusawiah chuan Hnam Run PR 5.3.2008 ani kha thubelh chian dawlo ani e, a rawn ti veleho tho mai a, vawiinah hian a ram leh felna zawng hmasa lova Tender koh ngawt hi dan lo ani tih hi CM Adviser hotu lian tak pawn a hre tur ani. Tunah hei puhmawh tur a awm lo. In phallo ani ang tih vel kha chu duh niin min ngai lain mah mahin ka hria.

Tin, nizan khan helaia kan awm lain Bomb a puak a, a pawh ka ti takzet a. Police tam ber zan ala nia, thlamuanthlak hle a ka hriat lain Bomb puak ri kan hre ta mai kha a vanduaithlak ani. Keini pa dawihzep leh Speaker ngei pawh a meng phawk viau va Tutemaw helaia mite pek tir chhuakin a awmlai khan kan Home Minister ber chu a thuziah lai kha phawkna chhete mah awm loin a ziak reng a. Mak ka ti. Tlan chhuah ve tura ka ngaih ber khan a tham lo hlein ka hria.

Kan Session chhungin eng mumalm leh zan ber ani. A puah lai pawn eng a awm lova. Hei hi ka landan chuan P&E Control thei tute tihpuah anih ka ring.

Sorkar Public Prosecutor in mahni inthate an in thah hmaa an thil tih thin thenkhat a sawi na lutuk lovin an invit then a tihte ka hrechhuak a. Mi khawngaih hlauh tum nan emaw Bomb hi tihouah ani thei tih hi ka ring a. Mahni Party Office Bomb alh alh tawh chuan dinchhuah leh a har ka ring. Rev.Chanchinmawia thah anih zan khan Bomb a puak a. Tunah a thih thu hi House ah kan sawi lai mek hian Bomb a puak leh ta mai hi Rev.Chanchinmawia thattute ngei khan Bomb hi an tipuak leh ta tih ka ring nghet tlat ani Sorkarin tha lo ati, keini pawn thalo kan ti, a titute hi zawng sela, hrem sela, an phutawkin ana thei ang berin hrem rawh se tih hi Pu Speaker, ka duh dan leh ka rawtna a ni. Ka lawm e.

**PU R.KHAWPUITHANGA** : Pu Speaker, ka lawm e, a hmasa bera kan sawi duh chu Tourism, Demand No. 48 na hi a ni a. Hei, kan hmuh angin Mizoram chuan hmasawna kawng a zawh a, infrastructure lamah pawh hma kan sawn chak em em mai a, hemiah hianin Tourism in contribution a rawn pek hi a tha hle mai a, tunhnai maiah khan hmun hrang hrangah Tourist Distraction tihte, Toursit Lodge luahtu, facility tur khatiang ang hrang hrang a kha a changtu Minister zahawm tak hian a hawng a, midangte pawhin, kan Dy.Speaker ngei te pawhin a hawng ani. Chutiang chuan chhim lamah te, khawthlangah te pawh hmuh tur a tam hle ani. Tin, mikhual lama an lei tir aiin tun hnai maiah hianin kan help tam ve mia a, heng kan Tourist Lodge emaw Distrnation kan ti emaw ni, heng hmun hrang hrang a khualzin thlengte hi tun hnai maiah hren 38336 lai an awm a. Tin, foreigner te pawh 304 lai an ni ti kan han hmu a, hei hianin khualzin a hle ani tih engemaw chenah chuan a tarlang ani. Amaherawchu, duhthawhna thilah hei ram, hmun hrang hrangah te kan hmuh angin, entirnan, Punjab ah te ngei pawh attraction an siam a, siam chawp ani mai a, siamchawp khan, mithiamten an han siam khanin khua tam tak kha a hip a, an kal khan an en ngei ngei bawk a, khung Rock Garden an han tih tepawh khu keipawh ka kal ve tawh a, han en khuan chuti tehchiam phei chu a ni lova, French Engineer mithiamin a design atanga siam a ni a, khatiang deuh hlek khan kan ramah tepawh hian engemaw Aizawl khawpui hnaiah te hian attraction engemaw siam thiam awm sela, a va pawimawh awm ve aw ka ti a.

Tin, chubakah chuan kan khawpui leh a chhehvelah pawh hian foreigners pawh an lo kal a, kei hi Tlangnuam-ah kan awm a, Tlangnuam chhipah khian America te, Australia atanga khualzin lo kal te pawhin an tlawh pawhin an lo kal fo a. Mahse, chei mumal a awm lova, khingte khi chu kan Minister zahawmtak hian min chhinchhiah sak sela, mawihnai tak, tlawh chakawm takin siam ila, an lokal fo si a, khawpui chhungah pawh hian siam nisela. Khawimaw lai lai Hlimen piah lamah tepawh sawn hmun rem tak tak khatiang attraction siamna tur kha a awm nual a. Aizawl hmundangah pawh a ni ang, khatiang khan kan Historical eng engemaw nen inzawmna nei attraction siam dante hi ngaihtuah ni ve ta sela. Rock Garden ah te khuan mi tamtak an kalm thin a. Mi pakhatin Rs.5/- zel a pek pawh khan a hekna awm tawh silo ah khan state in revenue tam tak a hmu a



ni. Hei tunah hian kan revenue hmuh hi tun hnai maiah hian Rs.84/- lakhs lai a ni ve a. Mahse, a la duh thawh awm deuh a ni. Hemi kawngah hian tan lakna tur a awmin ka hria a ni.

Tin, engemaw sports nikua ah pawh state dang atanga tam tham deuh an lo thlen hian thlenna tur kan la indaihlo em em a. Chuvangin anni hian tan la ta sela, building tam zawk khawpui chhungah hian ngaihtuah sela a hlawk hlein ka ring bawk ani.

Tin, hei Sports lamah hian ha hma amite khan duhthawh takin stadiim chungchang an sawi a. Hemi chungchang hi chu kan hotu ten an sawifel thei mai turah ka ngai a. Tu te emaw in puh pawh awm thei a ni a. Mahse, pakhat chu nei ilang chuan hetiang hi chuan a kal a rinawm hauh lova. Mahse dodaltu kan awm tlat chuan thil harsathin a. Chuvangin i dinglam leh

vei lam amite Pu Speaker, hei hian thu khat nei ilang chuan khawi hmunah pawh Aizawl khawpui kan ram chhungah hian harsatna awm miah lovin a tih theih a rinawm a ni. Kan PWD hotu ten an lo tender hi a awm lo hauh lova, harsatna a awm anih pawhin kan hotu ten an su tlang thiam turah kei ka ngai tlat a ni.

Tin, practice field hi kan la nei tha tawh lovin ka hria a, hei hi en ngen deuh hlek tha ang, kan khawpui chhung a ngei ngei pawh hian, hemi atan hian field tha leh tam tawh hi kan enzui a a tha hle in ka ring a, keini mission vengah pawh sawn kan han buaipui ve a, Venghnuai ah te, Tlangnuamah te, Hlimen ah te, heng ah te pawh hian practice field tha tak tak siam theihna vek ani. Kan Minister zahawmtak hian min ngaih pawimawh sak thin a, mahse a la duh thawh awm deuh hlek a, A bik takin Missionveng leh a chhehvelah han hmang mai thei Foot ball pet na atan mai ni lo, thil hrang hrang ah pawh Kohhran pawh in an hmang phak mai na hmun a ni a, sawngah te pawh sawn sum tam zawk han invest thei ta ilang chuan a ropui ngawt ang tih kha ka ring bawk a ni.

Tin, Labour Employment pawh hi pawimawh ve tho mai a, LTI te, Lunglei - ah te, Aizawl bakah, Saiha - ah tepawh kan nei a, hei hi an training na hi a tha khawp mai a, job oriented a kal vek an nih avang hian heta tanga training chhuak mi 851 atang hian mi tam tawh takin hna an hmu tawh a, khatiang khan ti zet ta sela, mahni kut hnathawh atange pawhin engtin tin emaw, self employment te pawh kha a generate dawn a ni a, chuvang in an ni hi hmang tangkai leh zual thei ta ila an pawimawh ngawtin ka ring.

Kan Chief Minister zahawm tak demand P & E-ah hian kan hriat theuh ang in Bairabi tepawh tuikhuah mai theih tur angin kan han sawi a, sorkar hmasa lamah tepawh an khuap ta emaw tih mai turin an sawi thiam thin a, mahse a tak tak han tih hian clearance chi hrang hrang kan House Leader, kan Chief Minister zahawmtakin a theih loh ang a a tih pawh anrawn sual chhuak zel thei a, mahse a tak tak zuk thlen dawn hian kan NGO atange leh hmun hrang hrang atang tepawh hian a generate na man tur leh a khuahna man nen hian a inthlau lova, ngaihtuah tham kha a tling a ni. Heng avang hian hmundangte pawh an

thlir ni turah ka ngai a, Tuivai tepawh tunah tih mek a ni a, nakina a wind up na-ah kan la ngaithla turah ka ngai a. Tin, kan ramah kan intodelh lohna hi chuti lutuk chuan a sang tawh lo e maw ni chu aw tih tur a ni a. Sorkar hmasa lam atang pawhin tan la in an lo bei nasa tawh a. Tuna sorkar hian nasa takin tan an la chho a, tahchuan Mini Hydrel Project atang pawh hian installed capacity tuna kan hman mai theihah hian megawatt 25.47 lai kan lo nei ve tawh a, nilo 35 zawk a ni. Hemi 12 megawatt alo chhuah leh hunah phei hi chuan khutah Serlui atangin megawatt 35.47 lai hi a ni dawn a ni. A peak hour-ah hian kan mamawh chu megawatt 60 atanga 65 a ni a. off peak, ahniam laiah phei chuan 35-45 a ni a. Chuvang chuan off peak hunah phei hi chuan kan intodelh deuh thuakin a sawi theih a ni. Amaherawhchu, hei vang hian tan lak loh tur tihna nilovin, tun kan dinhmunah hi chuan kan thang chho ve hle zel a ni tih kha a hriat theih a. Hemiah pawh hian tan kan la zel dawn a ni tih kha a hriattheih awm e.

Tin, PWD-ah hian Pu Speaker, hei 1995 ah hi chuan kan work load chu a la tlem khawp mai a. Vawikhata hna lo kal han ti mai ila. kum khat hisap tepawh a niang chu, crore 92 chauh a la ni a, kum 2000-ah erawh chuan alo sang ta hle a, crore 162 a ni a. Tin, hei tuna kallai mekah phei hi chuan crore 370 lai alo tling chho ta a, heng hi a ropui hle a. Kan hriat theuh angin heng sum lokalna hnar ber hi chu Central atangin a ni a, khawi state pawhin kan rin a ni a, Central chu. Hengah hian PMGSY te kan hria a, PMGSY tepawh hi kan tihchhuah, tih a awm thei a. Mahse, tu sorkar pawh hian heng hi chu lo tichhuak se, Central ami pawh lo ni sela, an fakawm vek a. PMGSY hi chu NDA in an tihchhuah a ni. Hei hi chu tuna sorkar UPA hian an la zui chho leh a, an fakawm em em a. Helaiyah kan Department hotute leh kan hotu ten an zuk dawrna-ah pawh Mizoram min ngaihsak em em a ni. Chuvangin, tunah pawh hian kan work load tepawh hi a sang tha khawp mai. Tuna kan sawi tak ang kha ani a. Crore 370 a ni. Chuvangin, chhak leh thlang, chhim leh hmarah hian han sawi dawn ila a tam lutuk a, mahse hun a awm tawh loh avangin kan sawi tawh lovang a.

Tichuan heng zawng zawngah hian heng Finance-ah tepawh ka sawi tawh lo mai ang chu. Engpawh nise, PWD bik chu han sawi ka chak viau a, mahse hun a awm tawh si lova. Tawk lo chungin tawk mai rawh se tih ang deuh khan i tawp mai ang. Hei hi lungrual taka pass turin kan insawm a ni e, ka lawm e.

**PU LALHMINGTHANGA**

: Pu Speaker, kan Demand vawiinnia kan sawi tur hi a tam viau a, hun a tawi deuh si a. Chuvang chuan a zavai hian a sawi kim sen theih dawn miah lova. Thil tenau te te-a han tan ka duh a. I khap tawh deuh na-a, Demand No. 1 Legislative Assembly ah khan post creation tepawh kha in dil anih hmel a, khang kha a pawimawh hle a. Hei, Committee hi nangma zarah kan nei tha viau a, state dang te nen han khaihkin pawhin kan state tet puiah 19 dawnlai chi hrang hrang kan nei a. Hengah hian kan Officer te tan hna a rip viau mai a. Chuvang chuan, Committee enkawltu tur bik Secretary, Additional nge ni? Deputy ngeni? Khatiang level-ah tepawh khan siamtheih ni selangin, chutiang anga in tahtawl zelin a tha awm mang e tih kha ka sawi zawk duh a.

Kan sawi leh duh chu Demand No.22 na Sport & Youth ah hian kan Minister in a rawn sawifiah atan sawi ka bial Lunglei ah hian Lunglei Ground No.2 kan ti mai a, Baje mual tih te pawn kan ko a. Electric Veng ah sawn Sport Complex a kan sorkar hian a buatsaih a. Tah chuan Pu Hmuaka In te pawh laksakin an beichho a, mahse hna saw an chawl ta tlat mai a, engtizia nge ni? saw saw tih puitlin thuai thuai avan tul ve. Tin, a in an laksak Pu Hmuaka te angte pawh sawiin payment saw an la hmu thalo nge Chungte chu kan Minister hian rawn sawifiah thei selangin tihfel tur chu tihfel thuai nisengin Lunglei khawpui tan saw saw tangkai em em dawn a. Chu chu kan sawilang duh phawt a ni.

Chuan, adanga kan sawi leh duh chu Demand No.28 naah hianin - ITI hi hei Aizawl ag, Lunglei ah, Saiha ah an hawng ta a. Mahse, tunhnaiah hian a hnathawktute hian hlawh hi an la thei tlat lo mai a. Lunglei ami saw ka bial ami bawk ania, churangchuan, telephone ten min rawn hriih thin a. Assembly lai ani bawka hei hi min han auchhuahpui the an tia, hei hi chhungkaw chawmte annih bawk si avang hianin an hlawh lak tur siamsak thuai theih hi avan pawimawh em tih kha kan sawilang duh ani.

Tin, Labour & Employment Demand No.28 naah hian kan sawilleh duh chu kan thalaite tan hian hna hi avang ta viau mai a. Zima uar mi kan nia, kan sawi kan sawi a, hei India remah No.1 kan nihna ringwt pawh tam tak kan sawi a. Khatia a nihlai khan an tan hian hna hi kan hawn sak lo deuh hlek a ni in ka hria a.

November thla khan, khutah Kolkata ah ni 20 dawn lai thil dang tiin ka zuk cham a. Chutah chuanin kan employment chung change hriatchian ka duh avangin an Minister te, interview ka dil a. an nin tha takin min le pe a. An lam chu chuan an State employment zawn dan kawngah khuan search Committee tha deuh mai te an lo nei a. Chutah chuan International leh National linkage an mahni state chung ringwt a employment Registration leh khatiang kha, tia vacancy te an tih bakah, an huap zau em em mai. India ram chhungah organisation hrang hrang Central lam pang Deptt. te leh heng Defence Service a mite, tin, chubakah private leh public sector hrang hranga vacancy awm thei tur, khatiang ang hriat theihna te. Tin, chumi piah lamah International, chuti chuanin linkage tha deuh mai an lo siam a. Churang chuanin an nula tlangval te leh khatiang thiamna chi hrang hrang nei tan khan opportunity an zawn hmuh sak nasa a ni mai ani. Chuti zawnng chuan keini kan state pawh hi kal ve theih tawh a tha awm mange aw tih kha tun November thla atang khan ka rilru a lian em em mai. Hei hi sawichhuaha hun remchang tak ani a. Tuna kan demand sawi nen hianin a mil pawh a inmil tlang a. Kan Minister hianin min lo chhinchhiah theih ta selangin. Tichuan a tul dan angin tuna kan kal hmang piah lamah deuh ah hianin kalpui theih dan awm chuan kan nula leh tlangval te employment zau zawk kha kan dapchhuah pui chuan an tan thil tha tak a ni dawn a. Kha kha kan sawi lang leh duh zawk a.

Tin, a danga kan sawi leh duh chu khami Demand No.14 na ah kan CM Demand ah hian han chhukthla leh zawk ta ila. Planning and Implementation in programme ah hian helai hi a pawimawh hle a.

Tuna kan ram programme lian ber hi chu kha Migro Economic Frame work kan han hmuh leh survey tu kan han neihah tuna kan Budget papers atanga information tha tak tak kan han dawn hnuaiyah pawh khan, a buaithlak lai bera hi chu sustainable economy kan ramin a neih loh laia hi buaithlak ber mai a. Khami sector 3 an tarchhuah ah khan, hemi office hnathawk kamding te leh a sector contributor neih that ber lai chu chuti em em a zuk plan san ngai pawh a ni lova, amah leh amah in keng vek tur ani a. Tin, Industries Sector ah pawh khan alo ni leh deuh a. Mahse, a buaipui awm lai ber ta a kha chu planning and programme implmentation in a a kawh bulpui ber a lang a. Kha chu khami kan Agriculture & Alliance leh nichin a ka sawi tak Labour & Employment a hna hmu lo, hemi sector 2 lai a take care a tul ani leh kan syrvey report khan a sawi chiang hle a.

Chuvang chuan kan planning kal hmang pawh hi tihdanglam tawh a tul mang e. Tuna Budget document ang materials te kan han neih hnuah chuan ngaihtuahna min rawn siam sak a kan kal dan tlangpuiyah hian kan hre theuh a, hei UT nih tan ni atang khan Department hrang hrangin an mahni department zawm theuh ah an rawn siam a. Chumi lut khawm atang chuan heng kan annual plan fund te leh heng ang hmandan tur a kha chu chhuak thin a ni a. Mahse tunah hi chuan ki letling dawn ilangin, planning & programme implementation Committee lam atang hianin lenthuai a tul tan a. Tahchuan sustainable economy target a kan macro economic frame work pawh a lo danglam a, khatah khan a contribute sector hote dinhmun tih danglam a tul khawp mai a, Hemi tuna ka han sawi tak, employment lamah hian kan dap zau zawk chuan thalaiten Mizoram chung kher lovah pawh employment an lo hmuh zau kha chuan hetah hian an income a chu a lo in chhunglut khawm leh dawn a, Home state ah hian. Chutiang zawnga tang tur chuan planning & Programme Implementation hi her danglam ta ila a tha awm mange.

Tin, hei, Agriculture Allied hi Department, heng Agriculture te, vety te, Soil & Water Conservation Department te, Fisheries te leh Sericulture heng ho zawng zawng hi co-ordination tha tak leh a macro framemm work siam a kan resources te kan full khawm a kan ti anih chuan chhungkaw nuai khat leh a chanve vel ang kha a sustaintible economy kan pe thei anih chuan kan ram economic dinhmun hi a danglam daih mai dawn a, a chiang em em in ka hria a. Survey report hrang hrang te kan han dawn hnu khan a a theih ang ang in kan budget session hnu hian zantin theih ang tawkin ka study hi thinlungah a rawn piang chhuak ta a. Kan sorkar hian chuti zawnga thil a thlir tan a, kan planning kalhmangye kan tih danglam chuan tuna kan kalhmang thar ti mai ila, kan act thar te pawhin a phut atang hian thil tha zawk zuk tih chhuah dan awm awm vang e tih kha planning & programme implementation atang hian kan sawi lang leh duh a ni.

A dawt leha chuanin Power chungchang thu hi keini kan party hi Power atchilh party kan ni a. Demand No. 39 na hi heti laiah hian duh thawh takin thil kan sawi thin a, mashe kan kal dan hmangah hi chuan duh thu chu a sam lo a ni tih a chiang mai a. Tun aia nasa zawka hmalak a tul hle in ka hria a. Kan MNF unaute nena sorkarna kan intawm khan power te min chan tir ve leh a. Khalaiyah khan hna kha a kallai a kha a zawhna stage ah kan congress unau te khan an lo hlang chho deuh sup tawh a. Khami Ministry inthlak takah khan thil tih tur eng eng emaw kan ngaihtuah tlang a. A deptt. lamah Officer

fel tak tak te leh tha tak tak te kan neih angin Serlui B te ang te pawh abandoned tawh kha kan han.....kha a ni a. A hma khan 9 megga watt a detail pproject report siam ani a, chuti zawnga kal chhoh kha a ni a. Mahse abandoned tawh anih avang khan tlem a tih danglam loh chuan central sorkarah pawg a ngai leh ngai a abandoned tawh leh eng emaw zat han hman tawh kha tihnun leh har tawh avangin detail project kha study kan nei a, kan engineer te nen tah chuan dependability percentage ah thil hmuhchhuah kan neih avangin 9 mv capacity tur a kha 12 ah kan raise chho a, chuan kan ti nung leh a. Tunah heng ah te pawh hian a kal chho zel hi chu a ni a. Thinlung tak tak han hman chhoh hi a pawimawh khawp a, heti kawngah hian. tin, kha tah khan central Minister te nen te meeting kan han nei a, Prime Minister te nen te. Hemi mat lui 120 MW teng te pawg kha joint venture project a hma lak chhoh tur te. Tin, Bairabi Hydrel Project te pawh detail project report rawn submit thuai a chutah chuan kan state project bik liau liau a kal tur ang te.

Tin, Tuirai te pawh tuna PPP anga kal tur ang ten. Chutiang chuan in ruahmanna kha kan han siam pawp pawp a. Tin, a transition line lampang ah distribution ah a rual a tih a ngaih avangin khu Bawktlang sub-station te, tin, melriat sub-station te kha an han ruahman leh a. Amaerawhchu, tah hian kan CM hi a buai deuh hlek a, concentration hi pe tak tak thei lo nge ni rin ai chuan hmasawmna hi a chak ta lem lo viau mai a. Hei kum 5 a vei leh tawh dawn a, heng hnuah hian, kum 5 chauh pawh a nih loh chu kum 7 - 8 dawn anih chu. Hei hetah hian an hmalak dan hi duhthu a sam lo deuh a. Part infrastructure kan neih phawt loh hi chuan in heng kan sawi thin E governance kan han tih te Tin, thil dang dang IT technology leh thildang tih kan tum ho a hi a tih puitlin tak tak theih dawn loh va. Tah hi chuan tun hma aia serious zawk a thil ngaihtuah a kan sorkar pawh hian uluk taka hmalak a tul in ka hria a. Chu chu kan tarlang leh duh zawk a ni. Ka lawm e. Pu Speaker.

**PU THLENGLIANA**

: Pu Speaker, ka lawm e. Pu H.Lalsangzuala, MLA zahawm takin kum 4 hmalam a rilru natna a rawn sawi ang deuh khan vawiin hi kei pawh ka rilru a na khawp a. Hman ni lawk a kan Minister zahawm tak Pu R.Tlanghmingthanga Officer kal turn dan a ni a. Kha tih lai khan Sorkar motor chu a kang vak mai a. Midang an awm lem lova, amaerawhchu tuman ka tih an ti lova. Sangha dil hrai a ni leh a a bul lawk transformer hal an ni leh a, Revenue Office te, transformer bomb an ni leh a. Niminah kan Party office Hnam Run bomb an ni leh hi a rapthlak hle in ka hria a. Hel maksak tak mai hel danglam tak khawi hi kan awm a ni. Chu chu ka hmuh dan a ni a.

Tin, bomb a puah lai tak khan Saitual bialtu MLA zahawm tak kha a chapo hmel tlat a, a hawiherte kha chuvangin enge maw hi chu a awm a ni. Chuvang a niang mi tuman an sawi loh laia kha thil pawh kha a pawl a ni tih min an ngaihtuah a, an rilru a nat laia Hnam Run, mahni party office bomb chhiaa min han puh tawp maite kha (Pu Lalzirliana.....) aw nangma tawng ngei a nih kha. Khatiang kha I ni a, Ngharchhip nuthlawi buaipui tawh hi chu kan awm a ni. Aw, chuvangin helaia kan awm danah hian transformer

bomb te, Sangha Dil hria te, motor hal te, Revenue bomb te, Hnam Run bomb te hi chu titu chu awm turah miin an ngai. Vawiin nia he sawrkar hi tuman an ring tawh lo ti a, Pu H. Lalsangzuala'n a han ti ri te kha ring lo nisela min beihrawn tum hian in khawsa lawt lawtin ka ring lo. Hei hi chu a chiang a ni. November kan thleng anga khawiahnge in awm dawn tih hi chu a chiang khawp ang tam tak hi. ZNP President zahawmtak ang hian mahni ke in ding ngam the u. Politics in khel ve ani lawm ni? Vawiin nia thil lo thleng kan hmuh danah te (Speaker: khawngaih takin thusawi kha chair lam addressed-in sawi nise) Pu Speaker, ka lawm e. Han tui deuh hi chuan Speaker han addressed loh palh tepawh hi a awm thin a nia.

Khatiang khan kawng tinrenga Assam Rifle Lammual, hei Demand No. 22 ah te hian han lut nghal ve mai ila. Helai thil thleng han hmuh te kan sawi dan atang pawh hian 'I sawi lai khan i nihna a lang' tih hi mipui ngaihnan a ni. A dik takin Home Minister a lo kal dawn lai khan Shiv Raj Patil lo kal dawn lai khan Central Home Minister, helaiah Party pakhatin Committee neih a ni. Party pakhat chuan chuta Chairman ngei pawh chu helaiah hian an awm. Khatah khan hetiang Assam Rifle ram hi an khawih vaih chuan an sorkar chhungah kan din chhuak leh ngai tawh lovang tih kha an lo hrilh tur a ni a, in rellaw tawh em tiin hotupa ber khan Delhi atangin a rawn phone chhen lehngal. A awmlai ani. A mak ania thil kal dan hi. Chutah chuan Committee pawh chu vantlang huat zawng tak tur anih avangin i minute lo mai ang u an ti nghe nghe a ni. A chiang alawm. Khatih lai Chairman ngei tepawh kha kan kawl e. Hei hi in kumkhaw khawsak dan a ni a, a pawl khawp mai.

Vawiinah hian kan ram thenna tur pawh nisela, tute emaw hlawkna a tel dawn anih chuan tih chhiat vek duh pawl hi kan awm. Tunah pawh Lt. Gen. Assam Rifle hmasa in namen lovin phur in a ti a. Hetah hian a estimate leh engmah hi Stadium chungchangah siam a awm ngai lo. A chhut zawng zawngte, lungrem te engkim an ti. Hlim takin an ti tlang mai. Agreement pawh a awmla. Tiang chuan lo ti rawh u, lo ti rawh u, a lawmawm ngawt ang chu, kan tan leh in tan a tha, kan Chief Minister zahawmtak hnenah a ti a ni. A thar a lo lut a, mahse hei pawh hi dan char char MNF sorkarin a khawih hman chuan a pawl dawn lutuk ani tiin lo zuk hrilhru su su in awm pek niin kan hre ilat. A dik pawh a dik ang. Chu chu Pu Speaker, i veilam ami thenkhat te khawsak dan hi zuk nia mawle. A hahthlak deuh a ni. Tun hnuah chuan hetiang thil hi sim thei hram hram ilang chuan a lawmawm ngawt ang. Dik tak chuan kan rama Development kal zozait Zoram mipui hian an pawm a, hnathawk tha min ti a.

Demand No. 45-ah hian han lut ta ila. PWD-ah ringawt pawh hian tunhma sorkar hmasate kan en chuan km 1 tender pawh vawikhatmah a awm ngailo. Zoram mipui hian an hre bawk lo, chutih laiin km 2427.81 lai kawngpui lai h zawh a ni tawh a, tunah hian km 500.17 lai h leh mek a awm a ni. Building ding zozai tepawh hi New Capital Complex a building ding te hi chhiar sen a ni hlei nem, han kal ila 'A va mak em, a va ropui em' tih vek tur a ni. Millenium Centre te, Bawngkawn lam atanga lokal zawng zawngin Aizawl khawpui chu Pu Ch. Chhunga Bus Terminal chu a va ropui em tih vek mai a ni. Durtlang kawng nise ti khi a nia, in hmu a, kan sawi tawh thin vei nawn veinawn hi a chakawm a ni. Chutiang khawp chuan hma kan sorkar hian a la a ni, a danglam khawp mai. Tunhma in kawng hawn ve te kawng thenkhat chu Lengte leh Reiek kawng hawnte kha tunah chuan sazu pawh a kal leh thei tawhlo. A zahthlak inti lo maw? Tlailam

luhai neilo an sorkar hnuah chuan a danglam a nih hi. Sazu zingah khan tel ve mah la l lut tlang thei chuang lovang, chutiang khawp chuan PWD te hian hmun tinrengah chhim leh hmar, chhak leh thlangah pawh sorkar hmasa zawng zawng kha chhut ula ka bial mi tepawh zawt rawh u, hmalakna Tlawng thlangah a awmlo reng reng. khawthlang thimpui tih vek a ni.

Vawiinah hian han en ula, Ar hmai tia lek mihring uihum lek awmna tepawh Serzawl kawng te chu khawte field tiat tiatin kan laitlang vek ani. A namai lo lutuk. Lengte leh Nghalchawm te in hre zeuh zeuh ang. kawng nei ngai lo, inthlan dawn lai khan di hmun chungah keu chawpin kan kal a ni. Vawiinah chuan a mam hen hun tawh mai ani. Pu Zira te ang 18 vel chu an inkhel thei hrim hrim. Chutiang kawngpui te tunah Hmunpui kawng pawh an khaw chhung kan lut leh tawh. Chutiang chuan Reiek kawng te, Rawpuichhip - Buarpui road te alo tlang ta, Rawpuichhip-Buarpui road tepwh, kawngpui kan laih hian mipui kan siam a ni. Kephah rapdarh vek khawpa Aizawl lokal a buhfai rawn phur thin khan vawiinah chuan an kawtkaiyah Two Wheeler, Jeepsy, Taxi te an bawh tir fer fur tawh mai. Contract an thawk a ni hlei nem. Infrastructure puitling hian ram a siam.

Vawinah khatiang kha sorkar hmasa lokal tawhah khan kan hmu ngailo. Arsi hnuaiyah chuan Zoram hi a eng a ni. Tunah pawh hian kan han kal chho leh mah ang a, eng zual zelah hian a lut dawn, tanho in tum ang a, in thei silo ang a, ek vuak pherh ang chauh inni ang, engmah in ni dawn lo tih hi in hre rawh u. Zoram mipui hian vawiinah hian min la pawm ber. A chiang lutuk a ni. Chief Minister tur tunge niang chu? A tu ber kha nge ni ang le? Khang kha Zoram mipui in an rawn teh chho dawn, hmanni lawka naupuakpuan phah dup kha vawiinah in paw hlen ang tih hi miin an ring lo. Pu Speaker, ka lawm e.

**S P E A K E R** : Le, kan chawl rih ang a, dar 5:00 ah kan thukhawm leh dawn nia.

**5:00 PM**

**S P E A K E R** : Kan rorel kan chhonzawm ang a. Pu Andrew hi a phar rei tawh a, i sawm hmasa ang.

**P U A N D R E W L A L H E R L I A N A** : Pu Speaker, ka lawm e. Hei, vawiina kan demand sawi tur hi kan House Leader leh kan Sports Minister te demand a ni a, a pawimawh a, han sawi ve hi tha in ka hria a, ka'n dingchhuak duh a ni. Kan Chief Minister Demand hi han sawi dawnin a cover hnem hle mai a. Hei, Planning te, Power & Electricity te, Public Works te leh Finance te, hengte hi la kawp vekin sawi mai ila tha in ka hria a.

Sports & Youth Services hi a Minister hi fel tak niin ka hria a. Ani hi han cover ve ka duh a. Amaherawhchu a department hi PWD lampang atangin ka'n sawi ve thung ang a. Kan bul tanna-ah chuan ka sawi lar tak mai Sports Complex, Stadium chungchang thu atang hian ka tan duh a ni. Hei hi kan hriat angin tunah pawh hian sawi hlawh ber pawl a ni. Hetiang hian han sawi tan ka duh a, tukin zinga kan Chief Minister zahawmtak thusawi chhunzawmna ang deuh hlek khan han sawi ila a tha in ka hria. Tukin zingah Refferal Hospital chungchang thu kan sawi a, question hour ah. Chutah chuan Referral Hospital dinna tura pawisa sanction 40 crore a awm a, amaherawhchu a chingpen chhoh tak zel hi, a nih tur ang anih chhoh loh tak avanga an buai zia leh Catholic kohhran te hnenah te rent out kan tum dan chungchang thu te sawiin, a harsatna kha a awlsam zawngin kan Chief Minister zahawmtak khan pawisa tlem lutuk min pe a, chumi chuan Referral Hospital sak ngaihna a awmlo a ni, Air Gun in pek a, sai kap rawh intih ang a ni e tiin a sawi a. Khami Theme deuh hlek khanin vawiinah hian ka sawi duh a. Sai kha kah a tum tho mai a, mahse a kap thei ta lovah ka ngai a.

Tahchuan, vawiinah hian kan AR Ground a kan Stadium atan hian pawisa kan hmuh zat tur finance commission in 12 Finance Commision inaa a earmark zat kha 25 crore a ni. Chumi chu Stadium sak nana pawisa min pek zat a earmark a ni a. Mahse, detail project ah khan han en ta ila, vaibelchhe 136 man a ni a. Kha project report kha kan thethla lova, an approve lo bawk a, tahchuan pawisa rawn earmark leh kan detail project report hi a inmil a ngai a ni. Khulam pang rawn sanction tu in a project mila a rawn tih loh chuan, a awmzia takah chuanin Referral Hospital ang thovin kan buai leh dawn a ni. Chutah chuanin a chiang em em a ni. Vawiinni-ah hian sak tumin hma an han la a, AR Ground a neitu I ti mai ang, tun dinhmuna a neitu te chuan an la phal rih lovin kan sawi a. Chu chu vawiinah hian anihna takah chuanin lawm zawk tur kan ni. Kan Chief Minister hian Air Gun tereuh te in Sai kah a tum leh a ang tlat mai a ni. Ngatinge kan tih chuan a zawh theihna lo tur 25 crore in 136 crore project siam a tum tlat mai ani. Khulam pangin commitment an nei silova. Cheng vaibelchhe sawmhnih panga in project 136 crore siam a tum tlat mai a ni. Khulam pangin commitment an nei silova. An detail project an pawm bawk si lova. Tichuan he core 25 hi hmang zo ta se rawn sanction belh rawh u tingawt se, engtikawng zawng pawhin an rawn sanction belh dawn lo reng reng. Kan hrechiang khawp mai. Aizawl Water Supply Scheme Phase-II ah te ngei pawh khan vaibelchhe 70.80 kha rawn exceed lo tura min tih anih avang khan kan exceed a, vawiin hian harsatna kan tawk a, kan exceed vak avangin a ni tur ang a ni zo ta lova. Tui 36 million metre hmu tura kha pawisa in a daihloh tak avang leh pawisa an rawn sanction in a mil tak loh avangin tui litre million 12 chauh hmu theihah kan chhuah ta a ni. A zawh theih thin loh. A chhan chu engatinge kan tih chuan detail project report leh sum lokal hi a inzat a ngai tlat mai a ni. Khatah khanin kan hria ang a, tunah hianin chiang takin he an detail project report hi khulam hovin an rawn pawm lova. Khulam pangin an la pawm loh avangin pawisa pawh hi sanctioning letter alo la thleng lo tih kan hria a. Chuti chung chung a bul lo tam tum hi a diklo hrim hrim mai avangin kan lo nghah a, an lo phal rih lo pawh hi a dik a ni. Tahchuan ka sawi duh chu Centrally Sponsored Scheme leh Central atanga pawisa lo lut reng rengah hian kan fimkhur turna lo lang ta chu enge kan tih chuan detail project report hi a realistic tur a ni a. Chu chu pawisa an rawn earmarked in milin feltakin cost escalation hi a awm thei tawh dawn lo a ni tih hria a. realistic taka plan hi siam a ngai tlat a ni.



Centrally Sponsored Scheme-a an plan reng reng an guidelines hi en ta ila - JNNURM a ni emaw, NLCPR a ni emaw, 12<sup>th</sup> Finance Commission engpawh pawisa khulam atanga rawn sanction tur reng reng khu guidelines feltak a nei a ni. Chutah chuanin a detail project report hi state in rawn siam rawh u a ti a. State ina an siam kha realistic takin in siam tur a ni a, cost escalation lo awm tur tepawh hi a initial stage atangin lo earmarked vek a, year wise a a pun dan tur tepawh lo tihlan vek a, a project sustainability nen engkim mila rawn siam tur a ni tih hi an rawn sawi ziah a ni. Chuvang chuanin, khatiang anih loh chuan kan plan reng reng hi han chhut ta ila, a tawpah kan buai ziah hi. Pawisa an rawn sanction zat leh a detail project report kha khami mila kan han tih khan pawisa hi kan han hman tan, an estimate atanga cost escalation a awm chiah hian khulam pang khan kan rawn sanction dan a ni love an tih avangin kan buai ziah a ni.

Kan hriat angin Tuirial Hydel Project tepawh hi a nihna takah chuanin enge ni a tirah Congress hunlai khan an han tan dawn a, chutah chuanin kha compensation demand sang tak kha a tirah a awmlo reng reng. Kan MNF sorkar a rawn din chhohvah khan 48 lek compensation diltu an awm a, kha an han hawng leh a, 1027 in compensation an dil belh a, land acquisition an han nei ta a, tahchiah chuan a tira a detail project report-a a pawisa awm nen a inmil thei ta lova. Engatinge kan tih chuan 40 crore lai mai kha compensation pek a ngai ta a, kha khan a detail project report pawisa kha an ei chuan kha project kha a zawh theih dawn loh avanga an buai avangin compensation an pe thei lova, chumi avang chuan Tuirial Hydel Project hi kan abandon titih anih hi.

Chuvang chuan kan hriat tur chu vawiinah pawh hian i lawm ang u ka ti tlat, Stadium atan pawisa sanction nena inmil tur kan neih tlat loh avang hianin vawiinah an rawn sanction ang a, go ahead min rawn pe ang tih a hlauhawm em em ani. A dik chiah chuanin kan han siam dawn ang a, stadium kha - sanction pakhat vel kan han siam zo ang a, 25 crore chuan. Anih leh a zo ta e, pawisa rawn sanction leh rawh u ti leh ta ila, 25 crore chin kha a sin 12<sup>th</sup> Finance Commission chu a rawn pek che u a rawn ti dawn tlat mai a ni. Chuvang chuan kan scheme siam te, kan plan siam te reng reng kan chian tur chu Delhi a kan thawn thlak tur chu pawisa earmark nen inmilin detailed project report-ah feltakin cost escalation zawng zawngte nena engkim mai feltaka chhuta kan tih loh chuan a dik dawn lo a ni. He sorkar hi hemi kawng zawngah hi chuan vision a nei lo khawp in ka hria. Chuvangin, engmah project nakina kan thanna tur ang chi, nakina thanghartena hna kan neihna tur ang chi, vawiinah hian project bul tan an neilo hi paw ka ti em em a ni. Chumi atan chuan hma chaktakin hma la seka ti a. Vision neilo sorkar kan nei hi paw viau in ka hria. An vision neih chhun ka hmuh chu helai Medium Term Fiscal Policy Statement hian kum thum hnua kan leibat tur vision hi a awm a, chutah chuan vaibelchhe 3509 kan ba dawn a ni tih hi a future deuh a, kan economy-a kan hmuh theih awmchhun chu a ni.

Amaherawhchu, engzatnge employment creat a nih ang? tun atanga kum nga ah engzatnge employment generation scheme kan neih ang, vawiin atang hian hma kan lo lak ang tih te, engtinngge power kan intodelh ang a, tun atanga kum sawmah chuan vawiin atang hian enge bul kan tan tih zawng zawng hi kan Power Department programme ah hian ka hmuh tlat loh avangin kan sorkar tilang Chiangtu tak chu vision neilo hi paw ka ti a. Chuvangin, bul tan a ngai

a, thangharte tan leh nakina future tura provision feltak waviin atanga kan lo ruahman lawk a ngai. Employment generation te lamin.

Nichina helaia kan member zahawmtak Pu Liansuama sawi ang khan khawl centre tepawh engtinngge kan neih theih tiin waviin atangin kan neih theih hun tun atanga kan mamawh tur power te leh atul ang ang waviinah hian infrastructure kan tan a ngai a ni. Chuvangin kan budget hi tlemin a beidawn thlak deuhin ka hria. Kha kha hun tawite-ah ka sawi duh a ni e, ka lawm e.

**PU D. THANGLIANA**

: Pu Speaker, ka lawm e. Ka lawm e. Kan Chief Minister zahawmtak Demand leh Sports Minister zahawm tak Demand sawi na hun tha kan nei hi lawmawm hle a. Lawmthu

sawia bultan ka duh a. Kan han awm ve chinah House kum 5 na kan han thleng n chho na Budget session hnunng ber kan neih chhungin kan Speaker leh Dy.Speaker te, Assembly in min kaihruaina zawng zawngah lawmawm ka tia. Speaker te chungah phei chuan opposition te nen kan lawm tlang viau in ka hria. House a lungrua taka min kaihruai thei kan nei hi Mizoram kan vanneihna House zahawmna tak poh niin ka hria. Lawmthu kan sawi duh a. House Leader tha tak leh fel tak Pathian tih mi CM kan han nei a, House min awpdanahte House min kaihrua danahte pawh a lawmawm hle mai. 6<sup>th</sup> Assembly kan neih kha hetah pawh House Leader la zel dawn niin kan hria. House Leader fel leh hawihhawm tak kan han nei chho hi a vanneihthlak hlein ka hria. MLA tena fund kan area china tur kan neihna tur atana hma min laksaktu lawm taka MLA te min siamtu kan nei hi kan zavaia lawmthu sawi hi kan bat niin ka hria.

Sport kha an sawi tam viau tawh a. Thalaite hma khua kan inngaih siak a, vision neilo ang hialah te kan han insawi thin na a. He MNF Ministry hian thalaite hmakhua ngaih avangin India ram State la neih ngaih loh kan Assembly chhung ngeia Youth Commission din tura hma an la hi thalaite hmakhaw ngaih lohna avange din chu a anglo viauin kan hria a. Heng vangte hi a nih ka ring. Tun thla tir lam khan thalai lehkhathiam rual graudate chunglampang thah 50 vel in MNF Party an rawn zawm a. An sawi chi thalaite hmakhaw ngai ber, sorkarna awm tawh zawng zawngah chuan MNF hian thalaite hmakhua a ngai ber a ni tih kha an hmuhdan ani. A sawikai zel theihna tur atana hna thawktu ni turin an lo lut a. Thalaite hmakhaw thlimaah hian he Sorkar hian a titha thawkhath a ni ang tih kha a rin theihin ka hria a. An lo la kal zel dawn pawh niin kan hria. Chuvangin Youth Commission dinna tura hmalatu sorkar kan han ni ngawt pawh hian thalaite hmakhua kan ngai hle ani tih kha a tilang chiang vaiu in ka hria. A lawmawm pawh ka ti a an lo hmalakna a awm a lawmthu sawina turte tin, tih changtlung an ngaihna lai te pawh tamtak sawi tur a awm awm e. Kha kha nimai sela.

Tin, Demand 28 na Labour & Employment hi keini hi Serchhip District huam chhunga mi kan ni a. In register dawn hian Serchhip ah tihtur kan han ti a keini bial Burma border atanga lo kal te Serchhip ah a lo tih hleih theih lova Aizawl ah tih leh aani thin a, an Department an indaih loh ziate harsatna tam tak an neihte kan hre chung hian District Capital ah hi chuan employment registration tih thei tur hian hmalak dan a kha awm thei hram se. Tin,

a staff indaihlohna ah pawh hian Department in an rawn dil ang hian han tihsak hram dan a kha a awm lawmni? He Deptt. hi Deptt. pawimawh tak ani tih kan hria a mahse kan thalai tan te pawh a thil pawimawh tak anih avangin a tih changtlunna ah khan Sorkar pawhin Deptt., in ruahmanna an siam te ti hlawhtling turin leh Dist. Capital tinah hi chuan employment registration ti thei tura hma lak ni thei sela a lawmawm hlein kan ring a. Kan Minister zahawm takin min lo chhinchhiah sak sela Serchhip ah te khian in sak sela Serchhip ah te hian in register theihna tur a kha min han tihsak ve turin kan ngen duh a.

Tin, Demand 43 na Tourism Deptt. chungchang ah hian hei Mizoram hi Tourism attraction nei tha deuh mai kanni a. Nikuma Isreala kan zuk kal khan Dead Sea Scrool an lak chhuahna bul khu Kumran? National park anti a thlaler ram ro em em mai hi ani a chungte pawh chu en chakawm tak hian a note an siam a tikhan a lem nen an ti a nimahsela a hmunah chuan a ho hle mai a. Chutiang chuan mite chuan an rama khualzin ten an tlawh chak theihna tur khan nasa takin hma an la a. Tourism Deptt, ah hian lawmthu sawina tur tamtak ka neiin ka hria a. Tunhma khan kan bial lamahte khian hma min laks ve turin kan ngen thin a tunah hian kan Minister zahawm takin North Vanlaiphai leh East Lungdar ah Tourism Deptt., atangin in tha tak min sak sak turin ruahmanna min siam saka, tunah khian an thawk tan mek tawh a, chungte pawh chu bial tan pawh a lawmawm hle in ka hria lawmthu ka han sawi duh a.

Chutih rual chuan Mizorama khualzin te kan hip theihna tur atan Tourism tena an tlawh chakawm taka kan ram thil engengemaw kan buatsaih leh kan tlangzarh thiam kha a pawimawh hle in ka hria. Tourism hi state tamtak hmun tamtaka an pawisa lakluhna tha tak a ni a. Kan ram erawh chu naupangte kan la ni a, bul kan tan dawn a ni a, sorkar kal tawh zawng zawngah chuan Tourism lampang ngaihtuah ber tu sorkar erawh chu kan nih tho ka ring a. Amaherawhchu, chuti chung chuan Revenue lampangah hian duhthu kan la sam lo hle a. Pawisa lakluhna hnar tha tak anih theihna tur atana tuna kan sorkar chaktak ina bul kan tanna zawng zawng a lo hlawhtlin hnuah hi chuan Department pawimawh tak a ni a. Thalaite harsatna sut kianna atan pawha pawimawh tak a ni tih hi kan la hre chho dawn niin a lang a. A lawmawm hle in ka hria.

Tin, Demand No. 15 -ah hian General Administration Department hi han sawikai mai mai ka'n duh chu North Vanlaiphai ah khian Civil SDO awmna tur ruahman a ni a. Tun thleng hian an la awmlo a, engemaw ah khian Magistrate an awm kha angai ve riau a, chuvang chuan tun financial year tharah hian min dahsak thei hram sela a pawimawh khawpin ka ring a.

Tin, Public Works Department chungchangah hian lawmthu sawina tur tamtak kan nei in ka hria. Bial ang pawhin, kan bialah khian tunhma zawnga mipui ina an lo nghahhlel ber Keitum-Artahkawn tih kha kawngpui zau tha takin min han siamsak a. Km 35 vel kha. Tin, East Lungdar leh Sailulak km 15 vel bawr kha kawngpui zau takin min laih sak bawk a. Tin, Chekkawn leh Vanlaiphai inkar km 20 a thui kha World Bank Project atangin tha takin min black topped sak tawh bawk a. Tin, Vanlaiphai atanga Lungkawlh km 12 vel bawr kha thatak in min black topped sak a, lawmthu ka sawi duh a.

Tin, Biata-Vanlaiphai khi siamthat awl tak a ni a, khi khi Asian Development atangin emaw, eng atangin emaw min han tihsak leh thei se tih ka ngen duh a, kan Chief Minister zahawmtakin min lo chhinchhiah sak sela ka duh a. Khilai khi kan mutan pakhat chu a la ni deuh mai a. Tin, PMGSY atangin hna thawh tur tamtak a awm dawn a. Chung chu tender tur kawng 46 lai awm turah hian kan bialah khian khaw 2/3 vel la tlawh pawh loh a awm a, chungah te chuan kan tel ve dawn em? he kawng PMGSY a tender leh turah hian? North Vanlaiphai bial chhungah hian ruahmanna kan siam ve em? Tin, a dang leh chu Tuichang lei a ni a, Keitum-Artahkawn Tuichang lei khi kumin kum tharah hian thawh tura ruahman a ni a. Pu Speaker, ka'n zo lawk ang e, tahchuan leihlawn dawhna tura an hmalakna, kan sorkarin hma alakna hi a fakawm hle a. Chutih lai chuan kumthar a hma min laksak turah hian pawimawh tak Burma nena kan in sumdawn tawna tur a tan kawng pawimawh tak tur a la nih dawn avangin RCC-a min tih sak ve dan kha a awm thei ang em? tih kha ka ngen tel duh a.

Hmun dang dangah khan RCC kha ruahman a ni dawn a, min dawh sak tur kan lawm rual rualin tha zawk leh tlo zawk deuha min tih sak theih chuan a lawmawm leh zual turah ka ngai a. Pu Speaker, tuna kan Chief Minister leh kan Minister zahawmtak te Demand hi he House hian lungrual takin i pass ang u tiin ka in sawm duh a ni e, ka lawm e.

**PULAL THANHAWLA** : Pu Speaker, Budget ah te leh Demand-ah te a tha lai te lawmthu kan sawi hman loh avangin kan lawm lo emaw, tha kan tih loh vang vek emaw tihna a ni lo tih hi min hriatpui sela. Tin, ngaih pawimawh te leh a thahlel lai deuh te han sawi hian sorkar tan a lawmawm zawk ang tih kan rin avanga chutiang zawnga kal kan ni tih hi hriat a tha in ka hria.

Tin, tun sorkar hi Champhai-ah te, Khawbung-ah te chuan Paihte Hel ZRA an chhawr avanga tling an ni tih hi inhniai buai ngai lova thil chiang sa a ni. Tin, defector te leh independent te a khawma sorkar an ni a, people's mandate an nei chiangkuang lo tih pawh hi mipui mimir chin chuan hriat a ni. Chuvangin, a nilo zawnga han in sawi khum hi a tul hranpa lovin ka hria. Thudik ding reng a awm a, he House-ah hian thudik sawi mai a tha.

Nizana Bomb puak kha a pawh hle a Pu Speaker, rokhawlhna avangin ka awm tiuanchhuak thei lova, i phalna la lovin ka haw ru a, ka va inbarh thelh nghe nghe a. Police an tam em em a ni. A puah atanga minute 2/1 lekah Vanapa Hall kawt ah ka inher a, kaltlang chi nia ka hriat loh avangin a hnuai lamah ka kal a, Vanapa Hall atanga a puah hlim hlawl ka lo kir leh pawh Police an tam lutuk a, motor pawh in a kal hleih theih loh a ni. Engtizia nge tih ka hre lova, engpawh nise bomb puah khum hi ka tawk zeuh zeuh tawh a, kan kawmthlangah min hal hnan tawh a, helam chhim lamah kan thenawmte nen kan inkar keimahni lamah min hal hnan tawh a, Lawngtlai ka thlen in ah chhim leh hmar, thlangah min hal hnan tawh a. Thil thalo tak, tenawm tak a ni a. dawihzep te

thil tih a ni a. A hmun chu khawi pawh nise, tu tih tir pawh nise, thil tenawm, thil vanduai thlak, mi dawihzep te thil tih a ni. Tu tih pawh nise, kan Police te hian an chhuichhuak tur a ni a.

Chanchinmawia rawng taka thah tir a ni a, mahni inthat a ni tih ang mai mai lo deuha chhui a tha ka ti. Chuti anih loh chuan mipuuite kan thlamuang lo. Keini ang phei chu a thlabar awm lehzuai a ni. Vengtute kan ngah ve si lova. Chunglam ami hi kan rin a ni mai a, heng kawngah hian khawiah pawh nise a pawh a ni. Champhai hel silai police ten an man kha silai lem a ni te an ti ta mai mai a. Lawngtlaia min halkhum tepawh kha kan Chief Minister zahawmtak hian halpuah mai mai a ni a ti ta mai mai a. Khatiang khan thil lakzam chi a nilo a ni. A puahna hmun chu khawilai pawh nise, a demawm a, kan dem takzet a. Kan sorkar hian chhuichhuak se ka duh a. Kan Police ten an chhuichhuah ngei theihna turin theihtawpin tanpui se, facilitate se tih hi ka sawi duh a ni.

Pu Speaker, chutiang chuan theihtawp an chhuah ka duh a, Chhimlamah han lut phei lawk ilangin, BAFFACOS an sem dan hrim hrim hi Mara District Council-ah sawn MNF lo a sorkar a. Chuvang chuan. tun kum budget allocation te kha an chhangchhe hle a ni. Population ah an tlem bik pawh ani lo. An tam ber nghe nghe zawk a. Chuti chung chuan an increase percentage hi a dangte 6/7 anih lain pathum chauh a ni a. Hemi plan allocation-ah pawh hian kei ka vuipui hle a, inang tlangin, a area leh a population basis pawh hian tihdan a awm lawm ni? Hetianga mahni sorkar lo anih avanga rapchar tum te hi thil thalo tak sorkar pompa in a khua leh tui te a enkawl dan tur niin ka hre lova. Hei hi ka sawichhuak duh a. Tin, BAFFACOS sum chungchangah pawh hian Pu Speaker, Saiha District hi population-ah an tlem ber bik lova, a tiatpui Mamit te, Serchhip te, Lawngtlai te aia a chang tlem hle pawh hi a diklo in ka hria a. Midangin 2007-2008 ah a tiatpui deuh thaw a ngaih theihthe Mamit ten 180, Kolasib pawhin ..... Lakhs, chutiang zelin Lawngtlai ten 180 lakhs an dawn lain anni hian 65 chauh an dawng mai te hi a fair lo a ni tih hi a amount atang hian Pu Speaker, a chiang sa. Tin, tun current year ah hian a diklo lehzuai a, a dangin 150/190 te an dawn lain anni hian 30 chauh an dawng hi hei hi ennawn sak se tih hi ka dilpui a ni.

Tin, nizan-ah khan a puak a, kan hawng phei kha kan in pawh alo thim thap a, chutih lain kan tui lei truck tui phur kha alo thlen lai ani lehngal a, kan buai hle a ni. Ka haw na chhan ka inlengte pawh leng tha hlei thei lovin kan buai a ni. Chuvangin Power hi sawitu thenkhat khan kan self-sufficient deuh thaw a an rawn sawi mai te kha an hrelo nge, he House-ah hian thudik an sawi tha duhlo tih pawh hi ka hrelo a ni. Kan P.C unauten hma an lo la tha hle a, 1984 ah kan lo luh khan, mahse khatihlaia sorkar thuneihna chin megawatt 3 ang chi chu an lo khawih deuh vek a, an zawh hman loh kha kan chhunzawm chho a, tunah tamtak peih in a awm tawh a, a lawmawm hle a ni. Mahse, kan hmalak chhohna kan lo beih chhoh Tlabung te, Tuipang lui te vawiin thlenga an chhi eng tha theilo te hi a pawh a. Tin, Bairabi a Thermal Project pawh khu Pu Ruala khan thuitak a kalpui tawh a, mahse tun sorkar hian a nih loh dan tura an kal pui avangin a production cost a sang lutuk a, an hmang ngamlo te hi a pawh khawp mai. Anih dan tura kalpui loh vang a ni tih hi Zoram mipuuite ka hriattir duh.

Chuvangin, 60 m.w Tuirial Hydel Project pawh hi Pu Speaker, kan ram ro tur permanent set tur tinga Referral Hospital te tih chhiat a ni zel hi a pawh khawp mai a. Tunah hian kan nawr a, Central sorkar ah Prime Minister tepawh kan thleng a, helaiiah hian Prime Minister Officer atanga action an lak vanga thil kal chho zel lehkha ka nei a, chutah chuan kan state sorkar hian lo tih ve tur a nei nual a ni. Chuvangin, power lamah kan kal chhoh theihna tur atan hian kan than theihna tur atan hian kan state sorkarin a tihtur ang chi hi a then thenah chuan consession deuh ngai te, sacrifice deuh ngai tepawh anih pawhin, power kan ngahna tur anih phawt chuan an tih hi tha in ka hria a, chu chu kan sorkarah hian ka ngen duh a ni.

Chutiang chuan power lamah hian Pu Speaker, kan tan loh chuan tuna thalaite tuihalna tamtak leh kan hmasawna tur, Modern Technology hrang hrangah Information Technology a ni emaw, power lovin a than theih loh a ni. Chuvangin, power hi nasa zawka kan kalpui a ngai a. Ka sawi tawh ang khan hmannah megawatt Tuirial Hydel Project Foundation Store kan lay niin 210 m.w Tuivai pawh hi nakumah Janpanese ho khan a foundation store in lay thei ang min ti kha a ni a, vawiinah chuan hmannah power Minister zahawmtakin a sawi atang kha chuan a hla leh ta dalh rih a ni. Bairabi Hydel Project pawh hi PC unau ten thuitak an lo kalpui a, mahse clearance a hmuh theih loh avangin NEEPCO Power Minister Naidu kan ko chho a, a hmunah te en turin kan ngen a. NEEPCO investigate tir an tum a, mahse sum an nei ta lova. Brahmaputra Board zawkin le an ti a, chuta tanga kal chho leh zel chu a ni a. Vawiinah kan sorkarin clearance an nei ta hi a lawmawm ka ti a. A thawh tan dan chak zawka ngaituah hi a tul khawp mai. Chutianga kan kal loh chuan vawiinah hian Pu Speaker, hmasawna kan thalaite tuihalna tamtak hi kan achieve lovang tih hi ka hlau a ni. Chuvangin, heng hi ka sawi duh a.

Tin, PWD-ah hian manual kan la nei lova. Tin, Power ka sawilai hian, kha, Tuipang lui te, Kau Tlabung te pheih kha chu kan hunlai pawh khan an test tawh a, an ti eng tawh a ni. Tin, kan awmluh hnu pawhin an ti eng tawh ani. Tunah engtin nge a awm chhoh zel ka hre lova. Kha, nichinah member zahawmtak, Khawhai bialtu khan a rawn sawi a, a bengyar thlak hle a. Helaiiah hian mi thahnemngai ten an chhui ve a. Hei, an report ka nei a, mahse ka sawi hman dawn ta lova, a pawh hle a. Kau Tlabung hi ka tan chuan a pawimawh khawp a, Pu Speaker, tuna thubuai min pek hi an duh tawk lova. Kau Tlabung-ah hian kan Chief Minister zahawmtak hian thubuai min pek belh leh mek a. Amah hi hretu pakhat a ni ve dawn a, a nuam dawn khawpin ka hria. Chutiang chu a ni. Chuvangin, hengah te hian mahni hamthatna leh kut tling lova pawisa lak nana hmang mai mai lovin, a target kan a chieve nan Zoram tana hmasawn nan, kan intodelhna tur atana hmalak zawk tur a ni tih hi ka sawi duh a ni.

Tin, PWD in manual a la neilo hi a pawh a, chumi rual chuan Serchhip-Thenzawl, Thenzawl-Buarpui te, henga ah pawh hian maintain hlei theilo an ni a. Helaiiah Tuirini lei a tha lo an tih ang bawh khan sawmi Thenzawl leh Serchhip inkar Mat lei tepawh saw a thalo a, tunah sawn. Buhfai full load phur a kal ngam lo ani. Chutiang chu a ni a, vawi tamtak sawi a ni tawh a, mahse ngaihsak a hlawh lova. Tin, a kawng pawh saw chhe tak a ni. Chutiang chu a ni a, chuvangin, kawng neihsa pawh maintain thei lo, sorkar hmasa ina a lo siam sa pawh

maintain thei theilo hian hetah Silchar to Aizawl, Tuipang piahlam pang thlenga double lane-a four lane National Highway an khawih turte hi a lungngaihthlak ka ti a. Tin, sawtah Sitwe-Akyab kan neih theihna tura tunhma atanga hma lo lak tawh Central sorkar pawh ina look east policy atang te-a an rawn tui thar lehna, chhuahka kan neih tur, khawmual lamlian kan neih turah hian an lo chuh ve te hi sawlai saw kan neihloh reng phah dawn a ni tih hi ka chiang in ka hria a. Pawi ka ti khawp mai.

Chuvang chuan ram leh hnam hmangaiha development duh a, infrastructure an tih fo hi kan nei duh tak tak anih chuan a ti thei tute hnenah sum leh pai siam nan maia hman tum lova, mahni hamthatna atana hman tum lova, kuttling lova sum lakna atana hman tum lova, a ti theitute ram hmangaih avanga kan ken hi kan kalphung tur a ni tih hi ka sawi duh a ni. Chutiang chu a ni.

Chuvangin, Pu Speaker, tunah pawh hian bomb te hi a puak a puak ang tih hi ka hlauthawng khawp mai. Kan Minister thenkhatin an thlam tha tak tak atangte hian thawmhnaw man to tak tak te hi an la ha chhuak chho zelin, an thiarchhuak zel a ni a. Inthlan alo hnai ang a, a kang palh mai ang a, tiang chuan hma an la ang tih tepawh hi thil hlauhawm thei a ni. Tunlai khawvel leh thil thleng awm dan atang hian. Chuvangin, heng kawng ah pawh hian Pu Speaker, fimkhur a ngai a, chuvangin, thil puak ang chi te hi hmeh mih thuai a tha in ka hria a.

Hmanni-ah ka sawi tawh a, Lunglei hmanni lawka ka kal zanin Cell Phone a inbia a kal sual kan nauten an lo man a, chumi atang chuan Manipur Hel thenkhatin Geletine a box in an inpe kual a, tu tute emaw an indawr a ni tih kha an hmu a. An han chhui a, a hela tepawh chu an hmu a ni. Kan naute khan. Mahse, Mizoramah pawiwai nan hman kan tum love, mahse helai ram hi Mizoram hi hel te leh underground te tan self heaven anih avangin helai hian kan rawn operate ve mai ani an tih avangin, chuti na na na chu tiin engmah an ti ta lo a ni. Chutiang chu a awm a, a tul hunah chuan chung chu sawi theih a ni a. Chuvangin, Pu Speaker, hetiang zawng hi a ralmuang lo a, a thlamuan awm loh. Chuvangin, hetiang zawnga kal chi reng reng hi kan sorkar hian ngaimawhin kan Police tepawh hnung khirh lovin a tul ang anga action an lak theihna tur atan an kal hi a tha ka ti.

Tin, Pu Speaker, Youth Commission alo ri thar hi a lawmawm ka ti khawp mai, a tha khawp mai. Hmanah khan an din tawh tih chanchinbu-ah kan hmu a, Gazette ah pawh a awm tawhin ka hria a, wawiina din nawn leh tura hmalak nawn a ngai erawh hi chu a awmzia ka hre manglo ani. A lawmawm rual rual hian hmada din tawh kha engatinge dinthar leh a ngaih? Ngatinge tunah bill te putluh chauh a nih le? Hrelovin a mik a mak hre lovin anihna pawh hrelovin, a kalphung te pawh hre lovin, Youth Commission te kha an lo din ringawt em niang le? tih hi tunah hian min ngaihtuah tir a. Chuan, tun tumah pawh hian ni e, tha taka an kalpui ka duh a. Anih dan tur ang taka an kalpui hi tha kan ti a, chuvangin a nihdan tura an kal theihna tur pawhin tunah hian rang zawk leh chak zawka thalaite hmakhua ngaihtuaha an kal hi ka duhsak khawp mai, ka lawm e.

**PU SAIKAPTHIANGA** : Pu Speaker, khawngaihtakin clarification atan, he House zahawmtakah hian 1979 atang khan term khat tih loh chu ka la tel ve zel a. Ka hma-a member zahawmtak thusawitu khan he House-ah hian Independent te, Defector te kan awm khawm a, a ti a. Hemi kan awm khawm chung zawng hian he House-ah hian defector te an awm ka hrelo a, tunah hian defector kan awm em ni?

**PU LAL THANHAWLA** : Pu Speaker, defector ka tih kha P.C atanga defector a ni. Sorkar an form theihna chhan kha. Chu chu ani ka sawi. A dang ka sawi lo. P.C atanga defector, sorkar an form theihna chhan kha, khami kha ka sawi a ni e. ( **PU SAIKAPTHIANGA** : Pu Speaker, ka lawm e)

**PU F. LAL THANZUALA** : Pu Speaker, defector ka ni em?

**S P E A K E R** : Anti - defection law ang chuan i ni love.

**PU LAL THANHAWLA** : Pu Speaker, P.C ticket a thlantlin, P.C a chhuahsan chuan defector ni tehreng mai.

**PU LALRINLIANA SAILO** : Dan siam chawpin defector nihna kha i hum em ni?

**S P E A K E R** : Dan siam chawp a ni lova, dan awmsa a ni.

**PU F. LAL THANZUALA** : Pu Speaker, Constitution in a siam ang thlapa kal ka nih hi. Engatinge defector min tih?

**S P E A K E R** : Ni e, dan angin defector i ni love.



**PULAL THANHAWLA** : Pu Speaker, Party ticket-a thlan tlin tawh, party danga kal hi defector an tih hi a ni, saptawng chuan defector an tih hi.

**PU LALDUHOMA** : Pu Speaker, a buaithlak a nih hi maw, midang kan mamawh ta ani e, kan ram hian.

**S P E A K E R** : Thil awmdan dik zawk erawh chu majority mumal anih loh lai khan Pu F. Lal Thanzuala nilo Pu P.P Thawla khan sorkar a support a. Chuvanga sorkar kha mumal taka lo ding thei ta kha ani.

Awle, kan discussion kan duhtawk tawh a ni ang e, tunah chuan kan demand sawihona te kan Minister, demand neitu ten an han wind up ang a, tichuan a hmasa in Minister zahawmtak, Pu Z. H. Ropuia, a demand kan sawihona-te han wind up a, pass han dil nghal turin ka sawm e.

**PU Z.H. ROPUIA MINISTER** : Pu Speaker, ka demand te wind up a pass dil tura min phalsak avangin ka lawm e. Awle, hei a hmasa in sawitur tamtak awm karah department pathum kan neih te zingah Labour & Employment hi han sawi

hmasak tha in ka hria a. Vawin ni chu ka term chhunga, ka chelh ve chhunga ka department chan ve te sawi tam ber tum a ni a, alawmawm ka ti a. Hei Labour & Employment chungchang hi Pu PP Thawlla, Tupang bialtu zahawm takte, tin Pu Lalchhandama Ralte te, tin, Pu K.Lalrinliana te, leh Pu Sailothanga Sailo te, Pu Vanlalthaliana te, Pu R.Khawpuithanga te, Lunglei South bialtu zahawm tak Pu Lahmingthanga te, leh Pu D.Thangliana ten min han sawipuia, a lawmawm ka ti hle mai a.

Hei Labour & Employment hi a pawimawh zia hi kan hmuchhuak tulh tulh in ka ring a, harsatna kan ngah hle thin a. Tichung chuan nasa takin hma kan la ve a. Tunah hian Association te hi kan ngah em em mai a. 94 lai Labour & Employment hnuaiiah hian Trade Union ang chi registration nei kan nei a. Hun rei tak Labour & Employment tih hming pu mahse, Labour wing hi kan din thei lova, tun hmawm Labour Officer leh Asst. Labour Officer post te leh post te leh Industry Inspector post te lo create tawh mahse fill up ani theilo va. Vawi engemawzat fill up kan dil hnu in tum a kan beidawn leu leu hnuin Labour inspector te kan dincho ta a. Labour law an neih ang ang te kan han tihbelh zel bakah han enforce tur pawh hi kan neilo thin a. Chuvangin heng kan harsatna te min hriatpui a labour officer post min fill up sak hi kan lawm tak meuh a.

Tin, pakhat ringawt ina Zoram han enkawl chu tih mai ani dawn si lova henglaiah hian phungbawm han siam va tura kan Trade Union te hmanni a han hman tur pawhin kan Budget te a tlem si a, hnathawh a har hle mai a. Tunah hian MR staff pahnih nen thawk ve mek a. Tiangchuan Labour wing pawh hma kan la a. Hei Inner Regulation chungchang ah pawh hemi innerline pass dil chungchangah te work permit hi anih ngawt loh dan te, kan sawi hoa. Tiangchuan hemi Home Ministry te nena in ralte na deuh anei a, chuang chuan Labour, Field Labour ang lek lek a function neihna lai kan neih si uluk a ngai ka ti a. Tiangchuan dante hma han la tur pawhin mihring kan indaihlova. Mahse mi tlawmngai, heng Trade Union ang chi hrang hrang te pawisa barh tawh te pawhin anmahni thahnemngaihna pawhin min han pui dawr dawr a, tiangchuan kan kal a. Hei hi nakinah a pawimawh zia kan hre chho zel ang a chu chu wawin ni ah Labour wing thar kan nei tur hi House a member zahawm tak tak te pawh kan han hriattir duh a.

Tin, pakhat leh chu Training Wing chu chu Industrial Training Institute (IT) nikum hmasa khan Lunglei leh Saiha ah heng training na hi hawn ani a. Chungah chuan Aizawl ami hi extension kan bei bawk a. Tiangchuan expansion leh improvement nasa tak kan nei bawk a, Trade hrang hrang kan nei a, hetas training zawng zawng a hi mi 851 vel zirlai kan nei thin a. Directory hran hian, a population student angah chuan phu ve hial awm kan ni. Tiang khawp chuan Training hi kan ngah a. Hei, kan Training neih hrang hrang te chu Carpentry, Motor vehicle machanic, dress voking etc. ani a. Tin Saiha ah hian Electrician, motor vehicle mechanic IT ESM leh skin care trade hawn ani a. Tiang khan hma kan han la a scheme care trade te hawn ani a, tiang khan hma kan han la a. Tin, Aizawla kan building ah pawh building thar tha tak, lian tak mai kan han (PU Lalhmingthanga Pu Speaker, Minister zahawm takin a clarified atan an hlawh la theilo a hnathawktu ho kha engtingge an tih dawn) Nichina an sawi zawhna te kha atawp lamah ka chhang ang chu ka lo ti a, Pu Speaker, amaerawhchu chhan hmasak tha in ka hria. Tun a han sawi khan hlawh chungchangah hian ATI trainees hi 40 vel kan awm a, kan daih lova, kan dil belh a, regular turin kan nawr mek a sorkar ah pawh planning lampangin tlemin an lo hmuh thelh deuh a kan CM zahawm tak plannibf a kan hotute leh Finance lama kan hotute nen sawiin pek turin file move mek a ni a, tiang chuan hma kan la a. Tin, a regular dan chungchangah pawh proper chanel a fel taka a kalphung ang a cabinet a process turin file pawh move mek ani tih kha ka chhanna nisela.

Tin, Saiha bialtu zahawmtakin a sawi pakhat Bus te hi a awmna a hla deuh a, Saiha ami bus hi ngaihtuah nise tih hi vehicle privatisation policy-ah hian harsatna kan neiin kan it ngawih ngawih na chungin kan nei theilo hi pawh kan ti a. Aizawl ITI ami pawh hi auction tura tih a ni, hmanah. Amaherawhchu, hotute hnenah ngen in zirlaite nen tiang hian kan la nei hram hram a ni tih kha ka sawilang duh bawk a.

Tin, Labour & Employment-ah hian EC post hi 8 kan nei a, 8 zingah hian tunah hian 2 chiah post hi fill up a ni a. A then an pension a, a then an thi a, post 6 tunah hian fill up loh kan nei a. Tlungvel bialtu zahawmtakin a rawn sawilan leh N. Vanlaiphai bialtu zahawmtak in a rawn sawilan te

kha. District hrang hrangah hian District Employment Officer te hi nei ila kan duh a, chumi tur chuan kan hotute hnenah kan move leh ang a, kan han dil thin a, harsatna kan neih avangin min la remtihsak lova. Hei hi a pawimawhna te DP & AR leh Finance leh Planning tepawh khan min hriatpui kan duh a. Uluk lehzuala kan dinhmun hi min zirchiang a, thangtharte khawvelah hian Employment chi hrang hrang, kawng hrang hranga hma la tur hian Employment Department hi kan thlen a, kan tih changtlun a ngai ani tih hi Chiang lehzualin min zir sak se tha in ka hria a. Helaiiah kan bialtu hrang hrangten an sawina hi pawimawh kan ti a, kan hotute hnenah kan thlen mek a ni. Labour & Employment ah hi chuan han sawi the chiam tur awmin ka hre lova. Amaherawhchu, Jt. Director post chungchang kha kan dinhmun hi nichinah khan pakhat chuan a sawi thawi zuai a. Chiang lehzuala kan hriat a tha in ka hria a. Director kan nei a, Dy. Director kan nei a, a changin Employment Officer te kan dah tel a. Directorate-ah hian file move dan thleng hian harsatna kan tawk a. Hnathawh a har em em a, Dy. Director leh Superintendent an awm loh pheí chuan UDC in direct in file Director-ah te move a ngai thin a, hei hian harsatna kan nei lian a, kan hotute hnenah kan dil a. Tunah hian min exam sak mek niin kan hria a, min phalsak ngei pawh kan beisei a, kan thla a muang hle a ni tih kha ka sawilang duh bawk a.

Sawitur tamtak awm karah hmalakna tamtak kan nei a, tunah hian Central for Excellence kan ti a, World Class tak meuha kan dinhmun hi upgrade turin leh thangtharte India leh khawvel ram dang pawha employment an neih theihna turin project kan siam a. Chutah chuan crore 3 ½ project hi kan siam a, chu chu world bank added tur a ni a, tunah hian thui tak kan kalpui tawh a, chu chu information technology atan a ni a. Kawng hrang hrangin hma kan la a, nakinah Youth Commission te alo pian chhoh a, kan hotute in zavaia lungrual taka kan pass thei anih chuan he thil hi a pawimawhzia kan hmu chhovin ka ring a. Member tamtak finchhuahna avangin heng ITI pawimawhzia te hi upgrade leh world class a foreign employment tepawh nei thei tura kan tan a ngaihzia te kan sawiho a. Hetah hian sorkar pawhin a ngaipawimawh chho deuh deuh dawn niin kan hria a, kan lawm hle a ni.

Tichuan, kan Department pakhat Sports & Youth Services Department-ah hian kal leh ila. Sports & Youth Services kha kan ngai pawimawh a, a lawmawm hle a. Buarpui bialtu zahawmtak Pu Zodintluanga hian Session apiang hian min veipui a, a rawn sawi thin a, a lawmawm hle a. Tun tumah chuanin an rawn vei ta hle hlawm a, han vei thar tepawh hi a lawmawm in achievement ropui takah ka ngai hrim hrim a. Member rawn sawi 95% hian an rawn sawi lang a, a lawmawm ka ti takzet a ni. Tichuan, a hmasa berin kan hriat chian atan leh tunlai thu lar tak mai AR Ground Stadium sak kan tum chungchang hi sawichian tha in ka hria a. Central atangin kan dil a, 12<sup>th</sup> Finance Commission a crore 50 leh tih kha dilna kan han thlen a, chu chu ngai pawimawhin crore 25 min rawn pe a. Chu crore 25 hmang chuan project te kan han buatsaih a, kan han ti a. Chutah chuan Assam Rifle Sport Stadium te leh mi hrang hrang te ngaihnan Association te sawihona te kan han nei thin a, hmundang tepawh kan han zawng a, kan han dap a, tahchuan ngaihnan 80% hian Sport lama tuimi te chuan Assam Rifle ground a dah ngei hi an duh niin a lang si a, chulai chu kan han zir a, kan hotu ber, kan Chief Minister hovin Committee kan din a, Assam Rifle Ground Co-ordination Committee din a ni a, chutah chuan Assam Rifle hotu tepawh an tel a, a hovin kan rel ho thin a. Tahchuan, Assam Rifle Ground ah hian he Stadium hi siam nise,

chutah chuan DPR siam tur tepawh a hmalak nise tih kan rel a. Assam Rifle aiawh tepawhin an pawm tlang a, kan sawiho a. Tiang chuan hma kan han la char char a, harsatna te, survey chungchangah kan han nei lek lek a. Mahse kan han sawiho a, anni ina an duty te an lo hrih loh avangte leh official a kan rawn survey dawn e an tih loh avanga harsatna lo awm te kha a lo ni a, tahchuan survey te. PWD tepawhin an han neih fel hnuah harsatna te a awm theih avangin khawng Chief Minister hovin i en ang a ti a, helaijah kan Engineer-in-Chief hote, kan C.E te leh Assam Rifle ho tenen a hmunah december ni l khan niin ka hria a, kan en ho a. Chulaijah chuan ka hnenah ngei pawh, enge harsatna kan nei hlei nem, keini lamah harsatna nei awma an sawi engtizia nge? Hna hi tan theih a ni, enge harsatna in neih? Enge harsatna kan neih keimahni hna tan theih a ni min ti a, tiang chuan CM hovin kan thli a, hetah Assam Rifle te nen, measuring tape nen kan pawt a, tuna playground inkhelh tibuai lo hian thlang lamah hian bei pheila, tiang chuan Assam Rifle hmun luah lai pawh tibuai lovin hetah hian tan nise tiin kan en hova. Tiang chuan PWD lam pawhin hma a han la char char a, DPR te hmangin tender an lo chhuah a, Assam Rifle in kha lehkha DGAR Shillong in a rawn pek kha PWD ho tender a ni a, engmah an hre lo, hre renga tilui anga ngaih kha he House zahawmtak hian a nilo tih kha in hriat ka duh a.

Tahchuan, pawisa la awmlo anga sawi chungchang leh nichina Saitual bialtu zahawmtakin a rawn sawilan hemi DPR ah crore 136 a ni si a, tunah 12<sup>th</sup> Finance Commission in a rawn pek chu crore 25 chauh a ni si a tih te kha adikna chin thui tak awm mahse DPR hi khutah pek thlak tur a ni e, ti niawm taka han sawi pawh kha kaldan phung kan lo hriat danah chuan action plan hi pek thlak tur a ni a, action plan hi feltaka pek thlak tawh a ni a, DPR erawh hi chu tun angah chuan pek thlak ngailo turah ngaih a ni a. Chuvangin tunah hian DPR siam hmanga he crore 25 hi Phase I & II tana tender tih phawt a ni a. Ni e, crore 136 lai mai hetiangah tih hi sawlai Refferal Hospital te ang kha a ni thei ang em tih te in han sawite kha a awm. Amaherawhchu, khu kan hriat angin Lengpui Air port khu ka hriatsual loh chuan crore 40 atanga bul tan kan ni a, crore 120 zet senga peih a ni a. Chuvangin hei, mipuite ngaih dan han lak hian sorkar leh turah han inbeisei ila. Khatiang kawng kha chu kan Chief Minister ho hian dap fel thei turah in ngai ila a tha in ka hria.

Tichuan, tunah hian expenditure sanction hi 98 lakhs tihfel a ni tawh a, Administrative Approval hi nuai 495 pek kan ni tawh tih he House hi ka hriattir duh a. Chuvangin engemaw ti mai mai a mipui bum tuma tender tih vel anga ngaihna te awm thei a thusawite kha kan hriat chian leh zual nanah ka sawi duh a ni.

Tin, chubakah member zahawmtak ten an sawi thliah thliah a, min hrethiam ula Pu Speaker, a mal te te in an hming ka sawi lo mai ang a. Hei, Mualpui leh Brigade hmunah tih mai nise tihte rawtna a awm na a, sawlai chungchangah Brigade chungchangah chuan kan hre vek a, thubuai/hlabuai awm a ni a, thubuai/hlabuai awmsa a va luh rikngawt kha thil tih chi niin a lang lova. Tin, Mualpui ram chungchangah pawh an in hawng reng, an ni pawhin tih pawh kan chak viau na chungin a traffic chungchang leh harsatna tur hrang hrang chungchang

te, a communication leh nakin zela thangthar te lokal zel tur atana an commercialise hun, sum tuakna tura hmun an tihna tur hun inkhel te hi khawvel eizawnaa pui ber pakhat anih avangin khang ang hun te kan thlir khan helai heart of the city a kan tih hi a tha ber a, mihrang hrang infiammi te leh mipui ngaihdan te kan lakkhawm a tih a ni tih kha.....

**PU LAL THANHAWLA** : Pu Speaker, khawngaihtakin D.G lehkha a awm tih hre lovin PWD ho hian an chhuah a, DG lehkha awm hre reng a tender hi chhuah luih a ni love ati a, DG lehkha kha engge ni? tahkhan engge in ziak?

**PU Z. H. ROPUIA MINISTER** : Pu Speaker, DG lehkha kha hetah Chief Secretary-ah pek chhoh a ni a, kha kha chu nakinah nichinah pawh khan member zahawmtak te khan i bula thu ho khan an sawi in an rawn pharh deuh uai uai khan ka hria a, a tul anih chuan ka hre lo a, chu phei chu. Pu Speaker, mahse a tul anih chuan ka rawn pe ang che u.

**PU LALRINLIANA SAILO** : Pu Speaker, khawngaihtakin, Lammual in ti dawn anih chuan a lawmawm a. Amaherawhchu, chian deuh mai duhna ka neih chu 12<sup>th</sup> Finance Commission in crore 25 a rawn pek kha nikum khan ka hriat sual loh chuan Sports Department-ah khan nuai zaruk sawmhni panga kha lak hek tawh niin ka hria a. Tin, Speech-ah pawh khan crore 25 kha tikhan crore 6 leh nuai 25 lo paih ta ila, kum hek 2008 kan hmang tawh a ni a. Khalai kha engge a awmzia? Tin, tuna mi hian a daih leh reng dawn em? A la bangah hian khalai kha, kan Minister tak hi chu a tang hle in ka hria, Chief Minister hian a tibuai zawk niin ka hria a. Dik tak chuanin TFC ami hi an pawh pen sak zawk niin ka hria a, khalai kha min chhang thei ang em aw khawngaihtakin.

**PU Z. H. ROPUIA** : Pu Speaker, kha kha pawh pen a awm lova. Kum tin hemi 12<sup>th</sup> Finance Commission kha kumtina kan budget reflect tura min tih angin kan reflect a, kan la hman loh chuan

kan chhawm zel ta a ni. Tunah hian hman a la awm lova, ES min pek pawh tunah hian payment engmah ala awm lova. Amaherawhchu, tuna DPR siamtu te tanah hian pek tura ES hi pek an ni a, chuvangin kan chhawm zel a ni tih kha ka sawifiah theih dan a ni tlat.

**PU LALDUHOMA**

: Pu Speaker, he thu hi nguntaka kan ngaihtuah ho tha in ka hria. Kan hnam thil a ni a, a ngaiyah hian kan ti tlang thei dawn nia kan ngai anih chuan chulam hawi chuan kan

sorkar hian direction min pe sela. Tan hova nawr ho pawh a that ka ring a, mahse kan beidawng tawh anih chuan admit sela, alternative ngaihtuah ho ila tha in ka ring a. A tirah harsatna awmlo mahse, tunah a lo awm anih chuan, a landanah chuan Zokhawsang saw ralkhat atanga kan thlira a khir var hma chuan kan sak hmel loh riauvin ka hria. TFC term kum hnih chauh awm tawh si ah hian a lapse ang tih a hlauhawm bawk si a, alternative zawn mai hi huaisen takin ti tlang ila. A kal tawh chu sawi sawi mah ila kan tan a tangkai tawh lo. Inpuhna mai mai a ni tawh, kan thalaite chuan. engemaw tala kan chhanchhuah hi an duh a ni. Chumi hawizawng chuan huaisen takin kan Minister hian kan kal dan tur hi min hrih mai sela, tahchuan theihtawpa support pawh kan inpeih a ni.

**PU Z. H. ROPUIA  
MINISTER**

: Pu Speaker, a lawmawm hle mai. Ratu bialtu zahawmtak khan a rawn sawi a, hemi chungchang hi harsatna awmlo tura kan ngaih hmanni-ah kan hre thar chauh a ni a,

min barakhaih a, hei hi engvang nge? Sanbalata leh Tobia te kha an awm ta em ni tihte kha min ngaihtuah tir a. Engpawhnise, kan in lungruah turah ngai ila, lungruah chuan he thil hi kan sut tlang theih loh ka ring lo. Kan tanruah phawt chuan he House hian ngaihdan common frank kan neih chuan kan sutlang thei ang tih hi ka ring nghet a ni. Tin, Assam Rifle hi chhuak tura tihna a nilova, kan sawiho danah an chhuah hnu pawhin ram taka chhuahsan ringawt ai chuan tha taka, mawitaka an hmun hma te hi chhuahsan an duh thu kan hnenah an sawi a. Kum 2/1 maia sak zawh chi a nilova, chuvang chuan chumi chhunga lo sak tan hi kan sawiho dan a ni. Va chhuhsak nghal, chhuak tura va nawr lam policy a nilo. Khalai kha tlemin kan ngaihpawlh deuh niin ka hria a, chu chu AR Ground chungchangah chuan a ni a.

**PU LAL THANHAWLA**

: Khawngaihtakin an tih tlang theih a, an kal tlang chuan kan lawm lutuk, kan support a ni. Amaherawhchu, kan ngaihthat loh thu kan sawi mai a ni a. Kan Chief Minister

berin Sports persons administrators te leh sports persons ho a kawmna-ah khan min nawrpui ula, tikhan alo sawm a, nawrpui a la ngaih chuan a fel hlel a ni mai awm mang e aw kan lo ti a, kan ngaih a thalo mai a ni. Tin, DG lehkha Minister zahawmtak pawhina a rawn refer kha, nichina Ratu bialtu MLA zahawmtakin a rawn sawi ang chi te kha em ni? Khatiang anih chuan engemaw chu a awm tihna niawm tak a ni a. Tin, amah Sports Minister ngei hian nimin vel maiah khan Pu Speaker, Sports persons ho hnenah khan a tul chuan kawng tepawh zawh ila chutiang khatiang lehkha a la ti ta si a, chuvangin fel hlel a awm a ni, kan ti a, kan ngaih a tha lo mai a ni a, a fel thlap anih chuan kan support ang.

**S P E A K E R**

:

Ratu bialtu zahawmtak rawtna han siam deuh kha thil tha tak nim ka hria a. Tunah assurance anga sawi theih a nih pawhin kan lo ngaihtuah zui ang e. Khami kha rilruah

hre reng in tih te kha awm thei sela chu tikhan issue a kha chu i zo teh ang u a, kan sawi tam tawh, khawiah mah kan kal chuang lo.

**PU Z. H. ROPUIA  
MINISTER**

:

Awle, a lawmawm e. Tichuan, Pu Speaker, kha kha nichinah kan lo bawhzui dan, ngaihtuah zui dan kan dap ang a. Amaherawhchu, Sports Association leh United Sports Association leh khalaia

engemaw hruaitu hrang hrang te kha ka lo ngen ni lovin an thahnemngaihna atangin an rawt a ni, kawng zawh kha tih kha kan Opposition Group Leader zahawmtakin a sawi kha ka sawifiah duh a, ka rawt nilovin, an thahnemngaihna-a sawi chhuak an ni tih kha ka'n sawi duh a ni. Ni e, Sports lamah hian kan theihtawpin hma kan han la a, thahnem kan ngai ve hle a, tahchuan Football ah te hma kan sawn a, decipline hrang hrangah kan chhiar chhuah dawn chuan a tam hle mai a. Hei, kumin kum kalta chung ringawt maia achievement pawh kha kan dah hrang thin a, chhiar sen chi emaw ni dawn aw ka ti a. Tiang hianin achievement hi kan nei nasa a. Gold Medal tih te, Team Champion tih te leh India ram mai nilo, khawvel ramdangah te kan la nasa em em a.

Tin, India ram Club ropui tak takah te Club tha-ah te Mizo tlangval Football khel thiam tak tak, eizawna tling hmang ta engemaw zat an awm a, chungte chu sawi sen an ni lova. Tawng mawilo ni lovin National Level Medal la te hi chu helai Treasury Square pheiah hian an insul sung sung mai. Pu Thlenga phei chuan a ti leh duh hial in ka ring a, tiang chuan kan achievement hi Pathian zarah kan nei tha a, a lawmawm hle a, hemi Sport Council pawhin theihtawp chhuahin decipline hrang hrangte kan han promotional Fund kan han pek tepawh kan increase a, kan pawisa neih ang ang tepawh sawr khawmin decipline hrang hrangte kan han pe a. Tin, chubakah hemi kan equipment, mi ta, tute emaw, khawi khawi ta emaw kan hawh thin ang kha theihtawpin insang mar teh ang

u kan ti a. Heng carpet leh mattress leh chi hrang hrang, heng equipments te hi I lei teh ang u kan ti a. Tahchuan, nuai 30 man kan lei a, discipline hrang hrangah kan pe a. Tin, chubakah Sports Materials hi nuai 30 zet man kan sawr chhuak bawk a. Sports Council lam atang pawhin. Tin, Directorate lam atangin nuai 55 chuang zet man hi kan sawr chhuak bawk a. A vaiin nuai 110 chuang man helaiah hian Sports Goods leh Materials ah hian kan pe a. Tin, Sports discipline hrang hrang pawh kan term tir atanga kan han en hian kan discipline hrang hrangte promotional fund tepawh hi a let deuh thaw in kan pun vek tawh a. Amaherawhchu, min hriatpui ula ka duh chu kan hlawhtlinna te, kan thalaite hlawhtlinna avang hian unforesean expenditure tamtak lo awm tur hi kan chhut thiam bik lova, an hlawhtlin tur, an champion tur leh tur loh kan hre lawk si lova. Chutiang chuan hma kan han la a. mahse India ram aiawh an han thlang dawn tih kumtir budget ah te kan han lawk bawk si lova. Khatiange avang khan harsatna te kan nei a.

Chulaiah chuan thenkhat hi Olympic discipline nilo, Association te an awm a, chungah chuan Sports Council a Adhoc approval kan lo pek, fully a kan la pek lohte an lo ni a. Chung chu a fund na tur, a hearing funding han tih ve tan, mahse an pawisa neihte hmang zo tawh leh hmasawmna India ram aiawh tura thlan, kal thei ta lo te kan han nei hi pawikan ti a. Mahse kuminah hian nasa takin hei harsatnate han nei neuh neuh mah ila, kan Sports Council budget te nasa takin kan pun chho tawh a. Mahse, kan hmasawmna hian nasa lehzuala pun a ngai a, chulaiah chuan kan Planning te leh kan Chief Minister hovin kan sawi hova, kan harsatna te min hriatthiam sakin, tiang hian pawisa tepawh min pek belh chho leh turin tunah min ruahman sak mek a ni tih kha ka sawi tel duh bawk a ni.

Tichuan, Sports & Youth Services anih hi kan hre tlem deuh thin a. Hei, Youth Services ah hian Scout & Guides movement te hi nasa taka kalpui kan duh a. A chhan chu, tunhma kan nu leh pa mifel tak takte reng reng, kan mi hmasate kha Scout & Guides movement a mifel tak leh khatianga inhmang chite kha an nih avangin discipline leh engkim mai, tlawmngaihna te, tih tak tak na te, sincerity te, rinawmna te, heng thalaite zirtir chho tur khan Scout & Guides movement hi kan revive a ngai a ni an ti a, nasa takin Scout & Guides member pawh hi kan pung nasa a, India ramah pakhat pung nasa ber lawmman Award te kan dawng a. Tiang chuanin, nikumah khan 21<sup>st</sup> World Jambore kha khutah London bul Chemsford-ah neih a ni a, tahchuan centenary lawm a ni bawk a, Mizoram atangin mi 26 kan kal ve a, mi 50000 chuang khulaiah ram hrang hrang atangin an rawn kal a, tiang chuan Scout hi ram changkang apiangin an ngaisang emaw tih turin thlawhna 5 velin America ram atang chuanin an rawn kal a ni.

Tiang khanin, he Scout movement hi nasa takin hma kan la chho a ni. Tin, Youth Hostel-ah Association activities hi promote chhoh zel a ni a, activities hrang hrang - trekking programme te kan duang a, kuminah pawh khan mi 480 India ram hrang hrang atangin Youth Hostel movement activities-ah hian Mizoramah trekking programme neiin an rawn kal a, hei hi Tourism angah pawh hmasawmna leh thil tangkai tak niin ka hria a, zoram mawina leh nawmna te an rawn chhimin kan lawm viau a ni.

Tin, tunah hian NCC kan Youth wing a kan hmachhawp pakhat a ni a, tunah hianin Girls Cadet te kan ti mek a, Navy Wing te,



kan nawr leh mek bawk a. Tiang chuan Air Wing tunah hianin din chhoh..... Budget-ah kan han tan a, bul kan la tan tak tak thei lova. A chhan chu thlawhna pilot zirna tur han sawi fo kha khulaih hanger PWD in min sak sak dawn mek a, chumi kan sak zawhah khuan NCC Air Wing Air Force Pilot tur tepawh train theihna tur ang chi hi kan din chho dawn a ni. Chumi chu tunah hianin PWD pawhin bul an tan chho mek a ni, khulai Lengpui Airport-ah khuan.

Tin, nichina kan sawi ang khan Youth Commission chungchang hi tunah hianin bul kan han tan dawn a, hei Bul te leha nichinah khan kan opposition group leader zahawm tak khanin an sawi a, Youth Commission hi han din tawh tih thu kan sawi ka la hre lova, kan la sawi lova amaerawhchu a study group erawh kan din a. Chumi chu kan notify a ni kan ti a. Chuvangin blin taka han tih ang te pawh a ang laia kha a blind taka atih han ngaia pawh kha blind taka thil tih kan ni a. India ram state dangah pawh la din loh a ni avangin kan blind a, kan zir a. Hma kan la va, central pawhin Reporte chu han pe mahse, a la din chiah ngam bik lo nge? tiang khuan an pam tul a, thi chiangchiah ka hre lo a.

**PU ZONDINTLUANGA** : Pu Speaker, a thu sawi kha an la din ngam lo nge? A chhan chu kum 2006 March 29 ah khan helaiah Central pawhin an din thu kha helaiah khan a sawi a, ka hresual deuh em ni? Kha kha 2006 khan din tawh thu kha I sawi em kha?

**PU Z.H.ROPUIA MINISTER** : Pu Speaker, thusawi hi chiang tak hian min lo ngaihthlaksak sela. Study Group Centralah pawh an din a. Centralah khan chu chu Central ah khan an dina kha study group Report pe tur Commission study gropu an ni. Thla ruk atana din an ni a. Thlaruk chhung khan report a pe hman tur a ni a, an hman loh avang khan thlaruk dang an pe leh a, kum khat chhung khan report an pe a. Chumi hnuah an Commission Report kha an la approve theih loh avangin Office kha Joint Secy. Pakhat kha peon pakhatin an nghak a. Khulaih khuan office lo nghak thin an awm a, tiha kha kan sawi a. Chu chu a ni.

**PU ZODINTLUANGA** : Pu Speaker, an record sual palh nge ni? Kan proceeding chuan "Youth Commission hi Central in a din zawk a", tih kha a ni a khalai kha an lo record sual palh zawk ani ang e.

**S P E A K E R** : Kha laiah khan Office pawhin tihsual palhte pawh kan lo nei thei a. Minister te pawh khan a sawi sual palh thei a. Mahse tuna a sawi kha, thil awm danah pawm thung ang.

**PU Z.H.ROPIUA MINISTER** : Awle, tunah hian hei ruahmanna kan han siamte pawh bill kan han pulut a, a hma pawhin party hrang hrang aiawhte nen te, thian ho tawhnate kan nei a, kan hlim tlang hlein ka hria a. Tluang taka hei hi kan ram thalaite furture a ni tih hria a.. kan bill sawiho hunah tluang taka kan kal theih kan beisei a ni. Tin, State Academy Thenzawlah hian kan din a. Tunah hian Sports Authority of India nen tih ho tura kan han ruahmanna kha an tih theih bawk loh avangin keimahni state ah kan kalpui a. Amaherawhchu, kan hlawhtlin ziaka kan han hriat hian keimahni kan take up tawh mai ang an ti a. Tahchuan asto-turf ground an ti a, Court kha nuai 480 man hi kan rawn phak ang an ti a, tahchuah Central-ah tender te an han ti a. Helaia boulder leh thil tih hun tur kha nuai 70 chuang zet an han tender kha contract an allot pa kha an hmu zo lova. Khulalah khuan kan Ministry khu an buarchuar ve a, an tlem tham angreng bawk si a, Naga pa an lo pe a, an hmu zo lova, tunah hian astroturf court chu a lei pawh an lei vek tawh tih thu te min hrih a. Chutiang chu kan dinmun a ni tih kha reilote-ah hei hi tluang taka kan kalpui theih kan beisei a. Tin, Sports Authority of India hian tunah chuan he training centre hi min take up sak ta a ni. Tin, Coaching Wing te hi kan din a, hei hian nasa takin kil hrang hrangah coaching pe in an kalkual bawk a.

Tin, Football Academy, Kolasib-ah hian din tan turin hma kan la leh mek bawk a. Tin, Boys Hockey Academy, Kawnpui-ah din turin hma kan la mek bawk a. Sawi dawn chuan sawi tur a tam hle mai a. Chu chu a tlangpui thuin kan sawi thuk thuk a ni a. Tin, Scholarship te hi kan dawng hnem em em a, nuai 162 kan sorkar chung hian kan sem tawh a ni, SAI hnuaia Scholarship hi. Tin, nikum chung khan Incentive Cash Award hi nuai 9 leh sing 3 leh sang 5 za sarih sawmnga sem a ni bawk a. Tin, a vaiin kum 2001 atanga kan han sem tawh zawng zawng phei kha chu 40,83,000/- kan sem tawh bawk a ni. Tiang chuan Sports lamah hian sawi tur a tam hle mai a, kan sawi seng lovang a, kan sawi theih ni phawt mai se a tha in ka hria a.

**PU LALHMINGTHANGA** : Pu Speaker, a kalsan thui hma in, sawmi Lunglei 'S' ka bial chungga Mini Sports Complex, Pu Lalhmuaka in te la tela buatsaih kha hmasawmna hi a awm ta lo riau mai a, hei hi enge ni a chhan? Pu Lalhmuaka hi a in an lak man kha la hmu kimlo ni te hian sawi a awm a, hei hi a dik em? Chung chu min han hrihfiat theih chuan.

**PU ZODINTLUANGA**

: Pu Speaker, a din lai law law khan, nichina kan rawn sawi tawh Aizawl Tennis Court-a Rubberise, kum 2006-ah pawh pawisa kan dah tawh a tih kha, hei kan la beisei ve reng a. Tun kum hi chu a taka kan hmuh theihna tur khan min asure nawn leh sela. Min assure tawh a, a hma khan. Tin, Khatla Sports Complex kha nichin khan ka sawi a, a rawn react lo riau a, nuai 73 senna khu kan hluihlawn mai dawn nge, engtianga kal zel tur nge tih leh Ramhlun Indoor Stadium saw engeni hmaih tawh tur nge, tih lai kha min han clarify sak lawk thei ang em le?

**PU Z. H. ROPUIA  
MINISTER**

: Pu Speaker, a lawmawm e. Hun duhaia ka hman rei deuh ka hlauh avangin ka lo kal kan a, a lawmawm e. Kha kha kan hriat chian a tha in ka hria a. Hei, District Sports Complex Scheme hi kan sorkar tirh khan Central-ah kan han nawr a, chung project te chu min han approve thliah thliah hman a, chutih lai chuan kan Union Minister Pu Sunil Dutt-a hovin meeting kan han nei a, hmakan han la tan a. Chutah chuan khami District Sports Complex ho kha, 25% State Share tur a ni a. 50% atang hian lo hmang ula, Central atangin kan rawn release ang tih condition feltak nen he approved project hi min rawn pe a. Hma kan han la ta a, State chuan 25% atanga 50% mai nilovin cent percent state share hi min pe ve tawh a, mahse helai hi kan hotute Central lama pu nei lehzualte pawhin hriatchian tha-a ka hriat chu Central hian he state tina state list-a dah tawh lo a, concurrent list a dah lui a, policy a nawr chhoh laia min kohkhawm khan 95% state zawng zawng deuh thlan hian concurrent list a dah an duh loh avangin Central-in heti anih chuan state kutah awm tawh rawh se, heng infrastructure tura fund kan pek tepawh tihtawp nise tiin rinaiin buluk deuhin decision a siam ta a. Heng approved project tepawh a titawp ta vek a. Chu chu hetiang tur a ni love tiin Central-ah kan kalkual a, planning a N.E bialtu Mr. Yogander te, Dr. Mangurkhar te hmukual in theihtawpin kan nawr a, tahchuan an niin a tawpah in Ministry in National Development Council-ah thlen chho se, ngaihtuah dan kawng kan lo dap pui ang che u an ti a. An thurawn ang chuan hma kan han la chho a. Ongoing project hi chu clear sak leh ni rawh se, Central liabilities an ni e an ti a. Hma an han la dawn a, mahse pawisa an lo nei lova. Kan han nawr leh a, nimirah khan Central in Technical clearance pe in kum thar budgetah Internal Finance Development ah thehluh chhoh turin an dahchho mek a ni. Chumi scheme hnuai ami anih avangin Lunglei S bialtu sawi LDSC Ground-a ba, nuai 9 kan pe tawh a, nuai 35 tur a ni a, state share chauh a la ni, Central alo thlen veleh pek tura ngaih a ni.

Lawn Tennis Rubberise thu kha thil kalsual palh, inhriatsual palh, planning te nena kan neih vang nge anni pawh an buai em em karah lo tihsual palh an nei a. 5% cut lo tura tih min hrilh tawh kha an lo cut leh a, a then thildangah Hnahthial-ah te a thara additional a pek niawm tak kha rawn lang si kha khami chhung atang khan pek a ni leh si a. Tlemin khalaia kha kan han enfel a, anni pawhin pek let leh inni ang an ti a. Chu chu pek let leh turin Planning ho pawhin hma min lakpui in, action min laksak nghal a ni tih kha member zahawmtak ten min hriatsak a tha a ni.

Tin, Khatla chungchang kha Khatla hi direct funding NEC annih avangin detail tak hi tun maia sawi a har a, committee hran dina tih a ni a, chulai chu hma an la a, mahse kawr kap leh mi ram lei belhte anih avang khuan nasa takin nuai 70 chuang an seng tawhin ka hria a. Amaherawhchu nuai engemaw zat hmalakna tur pawisa NEC atanga sanction tawh a ni a, chu chu a tul anih chuan a detail deuhin member zawttu kha kanrawn pe leh dawn nia.

Tin, Sports Organiser chungchang kha Lawngtlai bialtu zahawmtak khan arawn sawi bawka. Kha kha sawlam pangah Lunglei District Sports & Youth Officer Pu Pianga saw Coach Grade-I a ni a, sawlaia awmtura han tih khan hemi hi Sports Organiser tih kha designate mai a ni a, post awm hran chuango Coach Grade-I kha sawlaiah an post chawp a, designate mai tur a ni a, mahse tunah hian Saiha-ah hian kan member zahawmtak Saiha bialtu nena in relate kha District Sports Office hi hawng hram ila hmana Cabinet thuthlukna awmsa anih avangin an ti a. Chumi tur chuan kan inbuatsaih mek a, a hnuaiah Hostel leh Gym te awm hmun kan neih loh avanga min in kan lei a kan sak belh tak sawmi-ah sawn hawn turin ruahmanna kan kalpui mek a. Officer pakhat post a khatianga hmalak kha tunah hian ruahmanna kan kalpui mek a. Kan inpeih chhuak deuh ti tih tawh a ni. Tin, Sorkar tharah hian va hawn kan beisei a ni.

Tichuan, kan hriat angin discipline hrang hranga hlawhtlinna changtute hi ropui kan ti a, chawimawi tlak niin kan hria a. Chumi hrereng chuan waviinah hian a biktakin Home Department chungah lawmthu kan sawi duh a. Hetiang anga kan mi chhuanawm leh promising te quota siam sak a, Police-ah te tamtak min accomodated avang hian hei hian incentive nasa takin a siam a. Chubakah Social Reforms atan pawh a tul hle mai a. Sports lama thangtharte an tui chhoh tak avang hian heng ruihlo ah te kan tlak hniam phah niin kan hria a. Kan lawm tak meuh a ni. Heng hi kan zavaia thahnem ngaih leh thawh rah a ni.

Hei, Tourism ah hma kan sawn nasa a, kan lawm hle a, kuminah ringawt pawh Tourist Lodge, Sakawrdai hi 8.6.2007 khan kan hawng a, Chawngte hi 6.12.2007 khan kan hawng bawka. Kanmun Tourist Lodge hi 8.12.2007 ah, Tourist Lodge Zokhawthar hi 15.2.2008 ah, Tourist Lodge Saichho hi kan Deputy Speaker in 7.3.2008 khan a hawng a. Tin, Tourist Resort Hmuifang hi 14.3.2008 ah, Picnic Cottage Sairang hi hawn leh mai tura ruahman a ni bawka. Tunah hian sawi tur tamtak a awm a, Southern Tourist Circuit Phase-II kan tihah hian Saichho, Thenzawl, Sialsuk, Hmuifang, Aibawk leh Aizawl-ah nuai zasarih paruk leh singruk sang sarih hemi atan hian kan hmu a, tunah hian PWD in tender mai theih turin a buatsaih leh mek a. Tin, Development of Tourist Destination Sakawrdai-ah Rs. 472,07,000/- tunah hian helaiah hian kan nei a. Sakawrdai-ah te, Darlawn, Khanpui, Thingsulthliah-ah te tunah hian estimate siamin tender mai theih turin buatsaih mek a ni. Hei, Tourism-ah hian ramdang atanga rawn tlawhtu hi foreigners tourist arrival-ah hian 162 kan nei ve a, Domestic Tourist, India ram hrang hrang atanga lokal hi 47149 kan nei a ni.

Tin, tunah hian Guwahati-ah te Hotel Management zir tur leh catering lampang zir turin kan intir thla thin a, mahse Mizoramah ngei hian Central-in din min rawn phalsak in project te kan submit a. He

infrastructure dinna atan hian crore 8 sanction min siamsak a. Equipment leina atan crore 2 a ni a, tunah hian sanction min siamsakin PWD te nen survey kan nei a, a hmunin a zo em? kan ti a, Luangmual amite kan en a, zo lo deuhin kan hria a, hetah Bung khulai ami khuan zo thei turah kan ngai a. Chu chu a hmun pawh approval kan siam tawh a, hmalak tan nghal tur a ni a, Hotel Management Institute helaiah hian din kan tum a ni.

Tin, mi ramah pawh Tourism Department in hma an sawma ber chu Tourism Development Board te, Tourism Development Agency emaw te an lo din a. Khang khan engemaw kawng hrang hrang atanga hmalak theih dan tur, Department anga harsatna te kha an lo sukiangin heng Tourism- a hmasawn hote hian hma an la a lo ni a. Chuvang chuan, hei hi kan din a tha e kan ti a. Mizoram Tourism Development Agency kha din a ni tawhin tunah hian Rules and Regulation te kan bei mek a ni.

Tin, zin mite hipna tur leh kan local products te leh mi tamtak talent pho chhuahna tur leh khang ten sum tamtak an lo lakluhna turin leh khawvel ramdangah Mizoram mawina te leh kan culture leh potential hrang hrangte phochhuahna turin festival te kan nei thin a. In hriat angin Anthurium Festival hi Reiek-ah te kan nei thin a. Chapchar Kut-ah te hian theihtawp chhuahin hma kan la a. Kan rama tualchhung hausakna te kan neih that a kan ngaih Bamboo hming chawi hian heng kan thil dehchhuah te hi kan pholanna turin thil i ti ang u kan ti a. Tahchuan, Bamboo Festival kha nikumah khan Central-ah kan dil a, Central Funding vekin heng hi hmalak a ni.

Tin, Thalvafang Kut hi District hrang hrangah i nei kual thin ang u kan ti a, District hrang hrangah te nei kualin hma kan han la a, nikum khan Lawngtlai ah kan nei bawk a ni. Tin, kan income hi a tha ve riau mai a, nachina kan MLA zahawmtak rawtna Privatised dan a awm lawm ni? tih kha a dik a, tunah chuan kan la zo lo na in engtingge kan privatised theih ang tih hi ruahmanna kan siam chho mek a, nakinah hcuan privatised theih a, Tourism Agency te pawh hengte nena in tied up leh Tour Operator te nena in tied up a, privatised a a hlawk thei ang bera thangtharte employment generate thei tura ruahman hi kan tum dan a ni. Mahse tun maiah hian kan la zawh loh avangin bul kan la tan theilo a ni. Nikuma kan Revenue hmuh (kum kalta) chu nuai 86,41,038 vel a ni a, kan expenditure kan hlawh neuh neuh ho kan pah hian nuai 60,95,500 niin kan hria a, chu chu nuai 25,44,538 chu hlep chhuak ve niin kan inhria a ni.

Chutiang chuan kan Tourist Lodge te hi kan ti changkang chho ve zel a, tuna kan han hawn thar te pheih hi chu chhuan tepawh kan lo chhuang ve a, member te in kal hian a mante a to deuh na in class maintain ve te a ngaih avangin thlen hram tumin leh duhthusam loh laite, suggestion min han pe zel turin kan han sawm bawk che u a ni.

**PU LALDUHOMA**

:

Pu Speaker, khawngaihin tuna kan ngaihthlak tak ang khan privatisation opportunity kha a awm miahlo niin a lang a, NEC lam atangte pawhin Picnic Spot te hetiang lampang chi hi anrawn tanpui thei tho si

a. Side by side in sorkar run leh private run te kha lo awm ta se, competition te a siam ve thei dawn a, khawpui hnaivaiah pawh Picnic Spot leh Hotel lam chi tepawh mi in lo ti duh ta sela, kan state sorkar atanga beiseina awm miahlo ringawt chu a tha dawn em ni? Engemaw provision kha lam hawi, a bul tan nan chuan tamtak pawh ka beisei lo, competition han siam ve.....

**PU Z. H. ROPUIA  
MINISTER**

: Pu Speaker, a lawmawm khawp mai. Chumi tur chuan k hawi hi nge niang? Kan Chief Minister zahawmtak pawhin han work out teh u a ti a, kan han worked out a, mahse a

thenah kan that em em laiin a thenah kan chhe si a, eng ang zawng in nge? Ratu bialtu zahawmtakin a han rawtna ang khan Healthy Competition hi awm ta ang se te kan han ti a, mahse a chhiat leh a that chang te kha a awm dawn si a. Kan Chief Minister in income chhe deuh zawk pawh kha run ila te a han ti a. Tiang khan ngaihtuahna kan hmang chho a. Tunhnaiah hian kan develop leh heng ang han privatise tham tur awm ang deuha hmun te kan han neih tak hian kan han tia ni mai a, tunhma khan, duh angin kan neih tam loh avangin. Khalampang pawh kha kan sawi ri ngam lova. Sorkar, VIP leh Official te mamawhna kan han tihah khan kan la ngam lova. Amaherawhchu, tunah hian walk out chho in hma kan la mek a, chutah chuan tunah pawh hian a nihna takah phei chuan muster roll hi 148 a engapawh nise employment generate na tur hian tunah hian MR ringawt pawh hi 148 kan ti a, min han pe a. Tunah hian kan dil ang hi chu DP & AR pawh an va kal a, awm ngawih ngawih, minimum hi kan han dil a, min pe zel thin a ni. Tiang chuan tuna kan hawn chhoh zel tur leh kan hmalak zel turah pawh hian hmalak dan leh experience nei khung anga mi tepawh chahchhuah kan tum a. Tin, chubakah Private Investor tepawh kan sawm a, PPP System tepawha tih theih tur anih dan te kan ti a. Mahse, thil man tlawm lo thlang thang deuh kan nih avang hian tlem hian an rawn study ngun rih deuh a ni tih kha ka chhanna ni ta se, ka sawifiah thei ang.

**PU SAILOTHANGA SAILO**

: Pu Speaker, khawngaihin. Khamrang-ah khan Tourist Lodge kha sak ani ve em kha? Sak anih chuan engtikah nge sak zawh anih theih ang? tih te kha a hriat nghal theih em aw?

**PU Z. H. ROPUIA  
MINISTER**

: Pu Speaker, nia khulaia mi khu tlemin harsatna kan neih chu tui lakna tur provision awmlo kha, mahse hetiang hian pawisa chuang bang a awm chuan han ti

leh ta ula kan ti a. Tin, helaia kawng luantu te khan khulai bul hmun khu an luah tlai a. Hun engemaw chen kan innawr a, insawn turin. Helai black topping tih tur leh an material te nen khan kan inchiah piah rei a. Tunah hian hawn theih thuai kan inring. Reilote-ah hawn theih kan inbeisei tih kha ka chhanna ni ta se.

Anih leh Pu Speaker, hei ka Demand No. 22 na Sports & Youth Services - Rs. 12,58,55,000/-, Demand No. 28 Labour & Employment - Rs. 3,89,24,000/-, Demand No. 43 Tourism - Rs. 4,34,65,000/-, a vaiin Rs. 20,82,44,000/- hi he House zahawmtak hian min pass pui turin ka ngen e.

**S P E A K E R** : Le, tikhan Minister zahawmtak Pu Z. H. Ropuia Demand kan sawihona te wind up in pass a rawn dil a Heng Demand No. 22 na Sports & Youth Services - Rs. 12,58,55,000/-, Demand No. 28 Labour & Employment - Rs. 3,89,24,000/-, Demand No. 43 Tourism - Rs. 4,34,65,000/-, a vaiin Rs. 20,82,44,000/- te hi pass remti apiangin 'Remti' ti rawh ule. Remtilo kan awm em? Remtilo kan awm chuan 'Remtilo' ti rawh ule. Awle, Minister zahawmtak Pu Z. H. Ropuia Demand No. 22, 28 leh 43, avaiin Rs. 20,82,44,000 te hi House in lungrual takin a passed a ni.

Awle, tunah chuan a hnuhnung ber atan Chief Minister zahawmtak Pu Zoramthanga a demand kan sawihona te wind up a, pass dil turin sawm ila.

**P U Z O R A M T H A N G A  
C H I E F M I N I S T E R** : Pu Speaker, ka lawm e. Hunte a rei deuh hlek a, chuvangin tawifel deuh hleka han tih pawh ka tum ang a. Kan budget session te a budget demand chu kan zawhna tur te a ni dawn tawh a, a lawmawm hle in ka hria a. Kan House pawh hlim tlang takin, lungrual takin kan kal chho zel a, a lawmawm tak tak a ni. Kan Demand te hi kan member zahawmtak tena in han sawi a detail kha avaiia react dawn chuan a tam lutuk ang a, kha kha kan lo chhinchhiah a, tichuan nakinah a theih angin hma kan lo la zel ang a, a tlangpui thu ka'n sawi thuak thuak ang a, tichuan hun reilo deuh pawh hman ka'n tum ang e.

A hmasa in kan member tam ber tena hemi Legislative Assembly ina harsatna kan neih, kan staff te leh kan thawktute indaih loh chungchang thu kan han sawi thliah thliah a, ani lah taka, kan Legislature hi kan ram mipuite aiawh symbolised na pakhat a nih avangin kan thawktute kan tihpuitlin chhoh a, kan indah that hnema, kan Legislature kan tihzahawm hi kan ram tan thil tul anih avangin helamah pawh hian hmalak zel kan tum a. Tahchuan, kan Speaker zahawmtak pawhin a rawn tih angin hengte hi kan ngaihtuaha, chuvangin sorkar-a an rawn thlen ang pawh kha a theih ang tawka inti phuisuiin, indaha hmalak sorkar pawhin kan tum a ni.

A dawt leha ka sawi leh duh chu - Hei, mi thenkhat tena min hriatthiam lohna kan MLA te, kan Minister te hlauh a tam lutuk tia hemi kan Peon te leh kan hnena staff dangte zawng zawng nen belhkhawma, hlauh tam em em anga in sawi kha a diklo a ni tih kha kan vaiin kan hretlang vek a.

Kan SAD changtu kan Minister zahawmtak Pu R. Tlanghmingthanga sawi ang khan a hlawh tam ber hian Rs. 30,000 Chief Minister pawhin a la pha lo a ni a. Chuvangin, sawi ang khan Deputy Secretary hlawh vel kha kan phak a tlangpuiin a ni a. MLA te pheh chuan an la pha lo emaw a ni hial a. Chumi lai kha Information diklo mipuiah hian a awm palh theih avangin hemi kan pay bill kan sign renga kan hlawh zah kan hre theuh a. Kha kha, kan MLA, kan Minister te hlawh kha mipui zawng zawng hmuhtheih tura dan a passed thlap anih avangin anilo zawng a insawina lakah erawh chuan House-a member ten kan hriat angin kan hrihfhiah tlan zel erawh chu a ngai khawp mai tih kha ka han sawi duh a.

Tunah pheh chuan MP lam Parliament lam pawh hlawh te tipung in, hei Pay Commission pheh chu an ti sang khawp mai a. Tunhnaia Sixth Pay Commission ina report a pekah pheh chuan hlawhpui ringawt pawh kha Secretary te khan Rs. 80,000 vel thlakhatah an la dawn a ni sorkar laipuiah, tih te kha an tar a, keini a hlawh tam ber chief Minister pawhin Rs. 20,000 leh tlem kan lak lai khan kan let 3/4 vel kha Secretary tepawh khan tunah chuan la tur an ni nghe nghe a. Chuvangin, Parliament lam tepawhin an hlawhte tipung tura kal an ni a, keini erawh chu kan ram kan harsat deuh avangin tun angin kan la awm naw naw a, mahse ram mipuiten min hriatpui a, member ten kan hrihfhiah zel a ngai ani tih kha ka han sawitel duh a ni.

Tin, Finance hi kan General Discussion wind up na-ah khan a tlangpui kan sawi tawh a. Keini pawh khan kan titawh avangin chuti lutuka sawi a ngai lova. Mahse tlem ka sawi duh chu kan sum dinhmun te hi sorkar laipuiah pawh a tha chho zel a. State-ah pawh a tha chho zel a. Keimahni tuallai tawngin central-ah pawh, state-ah pawh kan pawisa chalai hi a pung chho tlang zel a. Chumi anih chuan kan budget leh kan Finance Management pawh hi a improved in a that chhoh zel a ngai a. Chumi ang chuan nichina sawi ang khan hemi state in kan leiba pawh, hmanah chuan UT tirh te chuan tih lam anilova. Kumtin a pung chho a, state leiba chu MLA zawng zawngin kan hre vek a, khuta tangin development a nasat poh leh leiba a tam a ngai a ni mai a. Development lokal kha a tlangpui thu in 10% in tihtur an rawn ti a. Plan Discussion a tel thangte chuan kan hre vek a, a engamah hma in NABARD, LIC atangin hemi zat hi loan in la tur a ni tih kha Planning Commission in min rawn tuk sak leh a, kan duh emaw, duhlo emaw kan bat tur kha min rawn phut hrim hrim a. Khami kha development a nasat poh leh a lo tling chho a.

Hei, keini pheh chu khati chung khan Sikkim te khi an leiba a tlem ber a, an development pawh, kan tawng an huatthu suh ah, a chau ber a ni. Chuvangin, an mahni pawh an number a tlem a, an ram pawh a te bawk a. Tin, a state pawh ala upa vak lo bawk a. An development pawh hi khati khawpa infrastructure tha sa a kal si-ah khan an Tourism tepawh hi a tha viau na a, people oriented, mipuite hnen thleng chi khan an Tourism kha mipuiin direct a an harvest theih lohna tur chiin, khitah a sang hovin lak tur chiin direct a pawisa lo luhna chu a kal a ni tiin an Deputy Secretary pakhat, kan L.O a kan zuk kal tum a mi pheh kha chuan min hrih mawlh mawlh mai a.

Chumi ka'n sawi duh zawk chu hei kan Member ten sawi mawi pawh a tul law, sawimawi loh pawh a tul law, India ram state zawng zawng kan leiba kha, kha chu kan nei vek mai a, state lian chuan vaibelchhe



nuai te an ba a, vaibelchhe sing bawr ba an awm a, vaibelchhe sang bawr ba kan awm a, vaibelchhe sangbi ah khan a ba tlem panga zingah Mizoram kha kan tel ve a. Vaibelchhe sangthum vel bawr ba-ah khan kan awm a. Khatih lai khan tukinah khan kan question lo chhuak hman talo ka'n sawi duh chu, kan question-ah khan engzatnge ni kan leiba February thla tawp thlenga kan tihah khan heta a tawp ami RBI ina pawisa kumtawpa min assess-a vaibelchhe sangthum leh vel tura an tih ai hian February thla china keimahnin kan chhutna kha chu a tlem a, vaibelchhe sanghnih leh zakua bawr vel kha kan chhanna a ni a, khalai kha a zawhna neitu tena in lo hriatthiam a, ka'n sawi tel lawk duh a ni. Chuvangin, kan pawisa dinhmun pawh, state tin te hian a kal chho a, lei min battu pawh a lo pung a, central in inba tur a ni min tih, min tuk chin a awm a. Tin, heng kan leiba tepawh hian a tam ber hi chu kan GPF hi a ni. Keimahnin kan GPF kan dahkhawm kha vaibelchhe zakua chuang a nia, a hlawm khatah chuan leiba tamna ber a ni. A dangah kha chuan LIC lamah te, NABARD ah te, thildangah khan a awm neuh neuh a, heng hi central in 'tihian han tikhawm ula, a interest tlem deuh turin a block loan in han ti rawh u' an ti a. Khangte kha kan siam a, rate-ah min tihhniam sak a.

Tin, Asian Development Bank, ADB hian a interest rate sang a kha chu a rulhna tur atan pawisa kan pe ang che u, tuna in loan lak vaibelchhe zaruk bawr vel hemi a chanve tal hi in hmang tur a ni an ti a. Amaherawhchu, a rate sang kha kan leiba kha alo tlem deuh avangin a daih ta lova, a ai hniam pawhin min rulh sak rawh u kan ti a, an remti ta a. Tichuan, a rate hniam pawh min rulh sak dawn a. Hemi hi a rawn implement theih phei chuan thui tak kan leiba hi Asian Development Bank atanga kan lak hian min rulh sak nghe nghe ang a. Chuvangin, hei hi state dangte en khan problem leh engto a neih tur chi a nilove tih kha ka sawi duh a.

Tin, kan budget tepawh lawmawm takin kan mipuite beiseina zarah leh kan Legislators te leh kan sorkar hnathawkte beihna azarah tepawh a ni ang a, kan thawktute zawng zawng beihna zarah Revenue tepawh deficit awm lovin kan kal chho thei a. Chuvangin, kan Finance position a rawn improve nasa em em a, a lawm pawh kan lawm tak tak a. Financial management ah chuan kan tawng tu nuihza suh sela, a fak pawl takah tepawh kan state hi a lo tel ta a. Mizoram tan a chhuanawm hle in kan hria a, kan lawm khawp mai tih ka sawi duh a.

Tin, Finance concern-a ka sawi leh duh chu hlawh chungchangah tepawh khan kan theihtawpin kan Group A,B,C,D te kan siam rual a, kan ti fat fat a, a har khawp a, za a za in a tha fel famkim kan ti hauh lova. Amaherawhchu a zual za pui chu kan chul mam a, mahse khami-ah khan a tla hlang ti mai ila, kan lo enkim senloh siamfel leh tur a la awm nual a, chung chu kan member tepawhin in sawi kha department-ah a awm neuh neuh a. Khang kha kan Finance lampang leh expert committee-ah khan an enzui leh mek a. Nakinah kan Cabinet Sub-Committee in an rawn en ang a, chinfel sak vek turin hma kan la a. Kan hlawh pawh tunah chuan a tha tlang viau a, a lawmawm hle a. 6<sup>th</sup> Pay Commission te la implement anih phei chuan tha leh zualin a la kal chho leh dawn a ni tih kha ka sawi leh duh a.

Tin, kan member zahawmtakin a sawi pakhat Mara District Council in an chan hi a tlem tih kha a punna chu a tlem khawp mai a. Population base in kan chhut a, a hma khan population base in kan MADC kha an lo tam bik tlat mai a, chuvangin tun atang chuan population base a a rual ang kha a rahbi i siam ang kan ti a. Tikhan tlemin a lo tlem deuh a, nakinah chuan a punna kha inang tlang vekin a tih pawh kan tih theih ka ring a. An population a tlem deuh avangin khami proportionate a kan siam vang kha ani e, kha kha Finance lama ka sawi duh chu nisela.

A dawt lelah chuan Power chungchangah khan han lut ila. Power chu kan hriat theuh angin kan intodelh hauh lova, theihtawpin tihpun pawh kan han tum a. Power generate theihna tur potential kan lei nasa em em a, lui tepawh. Amaherawhchu, kan ram hi thil man a to a, kan sawifo ang in Kolkata atangin thil rit pawh rawn phur ila kg. ah Rs. 6 vela rawn phurh thlen ngai a ni a. Heta power kan han generate dawn hian a man hi a to ta thin lutuk a. Chuvangin, a siamna man tur leh a hralhna man tur han en hian a power generation lian hi a hlawk ta thin lova. Chuvangin, kan Hydel Project han tihna tur pawh hi hei hi kan problem lian ber a ni a. A te thamah erawh hi chuan Mini Hydel Project-ah chuan khutah MNES ten tam deuh mai min rawn puih avang khan, khati zawng khan keimahni state-ah a kal a, kan ti thei zung zung a. Tunah pawh sorkar hmasa lam a mite pawh in an lo ti a, keini tepawh in kan ti a. Hemi Mini Hydel Project chu kan han ti char char a, a tirah chuan kan han thiam lo tlang vek a, tunah hi chuan kan department tepawh in an thiam tawh a, khang siam dan te kha. A hlawh pawh a hlawhtling chho viau a.

Tin, tunah pawh hian kumin chung hian Serlui B khumi 12 mw te, khimi Lamsial te, Maicham Phase-II te chu kumin calendar year chung hian kan commission hman turah kan ngai a. Khangte khan engemaw zat chu min rawn pui ang a, Mini Hydel Project hi 7 tunah khuan kan theh lut a, kan hmuh mai pawh kan ring a, REC lamah. Anmahni khan 'Ngawi rawh u, tunah hian RGGVY-ah hian in dawng tam dawn si a, a rual lo deuhin RGGVY hi kan sanction fel ang che u ang a, chumi zawhah chuan kan ti leh vat dawn nia' tiin kha project-a in hmin sa reng leh anmahni pawhin an kawl sa reng kha tunah hian Mini Hydel Project 7 tunah khuan kan dah mek bawka ni.

Tin, RGGVY hi thingtlanga kan Rural Area leh a khawpui tepawh ani ang chu kan electrify theihna turin line thlunna leh thildang pawimawh zawng zawngah khan kum 2003 bawr vel a kan project bill kha ani a, 150 crore chuang kan dil a, mahse 102 zet min rawn pe ta a, kan tender lo thei lova, kan han tender ta a, tichuan an rawn chhang a, selection pawh kan han tifel a. Mahse, kum 2003 vel ami 2008 a han tih kha chu..... a sang tawh lutuk a, kan zuk dil nawn leh a, khami kan tih felah khan. Hetiang hian Arunachal pawh an lo pek belh teuh a, khami an pek belh anga min pek belh loh chuan kum 5 chung chuan a danglam tawh lutuk a ni kan ti a. Awle, kan pek belh ang che u an ti a, tunah hian engemaw zat chuan min pek belh dawn a. Tun Financial Year chung hian tunkar chung hian an mahni chuan 'hei hi chu kan issue thei ang, kan rawn pe ang che u pawisa hi chu' an ti a. Contractor pawh thlan fel vek tawh a ni a, khami kha kan zuk dil tawh a ni a, chuvangin, contractor kan thlan te hian chumi

min approved na a punna, approved rate chuan kan financial year thar atang hi chuan hnathawk thei nghal turin. Tin, a pawisa pawh kha hmun thuma thena hmun khat vel chu kan rawn release thei mai ang an ti a. A zat tur tak erawh chu a punna tur min rawn hrilh lova. Amaherawhchu, kum nga chhunga a punna tur anih avang khan sang tak engemaw zat chu min pek ngei kan ring a, 2002 atang khan. Chumi alo kal chuan kan member zahawmtak ten in han sawi thingtlang khua electrify loh zawng zawng kha chu a cover zo vek a, kha kha chuan. Khawpui chhunga line extension te, thingtlang ami tepawh hei hian a cover zo vek dawn a. Chu chu tunkar chhung hi chuan a sanction rawn tifel in an rawn tih kan ring a. Tender buaipui leh ngai pawh a ni tawh law, tihfel sa vek a ni tawh a. Hemi April/May-ah chuan hna an tan theih nghal ngei pawh kan beisei a ni.

Tin, kan Power leina kha crore ruk chuang thlakhatah a ni a. Kan Power man hi hetia kan lakluhna zawng zawng hi nimin lam tepawh an thim thut mai a, khumi phailam atanga a supply kha rawn chhe thut a ni a, chuvangin Aizawl khawpui pumpui pawh kan han thim phah a. A rawn tha leh a, nakinah a rawn chhe leh a, nakinah chuan a rawn tha a, a tha hlen ta a. Khatiang kha anih avangin keini pawh mahni intodelh ve hi a tul tawh a ni tih kan member zahawmtak ten in han sawi kha a dik a. Crore 6 man chuang zat mai thlatin kan han pe a, chuan kumkhatah chuan  $12 \times 6 = 72$  crore 70 atanga crore 80 inkar kumkhatah kan leina man vel a nih chu. Kan member zahawmtak khan khalai kha a sawi sual palh a, crore 700 kha chu a ni lova, kha kha chu a nuai bi zawk a ni e. Crore chuan khati kha ani a. Amaherawhchu, mipuiin kan pek ve erawh chu crore hnih chuang thlatin hian kumkhatah sawmhnih pali atanga sawmthum inkar vel anih chu. Kha kha chu mipuiin kan thawh ve a. Hmun thuma thena hmun khat hi chu mipuiin kan thawh ve a, hmun thuma thena hmun hnih erawh chu sorkar lam atang leh hmundang atanga kan finance a ngai a ni.

Tin, hmanni-ah khan ka sawi tawh a, hemi kan Arial Cable Ban System, nimin lawkah pawh mi electric in a man a, an thi leh mai a. Khawpui chhungah line hniam tak, khami kha keima mimawl ngaihdan chuan hei hi chu a rubber a tuam, plastic a tuam a awm ang, zawng teh u ka ti a. Kum 4/5 kalta atang khan kan zawn tir a, anih loh leh pipe ah tal a harsa zual hi chu thun teh u, kan thi tam lutuk dawn kan ti a. Tikhan an zawng a, an zawng an zawng a, ngawi rawh u, khutah khuan a siamtu company in alo tia lawm mawle te an ti a, tichuan kan dil ta a. NEC-ah Secretary sanction theih chin crore nga chin hnuailam tal min pe rawh u kan ti a, crore li leh tih min pe a, chumi hmang chuan kan lei ta a, a cable chu hemi a hlawmkhat-ah hian hrui nga vel, chu chu a hlawma rubber a tuam vek anih a vang in khawih mah ila, hlauhawm loh a ni a. Chu chu kan lei a, a siamtu company hnen atang khan a hrui pawh alo thleng vek tawh a, i ti mai ang, a hrui tak alo thleng vek tawh a. Amaherawhchu, state dangah pawh hian an lo hmang tan ve a, ala tharlam avangin accessories dang a tawn khawmna te thildang engeng emaw kha tamtak phe chu foreign atanga lakluh ngai te alo la ni a. Chu chu tunah hian kan ti leh mek a. A lo thlen chuan a rang thei ang bera hei hi tih a, hei hian mihring a man hlauhawm zual laiah hi chuan kha khan thlak vek kan tum a. Chu chu tuna kan hmalak chhohna a ni a. Chu chu tuna kan han kal mek chho lai chu a ni.

Tikhan Power-ah chuan hemi kan Hydel Project kal chho ah khan kan han sawi ah khan kan sawi ang khan a lian deuh hlek a, kan Serlui B a kha chu kumin chhung hi chuan kan hawn hman kan beisei a. Kan tlai loh theih lohna kha chu rin aini a leilung kha a tira kan hisap ai khan khami han verhna leh kalchho-ah khan rin aini leilung alo duap a, nikuma fur nasa lutuk khan kan hna min tibuai ta em a. Kha khan min ti tlai a, kuminah erawh chun kan hawn hman hram kan beisei a. Tin, a dang project kal chho pawh kha, hetah chhimituipui Kolodyne project kha chu hemi CWC in a DPR an siam kha hei kan in nawr nasa mai a. Anni chuan March thla tawpawh chuan kan thei an ti a, min ti kha an ni a. In theihloh vaih kan ti a, kan la innawr mek chu a nia. Tichuan, anni pawhin kan pelh berah pawh thlahnih khat bakin kan pel lo ang ti chu an ni a. Amaherawhchu, theihtawpin hei hi chu an ti a. DPR kha chu engle khawle, tuna tanga rei berah thlahnih thumah chuan in peih ngei ngei tur chuan CWC kha chuan an sawi a ni.

Tin, chulovah helai Tuivai Project, kha kha a pawimawh ber mai a nia. Project tha tak a ni a, Ngopa bul ami kha. Kha kha PPP system-a kal tum kan ni a, mahse ka sawi tawh ang khan kan thil man a to avangin hemi a generation cost kha unit khata generate na leh a hralhna tur han en khan kan ram thil man a to avangin hei zawng a manhla lova ni, a viable lo ani tih a tel thin avangin grant anga puihna angai a. Chumi grant anga pui tur chuan hei kan hriat theuh ang khan hemi viability gap funding system kha kha kan dil a. Khutah Finance Ministry-ah chumite chuan min pek pawh an remti a. Tichuan, a principle in an rem ti a. Amaherawhchu a hmasa ber tur kan ni a, khami viability gap funding ah khan, a dangah hi chuan an ti tawh a. Power generation-ah hi chuan a hmasa ber in ni a, a kawng in sut a ngai an ti a. Khami avang khan a technical ah khan hetia in vawm let hi a zing em em mai a. A kawng su kaw hmasa tu kan nih avang khan kan kal kual zing khawp mai a.

Power Department leh Department of Economic Affairs-ah khan. Chumi-ah chuan tunah erawh chuan tun hi chu ahnuhnung ber a ni tawh ang a, hei bak hi chu Power Department in kan vawm phei chuan DEA khan an lo remtih sa, Principle a an rem tih sa, Technical Approved chauh kha a ni a. Khamiah khan an tih danah chuan a project cost 20% emaw, crore 200 emaw khami aia sang lo khan grant in kan pe thei che u tia Central sorkar hian hei hi phal an ni a. Chumi chu zuk avail tumin kan kal ang a, kan kal ta a, khami grant min pek chuan Tuivai project pawh kha grant kha a vaibelchhe zabi-a min pek chuan avaiable dawn. Chu chu PPP company dang nena kan thawhdunna ah pawh khan awmze neia a kal theih dawn avangin kha kha kan hmuh dan chuan kan um chhuak lek lek tawh a. A har chu a har khawp mai a, ahmasa kan nih avang khan. Kan sawi ang khan kan let kual ngun a. Anni pawhin Officer an inthlak apiangin demand ti mai ila, hei hi enge tia ..... hran an nei leh a, chumi reng reng chuan kan buai kan buai a. Kei ngei pawhin a Joint Secretary te nen khan kan sawi hova, beihpuiin kan bei a, mahse reilote-ah hemi hi beiseina chu kan nei a, kumin chhungte hi chuan approval chu kan neih ngei tawh kan beisei a. A company tur tepawh kha chak em em mai tepawh an awm a, engpawh nise fund kha han nei phawt ila, chuta tang chuan a dawt leh chu kan ti nghal thei ang chu tih kan beisei bawka ni.

**PU LALDUHOMA**

: Pu Speaker, keini Opposition MLA tan hi chuan tiangang chance hi a hlu khawp mai a. RGGVY hi kan lo nghak rei tawh khawp mai a. He House-ah pawh ka sawi zing

tawh a, keini Ratu bialah khian electrified tawh khua engemaw zat, Hel awmna a nih avanga lak let sak leh khua engemaw zat kan awm a. Neilo satliah kan nilova, kawngherh benvawn neih phah khawpa a ban te khawtlangin an put ngat ngata an put thlen tawh hnu an chhuhsak leh khua te kan ni a. Chuvang chuan, kan House Leader zahawmtak hova consultative meeting kan neih khan he RGGVY hi alo thlen chuan keini bial hi chu priority min pe teh u, ka ti a. Minute copy kha ka la kawlttha ran a nia. Hei, kan beisei hnai tawh bawk a, kan House Leader hian min assured nawn leh thei em aw.

Tin, Tuirial han tih thar tir lehna turah hian alo tharchhuah hnuah Unit I cheng thuma lei kha kan in commit ta niin ka hria a. Chi hrang hrang khan min nawr min nawr a, theih nag tawpin sorkar pawh in tang ve tih kan hria a, Rs. 3/- hian in commit ta a, tisual lo turah in inngai chu a ni phawt ang a, tuna kan ngaihthlak tak ang khan Tuivai angah te khan gap grant te nena tangtlang khanin helaia keimahni local production kha Rs. 3/- aia tlawmte khan, kan mamawh tawh kan neih hunte hi lo thleng ta mai sela, Tuirial ami Rs. 3/- a kan lei kha kan in commit tlat si kha chuan a tha dawn em ni? Engzat megawatt nge thlatina kan lei tur zat pawh kha ka hre lova. Engzatnge kan lei ngai zat kha? Nakinah hian kan tisual palh thei ang em tih kha fimkhur thuah min hrilhfiah se tih ka'n phut lawk a ni.

**PU LAL THANHAWLA**

: Pu Speaker, Saitual bialtu zahawmtakin naupang accident electric in a man a sawi kha sorkar thiamloh a ang a, ninhlei vanga mahni in chhunga accident ani mai lova.

Tin, a hrui an zamna-ah hian a kawng hnuaiyah hian, kawng siamna hi kumtin sum engemawzat an seng thin a, khami Sunhlu kit pa pawh kha. Khatiang kha a ni a, khatiang chi accident kha sorkar hian tanpui dan provision a nei em? tih ka zawt duh a. Khawiah emaw an khin kha chuan sorkar kha kan hek zawk theihna lai a awm ve ani, chu chu ka'n hrechiang duh a.

Tin, kan hunlai khan state thuneihna chin chu megawatt 3 chin a ni a, 5 ah chhoh a ni a, tunah hian engzat chiah nge state thuneihna hi? Hemi megawatt hi? Tih kha ka hre duh a ni, ka zawt a ni.

**PU ZORAMTHANGA  
CHIEF MINISTER**

: Le, Pu Speaker, MMES ina an kal chhoh theih china kha a sang chho zel a, tunah phei chuan megawatt 25 thlengin a ni tawh a. A lian tawh khawp mai. Kan Opposition

Leader zahawmtak ina a sawi kha a dik khawp a, hei kan hriat maiah chuan khatianga accident a mite lo pekna tur kha kan power department lam atang chuan fund allotment kha kan neilo niin ka hria a. Ni e, kha kha a en pawh kan lo en ang a, a dik khawp mai. Chutilo chu khatianga accident an lo awm khan MR emaw, contract emaw, IV Grade emaw, engemaw tia lakah te tlak a ngai a, anih loh leh hnathawh tur lampang in i ti ang tih te a ni thin a. Khalai kha rawtna fing tak niin ka hria. Keini lam pawhin kan lo en ang a, a Department tan pawh a luhai thlak a, khatianga kha a tih dan tur kawng a en pawh kan lo en ang a.

Tin, Ratu bialtu zahawmtak Pu Duhoma han sawi kha kan theihtawpin khilam chu kan tawng huatna emaw, mahni leh mahni pawh hmar thimpui inti inni bawk a, chuvangin khalaia kha kan RGGVY kha alo thlen veleh ngaih pawimawh hmasakah pawh kan lo nei ang a. Khilai chu a ralti lai leh a mamawh zual lai kha ani bawk a, kha kha keini pawhin ngaih pawimawh ah kan lo nei ang a.

Tin, NEEPCO Tuirial, khami kha unit khat Rs. 3/- in in lei tur a ni an rawn ti a. Tuirial hi a tlawlh kan hlau a, kan han ngaihtuah vang vang a, viable in kan hria a. Power man hi a to chak em em mai a, nakina alo kalah chuan Rs. 3/- aia sang hian hralhna kan hmuh em em kan ring a, a safe in kan ring a, kan commit a. Amaherawhchu, 12% state tin ina an tih kha hei pawh hi in chan leh tur a ni tih kha chu ngawi rawh heti anih chuan fiamthu a ka tih angin aw ta chiah ila ka sorkar a tlu thei ang ka ti a ni. Chuvangin, hei hi chu tih a tih chi a nilo, khawi state-ah mah in tih loh a ni a, kan ram tui in rawn khuap dawn a, a hlawkna zawng zawng in la vek ang a, midang phei chuan 50% hi state in kan chang tawh tur a ni intih laia 12% kan chan tur pawh kha in sacrifice tur ani tih zawng kan ngam lo, hei chu kan theilo kan ti a. Kha kha negative consumer kan pe a, a dang erawh chu a theih ang chin chin Tuirial hi khuah anih hram theihna turin tan kan la a, kan bei nasa khawp a. A bul kan tan tawh a, a tlawlh a kha central sorkar in an hlau a, keini pawhin kan hlau a, tih takzetin hei hi chu tih kan tum a ni tih kha ka sawi duh a.

**PU LALDUHOMA** :

Pu Speaker leh lawk. Kan 12 percent dawn tur a kha Megha Watt 8 vel lek kha niin kan hria a, engemaw kan thlakhlelh em em le katia ni, duh leh abandoned sela,

fresh proposal nen hian nakinah la kalpui tepawh hi kan ram tan hian a tha zawk angem? Thawi nen hram hram hi enge maw kan tum viau le, helaia tui te deuh zawk kan khuah pawh in a aia tam kan tuar thei ani sia, kan chan tur kha a tlem viau mai a kei ka thlahlel lutuk lo deuhva.

**PU K.LALRINLIANA** :

Pu Speaker, Hortoki ah khan Gas kha lo hmu hhuak teuh ta ila, khangte kha power ah kan generate thei ang em? tih a kha kan zawt belh ve duh a ni

**PU ZORAMTHANGA  
CHIEF MINISTER**

Pu Speaker, 12 % a kha Pu Duha han sawi kan member zahawm tak Pu Duha han sawi a kha, Megha watt 60, 12 % chu a tlem ang reng khawp mai a.

Amaherawhchu, Mega Watt 2 pawh hian an en zau ve khawp a. Mega Watt 3 hian a tlang dung leh a District te deuh hi chu tuna kan hman ang mai hi chuan a en ania. Uiawm tham tak mai ania. Amaherawhchu, tin, a principle hrim hrimah kan rama tui an rawn khuap a, mi dang zawng zawng ina a fee an lo lak vek, keini la lko bik nih a kha chu tlawm pawh a tlawm thlak lutuk a. Tin, anmahni'n khawi avang khan an duh loh phah tak tak kan ring lova. An duh chuan pawisa zawng zawng neitu anh nia, grant leh system chi hrang hrangin tunah pawh an rawn rawtna chu, hemi LCPR lawr atangin power lam atang hian, hemi ami tur a hi telh ta ila, Mizoram hmingin hetah hian ti ta ila a tha lawm ni? an ti a. E ni e, amaerawhchu, kan chanvo dang a kha khawi atang khanin min cut vek chuanin LCPR ah khan chan kan neilo dah ang e, khami ni lo khan Additional in ni rawh se kan tia. Chutiang chuan, kan aw chho zel a. Hei hi chu tih puitlin hram hram pawh kan tum a ni.

Tin, Tuivai Project ah te pawh khan nakinah a lo kal chhoh hunah khan Power hi chu mihring kan pung zel a. Kan mamawhna a sang zel a, Delhi ringawt pawh khuan India rawn in an han ti a. Tunah hian Megawatt Nuai chu an mamawh belh ani. Chu chu anih avangin khulamah tuikhuahna a awm tawh bawk si lova, Power hralhna lam a hi chu a problem lo khawp mai e tih leh a ka han sawi duh bawk ania.

Tin, kan member zahawm tak Pu Rintea rawn sawiah khan hemi Geologist ho pawh in a min advice chu hei, Gas leh Oil Mizoramah a tam si a, kan la chhuak ngei dawn mai a. In ngaihtuahnaah awm sela kan duh a chu, gas hi a pipeline siam a harsa si a. Tin, hetah a tawihchhuahna tur a kha a buaithlak si chuan tam deuh mai chu, awlsam taka tih dan chu Power Generation siam ula, Power ah tah chguan Gas in khu Tripura te pawhin nasa lutukin an siam a. Hetiang hian electric in thawi chhuak chur chur mai ula, chu chu a awl ber ang an ti a. E a ni dawn e kan ti a. Chu chu an mi advice ania. A lo thlen hunah chuan khalam a kha chu khawvel hmun dang pawh in an tihdan ania. Kan tih tur tha tak anih pawh ka ring bawk a ni.

Tin, hemi kan power generation chungchang thu a heta kan tui khuah tur chi hrang hrangte pawh kha, a dang a te pawh khan kan survey a, kan en chho ve leh reng a. Amaerawchu, mipuite tibuai tam lo, hemi compensation leh mipuite ram tibuai lo tur ang chi a kha han zawn hram hram pawh kan tum e tih kha kan sawi nisela.

Tichuan, a dawt lehah. Tin, heta kan member zahawm tak Pu Suama ni ta in ka hria a, pawisa in va dah tlem ve tih laia kha. Power Deptt. hi kan dah tlem deuh hlek a, amaherawhchu, kan project puia hi Central lam atanga pawisa la tam kha thei deuha hi chu khang kha chu a minimum in kan han dah sak a, kan power Deptt. pawh an vui nang nang viau a, amarawhcu, ngawi rawh u, tam-kum ania, kawng chi hrang hrangin priority te pawh

kan tih a ngai a. Nangni zawng phai lam atanga project hnuklut tam thei pawl kan ni ang chu maw tiin helaia hi kan han ti a.

PWD erawh kha chu nikum lama kan project thenkhat a pawisa tiliantu, kan zawh tawh sia khan kha khan a amount a titlem a, hemi a sun theih keini ina financial a ti lawm kan han tih earmarked lohah hi chuan PWD in roads and bridges ah te phei kha chuanin nuai 500 laiin kumin hi an nei tam zawk e. Nikum lama earmarked sector a mi chhonzawm ngai tawh lo leh kan n zawh tawh thenkhatte avang khan khang khan a amount a chu a hnuk hniam e tih kha kan sawi leh duh a. Tin, PWD ah hian kawng chungchang thuaah te chuan sawi tur tam tak a awm ang a, leihlawn a hmasain leihlawn kha ....ni e... a problem hi a har khawp a. State hian leihlawn han dawh ngawt NEC lam ani emaw, anih loh leh khutah central Ministry hrang hrang atangin emaw kan dil loh chuan leihlawn hi a iron tel a nih avangin keimahn state plan fund ngawt hi chuanin kan tlin lo va, kan zuk ti a, hei hi a tlangpui thu in siam tumin an rawn intan chho mek a, an siam zawh tawh tam tak a awm a. Kan siam mek a awm a, siam tura hmachhawp pawh tam tak a awm a.

Tah hian, a list pawh hi kan nei v e teuh mai a. Leihlawn dawh lamah chuan...hei leidawh tawh list a hi chu sawm leh leh pakhat...eng eng emaw kha a tlar tha teuh va...chhiar vek chuan a rei lutuk ang a, dawhmekah khanin - Ngengpui, Tlawng, Aibawk, Darlung, Phullen, Phuaibuangah, Tuikum, Chhingchhip, Hmuntha road ah, Tuisa, Khawlbem, Vaikhawtlangah, Lungmuat lei, W.Serzawl, Tlawng, Haulawng, Lunglei road ah Vanva, Thenzawl, Lunglei road ah chite lui Aizawl bypass ah tihte kha kan nei neuh neuh a dawhmekah.

Tin, kumin chhunga dawh tur ruahmanah khan, Tuichang, Keitum, N.Vanlaiphai ah, tin, Tuipuibari road ah, Tlawng Bairabi - Zamuang road ah, Teirei Bairabi, Zamuang road ah. Tuivawl Saitual - Phullen road ah Tuirini, Seling-Darlawn road ah, Tlawng Aizawl-Leng-pui road ah, tin, Tut Aizawl - Mamit road ah, khangte leh a dang khuta kan dil lai mek leh anmahni in a kal tam tak pawh kan nei a, khang kha leihlawn hi central sorkar pawhin an rawn ngaipawimawh khawp mai a. Chuvangin hei hi chu tam thei ang bera project chhoh pawh kan tum e.

Tin, insak lamah pawh... kan sak hi a thahnem a, hei kan hmuh tlan vek ania, a tlar thla dul mai a, hengah hianin engpawhnise, hei zawng kan member zahawm tak ten in hmuh leh mipui hriat angin kan sak hi a thahnem a hei kan hmun tlan vek a ni a. A tlar thla duaiah mai a ni a, heng hian engpawhnise kan member zahawm tak ten in hmun leh mipuiin kan hriat tlan a ni a. Han sawi vak pawh ngai loh a ngai ta ila.

Tin, chu loh ah PWD lamah chuan nichina kan hotuten an sawi ang khan kan hna hi a tam sawt khawp mai a. Development a lo sang a, sacntion te a lo tam zel a. Min rawn pek belh zel avangin keimahn pawh kan intilian chho zel a. BRO hi siam ta ila, khawlai hmunah emaw hi chuan an han thawk tha viau a, kan tawng an huat thu suhah a tlangpui thuin vawikhat hetia formation cutting leh hun tih pur pur ah hi chuan an han ti mai a. A hmuah hian, a neitu chan hian beidawn thlak em em mai hian an ti a. Chuvangin helai hi keini chauh a lo ni lo a. North Eastern states dangah te leh State dangah pawh hian



a lo ni a. BRO hi an lo duh lo khawp mai a. Anmahni State PWD in a thlak thei thei chuan an lo thlak vek a, tunah pawh hian Aizawl atanga Tuipang thlenga hemi National Highway kala pawh hi kan han sawi ang khan heta khawi lai emaw a, quarry te pawh kha kan han sawi a khangte pawh kha kan ngai pawimawh em em mai a. Heti hian kawng a lo min a, an han nawr a, tahchuan a tlan leh a, helaia a chhia diak em emaw thing lukham pawh tiat hetia an pawng phei pawh kha labourer  $\frac{3}{4}$  in suahdur leh bawngtuthlawh nena darkar chanve han pai fai theih pawh a khu a ral thlengin kan han nghak emaw tih tawnin kalkawnga changel pawh an kan tawih thak thak e tih ang mai khan kan ti a, chu chu chief engineer hnenah ngat pawh khan kei pawhin labourer kha  $\frac{4}{5}$  kha lo tir ula, ka ti a, ka phone pawh hian CM phone pawh hian eng hi a ang thei lo a, kan thin a rim khawp mai a, a maintain nan pawisa an dawng. Tam si a. Hemi National Highway ah chuan maintain na pawisa awm lo chinchiahn hi mi pek an tum a, maintainna pawisa awm chin National Highway chiah hi anmahniin chan vek an tum a. Chu tak chu keini pawhin tha kan ti lo a. Kan zuk sawi a, Ministry of Road Transport hian kan lo pe ang che u, an ti a, pel turin an ti a, hei hi min pek chuan PWD ah khan a maintai<sup>9</sup>nna pawisa nen a lokal dawn avangin a neitu nen chuan a challenge pawh kan challenge, BRO in an enkawl ai chuan kan enkawl tha ngei ngei ang sum nen chuan tiam pui hi a neituin han lak chhin kan tum a. Hmun thenkhatah khawilaiah emaw an thawhthatna lai chu a lo awm. Nichina member zahawm tak sawi ang khan Kawlcho to Phura leh Tongkolong lam pang side te pawh kha BRTF kha kan ring zawk. Amaerawhchu, PWD in kan lo tenderin kan lo ti laklawh si a, PMGSY kha BRTF kuta awm kha a rei lutuk a, chuvangin PMGYS mai ang kan t|| a, kan to zo te te a, BRTF ni leh rawh se, an ti a, a tum bakah khan a kal hleih theih tawh si lo a, khalai kha kan buaia. Engpawh nise, a mipuiina rin zawk miao si chuan han tih tur leh ila maw ni aw kan ti a. Khami kan kal mek a ni a. Engpawhnise, kan zir chho zel ang a.

Tin, chuloah chuan hei, kan lei te pawh navigable a siam theihna turin saw mi kawlcho kai thlang lampanga tuna Kolodine multimodel project ah te pawh hian PWD lamina an lo survey in sawlai post kha kawng, tui kawng a rawn kal chhoh theihna turin khalaita pawh kha theih tawpin hma kan han la anga. Tin, kan multimodel transport thil kha chu zirtawp lamah sawiho dawn avangin khalama kha chu sawi ngai lo sela.

Tin PMGSY ah pawh hian a buaithlak lai chu a khirh em em mai a. Hei hi a harsa thei ang ber chiin an ti a, tlem tlem chuan an han ti awlsam deuh na a buai chu a buaithlak viau va. Chutichung chuan kan PWD ten an kawng laihchin pawh hi a tam khawp mai a. Nichina kan member zahawm tak ten an han sawi ang khan, Km za tel tam hi kan lai ve tawh a, kan problem erawh chu blak topping pavement ani. Mizorama thawktu infrastructure nei hi kan la awm vak loh avangin kan tender te pawh ni a chhangtu kan hmu lova. Hemi pavement hi chu vawi hnihte kan kan han tender nawnte pawh a ngai a, phai lam atanga thawktu tur zawng rawh u te kan in ti a. Formation cutting hi chu kan ti thei a. Pavement hi chu tlem chuan kan lo harsat deuh a. Hei hi chu tan kan lak a ngai khawp mai.

**ANDREW LALHERLIANA :**

Pu Speaker, an harsatna an sawi, sawi lai khan kan sawi duh a. Hei Contract an pek vela an harsatna leh chu hemi 3 % an lo demand a hi kan member zahawm tak Pu

Khawpuithanga hian thawh hma hian a khawn tlat mai an ti a, a thawh zawh tawh dawn lampamngte hian khuan ta se chuanin a contractor hianin capital kan nei deuh anga kan thawk chak deuh ang an ti a. Kha kha fund 3% in khawn hi a hnu lamah khawn ula a tha lo maw?

**PU ZORAMTHANGA :  
CHIEF MINISTER**

PU Speaker ni e thawhlawm kan khawn hi party chu kan inhre theuh a, khawlawma nung vek kan ni a, Kohhran kan ni emaw pawl kan ni emaw party kan ni emaw. A

bik takin keinih phei chuan kan problem lian ber chu kan marter thlanmuala khu a hautak lutuk a. Chuvangin helaia hi thawhlawm min pe rawh se kan ti a. 3 % te, a then 1 % percent te, percentage pawh kan ti meuh lo, kan han dil a. a then tlem te an rawn thawh a, a thenin tam deuh an thawh a. Kan thawh hi a inang lo zeng zung a, a then chuan an thawh hlei lova, khati khan dik zeta hi chu kan nei mah ila, a petu lam kha chuanin ka tawng an huatthu suh ah pe tam viahin an insawi a mi zingah a dawngtu lam hian kan dawng tlem viau bawk si a. Khalai kara kha, pawn lama ri leh a taka kan dawn tlem si hi a buaithlek lai ve a ni a. Chuvangin khalai a kha.

**PU PP THAWLLA :**

Pu Speaker, Sorkar leh Tuipang inkar kawng kha a chhe bik riau min hriilfiah thei em aw. A solve dan te chu a awm em?

**PU SAILOTHANGA SAILO :**

Pu Speaker, khawngaihni Hortoki kawng bik kha ONGC nen khan engtingge in in negotiate tak? Heleh tur a awm em le?

**PU ZORAMTHANGA :  
CHIEF MINISTER**

Pu Speaker, PWD te nen pek kan ti a. ONGC khan pawisa chu kan thawh mai ang e an tia. Khumi Bairabi kawng lam atanga Pangbal lam atanga lo lut ai khan

Kawnpui atanga Hortoki a chhukthla widening a tih mai kha a awl zawk ang e a an ti deuh a an tia.

**PU SAILOTHANGA SAILO** : Pu Speaker, kha kha a dik a, mahse, khalai a Locality te duh danah chuan Bairabi atang hian lokal thei sela tih kha duhthu a chu kan han sam ve ngawt a. a buaithlak riau kan ti a. Bairabi atang khuan sen tam deuh mahse, han tih hram dan a zawn theih ang em kan la ti deuh talh ani.

**PU ZORAMTHANGA CHIEF MINISTER** : Keini pawn tha kan ti a. Bamboo road kal pangai khu a in Improve mai ang e. Mahse hei lian deuh hlek kan tur a awm a. Khu leihlawn dawh khu kan huphurh ani kan engineer hote nen pawh kan tia. Anmahni khan pawisa kan rawn thawh ang ati tho tho bawk a. Khawi lam lam mah kha pawl kan ti love. A rang thei ang a kha an duh ber chu a ni.

Serkawn - Tuipang kha chu laih zawh thuai tun thalah hian kan in beisei a. Beihpuin kan lo bei ang a. House ah pawh a richhuak meuh ani bawk a kan lo ti dawn nia.

**PU R.LALZIRLIANA** : Pu Speaker, BRO ho kha a formation cutting kha an han ti thei mai a. A hnulam hi an harsat tih in ka lo ngaithla a. PWD prk kha formation cutting Black topping ah khan helaiah ti thei kan awm love. Phailamah kan ngaihtuah a tih kha engeni han sawifah dan deuh kha a awm em?

Tin, I react lo nain I ngaipawhin ka ring a. Keifang bul kha thil pawimawh zet mai ania, quarry Division kha EE te han hrilh a, kar i nawr pawh a ni lova. I han sawi fel thei nghal mai lawm ni?

**PU SAILOTHANGA SAILO** : Pu Speaker, kan House Leader hi a nelawm a, ti mai ila Serkhan-Bagha kha sawi tel dan a awm thei em? Kan va mamawh ve

**PU ZORAMTHANGA CHIEF MINISTER** : Kan theihtawpin Serkhan-Bagha hi chu a lar bawk a, teh pawh kan han tum a, harsatna tlem kan tawK a, hei hi kan hriat ang khan BRTF hote hmalakna tlawh ta deuh ti mai ila, mumal lo kha a ni a NEC load atang khan NEC meeting ah pawh khan NEC Staff leh BRTF ho kha an in chhuahchhal nasa mai a. Chuvangin, khata tanga fello kha a ni a. PWD in kan han rochung leh ta a, kan theihtawpin kha kha chu improve kan lo tum ang e.

**PU ZODINTLUANGA** : Pu Speaker, 2% VAT kha tukin lamah khan kan sawi chhuak a, contractor an pek cement leh VAT item kha bill kha Department thenkhatah chuan bill kha Taxation Department ah te tih tir te a ngai a. Certification kha contractor ten an thil lei hi dawrah VAT te pek vek a ni si a, a double lutuk ang a tih lai kha tihtawp dan kha Taxation lam atangin a chianglo riau. PWD lam atang hian tihfel dan a awm em?

**PU ZORAMTHANGA CHIEF MINISTER** : Kan PWD lam leh Taxation Department te nen kan lo sawiho ang a. A tihfel dante kan lo zawng dawn nia. Nichina kan member zahawmtak ten in sawi BRO hian formation cutting leh black top pawh an ti thei a. A tir vawikhat hi an ti a ni. A hnua enkawl zui hi mikhual chan an chang a, an ngaihsak tawhlo reng reng a. Chu chiah chu kan buaina a ni a. A black topping-ah pawh an ti thei a, anni chu khawl nena thu an ni a, formation cutting leh a tir chu an ti mai thei. Mahse ahnu-a enkawl zuina-ah hian a neitu tak chu kan buaina thin a ni a. Tin, keimahni ah chuan black topping pavement hi chu kan problem tih chu ka sawi a ni. Chuvangin, hei hi chu han improve hram kan tum. Tin, quarry kha chu tuna kan han rilruk dan phei chuan hemi kawngpui quarry hi chu loh theih loh anih chuan la tawhlo ila, engemaw kawng atanga kawng tibuailo tur anihloh chuan. Quarry hi chu mipui tan harsatna a siam hi a nasa lutuk a.

**PU R. LALZIRLIANA** : Mahse, Pu Speaker, khitiangte khi chu an halna hi alo rei lutuk tawh a, tunah hian lung la mahsela kum 10 vel hi chu a che hrim hrim ang tih hi a rinawm a. Chuvang chuan a diversion kha kumkhua-a kal nan pawh ani chuang lova, khalai han tih mai.....

- PU ZORAMTHANGA CHIEF MINISTER** : Khalai kha chu keini pawhin kan sawi a. Tlungvel quarry te, Keifang quarry te chu keini pawhin khalai chu kan lo en ang a, a dik khawp mai a, alo chhiat palh a diversion kha.....
- PU R. LALZIRLIANA** : Tlungvel quarry tepawh en hi a rei deuhin ka hria. Bye-Election dawn khan sanction vek kha a ni a, Campaign lai kha chuan. Tunah hian an la lai mang silova, helai tak te hi bial tupa hian a sawi ngamlo nge ni?
- PU ZORAMTHANGA CHIEF MINISTER** : An thawk tawh a, a thu hrimah Tlungvel quarry khi chu an la nasa vak tawhlo bawk a, khi khi chu tih tawh loh hrim hrim kha a tha in keini mimalah pheh chuan a tha in ka hria. An la tawh vak lo bawk a. A tawntirh lama mimal ina tlem an tih loh khi chu. Hemi a BRTF pheh hi chuan an la tawhlo viau a, anmahni hnenah pawh ka ti a, vawikhat chu an siamtha ve a, mahse kan sawi hnu bawk lo vaklo mahse an ngaihsaklo hrim hrim a, maintain na kha. Kha kha keimahni nen pawh kan han in tih deuh bap bap na lai chu a ni.
- PU LALDUHOMA** : Pu Speaker, contract hi 25% ten an hralh a, tichuan VAT 2% pek alo ngai leh a, MNF Tax 3% pek a lo ngai bawk a. Kei chu corruption a source avanga deduct ka ti mai. Tichuan a vaiin 30% vel senral a lo tul a, 20% vel hlep an lo tum ve leh si ang a, hnathawh na tur a bang a kha a tlem em em tawh mai a, kha ai chuan BRO laih tir kha a la ziaawm zawk lo maw?
- PU ZORAMTHANGA CHIEF MINISTER** : BRO hi Pu Speaker, han pek pawh tum mah ila a duh pawh an duh tawh lo, kan zo lo an ti a, pek han tum pawhin thil tamtak ah chuan anmahni pawh hian kan zo lo an ti ve a ni. Tin, in withdraw an tum tawh zawk a, tuna kan member zahawmtak Pu Duha sawi kha inhralh chhawn te hi a lo awm thin a. Engpawh ina inhralhchhawn kha chu anmahni inkar nise, keinina kan tih chu a kawng quality erawh chu a tha tur a ni. A work quality a that chuan a tha a ni mai a, khami maintain hram hram tum khan estimate leh thildangah pawh kan lo kalpui a ni e.

**PU SAILOTHANGA SAILO** : Pu Speaker, a tawp ber atan khawngaihtakin, bawngtuthlawh cheh khat pawh chek peih lo ho hi chu duhsak vak teh suh u a! Sorkar hian, hengho hi min ti buai a nih hi a!

**PU ZORAMTHANGA CHIEF MINISTER** : Pu Speaker, a dangah GAD lamah khan ka'n kal leh lawk ang a, hemi GAD lamah khan ka'n sawi duh chu hei kan Member zahawmtak Hnahthial bialtu khan Hnahthial

District dil chungchang thu a rawn sawi a, a dik khawp mai a. Amaherawhchu, nichina kan member ten an sawi anga thu sawi hi a tum bung chin lak a, a piah zawmtu a awm loh chuan Bible-ah i eiin i in ang u khai, naktukah kan thi dawn si a tih chin chiah la ila, a piahlam zawmna kan tih loh chuan a distorted in a kal vek thei a. Hnahthial District chungchang thu ah pawh khan keinina kan tih chu a mipui in hmin ve a, hemi a District khat siam thei tur pangngai ina duh thlanna a awm chuan kha kha chu sorkar tan pawh thil tih harsa a ni love kan ti a ni. Ka bat ve che u a nia tiin a tirah pawh khan ka hril a. Haulawng leh hmundangah pawh an han ti a, amaherawhchu duh ang khan an hlawhtling thei bik lova. Constituency khat chauh District pek kha chu tih chi a ni lova, chuvangin, tunah pawh hian sorkar chuan in duh duh in in order thei a lawm, hmanah pawh in tia lawm an han ti a. Mahse, hman ang vek kha a ni tawh law, tunah chuan Hrangchalkawn a Horticulture Office tereuh te pawh kha sawn dawn ila mipui in an duh loh chuan a theih der tawh lova. Chuvang chuan za a za in hei hi duh vek anih loh pawhin a majority khan an tih tlan loh chuan District awm rawh se tih ngawt kha order a kal chi pawh a ni lova. Chuvangin.....

**PU ANDREW LALHERLIANA** : Pu Speaker, khalai kha clarify duh lawk pakhat a awm a. Hnahthial-ah khan i in commit chiah em ni? commitment kha a chiang lo deuhin ka hria a. Khawzawl-ah erawh kha chuan i in commit chiang em em a ni. Khawzawl kha chu pek awm zawk a nia. Kum 10 a kal tawh a, tunah hian district hi re-organise a pahnih/khat hi chu belh leh theih tawh tur ani. Chuvang chuan Khawzawl tepawh kha District Headquarter tura tiam a nihna ang khan, kha kha chu tiam tak tak a nih avang khan a tih theih turah ka beisei tlat a ni.

**PU ZORAMTHANGA CHIEF MINISTER** : Kan Member zahawmtak Pu Zira chuan sawi sela 'Saitualah khan i in commit chiang leh zual a ni' a tih ka ring. A engpawhnise, Hnahthial pawh kha nise, pe dawn che u mah ila, mipui in an duh ve a ngai a. Chu chu a awm a, nangni pawhin in tih ve tur a awm e tih erawh chu chiang takin ka sawi a. Anmahni pawhin an hria a, an theih

tawkin lehlamah pawh an va ti fat fat a. Mahse, mipui kha District a siam tham em in an la tam loh avangin harsatna kan neih tlanna chu a ni e.

Tin, a bialtu MLA hova lokalin nawr pawh min nawr nasa thin a. Hengah hian chuan mipui duhthlanna a ni a, mipuiin helamah hian kan duh e an tih chuan heng hi chu mipui duh dan hi sorkar pawhin kan hnial tak tak thei lova. Mipui duhthlanna a ngai a ni, hna in thawh ve a tul a nih hi, ka lo ti ve thin a. A bialtu leh Hnahthiala kan Committee tepawh khatiang khan ka lo hrih ve reng thin an ni a.

Tin, GAD lamah khutah Mizoram House te kan nei a, Shillong-ah a thar kan sa ve a, quarters nen kan hawng ve thei lek lek tawh a, Kolkatta-ah TATA Cancer Hospital an rawn siamna tur nia kan hriatah khan a engamah hma in a bulah damlo awmna tur kan dil ngawt a, vanneih thlak takin West Bengal in min pe a. Feet 90 bial ang vel niin ka hria a, Feet 80/90 bial vel niawmin ka hria a. A man pawh pek tur an tih ang chin chu kan pe a, kan la pe zo lo deuh hlek a, installment-a pek tur an ti a, kha kha in tan thei tawh mai lawm ni an ti a. 'Ngawi rawh u, a damdawiin pawh din hma-a sak hmasak lutuk kha a ding fal ang a, kan buai zawk ang e' kan ti a. In che rang lutuk deuh min ti a, fiamthu in min sawi sa a, khang tepawh kan nei ve a.

Tin, Delhi-ah Chanakyapuri-ah kan tender ve a, VIP area a ni a, zanah hnathawh a rem dawn lova. Hei hi chu a sakna percentage a san a ngai a nia an ti a. Tender an rawn chhang a, a chhang hniam ber pawhin 80% above kan ngam ngang lova, kan re-tender leh ringawt mai a. A zialo lutuk ang e, kan ti a. Chu chu a pawisa kan dah kumin ami chu kan hmang hleithei ta lova. Thildangah kan hmang ta a, hei kan tender leh ta a, pek theih awma an rawn chhan hram kan beisei tawh a. Chanakyapuri kan thiat sa pawh kan sak theih lawk lohna chu, chu chu a ni e.

Tin, Secretariat thar pawh theihtawpa luah kan tum a, hemi-ah hian hma kan la zel a ni.

Tin, hei Mizoram State Information Commission pawh kha kan rawn sawi a. Khalai kha problem lian kan nei a, engkim min tifaitu tur leh a bottle brush a hawlhfaina brush ber tura kan ngaih kha a brush kha a fai ta lo zawka ngaia sawi nak nak a awm ta hi a vanduai thlak khawp a. Helai hi chu Governor nen pawh theihtawpin kan ti ang a, kan Information Commission te hi Chief Minister leh Opposition Leader nen kan Information Minister te nen kan thlan tlan a ni a, kan tifuh phian maw ka hre lova. Theihtawpa tan lak chu a ngai tlang anih hi maw. Mawh inpek tur vak lah a awm chuang tawh bik lova, engpawhnise theihtawpa tih mam a, rem han ruatpui kan tum ang e.

Tin, IT Department pawh kan siam thar a, a rang thei ang berin kan IT Department kha han function tir a, han constitute chhoh pawh kan tum a ni.

Tin, Medical Re-imburement kha GAD hnuaia han sawi a remchang tho a, khawi a mi nge? Tih kha plan fund-a kan neihsa 50 crore kan dah sa kha hman theih tura kan neih a ni a. Hei hi kan dailoh ram han

dai tam tur mipui chuan kan ni a. Tunah hian offer kan han invite a, an rawn in pe neuh neuh a, chung zinga hniam ber leh ziaawm bera kan official ten an ngaih kha an rawn recommend a, Cabinet pawhin kan han en a, a that dawn hi kan ti a. Keini pawhin kan huphurh khawp mai a, vawikhatna tur mipuiah a ni a. Mahse, theihtawpin tan kan han la ang a, April thla atangin han tan chhoh kan tum a, 1<sup>st</sup> April atanga tih nghal vat vat erawhchu kan pha chiah lo a nih pawhin Damdawiin a lutte chu a effective kha khami a kan refer te chu April nikhat atanga pawisa pek theih tur chuan kan chhawp chho deuh reng reng a. MLA zawng zawng pawh kan luhai tlan a, kan mipuite tawrhna a ni a, kan vai hian min chhawk zangkhai pawh kan ring a ni.

**PU R. LALZIRLIANA** : Pu Speaker, khawngaihin a lawmawm khawp mai a, mahse Ministry of Finance a ADB vision, nimin dar 2 vel thlenga kan thu lo hriat ve ah hian hemi loan lakna tur emaw, engemawni lakna tur kallai hi a awmlo hrim hrim a, an ti a. Chumi chu hemi 50 crore kan lakna tur hi Public Resources and Development Programme atanga dollar maktaduai 150 loan-a kan zuk lakna tur kha, vaibelchhe 50 kha heta tanga dah kha niin alang a. Chumi anih si chuan hei hi proposal stage-a awm chauh a ni a, chuvangin hei hi an la thei dawn nge dawnlo pawh hriat a ni lova. Pek tlak an ni nge nilo pawh hriat a ni lova. Chuvangin, agreement sign hma-in pre agreement .....mission tepawh lo kal tur a ni a, chu pawh chu an lo la kal si lova, khalai kha a khirh deuh avangin duhthawh na avangin hei hi ka rawn sawi a, bawhzui tak tak a ngai deuh a nilo maw?

**PU ZORAMTHANGA CHIEF MINISTER** : Kan member zahawmtak rawn sawi kha a dikna chen a awm a. Keini pawh min la pe si lova, kan ti a. Mahse Planning Commission, Planning min pe tu ber khan heta tang hian kan pe che u an ti tlat si a.

Planning Commission in ka pe che u min ti tlat si a. Sanction-a kan plan-ah khan min rin luh sak a, pek tura min tih chuan Pu Montek Singh ka ringhlel che han tih chi a ni tawh si lova. Ziakin min pe thlap bawk si a, kan ti ngam ang maw kan ti a. Ti ngam ang an ti a. Min pek tlat avangin kan ti a. Tin, hei hi alo kal rihlo anih pawhin kan plan fund dang ami hi khami alo kal huna tih turin kan dah mai ang. Tin, a awmlo anih pawhin kan mipuite ta tur chu non-plan atang pawhin kan ti hrim hrim ang. Tin, Planning Commission hian dawt min hrilh ka ring lova, Asian Development Bank hian 150 crore hi finance ministry leh ADB in an remti tawh a, a chan sawmna tur process chauh kha a ni tuna mi chu. Chuvangin, Pute berina zia k nena min pek thlap a lo ti rawh u an tih te chuan rinhlel vanga tih loh ngawt kha chu tih chiah kan ngai lo a ni. Kan ring ngam ani, Delhi Planning Commission kha.

Tin, a hnunung berah chuan.....



**PU LALDUHOMA**

: Pu Speaker, khalaiah khan khati chin chauh kha min hrilh zel mai a. Damlo khan cheng engzat chin nge a lak theih ang? Amah mimal khan a thawh ve a ngai em? Engzah nge ngai ang? Sorkar khan khami 50 crore atang khan a thawh tur ai kha in thawh sak dawn nge tih lai chho kha sawi hi a la awm reng reng lo mai a. Kan blind lutuk a ni. Tin, Refer case te han tih khan Reffered case chauh a nih kha chuan mipui hrim hrim, damlo ve tan khan a huap vek dawn lo em ni?

**PU ZORAMTHANGA  
MINISTER**

: Pu Speaker, kha kha, nia keini pawh mipui te hriat tur leh leh kan member te hria tur hian kan la thehdarh loh avangin a finalna sa detail kha Cabinet in kan en tur lai la awm kha a nih avang khan a ziak nen khan kan la thehdarh lova. Cabinet in a ti tu tur kan approved tawh a. Pawisa pawh kan approved a, tikhan kan tifel vek a tuna kan ngaihtuah mek chu khami kha a ceiling pawh kan siam a. Chhung khatin family khatin kum khatah nuai khat, lakh 1 chin kha an entittle, a ceiling a kan dah a ni a. Tin, hospitalised an ni tur a ni. Chu lo tuallai ami mai mai ni lovin hospitalised an nih chuan hospital bill atang khan pek tur a kan tih a ni a. Tin, mipui hian thawh ve se tih kha keimahni pawh kan in hriat nak nak a. Kumin te chu thawh li mai sela, an ti a. Mahse, a principle in Asian Development Bank te leh phai lam ami te pawhin mipui contribution hi a hming tala a awm loh chuan thirfianna barh ringawt chu kan rilru kan intihchhiat theih avangin enggemaw a tam emaw a tem emaw chu BPL leh BPL lo a hranga tiin enggemaw zat kha chu kan ti deuh a. Tin, nakin zelah pawh a that kan ring a. Amaherawhchu, phurrit thleng lo tur chin erawh chuan chulaiah chuan rate erawh chu fix lovin keimahni a zat tur kha chu en turah kan ngai a. Kha kha a zat tur chu Cabinet in en turah kan la dah rih a ni.

Tichuan, Pu Speaker, ka department a ni chiah lo nain kan hotu tena kan sawi tam ber pakhat, sport lama Assam Rifle thil kha han sawifiah lawk ka duh a. Helai Assam Rifle Ground hi thil pawimawh tak leh serious tak mai a ni a. Hmundang pawh kan han ti thin tak na a. Sawmi Ground mipuiin kan satisfy na ber a ni tlat mai a. Tunah pawh hian final inkhel leh thil pawimawh reng reng chu field lian zawk leh zau zawk alawm Mualpuiah zu inkhel rawh u ti ila, an satisfy lo em em mai a ni. Kohhran thiltih pawimawh a awm dawn pawhin, chapchar kut a awm pawhin pawl tinrengin kan tihna tur reng reng hi, a tha zawk alawm. Ramhlun field ah va ti rawh u, Bridgde a ah va ti rawh u ti ila, min satisfy lo reng reng a. AR Ground hi a ni lo thei lo mai a ni. Chuvangin kan siam tha thei lo a nih pawhin hman tho tho a nih avangin. Hetah hi chuan a theih hram chuan improve duhin keini pawhin pawimawhna kan nei a ni. Tunah hian Mualpui hi lo chei ta pawh ni ila, eng anga tha pawhin ti ila chapchar kut, Republic Day, Independence Day, Kohhran pawimawh function reng reng hi hmang dawn ila, Mualpuiah an kal chuang lovang a. AR Ground ah tho tho hian kan nei dawn si a. Chuvangin tih hram hi tha kan ti a. Hei hi kan hotu te chuan tun hma

atengin in hre chiang zawk ang a. Assam Rifle pawh phur ber an ni ve a. Nitin zantin kan inhman tawm tho tho a. Chhe deuh a awm ai chuan siamthat an duh a. Chuvangin, tunhmain a chhuat zawng zawng laih a nih pawhin a sira Pavillion enna siam a nih pawhin phur takin kan ti tlang a, Assam Rifle te nen ti khan. Tun saw kan thleng ani. Chuvangin pawisa hman tur min han pek taka 25 crore lai kan neih takah khan anni pawhin phur takin i siam ang u an ti a, Committee kan siama, anmahni pawh an tela an phur em em a ni. Problem kan nei ngai lo reng reng a ni. Tichuan Local Commander heta an Dy. Director te, an Commandant te, an Director General of Assam Rifle, Shillong ami te pawh an phur tlang vek a ni. D.G. hmasa Bupendra Singh a phei kha chuan nangmahni hian hei hi lak law law dante pawh hi ngaihtuah ula a tha asin mawle. Ngawirawh hei kan intawm tho tho a, inchhuah hma hi chuan in ta ani emaw kan ta ani emaw tktin zantin kan intawm tho tho a, thuhmun vek alawm siamthat tum ila kan tia, ani tak e, an tia. Tichuan Bupindar Singh Lt. General AR Diretor General hmasa pawh te nen, tin, Dy. Director hmasa te nen heta Commandant te nen inlunguala inbe thiam a inhrethiam veka he project pawisa lo awm hian kal kan ni. Tichuan, Committee ah pawh khan an tel vek a, Project kan siama kha ngawi rawh u a lian lutuk hetia anih chuan a zo lovang a ram thlengin a zo lova tiin te deuh hlek han siam a. Chuvangin, kan neih chin 25 crore hian Eastern side a a pavillion tal hi a siamthat theih anih hi a dang chu phasa manner in kan kalpui thei a nih hi kan tia kan Member zahawm tak Pu Andrew rawn sawi ang khan vawikhatah khan a daih chu nei ila kan duh a. Amarawhchu Finance Commission in min pek hi 25 crore anih avangin khami avang khan a dang chu an pe pawh lovang a a tawp ang tih chu kan ring hauh lova hetiangah chuan. Chuvangin Eastern side ah khan ti ang ula, hetah huan herni a hmasa bawra hi a tih theih a kan ti a. Chumi atan chuan kan aw in kan endawn tum hian thingpui a lo lum a, thingpui alo thawh a. December ni 1 tuk khan ka la chhinchhiah renga chu helaia Chhatisgarh atanga kan sipai lo thi ta te ruang kan hmuah dawn zing kha ania. Kan lo ruat laklawh si a, tichuan zing karah kan va en ta a. A Commandant pawh phur takin helai hi a tha ang an tia kan Sport Minister, te hnenah phei chuan kan hnenah pawh i ti thuai thuai ang e an tia a phur berah atang ani. Chuvangin Assam Rifle hian englai mahin an object ngai tun hma atengin a phur ber an ni. Chuvangin, khalai ah khan-----nen kan pawt a, kei pawh lehlam vuanin khumi chin khu a theih a nih khu a dang pakhat mah tibuai lovin hei a theih vek hi kan tia. Kan aw tlang a annih leh tiang khan lo tender rawh u tiin kan Engineer te leh midangte hnenah kan pe a, chu chu a kaldan a ni a. Tichuan, khami hnu khan Assam Rifle Director General thar Paramjit a kha ah awm ta a. Kha kha lehkha kha kum 4 hnu lai te hi insawn nan angaih dawn avangin kha khan lehkha kha kum 4 hnu laite insawinawn a ngaih dawn avngin chumi hma chu lo khawih suh u tiin Chief Secretary hnenah lehkha an rawn thawn te thut mai a, mai mai ka ti a, ka zuk telephone dawn a Shillong a awm kha chhuti a la a Delhi ah a kal a. Phone turin ka bei nasa a, a hoten an hlau si a a telephone ka connect tha thei lawk lova. A tawpah chuan kan in connect ta a. Hei ka lo zin dawn a treatment la in tah chuan inbia ang ka ti a. A tak takin inbia ang. Telephone ah chuan sawifiah theih ani love ka ti a. Tichuan anih leh i sawifel ang aw, chutia tih chi ani miah lo ani a. Tender nen kan in chhawp chho vek tawh ania ka ti a. Tichuan inrinni zanah ka thleng a. Chawlhni zingah kan sawi dun ngat a. Ngawiteh, a hriat pawh ka hre lo, khilam khi kal pawh ka la kal lova, ka rawn hmuh loh chuan sawi ngaihna ka hre lo ani ati a. Anih leh han kal la, kar khat hnu ah chuan ka lo chhuak ve mai ang a Aizawl ah kan en dun dawn nia ka ti. I lo chhuah hma in ka kal mai awm mang e a ti a. Ka phone leh chuan rinaiin ka awm rei ta a.

Aizawl a a awm lai tak ani a, an rawn en lai ani a, hei kan en vek ang kan ti a. kha kha keini pawhin kan nghak a ni.

Hetah hian thil pakhat ka sawi duh chu Assam Rifle hian englamahin an object ngailo Commandant pawh phur takin a awm a. Dy. Director heta an Brigadier pawh a phur em em ani. Director General thar hian a hriat pawh a hre lo object turin. Tin, Home Ministry ah ti dawn ila. Home Secy. In a hriat pawh a hre lo Minister hian a awmzia a hre lo ngaihtuah pawh a ngaihtuah lo. Chuvangin hei hi pawh kan tihna chu Assam Rifle ho object a nilo tih hi kan chiang a. Khati laia Director General hnenah objection lehkha a lokal thut hi thulh tir kan tum ani. Thulh tir ngei pawh kan tum a, Zoram hian thulh tir tham niin ka hria. Technical a remlo ni chu nise a awm a, an mahni pawhin common sense pwh a ngaihtuah ila kan field in tawm a kha tuk tin zantin kan in hman tawm a. A enna lai chhe em em kha ngaimawh a hei pawisa kan kan ngah ta, i siam tha ang u aw tih kha aih tih chi ani lo reng reng Aih titlat rawh titu an awm loh chuan tih chu anilo reng reng ani. Common Sense ah pawh.

Chuvangin hei hi chu keipawhin Home Minister hnenah sawi ka tum a. Zoram mipui zahlohna ani. A chhan chu Mizo hming puttir theih pawh kan duh a. He kan lammual zawl pawimawh ber hi kan Mizo mipawimawhte hming put tir pawh kan duh a. Mahse Zoram rawn neiin sanntion tu ti mia ila Pu Rajiv Gandhi te nupa in State min pekna ramah puan anih avangin Pi Sonia Gandhi hnenah pawh nupa in lokal a inpuanna anih avangin kan ti chung chungin in pa hming hi tih kan duh ani ka ti a. Chuvangin Foundation pawh min rawn laih sak ang che kan ti a, ka rawn lay ang e a ti ngat ani. Chu chu tuna hetia pawisa awm a, a local mite Assam Rifle zawng zawng pawh in a rem ti a, 'Aih' tih leh tak thut hi a tha lo khawp mai. Tin, Home Minister hnenah Pi Sonia Gandhi hnenah pawh hian lehkha in ka ziaa ni.

**PU R. LALZIRLIANA** : Pu Speaker, khatiang an nih si chuan Assam Rifle an ni lovang tih kha helaiah hian Assam Rifle hotupa khanin a lehkha-ah khan a rawn ti si a. Khalai kha sawifiah a va tha ve maw le, tu tih nge tih kha ?

**PU ZORAMTHANGA CHIEF MINISTER** : Chu tak chu zawnchhuah a, a kaikuanga chu zawn chhuah a tul reng a ni. Zoram mipui hian....

**PU R. LALZIRLIANA** : Pu Speaker, politics-a in tih mai mai chi a ni lo, he thil hi. Keini te hian kan duh em em. Chuvang chuan hetiang hi inpuhna chi a nilo hrim hrim, zawn chhuah a ngai hrim hrim.

**PU ZORAMTHANGA CHIEF MINISTER** : Tumah ka puh lo, tu tih nge ka hre lo hrim hrim. Amaherawhchu, ka hriat chin chu Assam Rifle Director General hian.....

**PU LALRINLIANA SAILO** : Assam Rifle Director hian keini tehlul pawh kan leng a, thingpui min pe a. A hminga MLA te, Miniser te phei chu an welcome lutuk ringawt. Tin, helaia Commandant hi a thu lo lutuk. Contract-ah pawh pek theihna a neilo reng reng. Rs. 1/- pek theihna pawh a nei lo reng reng. Director General vek. Kei pawh Assam Rifle contractor thin ka ni a, chuang chuan hei hi politics a lak chi a nilova, keini pawh kan tang ang.

**PU ZORAMTHANGA CHIEF MINISTER** : Pu Speaker, a lawmawm e, kha kha kan vaia kan tih kha kan duh reng a ni.

**PU ANDREW LALHERLIANA** : Pu Speaker, zawhna dang deuh hlek, khalam pang zawng nilo deuh kha crore 25 kan hmu in tih kha 12<sup>th</sup> Finance Commission Report-ah kha chuan a awm va mai a, mahse kan member zahawmtak Pu Zodintluanga zawhna han chhiar thlak khan engmah, khami a earmark mai niawm tak khan a ni a. A sanctioned-na tak tak kha la awmlo ang khan a inziak tlat mai a. Chu chu kan lo hriat dan hi a diklo nge ni a, a dik, min hrihfiyah nan a remchang viauin ka ring a. Heta pawisa earmark hi la thei turah anmahni sanction approval zuk la leh tur hian Detail Project Report te engkim mai nena zuk thehthlak a ngai hrim hrim a ni lawm maw ni le? Chumi tello chuan a hrim hrima helaia mi thenkhat ten rindan an neih chu a diklo mai thei. Pu Speaker, a chhan zui atan khan Election Gimmink a ang deuh hlek mang e an tihna lai tak kha a ni a. Chutiang anih loh chuan pawisa hi a awm tak tak turin engchen nge hun a duh ang. Unstarred Question ah hian sanction ala awmlo ang khanin a lang tlat mai.

**PU ZORAMTHANGA CHIEF MINISTER** : Pu Speaker, 12<sup>th</sup> Finance Commission in min pek a ni a, hei hi lapse theilo a ni a, chuangin nikuma dah pawh kha kan hmanloh chuan a kal chho zel a ni. Tunah

hian sanction pawh kan Minister zahawmtakin a tih ang khan crore 4 chuanga lo kal tawh hrim hrim a ni. Chuvangin, kan UC nena kha kha chu lokal zel tur a ni. Sanction pawh a awm tawh e.

**PU ANDREW LALHERLIANA :** Pu Speaker, kha kha ka ringhlel tihna nilovin Starred Question zawhna an rawn chhanna-ah hian official te hi an va han fimkhur lo em em ve. Hemi tak hi he House zahlohna hi a ni hial a ni. Han chhiar ngat mah ila hei hi chu engmah la hmuhloh angin a sawi tlat mai. Tunah khanin i sawi bawk si a, tuna i sawi leh kan Starred Question chhanna kha a in millo tlat.

**PU LALCHHANDAMA RALTE :** Pu Speaker, khalai kha a dik chiah a. Pu Zodinluanga nena kan zawhna intawmah khan sanction kha la hmuhloh ang khan 'NIL' kha a rawn pe a. Amaherawhchu, tukin zingah pawh khan kan Sports Minister pawhin a'n lek chhuak a. Helaiah pawh A.A tawhna te leh thil engkim kan neih tawh, kan utilised na kha a awm a, khalai kha khan engemaw lapse chu a awm niin ka hria, a awma ka hriat avanga zawt ka ni a, khalai kha khan 'NIL' kha a rawn ti a ni.

**PU R. LALZIRLIANA :** Pu Speaker, hemi AR Lammual hi chu MNF unaute pawh ramhnuai an awmlai atang tawha hetiang ang Mizo thalaite tana din duh tute vek kan ni a. Vawinah hian Politics-a inchirthehna tur chiah kei ka ngai lova. Director General, Assam Rifle hian engmah a hre lo han tih ang chite emaw, khatiang ang chi kha chu ziak, black & white a kan lo indawr anih tawh te phei chuan hengte chu lo tih tawh dim diam ah hian a tha ka ti khawp mai a. Mihring chu a inang lova, tunah pawh khan diktak chuan heta lehkha a inhmuh hnu pawh khan engatinge sorkar pui ve lem chuan a ram leh felna han zawn hmasak a, kan hotute nena inlo inkawm tawhna te han inhrilhfiah a, tender tepawh kha han tih chuk chuk lova, a hmun remlo chung chung tender han chhuah kher kher tepawh kha a politics ngaihtuahna theu neu tak niin ka hria a. Pawi ka ti a. Chuvangin, helaiah hi chuanin puh tur kan zawng a, puh tur kan hre si lova, khalai kha a ni zawk mah mah lo maw tih kha ka ngaihdan a ni.

**PU LALDUHOMA :** Pu Speaker, helaiah hianin thil sawi ve lawk ka duh a. Hman kuma Commerce Minister Pu Jairam Ramesh lokal tum khan Chief Guest a ni a. Guest of Honour-ah khan min hmang ve a. A thusawi zawh chiah khan ka sawi ve a. Khami ni khan chanchinbu chhuak pawh a awm lova, a hma zana power kan neihloh avang khan. Peace Bonus angin kan rama lui lian pakhat min khuah sak vek ula, senso zawng zawng tum ula, a power chhuak zawng zawng min pe vek bawk ula, hei hi peace bonus present-ah ka

ngen che u a ni tih ka sawi lai khan a thutna atang khan ka sawi lai la la khan a rawn in commit nghal a. Khata audience kal zawng zawng khan kut kan beng a, video in tunah hian hmuh theihin kan kawl tha thlap a. Keini bula sawi kha chu a tak tak lo pawh a ni mai thei a. Mahse changchawi atan chhuanlam atan, nawrzui nan kan ram tan a tha in ka hria a. A tukah Press Conference ah khan an han zawt leh a, kan Vice President ngeiin Editor a nihna angin a zawt a, a thu kha a phet leh ta a. A chhan kan han ngaihtuahin zankhat thil thuah keini hnena commitment a siam kha suttir leh duh an awm a, politic-ah kan that phahna tur anih hlau a tha lo ti an awm a, chumite chuan thurawn an pe tih sawi a awm a, a tuka a hawi her atanga a thu a sut leh dan atang chuan heih rin theih takin thil a awm tawh a.

Chuvangin, tuna kan stadium chungchanga inrinhlelhna hi chhan leh vang tha awm lova politics a in chirhtheh tumna avanga inrinhlelhna siam chawp anih chuan tenawm ka ti a. A tak tak a thil awm, kan House Leader in a hlauhthawn ang hi a awm a nih ngat chuan chu pawh chu tenawm ka ti bawk a. Chuvangin, thudik hi keini Legislature Party chuan hriat kan duh a. A hriat theihna turah hian theihtawp chhuah pawh kan inhuam a. Hriat chhuah ngei pawh i tum teh ang u tih hi ka rawt duh a ni.

**PU ZORAMTHANGA  
CHIEF MINISTER**

: Pu Speaker, ni e, keimahni hian kan duh theuh ang a, Assam Rifle Ground-a Stadium kan improve-a kan tih hi Zoram mipuiin kan mamawh anih avangin kan vaia tan tlan

pawh ngaiin ka hria a. Chuvangin, Director General in a hre lo ka tih kha hemi a stadium a pianphung leh a liamna tur kha a ngaih ka hre lo a ni a, kei chuan tih a ni. Assam Rifle Director hian engmah a hre lo ka tih kha helaia a stadium kal dan nei kha lo awm thar anih avangin phal lova object a han ti tur khan a mik a mak a hrelo reng reng. Ka en phawt loh chuan ka hre lo a ti a. Kha kha a hrelo tia ka sawi kha a ni a. Director General hmasa khan min rem tih sak avanga kal char char kan ni a. A hma zawng zawng pawhin kan sawi ang khan kan siam a, chhuat kan lai a, a dang zawng zawng kan ti a. Chuvang chuan, han ngaihtuahna pangngaiyah pawh nichina ka sawi ang khan kan intawm pangngai chhia hi pawisa kan nei a, i siamtha ang u tih kha, a tukah an insawn dawn emaw, kum 5 an la awm dawn emaw, anni pawhin an hman chhe deuh, fur a ruahsur a dir thuah thuah a, dinna kha kan siam thatna pawisa a awm e, tih kha aih tih tlat kha mi pangngai chuan an tih pawh kan ring lo reng reng a ni. Chuvangin.....

**PU R. LALZIRLIANA**

: Khalai an tihna lai tak kha, Pu Speaker, kan House Leader zahawmtak hian Chief Minister a ni a, hetiang ang thil pawimawh hi chu a tawngka a verbal mai nge ziak in in tih tih kha. Kha kha chu thupui tling deuh zawk chu niawm tak in ka hria.

**PU ZORAMTHANGA  
CHIEF MINISTER**

: Agreement hi kan hriat ang khan Assam Rifle hi an ram possession hi Mizoram

pawhin kan la vek tawh a. Sawtah anni kan pe tawh bawk a. Hetah kan House-ah hemi chhungah hian public ram anih loh chuan tumah mimal ram pek loh tur a ni tiin kan Legislate hnan tawh a ni, Assam Rifle ram hi. Anihna takah chuan chu chu keimahni Mizoram sorkar ta hi a ni tawh a. Chutih lai chuan anni pawhin chhuak mai tur niin sawtah thil a in tintuah laiin concrete building nen an sa tawh a, min rawn ngai chuang reng reng lo. Kha kha chu na pawh kan ti lo. Chuvangin, a hma zawng zawng pawhin kan hriat ang khan pavillion kan siamna leh chhuat kan siamna zawng zawng ah kan ti hova. Agreement sign a ngai, ngailo ti khan kan kal mai a ni. Chuvangin tunah pawh an mahni nen kan ti tlang a, Director General in a remti a, Deputy Director in a remti a, an Commandant in a remti a, kan the tlan vek a kan ti a, he process hi kal a ni a. A hnuah Director General lokal khan a rawn object takah khan chutak chu Home Ministry - ah pawh hei hi a diklo a ni tih pawh sawi kan tum e.

**PU R.LALZIRLIANA :** Pu Speaker, khatiang anga ziak awm si lo kha pawh ka ti a. Keini kan duh em em a tak tak in. Amaerawhchu kan Chief Minister tawng hi Hnahthial mite khan, kha video ah pawh a lang reng a, ava tiam a district kha, Khawzawl pawh a tiam a, Saitual ah pawh a tiam a khatiang ang ti leh miah si lo thei lo te helai a a sawi a sawi hi tunge ring chuang ang. An ti tak tak lo hi a va pawh em.

**PU LALTHANHAWLA :** Pu Speaker, Director General an tih chu tunge influence a, nge ti nge a rawn object tih kha zawh mai khan a va awl sam ve. Amah kha zuk zawh mai kha. Tunge influence ta che ? Hei a hma in lo phal vek tawh a ni si a, hetiang leh kha I rawn ziah leh tak mai tih khan Director General an tih pe chu tupawh nise zawt ila ava chiang mai awm em.

**PU ZORAMTHANGA :  
CHIEF MINISTER** Pu Speaker, kan inkawma engati nge ka tih khan mi hrilh tlai lo a tin ni. A tih pawh kan in ti nasa viau reng ani. Engati nge kan tender hetia kan tih tawh si a; hma a mi Bupender Singh kan ti vek a. Hetiang a i tih ka ti a. A hnu khan Bupendar Singh a D.G hmasa pawh khan a hnu- ah pawh khan a lo leng a ni. Nangnen chuan engkim hi kan ti vek a. Assam Rifle hian kan object ngai reng reng lo. Engati nge an hre lo a ni, enga ti nge ni? an ti a.

**PU ZODINTLUANGA :** Pu Speaker, Assam Rifle hotupa a rawn object na kan tih kha December niin kan hria a. Tender kha tun kum a mi a ni a.

Tender hnu a object a ni lo tih lai a kha min han hrilh fiah the se. An object tawh hnu tender chhuah a ni lawm ni.

**PU ZORAMTHANGA  
CHIEF MINISTER**

: Pu Speaker, a hma daih atanga kan process kal chho zel a ni a. Chuvangin hei hi chu tender turin ka ti a ni. Kei pawh in lo tender rawh u kan ti a ni. Chuvangin kha lehkha kha Chief Minister hnena a pek a kha kei pawh in ka hmu ve leh enga ti nge hei hi i rawn tih si ti a ka zuk zawh chawt na chhan chu a ni. Chuvangin a ni pawh in ngawi rawh kan han enfiah ve dawn nia a ti a ni. A ni pawh a bang bo khawp mai, chumi kan sawi na ah chuan. A enga pawh nise la, Pu Speaker, Zoram mipui in kan mamawh a, leh lama hetia insawn a kha chu lo theih loh a noh chuan pawisa kan chan dawn si chuan a tul a nih te chuan kan ti mai ta lawng. Amaherawhchu he Assam Rifle lammual mi zawng zawng in a nitin a kan mamawh, A hma pawh a kan thawh ho reng reng kan repair ho, tuna hetia repair tih theih lova an kal tur hi chu Aizawl mipui leh zoram mipui tan hian a pawh kan ti tak zet a. Chuvangin tu pawh ho emaw mia ni lovin kan member te pawh hian tan la tlang a India Home Ministry hian hei hi rawn object lo tura kan tih hi tha kan tia.

Heng a association mai ni lo kan member zawng zawng te pawh hi ka sawm che u a ni. Ka weigh ngat pawh hian a tawk lo a nih chuan chuvangin kha lai kha Pu Speaker kan sawi a nih chu. Awle a nih leh ka sawi rei ta em mai a Pu Speaker hi ka demand Legislative Assembly Rs. 7,80,50,000 Governor Rs.10,66,000 Council of Minister Rs.334,90,000 Vigilance Rs.1,35,56,000, Finance 1,23,23,95,000, Planning & Programme Implementation Rs. 36,87,25,000, Power & Electricity 188,90,90,000, Public Work Deptt. 151,25,15,000. A vaiin Vaibelchhe 643,37,91,000 hi he House hian min pass pui turin ka rawn dil e.

**S P E A K E R**

: Awle, Chief Minister zahawm tak Pu Zoramthanga a demand kan sawiho na te windup in pass a han dil a. Heng demand No.1 Legislative Assembly Rs. 7,80,50,000, No.2 Governor Rs.10,60,000, No.3 Council of Minister Rs.3,34,90,000, No.5 Vigilance Rs.1,35,56,000, Finance Rs.1,23,23,95,00, No.14 Planning & Programme Implementation 130,49,10,000, No. 15 G.A.D Rs.36,87,25,000, No.39 P & E Department Rs. 188,90,90,000 leh No. 45 PWD Rs.151,25,15,000. A vaiin Rs. 643,37,91,000 hi remti apiangin Remti ti rawh ule. Remtilo kan awm em? Remtilo kan awm chuan Remtilo ti rawh ule.

Awle, Chief Minister zahawmtak Pu Zoramthanga Demand No. 1,2,3,5,9,14,15,39 leh 45 a vaiin Rs. 643,37,91,000 te hi House in lungual takin a pass ani.

**LEGISLATIVE BUSINESS**



Awle, vawiin atana kan business hnukung ber Legislative Business kan han ngaihtuah ho leh ang a. Hei, kan hriat angin Demand hrang hrang chu kan passed fel ta a. A lawmawm hle mai a. Khang kan passed tak te kha a hman theihna turin Dan siam a ngai leh a. Chu chu budget chahbi tepawh tih hial thin a ni. Tunah Chief Minister zahawmtak Finance changtu Pu Zoramthanga Appropriation (No.3) Bill, 2008 House-ah introduce dil turin ka sawm e.

**PU ZORAMTHANGA  
CHIEF MINISTER** : Pu Speaker, i remtihna leh House remtihna in 'The Mizoram Appropriation (No.3) Bill, 2008' he House-ah introduce ka rawn dil e.

**S P E A K E R** : Awle, kan rem ti em ? Aw, kan remti a, introduce turin i sawm nghal ang.

**PU ZORAMTHANGA  
CHIEF MINISTER** : Pu Speaker, i remtihna leh he House remtihna in The Mizoram Appropriation (No.3) Bill, 2008 he House ah ka rawn introduce e.

**S P E A K E R** : A introduce ta a, a copy kha sem ni se. Kan hriat theuh angin Appropriation Bill hi sawiho kan ti ngai lova. Chuvang chuanin han move sela, pass han dil nghal mai sela a tha ang e. Chief Minister zahawmtak kha Appropriation (No. 3) Bill han move a, pass rawn dil nghal turin ka sawm e.

**PU ZORAMTHANGA  
CHIEF MINISTER** : Pu Speaker, nang pawhin i sawi ang khan kan budget kan sawiho a, a hrang te te a kan pass zawng zawng a belkhawm kha a hman phalna tur a ni ber a. Hei hi kan hriat theuh angin a vaiin vaibelhhe sanghnih zaruk sawmhnih panga nuai thum singruk sanghnih a ni a. Hemi hi hman phalna tur House ina min pek a ngai a. Chu chu Appropriation Bill anihna hi a ni a. Chuvangin hemi hi kan pass tawh kha, hman anih theihna turin phalna dilin he Mizoram Appropriation (No.3) Bill, 2008 hi House hian min pass sak turin ka rawn ngen e.

**S P E A K E R** : Awle, Chief Minister zahawmtak, Finance

changtu in The Mizoram Appropriation (No.3) Bill, 2008 hi pass a rawn dil a. Pass remti apiangin Remti ti ru le. Remtilo kan

awm em? Remtilo kan awm chuan Remtilo ti ru le. Awle, remtilo kan awm lova, The Mizoram Appropriation (No.3) Bill, 2008 chu House in lungruah takin a pass a ni.

Le, tikhan Demand chi hrang hrang kan sawiho te kan lo zo ta a. Vawiina kan Business kan zo ta bawk a. Kan chawlh hma in ka rilruah thil awm han sawi zawk ka duh a. Hei, Bill ni 4 chung kan chai chho dawn a. Hmanni-a Good Friday dawn ni a kan tih ang chi deuha in rem siamna te kha kan nei thei ang em aw tih te ka ngaihtuahna-ah a awm a. Chu chu kan tin darh hnuah hian naktuk zing kalkhawmna-ah emaw kan rilru-ah ngaihtuah zui ni thei ta se chu tha viau mai ang a. Kan Bill neih dan tur nia lang ta chu kha BAC ah pawh khan a tlangpui kan han sawi na a Original Bill 4 leh Amendment Bill 4 kan nei dawn niin a lang a. Tahchuan Original Bill leh Amendment Bill kha lak kawp, nitin lak kawp mai kha kan kal dan tur a nih hmel a. Tin, a theih hram chuan Bill lo lut seniority ang deuh hleka khatia rawn chhawp chhuah kha kan rilru-ah a awm a.

**PU H. RAMMAWI  
MINISTER**

: Pu Speaker, nichina i sawi kha keini Treasury Bench lam atang hi chuan i rawtna kha tha kan ti sa a. Opposition lam atang khan enge an ngaihda?

**S P E A K E R**

: Le, kan chawl tawh rih ang a, ningani 27.3.2008 zing dar 10:30 ah kan thukhawm leh dawn nia.

Sitting is adjourned at 8:30 PM